



Digitized by the Internet Archive
in 2016 with funding from
Getty Research Institute

<https://archive.org/details/speculumamoriset00gint>





S P E C U L U M
AMORIS ET DOLORIS
IN SACRATISSIMO AC DIVINISSIMO
CORDE JESU
INCARNATI, EUCHARISTICI,
ET CRUCIFIXI,
ORBI CHRISTIANO PROPOSITUM:

Et nunc ex occasione Celeberrimæ Congregationis sub Titulo SS. CORDIS
JESU auctoritate Summi Pontificis CLEMENTIS XI. in Ecclesia Cathedrali Augustæ
Vindel. recens erectæ, & per eandem latissimam Dioecesim impolterum propagandæ, per
quingenta Considerationes, totidem Sacra Emblemata æri incisa, Figuras Scripturæ
quàmplurimas, Conceptus prædicabiles, SS. Patrum Sententias, Doctrinas
morales, raras Historias, & pios ad SS. COR JESU
affectus illustratum.

O P U S

Omnibus SS. COR JESU amantibus, prædicantibus,
aut meditantibus apprimè utile ac proficuum.

Cum triplici Indice Considerationum, Rerum memorabilium, & Conciona-
torio, formandis per Annum Concionibus opportuno.

Operâ & Studio

A. R. D. ANTONII GINTHER, SS. Theol. Lic.

Camer. ac Paroch. ad SS. Crucem in Biberbach.

Cum Permissu Superiorum.

EDITIO IV.

AUGUSTÆ VINDELICORUM,

Typis & Sumptibus Hæredum JOANNIS JACOBI LOTTERI, An. MDCCXLIII.



S. PAULUS Apost.

Et Ego, cū venissem ad vos, Fratres, veni non in sublimitate sermonis, aut sapientiæ, annuntians vobis testimonium Christi: non enim judicavi, me scire aliquid inter vos, nisi JESUM Christum, & hunc Crucifixum.

I. *Corinth.* 2, 1.

SERENISSIMO AC REVERENDISSIMO

PRINCIPI

AC

DOMINO, DOMINO

ALEXANDRO
SIGISMUNDO

DEI GRATIA

EPISCOPO AUGUSTANO,
Comiti Palatino Rheni, Bavariae, Juliae,
Cliviae & Montium Duci, Comiti Velden-
tiae, Sponhemiae, Marchiae, Ravenspergae
& Mörsae, Domino in Ravenstein,
&c. &c.

DOMINO, AC PRINCIPI
SUO CLEMENTISSIMO.



SERENISSIME ET REVERENDISSIME DUX AC PRINCEPS!



Immensus DEus ac Sapientissimus totius Universi Architectus, essentiâ Unus, sed Personis Trinus, postquam Macrocosmum, seu Mundum hunc magnum ex nihilo sui produxit, Cœlum Empyreum Intelligentiis, Firmamentum sole, lunâ & stellis, terram autem innumeris pecudibus, aërem pennatis, & mare piscibus replevit, tandem ad creationem Microcosmi seu Hominis (qui parvus Mundus haud immeritò nuncupatur) transivit, quem non ad imaginem duntaxat & similitudinem suam creare placuit, sed & cor ejus sigillatim ac mirâ sapientiâ formavit: *Qui finxit sigillatim corda eorum. Ps. 32, 15.*

Est autem Cor origo vitæ per membra omnia diffusæ, ita, ut sine illo nullum omnino vivere posset, sicut Rex in Regno suo, & Sol inter sidera, sic cor in suo Microcosmo præsidere assolet. Forma ejus pyramidalis est, infernè in cuspidem desinens, quasi parùm ista curet terrena, & in puncto duntaxat attingat: supernè verò cœlum versùs amplum & cavosum existit, ut exinde pleno sinu coelestem influxum recipiat. Motus ejus est assiduus, unde & principium motûs dicitur, dum intra spatium unius quadrantis in homine sano millies pulsus repetit. Duos insuper in se fonticulos continet, in cujus dextro sanguis purissimus generatur, estque fons ille venarum ac sanguinis, quem per omnes arterias protrudit, & quia Cor in perpetuo versatur motu, hinc desumunt Medici, omnem totius corporis sanguinem ad summum intra duarum horarum spatium per circulationem (ut vocant) cor transire, unde novum semper vigorem, incrementum & motus vitales, ne computrescat, recipit. Alter in corde & sinister fonticulus propriè sedes vitæ & respirationis est, in quo spiritus vitales generantur ad conservandum & vivificandum totum hominem. Hinc meritò à Philosophorum principe Cor *primum vivens & ultimum moriens* nuncupatur, quia sedes est animæ, vitæ, voluntatis, amoris, imò & ipsius Dei: & si symbolicè ejus litteras libeat interpretari, COR, juxta Cornelium à Lapide, est *Camera Omnipotentis Regis*.

Verùm ad quid ista enarro, Serenissime ac Reverendissime PRINCEPS? paucis me explico. Cor nostrum Serenitas Tua est, Cor, inquam

D E D I C A T I O.

quam, totius corporis mystici, hoc est, latissimæ ac celeberrimæ tuæ Dioceseos jure merito Serenitatem Tuam appellamus; ab hoc enim Serenissimo Corde nos indigna membra tua non pendemus duntaxat, sed & ab illo omnem nostrum influxum, vigorem & calorem spiritualem, atque assiduum gratiarum motum participamus: *Nos autem populus tuus & oves pascuæ tuæ.* Et si cor Regis ad regendos populos in manu Dei esse dicitur (*Prov. 21, 1.*) ut illud ad arbitrium suum regat atque inflectat: multò magis & Cor tanti Pontificis ac Principis avito Regum & Imperatorum sanguine progenerati, & vices Dei in his terris gerentis, in manu Dei erit, ut illud tum in prosperis & adversis, tum in pace & bello providè regat, atque gubernet, & contra quoscunque hostiles tueatur assultus. Proinde non abs re dictum illud Cornelii Tuo Serenissimo Cordi adscribimus: *Camera Omnipotentis Regis.*

Plus dico. Enimverò placuit Divinæ Majestati Suæ Serenitatem Tuam sibi in peculiare instrumentum deligere, per quod honor ac debitus cultus Sacratissimi ac Divinissimi CORDIS JESU, Eucharistici & Crucifixi, non tantum in Ecclesia tua Principali, sed & per universam amplissimam Dioecesin Augustanam maximo animarum emolumento etiam inter ipsos medios belli tumultus mirificè propagaretur. Non equidem ignoro, quòd olim DEUS T. O. M. in omni sacrificio cor seu pectusculum sibi reservârit, quod Aaron summus sacerdos in altum elevatum Deo consecrabat, & sic consecratum in partes Sacerdotis cedebat: *Sacrificabis illud elevatum coram Domino, & cedet in partem tuam. Exod. 29, 26.* O fortunate PRINCEPS! Elevâsti SS. COR JESU Tuo Exemplo, Tuâ Authoritate, Tuâ Munificentia, quod nunc longè meliori jure in partem tuam optimam cedit, quam nemo amplius à Serenitate Tua tollet in æternum; verè *optimam partem elegisti.*

Et si quondam Fernandus Lusitaniæ Rex (ut author est Typotius L. 1. symb.) pro suo familiari symbolo duo corda habuit, videlicet SS. COR JESU faucium ac ferro crudeliter perfossam, & juxta hoc divinissimum Cor ex parte læva cor suum sine vulnere collocatum, cum inscripto lemmate: *Cur non utrumque?* Per quod Emblemata prudentissimus Rex se ipsum in adversis solebat animare, ut cuncta, quæ in hac mortali vita possunt accidere, eò generosiore animo perferret, si SS. COR JESU vulneratum

DEDICATIO.

intueretur. Sic PRINCEPS Serenissime, videtur & mihi Serenissimum Cor Tuum juxta SS. COR JESU, velut signaculum collocatum, cum prædicto lemmate: *Cur non utrumque?* Hinc ex consideratione hujus dulcissimi CORDIS JESU in hoc luctuoso bello omnem temporalem jacturam æquo semper ac generosissimo animo tulisti, forte posteris, nobisque omnibus præbens exemplum, quomodo pariter in omni fortuna semper cor nostrum cum SS. CORDE JESU oporteat esse conjunctissimum.

Et hoc est, Serenissime PRINCEPS, quod me ad hunc Tractatum de SS. CORDE JESU scribendum commovit, quem nunc omni jure Tuæ Serenitati in omni humilitate & subjectione transcribo. Excipe igitur Clementissime DOMINE, viles has meas lucubrationes illo benignissimo vultu, quo jam Anno 1685. Romæ in Aula Innocentii XI. Pont. Max. me indignissimum ac subjectissimum servulum tuum beâsti, à quo Summo Christi in his terris Vicario tuâ, quâ jam tunc pollebas, Principali authoritate, pro Ecclesia Sanctissimi ac Thaumaturgi Crucifixi in Biberbach (in quo Templo & primum fundamentalem lapidem ponere dignatus es) plura SS. Martyrum Corpora cum aliis Pontificis gratiis felicissimè impetrâsti, pro qua summa gratia Tuæ Serenitati in æternum manebo obstrictissimus, DEum bonorum omnium largitorem humilibus votis quotidie exorans, quatenus Serenitatem Tuam pro sua gloria, Ecclesiæ incremento, & Serenissimæ Domûs Tuæperpetuo ornamento adhuc diu diutissimè conservet incolumem. Vive igitur COR nostrum! Vive Principum Sidus, ævi nostri Decus, Virtutis & Pietatis asylum! Vive, & in SS. CORDE JESU, tanquam in centro amoris Tui, Vive.

SERENITATIS TUÆ

*Humillimus, subjectissimus, ac devotissimus
Servus & Capellanus*

ANTONIUS GINTHER,
SS. Theol. Lic. Cam. ac Paroch. ad
SS. Crucem in Biberbach.

APPROBATIO.


PRæfens *Amoris & Doloris Speculum* ab Authore suo eruditè, ze-
losè, ac cum magno devotionis affectu elaboratum, quia non
tantùm fidei orthodoxæ, bonisque moribus non adversatur, sed
& animos in DEI, potissimùm verò in Divinissimi CORDIS JESU
cultum amorémque suaviter inducit, ut in lucem prodeat, omnino di-
gnum censeo. Ex Officio Vicariatûs Augustæ Vindel. 16. Junii 1705.

JO. CASIMIRUS RÖLS, SS. Theol. D.

SS. Can. Licent. Eccl. Cath. Canon.

Capitular. Sereniss. Princip. August.

Consil. Eccles. & in Spirit. Vic. Gen.




CENSURA.

Speculum istud *amoris & doloris* in Sacratissimo ac Divinissimo COR-
DE JESU propositum non solùm ab omni hæresis labe, morúm-
que corruptela purum, & immaculatum, sed & piissimis erudi-
tionibus excultum, utillimum pariter ac amœnissimum, ideóque publicâ
luce dignum censet.

JO. MICHAEL SEMBLER, SS. Theol.

Doctor Reverendiss. ac Sereniss. Princip.

& Episc. August. Consiliar. & Pœnitentiarius.



Ad Benevolum Lectorem & SS. CORDIS JESU Amatorem & Cultorem.

PRimus in orbe pictor, juxta Cantarinum Philodes pastor ovium fuit, qui, cum sole à meridie declinante ovis umbram observâisset, baculo suo, quasi rudi penicillo juxta projectam umbræ ideam prima vice in fabulo ovem illam delineare non infeliciter conatus est, qui exinde ab hac ovis umbra ad alias delineationes, ac tandem ad vivos colores progressus, artem pictoriam invenit. Amice Lector! Pastor ovium pretioso Summi Pastoris sanguine redemptarum, & ego sum, indignusque Plebanus; vidi hætenus SS. COR JESU, Divinissimi illius Agni in Ecclesia Summa & Cathedrali Augustana supra Tabernaculum Sanctissimi ad majorem excitandam fidelium devotionem erga Augustissimum Eucharistiæ Sacramentum publicæ venerationi expositum, quod illustrissimum Serenissimi ac Reverendissimi Principis ac D. D. Ordinarii exemplum mox & aliæ Ecclesiæ subjectæ in hac amplissima ac celeberrima Dioecesi Augustana ultrò secutæ sunt.

Verùm quia nullus Scriptorum hætenus (saltem quantum mihi constat) de hoc SS. CORDE JESU aliquem Tractatum in usum Sacerdotum & Concionatorum conscripsit, amicorum consilio persuasus, & ope Divina fretus, tentavi cum Philode pro imbecillitate ingenii mei hoc Divinissimum COR JESU Incarnati, Eucharistici, & Crucifixi, vel in umbra saltem figurarum & Emblematum depingere, tuæ curæ ac solertiæ nunc relinquens, ut tu prudens Lector illud amabilissimum COR JESU vivis in te & in aliis exprimas ac pingas coloribus. Paravi hîc materiam primam & incultam, tu formam adde: *Ei qui pingere curat*, ait Scriptura, *quæ apta sunt ad ornatum, exquirenda sunt.* 2. Mach. 2. 30.

Et quid, obsecro, dulcius, & ad animarum promovendam salutem utilius & efficacius esse potest, quàm sermocinari ac meditari de Sanctissimo ac Divinissimo CORDE JESU? Quærant alii, quæ sua sunt, quærant suum interesse, *meum ac tuum frigidum illud verbum*, quærant honores, opes, ami-

amicitias, & hujus sæculi voluptates; quæramus nos, amice Lector SS. COR JESU, hîc omnia habemus in uno: *Gazophylacium est bonorum omnium*, ita R. Petrus Damianus: *Pignus futuræ gloriæ*, ita S. Mechtildis: *Paradisus deliciarum*: ita S. Clara: *Lectulus animæ Deum amantis*, ita S. Gertrudis: *Porta, per quam intratur ad vitam*, ita S. Bonaventura: *Orientalis unio unicè unicus*, & *pretii inæstimabilis*, ita S. Franciscus Salesius: *Locus refugii*, ita S. Catharina Senensis: *Vena gratiarum omnium*, ita devotissimus Landspergius; & denique *Centrum divini amoris, omniumque cordium*, ita Venerabilis M. Margaretha Allacoque. Et si Ecclesia illam lanceam, quâ SS. COR JESU quondam transfixum est, adeo in veneratione habet, ut peculiari illam Festo (prout Author est R. P. Hadrianus Lyræus) honoraverit, cur, obsecro, illud Divinissimum ac Sacratissimum COR JESU nullo apud nos dignum sit honore?

Age igitur: quisquis es, benigne Lector, & hunc meum qualem qualem laborem æqui bonique consule, in quo Tractatu non eleganti verborum apparatu & stylo crispato aures tuas titillare, sed potius humili, planâ, ac facili methodo Cor tuum reciproco in SS. Cor Jesu, quod in charitate perpetua dilexit te, ferire studui? *Non enim judicavi, me scire aliquid inter vos, nisi JESUM Christum, & hunc Crucifixum. 1. Cor. 2. 1.* Et si quidem placet iste modicus meus, germanus, ac sincerus mentis conatus, ecce, paratus sum, adjuvante Numine, & vitâ comite, ad plures adhuc similes Tractatus de Christo JESU docente & patiente, nec non de Beata Virgine ac Matre dolorosa MARIA proximè tibi communicandos. De reliquo omnia, quæ in hoc tenui opusculo meo continentur, censuræ Sanctæ Matris Ecclesiæ, *quæ est Columna & Firmamentum Veritatis*, nec non gratioso Superiorum meorum ac Doctorem Virorum judicio humiliter subjicio. Tu interim, optime Lector, vale, & in SS. CORDE JESU vale. O quàm felix tunc eris, si tandem in hoc amabilissimo CORDE Crucifixi JESU, & in dulci ejus amplexu ac osculo cum S. Edmundo & aliis SS. CORDIS JESU amatoribus ultimum poteris efflare spiritum! O quàm felix! Plura Viro sapienti non addo.



INDEX CONSIDERATIONUM.

PARÆNESIS ad Sodales Congregationis.

Consideratio I.

SS. COR JESU Liber Electorum est, in quo totum pondus scientiæ & meditationis nostræ vertitur.

Consideratio II.

SS. Cor Jesu inflammatum apparet, ut ignem charitatis erga SS. Eucharistiam & passionem suam denuo in cordibus nostris accendat.

Consideratio III.

SS. Cor Jesu Speculum est virtutum omnium, quod nos sæpius oportet inspicere, ut maculas animæ emendemus, & virtutem sectemur.

Consideratio IV.

SS. Cor Jesu perfectissimi amoris exemplar jam à primo vitæ suæ momento nobis extitit.

Consideratio V.

SS. Cordis Jesu in utero materno per novem menses inclusi, vita & actio, crux & passio consideratur.

Consideratio VI.

SS. Cordis Jesu Amor expenditur, nunc à Virgine in lucem nati, in pauperrimo præsepio ab illa reclinati.

Consideratio VII.

SS. Cor Jesu mox à nativitate sua opus redemptionis nostræ & patiendo, & exemplo docendo incipit.

Consideratio VIII.

SS. Cordis Jesu amor & dolor in circumcissione explicatur, in qua DEO Patri pro salute nostra primitias Sanguinis sui exsolvit.

Consideratio IX.

SS. Cor & Nomen Jesu, utrumque scutum est inexpugnabile contra omnes hostium insultus.

Con-

Index Considerationum.

Consideratio X.

SS. Cor JEsu paupertatis amantissimum, relicto auro & thure, à Magis oblato, solam sibi Myrrham reservavit.

Consideratio XI.

SS. Cor JEsu sub typo Agni Matutini se primò Patri in templo pro peccatis totius mundi in victimam offert.

Consideratio XII.

SS. Cordis JEsu Amor & Passio consideratur, à facie Herodis in Ægyptum fugientis, & cædi SS. Innocentium intimè condolentis.

Consideratio XIII.

SS. Cor JEsu ex omnibus obedientissimum consideratur, & in vita tum privata, tum publica ad labores promptissimum.

Consideratio XIV.

SS. Cor JEsu licèt mitissimum, honoris tamen divini, in templo erga Patrem promovendi, zelosissimum fuit.

Consideratio XV.

SS. Cor JEsu etiam cùm iratum ob demerita nostra nobis videtur, misericordiæ tamen suæ recordabitur.

Consideratio XVI.

SS. Cor JEsu ex omnibus benevolentissimum ac sincerissimum, in quo peccatores omnes veniam & gratiam possunt invenire.

Consideratio XVII.

SS. Cor JEsu puteus aquarum viventium, ad quem Samaritana, hoc est, peccatrix anima gratiam & salutem consequitur.

Consideratio XVIII.

SS. Cor JEsu verum salutis ostium, per quod securè ac prosperè possimus intrare ad vitam æternam.

Consideratio XIX.

SS. Cordi JEsu salutis nostræ sitientissimo pro animæ lucro omnis labor levis & dolor dulcis videbatur.

Consideratio XX.

SS. Cor JEsu, amatoris nostri maximi, tanquam optimum objectum cordis nostri meditationi præfigitur.

Index Considerationum.

Consideratio XXI.

SS. Cor JESU usque in finem nos diligens, parem quoque amorem & Dei & proximi à corde nostro requirit.

Consideratio XXII.

SS. Cor JESU propter scelera nostra attritum, cor quoque contritum & humiliatum à nobis exigit.

Consideratio XXIII.

SS. Cor JESU ex omnibus amabilissimum est, cujus immensa charitas præsertim ex institutione SS. Eucharistiæ mirè elucet.

Consideratio XXIV.

SS. Cordis JESU singularis effectus fuit institutio SS. Sacrificii altaris, quod prorsus idem est cum Sacrificio aræ crucis.

Consideratio XXV.

SS. Cor JESU ex omnibus purissimum, purum quoque cor à nobis requirit, præsertim in administratione & susceptione SS. Eucharistiæ.

Consideratio XXVI.

SS. Cor JESU prævidit omnes injurias, sibi in SS. Eucharistia inferendas, & tamen amor vicit, & instituit.

Consideratio XXVII.

SS. Cor JESU Eucharistici ab indignè cum Juda communicantibus summâ injuriâ afficitur, & de novo in mortem traditur.

Consideratio XXVIII.

SS. Cor JESU Eucharistici est verus ille Cypri Botrus in torculari amoris & crucis in salutem sitientium animarum expressus.

Consideratio XXIX.

SS. Cor JESU Eucharistici & Patientis est verus thesaurus absconditus omnium gratiarum & benedictionum.

Consideratio XXX.

SS. Cor JESU Eucharistici & Patientis nostra idea proposita est, ad quam omnis nostra actio & intentio dirigatur.

Index Considerationum.

Consideratio XXXI.

SS. Cor JESU hortum sibi eligit, in quo in oratione ad DEum effunditur, & ob peccata nostra usque ad mortem tristatur.

Consideratio XXXII.

SS. Cor JESU cum voluntate Patris semper conjunctissimum, hinc unicè cor nostrum ad divinam voluntatem paratum esse desiderat.

Consideratio XXXIII.

SS. Cor JESU in horto olivario in sanguineum imbrem sese diffundit, ut nostras eluat peccatorum maculas.

Consideratio XXXIV.

SS. Cor JESU nil magis averfatur, quàm propriam cordis nostri voluntatem, unde eam acerbè in Petro castigat.

Consideratio XXXV.

SS. Cor JESU patientissimum, & in cruenta flagella, ut nos ab æternis redimeret flagellis, paratissimum.

Consideratio XXXVI.

SS. Cor JESU per omnem vitam in se spineam coronam portavit: in passione verò etiam sacrum caput Ipinis redimitum fuit.

Consideratio XXXVII.

SS. Cor JESU consideratur, imposito funesto crucis patibulo, & nostrorum peccatorum pondere gravatum.

Consideratio XXXVIII.

In SS. Corde JESU cur Crux implantata cernitur? Et cur ad redimendum orbem non aliud remedium, quàm crucem elegit?

Consideratio XXXIX.

SS. Cor JESU est balsamum deficientibus, neque vindictam, sed indulgentiam peccatoribus à Patre postulat.

Consideratio XL.

SS. Cor JESU Crucifixi fons est in horto paradisi, irrigans omnem terram, & lætificans civitatem Dei.

Index Considerationum.

Consideratio XLI.

SS. COR JESU vera propitiatio peccatorum, ad quod amandum & colendum omnes hominum status invitantur.

Consideratio XLII.

SS. COR JESU ex omnibus summè pacificum, in cruce pacem universalem coelum inter & terram composuit.

Consideratio XLIII.

SS. COR JESU refugium nostrum & virtus in tempore tribulationis, & munimen forte in tempore tentationis.

Consideratio XLIV.

SS. COR JESU centrum amoris nostri esse debet, ad quod, tanquam ad metam omnes amoris nostri sagittas dirigamus.

Consideratio XLV.

SS. COR JESU Magnes cordium humanorum, cor quoque nostrum sibi exposcit cum omnibus affectibus præbendum.

Consideratio XLVI.

SS. COR JESU verum regenerationis Lavacrum, in quo anima à peccatis purgata in vitam regeneratur æternam.

Consideratio XLVII.

SS. COR JESU infirmorum salus, & vita morientium, in quo dulce est vivere, ac tandem securum mori.

Consideratio XLVIII.

SS. COR JESU Spes summa animarum purgantium, idcirco post mortem aperiri voluit, ut mortuum mortuis prodesset.

Consideratio XLIX.

SS. COR JESU justis ac piis in Judicio summum solatium, injustis verò, qui per illud intrare noluerunt, summus terror erit.

Consideratio L.

SS. COR JESU ingens Angelorum, omniumque Sanctorum gaudium, & paradus animarum deliciosissimus.

EPILOGUS.

SS. COR JESU omnibus fidelibus Christianis universale & ultimum in vita & in morte perfugium.



INDEX

CONCIONATORIUS.

In Dominicas & Festa per Annum.

Dominica I. Adventûs.

Respicite, & levate capita vestra, quoniam appropinquat redemptio vestra. Luc. 21, 28.

Duplex est Adventus Christi, quem nunc celebrat S. Mater Ecclesia, primus fuit in carne, dum pro nobis Homo factus est. Secundus erit in judicio, cum judicabit orbem terræ. De primo adventu si vis differere, consule NB. hîc Considerationem 4. totam. Si de secundo? vide Confid. 49. de S.S. Corde JEsu. Quod piis tunc summo solatio, impiis summo terrori erit.

Dominica II. Adventûs.

Joannes cum audisset in vinculis opera Christi. Matth. 11, 2.

SS. Cor JEsu etiam in carcere & in vinculis uteri materni per novem illos menses inclusum, salutem nostram operabatur. Conf. 4. tota.

Dominica III. Adventûs.

Tu quis es? Joan. 1, 19.

Si ignoras te ô homo Christiane, quinam sis? Ecce præsento tibi speculum minimè fallax, SS. Cor JEsu, intueri illud, ut nævos tuos corrigas. Conf. 3. tota.

Dominica IV. Adventûs.

Prædicans baptismum pœnitentiæ in remissionem peccatorum. Luc.

3, 3.

SS. Cor Jesu ob scelera nostra attritum, cor quoque nostrum à nobis requirit contritum & humiliatum. Conf. 22. tota.

Dominica infra Octavam Nativit. Christi.

Ecce positus est hic in signum, cui contradicetur. Luc. 2, 34.

Hoc signum à Simeone prævisum, crux fuit, quod SS. Cor Jesu jam tunc & à primo conceptionis suæ instanti desponsavit sibi, & jugiter in se portavit. Conf. 7. tota.

Dominica I. post Epiph.

Et erat subditus illis. Luc. 2, 51.

SS. Cor Jesu ex omnibus obedientissimum fuit, atque ad labores à juventute usque ad mortem crucis promptissimum. Conf. 13. tota.

Dominica II. post Epiph.

Vinum non habent. Joan. 2, 3.

Felices nos, qui conqueri non possumus? *Vinum non habemus.* En SS. Cor Jesu verè Botrus Cypri in solatium omnium expressus, nobis suavissimum consolationis vinum præbet. Conf. 28. tota.

Dominica III. post Epiph.

Domine si vis, potes me mundare? Matth. c. 8. v. 2.

Quàm prudenter egit ille leprosus, quòd cor suum voluntati Divinæ penitus subjecerit, quia SS. Cor Jesu nil magis averfatur, quàm propriam cordis nostri voluntatem. Conf. 34. tota.

Dominica IV. post Epiph.

Et ecce motus magnus factus est in mari. Matth. 8, 24.

Omnia in hoc mundo sunt instabilia & periculis plena, quæramus ergo securum refugium & munimen in tempore tribulationis & tentationis, quod est SS. Cor Jesu. Conf. 43. tota.

Dominica V. post Epiph.

Qui seminat bonum semen in agro suo. Matth. 11, 24.

Bonum semen in agro est bona intentio in agro cordis, quam, ut actiones nostræ apud DEum sint meritoria; & optatum fructum afferant, oportet juxta ideam SS. Cordis JESU ad cor Patris dirigere. Conf. 30. tota.

Dominica VI. post Epiph.

Fit arbor, ita ut volucres cœli veniant, & habitent in ramis ejus. Matth. 13, 32.

Granum Sinapis minimum quidem est ex seminibus, cum autem crescens fit arbor, commune refugium avibus fieri assolet. Sanctiss. COR JESU verè minimum granum sinapis in utero materno fuit, tandem excrevit in arborem, omnibus peccatoribus præbens tutum refugium. Conf. 16. tota.

Dominica Septuagesimæ.

Dicit illis: ite & vos in vineam meam. Matth. 20, 7.

Quis non miretur summam hodierni Patrisfamilias clementiam, dum omnes tam benignè ad vineam suam invitavit. Ad Sanctiss. COR

JESU, tanquam ad veram salutis vineam omnes peccatores & hominum status invitantur. Confid. 41.

Dominica Sexagesimæ.

Et aliud cecidit inter spinas. Luc. 8, 7.

Bonum semen inter spinas est Sanctiss. COR JESU spinis per omnem vitam circumdatum. Confid. 36.

Dom. Quinquagesimæ.

Et illudetur, & flagellabitur, & postquam flagellaverint, occident eum. Luc. 18, 32.

Bis hodie Salvator mentionem de flagellatione fecit, ut mundanorum stulta gaudia refrænaret, supra quod S. Bernardus: *Non Filium Dei rursus flagellemus per delectationem peccati.* Vide de Sanctiss. Corde JESU, quæ ac quanta sustinuerit tormenta per flagellationem. Confid. 35.

Dom. I. Quadragesimæ.

JESUS ductus est in desertum à spiritu. Matth. 4, 1.

Sanctiss. Cor JESU, antequam ad Evangelicam prædicationem se accingeret, prius in deserto per 40. dies in oratione mentali se exercuit, nobis forte per hoc exemplum præbens,

bens, quomodo utiliter de hoc Sanctiss. Corde Jesu possimus meditari. Confid. 20.

Dom. II. Quadragesimæ.

Ecce apparuerunt illis Moyses & Elias cum eo loquentes. Matth. 17, 3.

Qualem inter se discursum habuerint Jesus, Moyses & Elias, declarat S. Lucas: *Dicebant excessum ejus, quem completurus erat in Jerusalem. Luc. 9, 31.* Hoc est: loquebantur de passione, angustiis & tormentis Sanctiss. Cordis Jesu, ubi commodè poteris agere de tristitia continua Sanctiss. Cordis Jesu, ac præsertim de illa, ubi in horto passioni initium dedit. Confid. 31.

Dom. III. Quadragesimæ.

Et cum venerit, inveniet eam scopis mundatam & ornatam. Luc. 12, 25.

Bene mundandum est cor illud, quod Deum suum ac vivum Sanctiss. COR Jesu in Sanctiss. Eucharistia desiderat accipere. Conf. 25. tota.

Dom. IV. Quadragesimæ.

Accepit ergo Jesus panes, & cum gratias egisset, distribuit discumbentibus. Jo. 6, 11.

Majus benevolentiae & divini in nos amoris signum ac pignus Sanctiss. Cor Jesu exhibere nobis non potuisset, quàm cum in Sanctiss. Eucharistia se ipsum nobis in cibum & potum reliquit. Confid. 23.

Dom. Passionis.

Tulerunt ergo lapides, ut jacerent in eum. Joan. 8, 59.

Judæi quondam ut Moysen lapidarent, jam accincti erant. Exod. 17. Hodie ut Christum lapidarent, pariter Judæi paratos se sistebant, en typum illorum, qui indignè communicant, hi in veritate Sanctiss. COR Jesu de novo lapidant, & in mortem tradunt. Confid. 27.

Dominica Palmarum.

Ecce Rex tuus venit tibi mansuetus. Matth. 21.

Mirabiles elationes maris, sed longè mirabilius Sanctiss. Cor Jesu, verè mare omnium gratiarum, quod, licèt præviderit omnes injurias sibi in Sanctiss. Eucharistia usque ad finem mundi inferendas, tamen amor vicit & instituit. Conf. 26.

Pro Coena Domini.

Et factus est sudor ejus sicut guttæ sanguinis decurrentis in terram. Luc. 22, 44.

Cùm Christum Judæi ad sepulchrum Lazari lacrymantem vidissent, intra se dicebant: *Ecce quomodo amabat eum!* Vide Jesum tuum in horto olivario hodie non ex oculis solùm sed etiam omnibus corporis membris sanguineas lacrymas fundentem, & collige exinde, quomodo Sanctiss. Cor Jesu amaverit te. Confid. 33. tota.

In die Parasceves.

Crucifixerunt eum. Matth. 27, 35.

O cruentum, ô lugubre, ô inauditum spectaculum Deus tuus amore tui Crucifixus. Confid. 36. cur SS. Cor Jesu pro redemptione mundi crucem elegerit, Vel Confid. 37. de bajulatione crucis.

Dominica Resurrectionis.

Surrexit, non est hic. Marc. 16, 6.

O quàm immensum erat gaudium omnium tum Angelorum, tum Beatarum animarum, dum in Christo SS. Vulnera glorificata ac præser-

tim apertum Sacratissimum Cor ejus in illa gloriosa resurrectione intuiti sunt. Confid. 50.

Dominica in Albis.

Ostendit eis manus & latus. Jo. 20, 20.

Solent generosi Victores dilectis amicis suis accepta in prælio vulnera ostendere, ut ex illorum intuitu de trophæo lætentur, & ad paria audenda animentur. Sic Christus dilectis Discipulis suis manus ac pedes perforatos ac præsertim Sanctiss. COR suum vulneratum monstravit, in quo divino lavacro & Thomam incredulum in novam vitam regeneravit. Confid. 46.

Dom. 2. post Pascha.

Bonus Pastor animam suam dat pro ovibus suis. Joan. 10, 11.

En veri Pastoris ideam in Christo Jesu, dum non tantum vitam, sed & ultimam Sanguinis stillam ex Sacratiss. Corde suo pro salute animarum obtulit. Confid. 19. tota

Dom. 3. post Pascha.

Quid est hoc, quod dicit nobis modicum? Joan. 16, 18.

Omnia in hoc mundo sunt vana, fluxa, & modica, præter amare DEum, & quem misit Filium suum D. N. JESum Christum, cujus SS. Cor Deificatum pro centro amoris nobis proponitur. Confid. 44. tota.

Dom. 4. post Pascha.

Tristitia implevit cor vestrum. Jo. 16, 6.

Carolus V. alioquin Vir strenuissimus cunctis artubus contremiscebatur, cum ad arma conclamaretur, verum ubi pugnae initium datum est, ut leo pugnavit. Sic SS. Cor JESu ante cruentam pugnam sibi timere visum est, &c. ubi plura de tristitia hujus SS. Cordis. Conf. 31. n. 4. &c.

Dom. 5. post Pascha.

Si quid petieritis Patrem in nomine meo, dabit vobis. Jo. 16, 23.

Elias cum in coelum aëreum raperetur, Elisæo dixit: *Postula, quod vis, ut faciam tibi, antequam tollar.* 4. Reg. 2. Hoc idem hodie ante ascensum suum Christus suis Discipulis intimavit: *Usque modo non petistis quidquam in nomine meo, petite, & accipietis.* O quam be-

ne conveniunt SS. Nomen & Cor JESu, si illud Patri in oratione nostra offeramus? Conf. 9.

Dom. 6. post Pascha.

Sed hæc locutus sum vobis, ut, cum venerit hora, eorum reminiscimini. Jo. 15.

Recordatio seu reflexio mentis magnam vim seu ad bonum seu ad malum habet, hinc monet hodie Veritas, ut eorum reminiscamur, quæ ipsa toties nobis prædixit, in quem finem Sanctiss. Cor JESu nobis pro libro sæpius legendo proponitur. Conf. 1.

Dominica Pentecostes.

Pacem meam relinquo vobis. Joan. 14.

Quod Spiritus Sanctus sit Amor Patris & Filii, de fide est, hinc osculum inter utrumque, hinc & pax nostra, quam nobis promeruit Sanctiss. Cor JESu. Confid. 42.

Dom. 1. post Pent.

hoc est:

In Festo SS. Trinitatis.

Ex ipso, & per ipsum, & in ipso sunt omnia. Rom. 11.

Plura

Plura SS. Trinitatis sunt symbola : Iris tricolor, Sol, Oculus, Trifolium, triangulum, ovum, ac præsertim Cor nostrum, quod trinum & unum est; Pingue, si placet, in mensâ cretâ cor tuum, & exinde per medium illius digito duc lineam, & habebis Trinum & Unum. Hinc merito Sanctiss. Cor Jesu Sanctiss. Trinitatis palatium appellatur. Vide plura de natura cordis in Dedicatione & Præfatione.

Dom. 2. post Pent.

Homo quidam fecit cœnam magnam.
Luc. 14, 16.

Ad cœnam magnam te hodie invito, Anima Christiana! magna est, quia à magno Deo & Homine Christo præparata, magna, quia infiniti & immensi pretii est; magna, quia ferculis instructa pretiosissimis, Corpore videlicet, Animâ & Divinitate Christi, in qua etiam Sanctiss. COR suum nobis in escam proponit: O prodigium amoris! O quàm magna igitur requiritur præparatio ad hanc cœnam magnam! Confid. 23. & sequent.

Dom. 3. post Pent.

Quia hic peccatores recipit. Luc.
15, 2.

O mitissimum COR Jesu! in hoc tuam Omnipotentiam quam maxime manifestare soles, quòd peccatores & titiones inferni in Seraphinos transmutes, quia in veritate cor contritum & humiliatum non despicis. Confid. 22.

Dom. 4. post Pent.

Cum turbæ irruerent in eum. Luc.
5, 1.

Si Christus hodie pecunias in populum coniecisset, si taurum integrum assum, si panes, si vinum album & rubrum, si pannum ad vestes, si alia utensilia populo distribuisset, (prout Anno 1690 Augustæ Vind. in Electione & Coronatione Josephi I. Rom. Regis præsentem spectavimus) non equidem mirarer, quòd tanta populi multitudo in eum irruisset; Et quæ causa tanti accursus? Ecce Sanctiss. COR JESU Magnes amoris fuit, &c. Confid. 45. tota.

Dom. 5. post Pent.

Vade prius reconciliari fratri tuo.
Matth. 5, 23.

Errare humanum, sed in malo & in odio perseverare, prorsus diabolicum est, unde monet Apostolus,

lus, Ephes. 4, 26. *Sol non occidat super iracundiam vestram, & hodie Christus: Si ergo offers munus tuum ad altare, & ibi recordatus fueris, quòd frater tuus habet aliquid adversum te, relinque ibi munus tuum, & vade prius reconciliari fratri tuo.* Exemplum habes luculentissimum à Sanctiss. Corde Jesu, quomodo ignoscendum & condonandum sit omnibus ex corde. Confid. 39.

Dom. 6. post Pent.

Misereor super turbam. Marc. 8, 2.

Vide, & considera mitissimum COR Jesu, quomodo alienis compatiatur miseriis, verè *misericors & miserator Dominus, escam dedit timentibus se.* Ps. 102. Sed ad escam & panem requiritur & haustus; En Sanctiss. COR Jesu fons est & puteus aquarum viventium, bibite ex eo omnes. Confid. 17. & 40.

Dom. 7. post. Pent.

Qui facit voluntatem Patris mei, qui in cœlis est, ipse intrabit in regnum cœlorum. Matth. 7, 21.

Non nostra, sed Dei voluntas in omnibus adimplenda est, hinc Da-

vid oravit: *Doce me facere voluntatem tuam.* Ps. 142. Hanc veritatem, ex qua salus nostra dependet, hodie à Sanctiss. CORDE Jesu cum Patris voluntate semper conjunctissimo addiscamus. Conf. 32.

Dom. 8. post Pent.

Facite vobis amicos. Luc. 16, 9.

Rectè Ecclesiasticus cap. 6. v. 14. *Amicus fidelis, protectio fortis, qui autem invenit illum, invenit thesaurum.* Nullus autem amicus fidelior & fortior est, quàm Sanctiss. COR Jesu, qui hoc Diviniss. COR invenit, in veritate pretiosissimum reperit thesaurum. Confid. 29.

Dom. 9. post Pent.

Videns civitatem, flevit super illam. Luc. 19, 41.

Agar deflevit filium suum Ismaël in deserto morientem, David filium suum Absalonem in quercu suspensum & occisum, Jeremias vastitatem Populi Judaici, &c. Et hodie Christus deflet civitatem Jerusalem, & simul inter misericordes lacrymas ei interitum comminatur: *Venient dies in te, &c.* O dulcissimum

num COR JESU! etiam cum iratum nobis videris, tamen misericordiae tuae recordaberis. Conf. 15. tota.

Dom. 10. post Pent.

Duo homines ascendebant in templum, ut orarent. Luc. 18, 10.

Licet in omni loco bonum sit orare, specialiter tamen sibi Deus templum elegit, in quo à nobis coli, & in spiritu adorari desiderat, hinc Salomoni dixit: *Sanctificavi domum hanc, quam aedificasti, ut ponerem Nomen meum ibi in sempiternum, & erunt oculi mei & Cor meum ibi cunctis diebus.* 3. Reg. 9, 3. Vide, quali zelo & Sanctiss. COR JESU honorem templi zelaverit, de quo Confid. 14. tota.

Dom. 11. post Pent.

Et suspiciens in caelum, ingemuit. Marci. 7, 34.

Josaphat, cum in gravi necessitate esset constitutus, populum adhortatus est, ut intentionem suam ad DEum unicè dirigeret: *Cum ignoremus, inquit, quid agere debeamus, hoc solum habemus residui, ut oculos nostros dirigamus ad te.* 2. Paral. 20, 12. Hoc hodie & Christus fecit: *Et suspiciens*

in caelum, ingemuit. Supra quod B. Albertus Mag. in Marcum. *Docet nos ad caelum dirigere intentiones nostras, cum aliquid volumus impetrare.* Imitemur & nos hoc pulcherrimum Christi exemplum, & ad illius Divinissimum Cor omnem nostram intentionem & actionem dirigamus. Confid. 30. tota.

Dom. 12. post Pent.

Diliges Dominum Deum tuum ex toto corde & proximum, sicut teipsum. Luc. 10, 27.

Hodie Christus perfectissimam ad caelum viam ostendit, dum Legisperito, scripturam de dilectione Dei & proximi proponenti, benignè annuit: *Recte respondisti*, in his enim duobus mandatis universa lex pendet, *& plenitudo legis est dilectio.* Rom. 13, 10. Hoc non tantum docuit, sed & fecit Sanctiss. Cor JESU. Confid. 21. tota.

Dom. 13. post Pent.

Mundati sunt. Luc. 16, 14.

Quemadmodum lepra hominem foetidum facit, sanis intolerabilem & civiliter mortuum, ita peccatum hominem foetidum facit, justis abominabilem, & Deo spiritualiter
(d) mor-

mortuum : sed benignus Dominus ac Redemptor noster Sanctiss. Cor suum in salutare regenerationis lavacrum ordinavit, in quo à peccati lepra anima poterit de novo purgari. Confid. 46.

Dom. 14. post Pent.

*Quærite ergo primùm regnum Dei
& justitiam ejus. Matth. 6, 33.*

Nihil in hoc mundo animam nostram satiare potest, nisi solus DEUS, qui solus finaliter est quærendus, unde tritum illud S. Augustini : *Crea-
sti nos Domine ad te, & inquietum
est Cor nostrum, donec requiescat in
te.* In hunc finem Sanctiss. COR
Jesu consulamus, quod est verum
salutis ostium, per quod ad illud
beatitudinis regnum securè possu-
mus intrare. Confid. 18.

Dom. 15. post Pent.

*Ecce defunctus efferebatur. Luc.
7, 12.*

En finem deliciarum, opum & honorum ! Effertur hodie ad sepulchrum quis ? Filius unicus, & unigenitus Matris suæ, dives juven-
culus, & in pulcherrimo annorum
flore constitutus : O mors, quàm
amara est memoria tua ! Olim mors,

dum homines per plures centurias
annorum vivebant, per orbem pe-
des circumibat : *Ante faciem ejus
ibit mors.* Habac. 3, 5. Sed nunc
in novo testamento à S. Joanne vi-
sa est in equo pallido per orbem
viam suam accelerare : *Ecce equus
pallidus, & qui sedebat super eum,
nomen illi mors.* Apoc. 6, 8. Ca-
ve, quisquis es, nec horâ nec mo-
mento securus vivis, &c. Si ergo
desideras bonam mortem ac feli-
cem sortem, cole Sanctiss. COR
Jesu, quod est tuta salus ac vita mo-
rientium. Confid. 47. tota.

Dom. 16. post Pent.

*Et ecce, homo quidam hydropicus
erat ante illum. Luc. 14, 2.*

Pereleganter observat in hodie-
rum Evangelium Venerabilis Beda,
quòd proprium sit hydropici, quan-
tò magis abundat humore inordi-
nato, tantò eum ampliùs fitire ; sic
nihil in hoc mundo immundo no-
stram poterit explere sitim, proinde
alius fons est quærendus, qui in
medio paradisi exortus est, totàm-
que lætificat civitatem Dei, hoc est
Sanctiss. COR Jesu. Confid. 40.

Dom. 17. post Pent.

*Diliges Dominum DEum tuum, ex
toto corde tuo. Matth. 22, 37.*

Quia

Quid retribuam Domino pro omnibus, quæ retribuit mihi? dicebat quondam Vates Regius (Ps. 115, 12.) me de post foetantes accepit in servum sibi, & in Regem inunxit, tot victoriis me cumulavit, è tot vitæ periculis misericorditer eripuit, ingentibus divitiis locupletavit, vitam hucusquè conservavit, neque, dum in præsentissimo æternæ damnationis statu versabar, me à facie sua projecit, &c. Quid ergo Domino ac DEO meo dignum retribuam? Audi responsum: *Præbe, fili mi, cor tuum mihi.* Prov. 23. hoc est, quod à nobis requirit DEUS: *Diliges.* Et in hunc finem, ut ignem charitatis in nobis denuo accenderet, dilectus animæ nostræ Sponsus Sanctiss. COR suum totum inflammatum nuper ostendere voluit. Confid. 2.

Dom. 18. post Pent.

Confide fili, remittuntur tibi peccata tua Matth. 9, 2.

Admirabatur quondam Joab supremus militiæ Dux nimiam Davidis mansuetudinem, dum illi in faciem objecit: *Diligis odientes te.* 2. Reg. 19, 6. Quid non dixisset, si immensam illam hodie spectasset Sanctissimi CORDIS JESU mansue-

tudinem, dum hominem peccatorem & paralyticum filium vocavit; *Confide Fili?* O quantum hoc debet esse solatium omnibus in hac mortali vita afflictis & tribulatis, imò & peccatoribus! O miseri! ite, ite ad mansuetissimum COR JESU, & invenietis requiem animabus vestris. Confid. 16. & 42.

Dom. 19. post Pent.

Mittite eum in tenebras exteriores.

Matth. 22, 13.

Hodiernus impudentissimus Conviva, quia in regalibus illis nuptiis non habuit vestes nuptiales, (hoc est: quia fidem quidem habuit, sed bonis operibus destitutus fuit) absque ulla misericordia in tenebras exteriores, & in æternum damnationis barathrum projectus est. Felices econtra sunt illæ animæ, quæ igni purganti à Divina Justitia ad tempus adjudicantur, quarum spes summa redemptionis Sanctiss. COR JESU esse solet. Confid. 48.

Dom. 20. post Pent.

Incipiebat enim mori. Jo. 4, 27.

Cosmophile! quid aliud vita tua est, quàm continuus cursus ad mortem? Velis, nolis, moriendum tibi est,
(d 2) est,

est, & aliò migrandum: *Statutum est hominibus semel mori, & post hoc iudicium.* Hebr. 9, 27. Quare ergo non maturè in rem tuam vigilas? Si bene mori desideras, cur ergo tam malè vivis? Eja, anime mi, evigila tandem à peccati lethargo, & ad Sanctiss. COR JESU in cruce pro salute tua morientis festina; En, ostendit tibi Sacratissimum Cor suum, in quo dulce est vivere, & securum mori. Confid. 43. & 47.

Dom. 21. post Pent.

Qui debebat ei decem millia talenta. Matth. 18, 24.

O quantum debitum, *decem millia talenta*, O quantum debitum! Supra quod Cornelius à Lapide hunc computum facit, quòd exacto calculo juxta Hebraica talenta servus ille Domino suo centum viginti miliones scutorum debuerit exsolvere. O quantum debitum! Sed tu, O peccator! nec minus fortasse debitum per peccata tua apud DEum contraxisti, & quomodo poteris esse solvendo? Ecce, ostendo tibi thesaurum planè immensum, Sanctiss. COR JESU, quod solum est condignum pretium ad tua, & totius mundi solvenda debita. Confid. 29. vel 41.

Dom. 22. post Pentecosten.

Reddite ergo, quæ sunt Cæsaris, Cæsari, & quæ sunt Dei, Deo. Matth. 22, 21.

Quomodo possimus reddere Cæsari, quæ sunt Cæsaris, & Deo, quæ sunt Dei, luculentum exemplum in Daniele habemus, qui in Aula Nabuchodonosoris Deo & Regi sine offensa inserviit, quod & primi Christiani tempore S. Pauli in aula Neronis fecerunt, unde de his Apostolus: *Salutant vos omnes Sancti, maximè autem qui de domo Cæsaris sunt.* Phil. 4., 22. Cæsaritimorem debes & tributum: *Custodit te*, ait S. Ambrosius in Lucam, *Princeps tuus ab hostibus, vitam tuam pacatam facit, debes itaque ei pro his tributum.* Et Deo quid debes? Audi, quid à te exigit: *Præbe fili mi cor tuum mihi.* Prov. c. 23. Hoc illi da, & tributum reddidisti. Conf. 45. à Num. 5. & seq.

Dom 23. post Pentecosten.

Et tetigit fimbriam vestimenti ejus. Matth. 9, 20.

Mirantur SS. Patres ingentem hujus infirmæ mulieris fidem, dum fimbriam vestimenti Christi tetigit: *Dum tangit fimbriam Christi*, ait San-

Index Concionatorius.

Sanctus Chrysologus, *tunc Divini Pectoris pulsat arcanum.* Hinc & feliciter impetravit, quod plenâ fide petiit. *Audiant hoc Christiani,* pergit idem Sanctus Doctor serm. 34. *qui quotidie Corpus Christi attingunt, quamnam de ipso Corpore Christi possunt sumere medicinam* &c. Confid. 24. quomodo Sanctiss. Sacrificio missæ assistendum, in quo ipsum Divinissimum COR Jesu Patri æterno per manus Sacerdotum offertur.

Dom. 24. post Pentecosten.

Videbunt Filium Hominis venientem in nubibus cœli cum virtute multa & majestate. Matth. 24, 30.

O quantum solatium & immen-

sum gaudium piis ac justis tunc in supremo erit iudicio Sacratissimum Cor Jesu, qui illud per vitam amârunt, coluerunt & imitati sunt: *His,* inquit Sanctus Antistes Hipp. *copiosa redemptio data est in Vulneribus Jesu Christi Salvatoris nostri* (In Manual. c. 21. 22. 23.) Econtra quantus erit pavor ac tremor impiis ac sceleratis peccatoribus, qui in vita sua mortali per hoc Divinissimum COR Jesu noluerunt intrare! illis ait præfatus Sanctus Præses, *Vulnera demonstraturus est sua, ut convincens eos dicat: Ecce hominem, quem crucifixistis, videtis vulnera, quæ inflixistis, agnoscitis latus, quod pupugistis, quoniam per vos & propter vos apertum est, nec tamen intrare voluistis.* S. Aug. lib. 2. de Symbolo c. 8. Conf. 49. tota.





INDEX CONCIONATORIUS.

pro Festis per Annum.

Festo S. Andreæ Ap.

Salve crux pretiosa! Ita Ecclesia.
Confid. 37. & 38.

Festo S. Nicolai.

Intra in gaudium Domini tui.
Matth. 25. Confid. 50.

Festo Conceptionis B. V.
Mariæ.

De qua natus est JESUS. Matth. 1.
Confid. 4. & 5.

Festo S. Thomæ. Ap.

Mitte manum in Latus meum. Jo.
20. Confid. 41. & 46.

Festo Nativitatis Domini.

Invenietis Infantem pannis involutum. Luc. 2. Confid. 6. & 7.

Festo S. Stephani Proto-
martyris.

Domine ne statuas illis hoc peccatum. Act. 6. Confid. 39.

Festo S. Joannis Evangelistæ.

Recubuit in cœna super pectus ejus.
Jo. 20. Confid. 47.

Festo SS. Innocentium.

Fuge in Ægyptum. Matth. 2. Confid. 12.

Festo Circumcis. Domini.

Ut circumcideretur Puer. Luc. 2.
Confid. 8.

Eodem Festo.

Vocatum est Nomen ejus JESUS.
Luc. 2. Confid. 9.

Festo

Index Concionatorius.

Festo Epiphan. Domini.

Obtulerunt ei myrrham. Matth. 2.
Confid. 10.

Festo S. Sebastiani M.

Positus est hic in signum. Luc. 2.
Confid. 44.

Festo Purificationis B. V.

Ut sisterent eum Domino. Luc. 2.
Confid. 11.

Festo S. Matthiæ Ap.

*Discite à me, quia mitis sum &
humilis Corde. Matth. 11. Conf.*
16.

Festo S. Iosephi.

Ioseph cum esset Vir justus. Matth.
1. Confid. 12. & 19.

Festo Annuntiationis B. V.

Fiat mihi secundum Verbum tuum.
Luc. 1. Confid. 4. & 5.

Festo S. Georgii M.

Ego sum vitis vera. Jo. 15. Conf. 28.

**Festo SS. Philippi & Ja-
cobi Ap.**

Ego sum via, veritas & vita. Jo.
14. Confid. 18.

Festo Inventionis S. Crucis.

Emit agrum illum. Matth. 13.
Confid. 39. & plures alias.

Festo S. Joannis Baptistæ.

Benedictus Dominus DEus Israël.
Luc. 1. Confid. 30.

Festo SS. Petri & Pauli Ap.

Tu es Petrus. Matth. 16. Conf. 34.

Festo Visitationis B. V.

*Unde hoc mihi, ut Mater Domini
mei veniat ad me. Luc. 1. Conf. 5.*

Festo S. Mariæ Magdalenæ.

*Quis est hic, qui etiam peccata di-
mittit? Luc. 7. Conf. 3. & 17.*

Festo S. Jacobi. Ap.

Calicem, quem ego bibiturus sum?
Matth. 20. Conf. 20.

Festo S. Annæ.

*Simile est Regnum Cœlorum Thesau-
ro. Matth. 13. Confid. 29.*

Festo S. Laurentii. M.

*Si mortuum fuerit, multum fru-
ctum affert. Jo. 12. Confid.*
47.

Festo

Index Concionatorius.

Festo Assumptionis B. V.
Optimam partem elegit. Luc. 10.
Confid. 20.

Festo S. Bartholomæi. Ap.
Virtus de illo exhibat, & sanabat omnes. Luc. 6. Confid. 16.

Festo Nativitatis B. V.
Liber generationis JESU Christi. Matth. 1. Conf. 1.

Festo S. Matth. Ap.
Misericordiam volo, & non Sacrificium. Matth. 9. Confid. 19.

Festo S. Michaëlis.
Semper vident faciem Patris mei. Matth. 19. Confid. 50.

Festo Simonis & Judæ Ap.
Hæc mando vobis, ut diligatis invicem. Jo. 15. Confid. 21.

Festo Omnium Sanctorum.
Beati, qui esuriunt & sitiunt justitiam. Matth. 5. Confid. 40. & 50.

**In Commentatione Fide-
lium Animarum.**

In Sanguine testamenti tui emisisti vinctos tuos de lacu. Zachar. 9.
Confid. 48.

Festo S. Martini.
Non sub modio, sed super candelabrum. Luc. 11. Confid. 2.

Festo S. Catharinæ V. M.
Domine, Domine aperi nobis. Matth. 25. Confid. 18.

Festo Dedicationis.
Venit Filius Hominis quærere & saluum facere, quod perierat. Luc. 19. Confid. 19.





PARÆNESIS

Ad CONFRATRES Sanctissimi ac Divinissimi
CORDIS JESU.



Quemadmodum gallina congregat pullos suos sub alas.
Matth. 23, 37.

I. **S**emper fidelis amoris ac felicitis tutelæ Symbolū gallina fuit, dum proles suas præ aliis avibus non tam ferventi amore sub corde suo foveat, quàm & strenuè contra insidiantes hostium incursus protegit. Hoc Symbolum sibi elegit celeberrima illa Confraternitas sub Titulo SS. ac Divinissimi CORDIS JESU, Año à Christo nato 1705. ipso SS. Trinitatis Festo Authoritate Sanctissimi Domini Nostri Clementis XI. Pontificis Maximi, & Serenissimi

(e)

mi

mi ac Reverendiss. D. D. Alexandri Sigismundi, Episcopi Augustani, Comitum Palatini Rheni, Bavarix, Julix, Clivix, & Montium Ducis, &c. in Ecclesia Cathedrali Augustana erecta, & sollemnissimè ibidem instituta, dum pro Scuto Gentilitio exhibet Urbem Augustam, post exantlatas belli calamitates sub umbra ejusdem Divini Cordis placidè quiescentem, cum adjecto Lemmate ex Psalmis Davidicis mutuato :

Pf. 16, 8.

Sub umbra alarum tuarum.

S Aug.
in hunc
loc. & le
Blanc.
hic.

Idem in
Psal. 90.

Per quod Symbolum dicta Confraternitas pulcherrimè alludit ad illud dulcissimum & amabilissimum Cor Domini Servatoris nostri, quod ob amorem nostri non in Cruce duntaxat se exinanivit, & quodammodo evisceravit, sed & in Augustissimo Sacratissimi Corporis & Sanguinis Sacramento inexplicabilis in nos amoris ac mortis suæ memoriale reliquit. Proin S. Augustinus loco illorum verborum: *Sub umbra alarum tuarum protege me*, ita legit: *In munimento charitatis & misericordix tuæ proteges me*, munimentum autem charitatis in CHRISTO JESU nihil aliud est, quàm Divinissimum COR ejus, quod in assidua charitate dilexit nos, & tradidit semetipsum pro nobis: *Omne ergo nostrum*, pergit idem Sanctissimus Antistes, *id est, spem nostram sub alis illius gallinæ ponamus*, dum in sinum & in SS. COR suum omnes vult recipere, & contra quoscunque hostiles tutari incursus. *Et si gallina*, sunt verba ejusdem Ecclesiæ Doctoris, *protegit pullos suos sub alis; quanto magis tu sub alis Dei tutus eris, & adversus diabolum & angelos ejus, quæ aëreæ potestates, tanquam accipitres circumvolitant, ut infirmum pullum auferant?*

Primus, qui huic Confraternitati nomen dedit, ipse altè præfatus Serenissimus Princeps extitit, cujus exemplo permoti cæteri Reverendissimi, Illustrissimi, Prænobiles, Adm. Reverendi, Religiosi, Clarissimi, ac Doctissimi Domini Sacerdotes, & quàm plurimi de Sæcularibus etiã primariis fulgentes dignitatibus, aliisque ex utroque sexu ad plura millia jam excurrentes, cùm se agnoscerent, Sacratiss. CORDI JESU modis infinitis esse obstrictos, elegerunt idem

SS. COR Eucharistici & Crucifixi JESU peculiari amore, religione, ac pietate venerari. Faxit benignus DEUS, ut hoc divinum Sinapis granum, diu sub agro militantis Ecclesiæ absconditum, in amplissimam arborem excrescat, in cujus ramis omnes fideles animæ tutó quiescant.

De Antiquitate hujus Confraternitatis SS. CORDIS JESU.

2. **N**emo autem existimet, hanc Confraternitatem SS. CORDIS JESU, nunc etiam Pontificio oraculo & Indulgentiis stabilitam, novam esse devotionem, hætenus Ecclesiæ DEI incognitam, cum & antiquitate & dignitate cæteras omnes in hoc longè videatur antecellere, quia ab ipso CHRISTO JESU CRUCIFIXO in Calvario jugo fundata, ac tunc potissimùm confirmata est, dum divinissimum COR suum, velut inexhaustum omnium gratiarum & meritorum fontem nobis post mortem suam in pignus sincerissimi in nos amoris legavit, unde mellifluus Bernardus: *Perforatum latus est tuum, ut nobis patefcat introitus: ad hoc vulneratum Cor tuum, ut in illo & in te ab exterioribus perturbationibus absoluti habitare possimus: nihilominus & propterea vulneratum est, ut per vulnus visibile vulnus amoris invisibile videamus.* S. Bern.
cit. à Lyr.
l. 7. c. 1.
f. 539.

Prima cultrix hujus Sacratiss. ac Diviniss. CORDIS JESU B. Virgo MARIA & Mater dolorosa extitit. O quis dicet, quâ animi teneitudine, amore & religione hæc piissima Mater Divinissimum istud COR JESU jam à primo Incarnationis ejus instanti venerata sit, Prophetissa quippe fuit, imò & plus quàm Prophetissa, jam tunc prænoscent hujus SS. CORDIS JESU dolorem & amorem, angustias & cruciatus, passionem & mortem. Heu! quoties hoc suavissimum PECTUSCULUM, pro salute generis humani aliquando crudeli lanceâ transfodiendum, amaris rigavit lacrymis, præsertim quando ex ejus collo pependit Filius, & inter ubera virginea hæsit Parvulus! O quoties tunc ingeminavit: *Fasciculus myrrhæ Dilectus meus mihi, inter ubera mea commorabitur.* Cant. 1,
12.

• Et quid dico de hac afflictissima Matre, cum stans juxta Crucem

Parænesis.

hoc amabilissimum COR Jesu militis ferro transfodi conspicata est? Audi ipsam Virginem ac Matrem tuam ad B. Birgittam loquentem: *Cùm extraheretur lancea, apparuit cuspis ejus rubea, Lib. I. Rev. c. 10. tunc mihi videbatur, quòd quasi Cor meum perfoderetur, cùm vidissem mei Filii Cor charissimi perforatum.*

O si vidissemus eandem afflictissimam Dei Matrem, cùm exanime ac dilaceratum Corpus Jesu de ligno depositum, in sinum suum excepit! Ubi observat S. Germanus, quòd præ vehementia doloris & amoris etiam sanguineis lacrymis hunc Dilectum suum deplorârit, non cessans, Sacratissimum COR ejus piissimis osculis venerari: *Osculabatur, ait idem S. Germanus, P E C T U S lanceâ perforatum, &c. Et Hadrianus Lyræus sic eam loquentem introducit: Sed & P E C T U S sauciatum conspicio, sanctissimum illud Divinitatis Sacrarium dissipavit lancea, quo pretium redemptionis humanæ flueret uberius, sed & Matrem torqueret abundantius: si ne, ab si ne te plenè exosculer, super te caput reclinem, nusquam tutius ac satiùs quieturum,*

Hanc dolorosissimam Dei Matrem comprimis secutus est non degener Filius & dilectus Christi Discipulus S. Joannes, qui non in ultima coena duntaxat super P E C T U S Jesu recubuit, sed & antequam emortuum Corpus ejus tumulo inferretur, recto impetu ad hoc SS. & deificatum COR Jesu, nunc hiulco vulnere referatum, *S. Anselm tract. de pass. & Finetti de pass. f. 815. advolavit, ita S. Anselmus: Tunc accurrens Joannes Evangelista super P E C T U S Jesu plorans, & dicens: heu, heu! de isto P E C T O R E heri potabam dulcia, hodie tristia & lamentabilia, &c. Quem juxta eundem S. Antistitem & Div. Petrus Apostolus secutus est: Tunc Petrus advenit, & quod ipsum negaverat, amarissimè flere cœpit, &c.*

Accessit & Maria Magdalena, quæ cùm præ nimio compatiens animi dolore linguam in voces solvere non posset, Corde ad COR Jesu locuta est: *Subversum est Cor meum in memetipsa, quoniam Thren. I. 20. amaritudine plena sum, dum cruenta Vulnere tua, ac præsertim Divinissimum COR tuum amore mei saucium, O mi Dilecte! in-*

tueor,

tueor, hîc deficit caro mea & Cor meum: *Et factum est cor me-* Ps. 21, 15
um tanquam cera liquefcens, quod indicant oculi, ex quibus co-
 piofi emanant lacrymarum rivuli: *Postea*, sunt verba dolorosæ
 Matris ad Beatam Birgittam: *Maria Magdalena & aliæ sanctæ* Revel. 1. 2.
Mulieres venerunt, nec non etiam multi Angeli sancti, quasi ato- c. 21.
mi solis, affuerunt, obsequium exhibentes Creatori suo &c.

Mitto hîc Nicodemum, & Josephum Arimathæum non tam ge-
 nere quàm virtute Nobiles, Centurionem & Longinum, Mariam
 Jacobi, Salome, Veronicam, Joannam, cæterosque Sanctos, qui
 morienti JESU, & transfixioni illius SS. CORDIS adstiterunt, de qui-
 bus nemo prudens ambigat, quin maximo affectu & sincerâ fide,
 utpote superiori lumine illustrati, SS. Vulnera ac peculiariter SS.
 COR JESU devotissimis osculis ad exemplum Dolorosæ Matris ve-
 nerati sint: quorum vestigiis post gloriosam Christi Resurrectio-
 nem & cæteri Apostoli insistebant, quibus mitissimus orbis Repa-
 rator apparens, non tam manus ac pedes perforatos, quàm & SS.
 COR suum exhibuit: *Ostendit eis manus & latus*: ut sic eos ad Jo. 20,
 amorem reciprocum Divinissimi CORDIS sui non tam invitaret, 20.
 quàm etiam in fide resurrectionis solidaret: *Ab illo PECTORE*, S. Thom.
 ait S. Thomas Villanovanus, *arcana cœlestia Joannes hauserat dor-* de Villa
miendo: In illo Thomas grandes thesauros reperit scrutando; Nova in
grandis illa schola, quæ tales Discipulos facit. Joan.

Atque hi fuerunt primi Duces ac Principes hujus celeberrimæ
 Devotionis & Confraternitatis de SS. CORDE JESU, quos longâ Act. 4, 32.
 serie primævi Christiani, quorum Cor unum & anima una erat, se- S. Aug.
 cuti sunt: *Multitudinis credentium*, inquit S. Augustinus, *erat il-* tr. 14. in
lis anima una & cor unum in DEum. O si & nunc simile Cor Joan.
 unum inter Christianos foret cum SS. CORDE JESU unitum!

De Dignitate hujus Confraternitatis SS. CORDIS JESU.

3. **N**ihil sanctius olim in lege habebant Judæi, quàm Arcam fœ- Exod. 25,
 deris, quæ ex lignis incorruptibilibus fabricata coronâ au- 10.
 reâ per circuitum ornabatur: hæc Arca, quasi sedes & thronus
 (e s) ipsius

ipsius supremi Numinis in his terris fuit, per quam exoratus DEUS propitium sese, placabilemque populo exhibere, oracula quoque & responsa, cum in rebus dubiis per Pontificem interrogaretur, reddere solebat; supra hanc & Propitiatorium ex auro purissimo à duobus Cherubinis sustentatum collocabatur; quæ causa fuit, ut hæc Arca Domini ab Hebræis profundo & humillimo obsequio adoraretur, profanisque capitale esset, eam vel manibus tangere, vel prope illam stare, vel etiam solum oculis intueri. Tanta quondam hujus Arcæ Domini Religio, cultus & æstimatio fuit.

Ex his colligite, quantò sublimior cultus & adoratio competat Sacratissimo ac Divinissimo CORDI JESU, per hanc Arcam quondam adumbrato? Si enim Ecclesia DEI, & quidem meritissimò, quinque sacrosancta Christi Vulnera adorat, imò & cultu patriæ respectivo etiam ejusdem Redemptoris nostri passionis instrumenta veneratur, ut sunt columna, spinæ, Crucis Dominicæ particulæ, Sudarium Veronicæ, Sacra Sindon, Titulus, clavi, lancea, &c. Quo igitur cultu ac veneratione dignum erit ipsum divinissimum COR JESU, totius SS. Trinitatis Sacrarium, in quo Divinitas Verbi thronum ac sedem habuit, in quo Spiritus Sanctus ultimatò quie-

Isa. 11, 2. vit: *Et requiescet super eum Spiritus Domini &c.* à quo omnis plenitudo benedictionum, gratiarum, ac meritorum in genus humanum promanavit?

Nadasi in Anno Cael. 15. Aug. Hujus SS. CORDIS JESU dignitatem prima inter omnes, ut dictum est, agnovit ipsa B. Virgo & Mater intemerata, quæ S. Mechtildi inter alia revelavit, nullam salutationem sibi gratiorem esse, quàm si per SS. COR JESU diligentissimè salutaretur.

S. Aug. Manual. cap. 23. Matth. Campb. S. J. de pass. D. f. 318. Agnovit & Magnus ille Aurelius Augustinus, qui non tam ab ubere Virginis, quàm à Vulnere Lateris & SS. CORDIS JESU patulus, exclamare solebat: *Longinus aperuit mihi Latus Christi lanceâ, & ego intravi, & ibi requiesco securus.* Agnovit S. Bernardus de illo dulcissimo CORDE JESU mellifluam suam scientiam & eminentem hauriens sanctitatem. O S. Bernarde! dic nobis, quid suxisti? dum laxavit Crucifixus brachia sua, & blandè te ad SS.

Latus

Parænesis.

Latus ac COR suum adstrinxit? Ah unicam guttulam hujus dulcedinis etiam nobis misellis! Agnovit & Elzearius Comes Ariani, *Ex vita S. Elz.* qui ordinarium suum domicilium in hoc SS. CORDE JESU posuit; hinc Dalphinæ scripsit: *Quære me in Vulnere Lateris Christi, illic enim habito, & ibi me poteris invenire.* Agnovit & S. Francisc. Bor- *Hadr. Lyr. de imit. Jes. pat. l. 5. c. 7.* gia Soc. JESU Tertius Generalis, qui quotidie inter Missarum solemnia post adorata quinque SS. Christi Vulnera demum seipsum in SS. COR JESU Crucifixi solebat immergere: *Lateris Vulnus*, ait Lyræus, *sibi servabat, in quod seipsum recipiens peccatorum veniam, atque in necessitatibus suis auxilium flagitabat.* Agnovit & S. Mechtildis, quæ ex SS. CORDE JESU flammæ Sacri Amoris, *Lib. 1. Gratia Spir. c. 34. & l. c. 22. P. Paul. de Barry S. J. in An. Mar. 17. Ap.* ceu ex ardenti camino erumpentes, conspexit. Agnoverunt denique & S. Catharina Senensis, S. Gertrudis, S. Birgitta, S. Lydwina, ac plurimæ aliæ Religiosæ mentes, quæ erga hoc SS. COR JESU semper tenerrimum affectum conceperunt, in cujus honorem (ut referunt Annales Minorum ad Annum 1288. & ex illis P. Paulus de Barry Soc. JESU) Monasterium COR JESU dictum, fuit ædificatum.

Utilitates hujus Confraternitatis de SS. CORDE JESU.

4. **P**iscis ille, cujus Tobias junior in se infilientis hortatu Angeli branchiam apprehendit, & exenteravit, varia illi contulit beneficia: *Cor ejus, & fel, & jecur repone tibi, sunt enim hæc necessaria ad medicamenta utiliter.* Per hunc piscem S. Augustinus Christum JESUM & hunc Crucifixum intelligit, qui non tam cibus, *Tob. 6, 5. S. Aug. serm. 4. de Petro & Paulo.* quàm & medicina nobis in Sanctissima Eucharistiâ factus est, dum per SS. COR ejus in passione divini amoris igne afflatus, *fugatus est diabolus, & per amaritudinem fellis afflatus est cæcus, & illuminatus est mundus.* Audi & Raphaëlis Archangeli monitum ac vaticinium: *Cordis ejus particulam si super carbones ponas, fumus ejus extricat omne genus dæmoniorum.* *Tob. 6, 8.*

Attende pulcherrimam figuram Sacratissimi CORDIS JESU, ut inflammatum hîc & super Tabernaculum Sanctissimi expositum cernitur. Ex qua facilè intelliges, qualis ac quanta ex hac Confrater-

ternitate SS. CORDIS JESU promanet utilitas, ac commoda longè maxima, planèque immensa. Proinde haud immeritò illam Archi-Confraternitatem primam dixeris, dum ab illo Divinissimo CORDE JESU (si hanc veritatem attentiore intellectu perpendimus) omnes ferè Sodalitates cæteræ ac Confraternitates suam traxerunt originem, virtutem, & auctoritatem.

De Moyse referunt Sacræ Paignæ, quòd ope virgæ suæ iter per mare rubrum in Palæstinam sibi & cuncto populo Iraëlitico aperuerit: *Tu autem eleva virgam tuam, & extende manum tuam super mare, & divide illud, ut gradientur filii Israël per siccum.* Longinus per virgam lanceæ non tantùm sibi, sed & nobis omnibus rubrum gratiarum mare, quod est SS. COR JESU, vitàmque coelitem (qui per illud intrare desiderat) referavit. Ille mox ab hoc Divinissimo CORDE baptismum fluminis & sanguinis, imò & flaminis accepit, nobis autem ope illius virgæ apertum fuit gazophylacium, ex cujus pretio omnia nostra debita DEO Patri possumus exsolvere, &c.

Vide igitur, quisquis es, Christiane Lector! quanta ex hac Confraternitate Divinissimi CORDIS Sodalibus tum in vita, tum in morte efflorescat utilitas. Et quid est, quod non habes ex illo? *Si S. Amar. lib. 3. de Virgin. Vulner curare desideras, (verbis utor S. Ambrosii) medicina est: si febribus æstuas, fons est: si gravaris iniquitate, justitia est: si auxilio indiges, virtus est: si mortem times, vita est: si cælum desideras, via est: si tenebras fugis, lux est: si cibum quæris, alimentum est &c.*

Quid igitur restat, nisi ut magno animo ad hunc gratiæ thronum accedamus? Eja Christiani! si Cor vestrum rectum est cum SS. CORDE JESU, date manum, & adjungite vos currui huic. *Ascendite in palmam, & apprehendite fructus ejus, &c.* O Domine JESU! transfige Cor nostrum, ac medullas animæ nostræ suavissimo amoris & CORDIS tui Vulnere, qui COR tuum amore nostri passus es vulnerari; Imprime, ah! imprime benedicti CORDIS tui formam Cordibus nostris, ignémque charitatis tuæ in eis accende, ut præter te imposterū nil aliud amemus, nil aliud desideremus, & quæramus, qui es super omnia benedictus DEUS in sæcula. CON-

CONSIDERATIO I.

SS. COR JESU Liber Electorum est, in quo totum pondus scientiæ & meditationis nostræ vertitur.



Ecce manus missa ad me, in quâ erat involutus Liber. Ezech. 2, 9.

1. **V**erbum ad te habeo, Christiane Lector! Dic, cur DEUS & Homo Christus, cùm in hac vitâ mortali inter homines mortales versaretur, non ipse librum aliquem conscripserit, in quo legem suam Evangelicam propriâ manu posteritati consignaret? An non in veteri quondam lege ipsemet Decalogum proprio digito in duabus lapideis tabulis exarare dignatus est: *Deditque Dominus Moyse in monte Sinai duas Tabulas testimonii lapideas, scriptas digito Dei?* Quare non etiam Legem gratiæ in aliquo volumine conscripsit? O quantum non fuisset honoratus, & ab or-

Exod. 31.

18.

be Christiano adoratus iste liber? Ad quid ergo IESUS omnem doctrinam suam Evangelicam, sine quâ non intratur ad vitam, Sacris Scriptoribus tanquam suis Amanuensibus tradidit calamo consignandam?

Unicâ tantum vice lego, quod ad defendendam Mulierem in flagranti deprehensam, paucos quosdam characteres in pulvere & in pavimento templi scripserit: *IESUS autem inclinans se deorsum digito scribebat in terrâ.* De aliâ Scripturâ aut libro à Christo conscripto, altum est omnium Hagiographorum silentium. O Bone IESU! cur adeo parcos in hac re fuisti? quare non pariter Legem gratiæ sicut quondam Decalogum divino digito tuo exarasti?

Suspende hic iudicium, prudens Lector, & tuam paulisper differ sententiam, interim considerans, quidnam Ezechieli contigerit, de quo Propheta referunt Sacræ paginæ, quod à Divinâ manu librum acceperit, infinitis amaritudinibus repletum, cum hoc mandato, ut quantocyus hoc volumen comederet: *Aperi os tuum, & comede, quæcunque ego do tibi. Et ecce, manus missa ad me, in quâ erat involutus liber: & expandit illum coram me, qui erat scriptus intus & foris, & scriptæ erant in eo lamentationes, & carmen, & væ.* Qualis, obsecro, hic liber mirabilis fuit amarus & dulcis? & qui Prophetæ, ubi illum degustavit, in optatam dulcedinem conversus est: *Et factum est in ore meo sicut mel dulce.*

S. Hieron. Epist. de verâ circumcisi. Adverte, Liber hic, prout observant SS. Hieronymus, Bernardus, Laurentius Justinianus, & plures alii SS. Patrum, nil aliud præsignavit, quàm Christum IESUM & hunc Crucifixum, ac præsertim Sacratissimum & divinissimum COR ejus, quod est Liber vitæ, & omnium Electorum: O liber super omnem librum, exclamat divinissimus Salmeron, *hunc expedit nocturnâ versare manu, versare diurnâ. Hoc sit nostrum Enchiridion, Verbum abbreviatum, contemptus mundi, soliloquium, stimulus amoris, &c.*

2. Est autem scriptus hic Liber *intus & foris*: Intus per suam Divinitatem & immensum amorem, quo nos divinissimum COR IESU usque in finem constantissimè dilexit, unde Apostolus: *Dilexit*

iecit me, & tradidit semetipsum pro me : Et foris scriptus est stilo ferreo, clavis durissimis, & lanceâ crudeli, &c.

Scriptor hujus Libri Spiritus sanctus fuit, quia *conceptus est de Spiritu sancto* ; Dictator autem Pater Æternus extitit, qui ab æterno eructavit *Verbum Bonum*.

Pf. 44, 2.

Charta Virgenea seu Papyrus ejus immaculata Humanitas fuit, à purissimo Corde Beatissimæ Virginis subministrata & assumpta, Ligatura verò Unio Hypostatica, Naturam Divinam cum humanâ uniens.

Señtus est hic Liber, *postquam consummati sunt dies octo, ut circumcideretur Puer*. Atramentum supplevit purpureus ille Sanguis, pro salute nostrâ toties in amarissimâ Passione effusus. Characteres seu litteræ in hoc mystico Libro tot extiterunt, quot vulnera & cicatrices in Passione recepit, hoc est, secundum probabilem quorundam SS. Patrum opinionem, integram legionem.

Luc. 2, 21

Impressio hujus Voluminis in Monte Golgothæo sub Torculari ponderosæ Crucis facta est, unde Isaias : *Torcular calcavi solus, & de Gentibus non est vir mecum*.

Is. 63, 3.

Denique hic Divinus Liber apertus, & publicè lectus fuit, quando in Cathedrâ Crucis per crudelem militis lanceam Sacratissimum COR JESU transfixum est : *Unus militum lanceâ latus ejus aperuit*. Supra quod S. Laurentinus Justinianus : *Librum hunc DEus publicè exposuit, ut ab omnibus legeretur*. Unde pro Lemmate illud S. Augustini inscripsimus :

*Joan. 19
S. Laur.
Just. lib.
de Triumph.
agon. cap.
20.*

Tolle, Lege.

3. Vides hîc, Benigne Lector, genuinam causam, quare mitissimus Servator JESUS in hac terrâ cum hominibus conversatus, Librum aut Volumen nullum conscripserit, quia ipse videlicet *Liber erat scriptus intus & foris*. Ex quo Divinissimo Libro omnem sapientiam & coelestem doctrinam poteris haurire, ita S. Chrysologus : *Christus est Liber*, inquit, *quem Joannes in suâ Apocalypsi conspexit, scriptus intus & foris : foris Christi vulnera cernimus*, *serm. 1.*

Apoc. 5, 1.

S. Chrys.

sed intus immensi ejus erga nos amoris incendia contemplamur ; hunc docti & indocti videant ; hunc omnes legant.

*S. Bern.
serm. 43.
in Cant.*

*Ezech, 3,
3.*

Et quemadmodum corpus humanum in aliquâ anatomîâ dissectum & apertum Medicis ac Chirurgis, cæterisque spectatoribus magis ad veram medicinæ notitiam ac genuinam humani corporis dignoscendam constitutionem inservit, quàm mille alii libri : sic Christus in Cruce suspensus, vulneratus, & crudeli lanceâ in SS. CORDE saucius, si unico pio intuitu aspiciatur, plus Christiano homini ad animæ salutem, veramque sapientiam, quàm cuncta Doctorum volumina inservit : *Hæc mea*, ait S. Bernardus, *sublimior philosophia est, scire JESUM, & hunc Crucifixum.* Et licet hic liber tibi ab initio ob infinitos in Cruce exantlatos dolores & amaritudines amatus videri posset, per devotam tamen lectionem, ac seriam meditationem animæ tuæ in optatam dulcedinem vertetur : *Et factum est in ore meo sicut mel dulce.*

*1. Cor. 2,
1.*

Phil. 1, 8.

*Ex vita.
23. Aug.
& Paolet-
ti in conc.
de hoc
Sancto.*

4. In hoc libro ut plurimum meditatus est Gentium Dr. Paulus, unde huic nobilissimæ ac suavissimæ scientiæ omnes cæteras longo intervallo postposuit ; hinc dicere solebat, quod nihil in hoc orbe sciret, nisi solum Christum Crucifixum : *Non judicavi, me scire aliquid inter vos, nisi JESUM, & hunc Crucifixum.* Neque sufficiebat huic Viro illuminatissimo, & usque in tertium cælum rapto vel obiter scire Crucifixum, sed per scientiam suam verè admirandam usque ad divinissimum COR JESU penetravit, cum quo sapius dulces miscebat sermones, & ad quod tanquam ad vitæ librum omnes suas referebat actiones ; hinc tam ingenti zelo desideravit, ut omnes hanc veritatem agnoscerent, & pariter in hoc SS. CORDE JESU inhabitarent : *Testis est mihi DEUS, quomodo cupiam omnes vos in visceribus Christi : hoc est, in SS. CORDE JESU, &c.*

Ex hoc libro S. Philipp. Benitius supremum sanctitatis apicem conscendere didicit, in quem ferè assiduò oculos conjecit, illius SS. vulnera, ac præsertim amabilissimum COR JESU Crucifixi, amore nostri, & lanceâ militis saucium amoris deplorans lacrymis. Et cum jam in extremo morbo atque in agone constitutus, eundem librum

brum suum à circumstantibus sæpius postulâset : *Date mihi librum meum* ; hi verò nunc Breviarium , nunc aliud volumen illi porrexissent , Crucifixum osculis attritum digito & oculis monstravit : *Hic*, inquit, *est liber meus*, quem facie mirè ad lætitiâ compositâ, deuo devotissimè exosculans , ad Cor suum adstrinxit , & sic nobilem animam suam DEO reddidit.

Ex eodem libro S. Bonaventura S.R.E. Cardinalis omnem suam *Ex vitâ* eruditionem & Seraphicam sanctitatem excerpsit, qui, cùm aliquando ab Angelico illo Doctore Divo Thomâ Aquinate visitaretur, & *Lyræo, & aliis.* de suâ Bibliothecâ rogaretur, ex quâ eminentem suam doctrinam collegisset, ei in aliud conclave inducto non codicem Justiniani, nec Decretorum aut Canonum libros, nec Augustinum , Ambrosium, aut Chrysostomum , sed devotam quandam imaginem Crucifixi Jesu, lacrymis signatam , & osculis in aperto latere benè attritam ostendit : *Hic*, inquit, *est unicus liber meus & universa mea Bibliotheca*, quidquid enim scio , ex hoc Vitæ libro habeo.

5. Recordor hîc illius libri , quem quondam DEus mandavit ab Habacuc Prophetâ in publicis, apertis, & expansis ligneis tabulis conscribi, ut sic non clausus , sed apertus ab omnibus legi posset : *Scribe visum*, inquit, *& explana eum super tabulas, ut percurrat, qui legerit eum.* *Habac. 2,* O mirabilis liber in tabulis ligneis conscriptus, *2.* & publicè ad legendum omnibus mortalibus expositus !

Hic liber, ait Lyræus, *est Christus in cruce distentus* : Ex quo libro *Lyr. de imitat.* omnes, etiam rudes & summi idiotæ, si illum meditando legerint, viam *Jes. pat. lib, 6, c. 10.* æternæ salutis, verâque viventi & moriendi normam possunt ediscere, præsertim si ad SS. ac divinissimum COR Jesu attenderint, de quo mystico libro & S. Joannes : *Et scriptum est in Prophetis : Et erunt omnes docibiles DEI.* *Joa. 6, 45.*

Audi de hac veritate memorabile exemplum. Duo eodem tempore austeram quandam ingressi sunt religionem, literatus unus, & *P. Andr. Span. in Polyant. Sac. Tit. 42. §. 6. p. 1.* variis scientiis apprimè excultus, alter idiota & laicus Successu temporis literatus ob vitam austeram hætenus illi insuetam, ut ad sæculum

Apoc. 2,
10.

culum denuo rediret, graviter ab hoste generis humani tentatus est, quam gravissimam tentationem cum socio suo Novitio & laico candidè aperiret, firmis ab illo ac solidis rationibus, ut in proposito sancto usque ad finem vitæ constans permaneret, seriò admonitus est: *Esto fidelis usque ad mortem, & dabo tibi coronam vitæ.* Mirabatur literatus in solidam bujus laici sententiã, unde hanc sublimem Philosophiam didicisset? Ad quod laicus luctuosam Crucifixi JESU effigiem de pectore suo produxit: *Ecce, ait, liber meus!* O bonus liber Crucifixus JESUS!

Vid. R. P.
Bernard.
Sonnen-
berg. S. J.
& alios
RR.

6. Verùm ad quid ista enarro antiqua, cum etiam recentiora ad manum sint? A. 1690. die 17. Oct. piissimè è vivis ad Sponsum suum abiit venerabilis Maria Margaritha Alacoque ex Ordine Visitationis B. Virginis, cui benignissimus Salvator Christus in festo S. Joannis Evangelistæ (qui quondam ex eodem Sanctissimo CORDE JESU fluentia Evangelii sui hausit, & qui hunc librum vitæ in cruce vidit adaperiri) manifestè apparuit, monstrans ei in igneo throno divinissimum COR suum, velut crystallum pellucidam, immiti vulnere faucium, & coronâ spineâ redimitum, ex cujus SS. CORDIS superiori latitudine crux dira in altum surgebat. Per quam visionem Christus Dominus, velut in quodam libro immensum illum amorem, quò à primo Conceptionis suæ instanti usque ad vitæ finem erga nos indignos ferebatur, voluit indicare. Unde etiamnum hoc SS. COR suum non tam in coelo, quàm etiam in SS. Eucharistiã omnibus apertum esse voluit, ut securum ibidem invenirent auxili-um mortales omnes: *Christus in cruce suspensus*, ait Dionysius Carthusianus, *liber est, in quo omnium virtutum perfectiones, omnium contemplationum sublimitates, & quidquid ad salutem pertinet, mirabiliter, ineffabiliter, & supernaturaliter leguntur, discuntur, resplendent.*

Dionys.
Carthus.
cap. 26.

Age ergo Christiane Lector, quisquís es, erige te ipsum in spem, & ab hoc SS. CORDE JESU Crucifixi & Eucharisti obtinebis, quidquid ad salutem tuam postulaveris. Si Pastor animarum es, &

Ver-

Verbi divini præco, ecce hîc habes, quod populo Christiano statutis temporibus annunties, dum tibi pro objecto concionum non aliud ab Apostolo, quàm Christus JEsus & hic Crucifixus præscribitur: *Nos prædicamus Christum Crucifixum.* In hunc finem Majores nostri prudenter curârunt, ut in cathedrâ imago quædam devota Crucifixi JEsu collocaretur, ad admonendum Concionatorem, quem populo Christiano intimare ac prædicare debeat, & tanquam efficacissimum omnium virtutum exemplar proponere: nihil enim obturata hominum corda magis movere, mentesque efficacius ferire solet, quàm sermo devotus de amabilissimo CORDE JEsu, Amatoris nostri optimi ac maximi: *Vivus enim est sermo Dei &* *Hebr. 4,* *efficax, & penetrabilior omni gladio ancipiti, & pertingens us-* *12.* *que ad divisionem animæ & spiritûs, &c.*

Econtrâ væ illis Prædicatoribus, qui omnino à Crucifixo JEsu deflectunt, ac magis se ipsos, quàm Christum Crucifixum prædicant. Audi, quisquis hac legatione pro Deo & salute proximi fungeris, qui non ita pridem cuidam Concionatori in Hispania acciderit. Hic bracteata suâ eloquentiâ magis se ipsum, quàm JEsu Crucifixum quæsierat Monebatur quidem ab amico fideli hic vanus verborum blaterator, ut secundum mentem Apostoli Christum & hunc Crucifixum Christiano populo annuntiaret; sed ratus, ab invidiâ & æmulatione hanc procedere admonitionem, protervè eam contempsit. Moritur tandem vanissimus hic Concionator, ac paulò post suo monitori coram SS: Crucifixo pro defuncti hujus animâ oranti apparet, de cujus Salvatoris aperto SS. CORDE igneus fluvius egrediebatur, miserum hominem penitus obruens, & circumquaque combruens, in quo igneo fluvio manus in cœlum jactans, lamentabili voce exclamavit illud Regii Vatis: *Operuit* *Ps. 68, 8.* *confusio faciem meam;* Ad quem Christus de cruce illud Isaïæ fulminavit: *Nónne silui? Nónne tacui? Nónne dissimulavi? Tu ve-* *Is. 47, 14,* *rò projecisti omnes sermones meos. Nunc autem sicut parturiens loquar, dissipabo, & absorbebo simul.*

Alphonf.
de Andra-
de in duce
virtut. lib.
1. c. 35.
§. 3.

8. Habet & Religiosus in SS. CORDE JESU, quam sequatur ideam: sicut enim pictor, qui ex alio prototypo imaginem exprimere, & imitari fatagit, exemplar suum continuò respicit, juxta quod lineas suas format, ducit & componit: Ita Sacerdos tum Sæcularis, tum Regularis SS. ac divinissimum COR JESU Crucifixi & Eucharistici, velut perfectissimam suarum actionum ideam & regulam quotidie intueri debet, juxta quam vitæ suæ normam dirigat:

Hebr. 12. *Aspicientes in Authorem fidei*, ait Apostolus, & consummatorem JESU, qui proposito sibi gaudio sustinuit crucem, confusione contempta.

2.

Ex vita

S. Franc.

Sales. &

alijs.

Hoc verbo & exemplo docuit (ut mittam plures alios) S. Franciscus Salesius, divinissimi CORDIS JESU amator & cultor planè eximius; qui, cùm die quâdam ad frequentem populum, totus amoribus in Crucifixum Redemptorem suum incensus, sermonem faceret; ecce subito cœlestibus radiis ex facris Vulneribus JESU pròdeuntibus, mirificè coram omni populo illustratus apparuit; neque imposterum hic Divus SS. COR JESU aliter, quàm suam gemmam & unionem orientalem pretiosissimum appellare consuevit.

9. Habet denique & homo sæcularis exemplar in monte Golgotha o monstratum, quod in vitâ, & in morte imitetur. Et sicut ille, qui in mari periculoso navigat, ad aliquod cœli sidus solet attendere, juxta quod cursum suum dirigit, ne à portu sibi proposito aberret: sic homo Christianus in tot corporis & animæ periculis constitutus, si in hoc mari magno & spatiofo hujus mundi immundi à vero beatitudinis portu aberare non velit, pro Cynosurâ SS. COR JESU sibi proponat, in quo perfectè addiscet declinare à malo & facere bonum, cujus quoque ope & gratiâ protectus, in omni tum vitæ, tum mortis discrimine intrepidus stabit: *Ubituta*, quærit S. Bernardus, *firmaque securitas, nisi in Vulneribus Salvatoris?* Addamus nos, Et in SS. CORDE JESU? *Tantò illic securior habitas, quantò ille potentior est ad salvandum. Fremat Mundus, premat corpus diabolus insidietur, ne time, quia in foraminibus Petra securæ.* O anima! quàm suave tunc erit, in amplexu Crucifixi, & in dulci Osculo SS. CORDIS JESU supremum efflare spiritum!

S. Bern.


serm. 61.

in Cant.

Hoc verò ut certo certius consequaris, ad hunc sæpius, dum spiras, recurre Librum, COR, inquam, Redemptoris tui cœlestibus doctrinis, & spiritualibus solatiis refertissimum: ut illi celeberrimo Pictori, ita longè magis tibi nulla dies, imò nulla hora, & si fieri posset, nullum horæ momentum sine linea prætereat, id est, sine memoria, cultu, & amore amantissimi CORDIS JESU tui. Hinc assuesce ad horæ pulsum pulsare Cor tuum, & elcito divini amoris actû dicere:

*COR JESU ego amo Te,
Nam antè Tu amâsti me?*

CON-



CONSIDERATIO II.

SS. COR JESU inflammatum apparet, ut ignem Charitatis erga SS. Eucharistiam, & Passionem suam denuo in cordibus nostris accendat.



Ignem veni mittere in terram, & quid volo, nisi ut accendatur?
Lucæ 12, 49.

1. **C**lementissimus DEUS, cujus misericordiæ non est numerus, & bonitatis ejus infinitus thesaurus, sæpius in Veteri Testamento miseris mortalibus in igne apparere dignatus est.

Cum Decalogum promulgare vellet toti terrarum orbi servandum, in monte Sinai in igne fulgurante apparuit: *Totus autem mons Sinai fumabat, eò quòd Dominus descendisset super eum in igne.* Exod. 19, 18.

Danieli viro desideriorum idem Dominus in igneo throno spe-

Dan. 7, 9. Etandum se præbuit : *Aspiciebam, donec throni positi sunt, & antiquus dierum sedit : vestimentum ejus candidum quasi nix, & capilli capitis ejus quasi lana munda : thronus ejus flammæ ignis, &c.*

Tribus illis Pueris Babylonis, Sidrach, Misach, & Abdenago in
Dan. 3, 92. medio ignis ardentis se spectabilem reddidit : *Ecce ego video quatuor viros solutos, & ambulantes in medio ignis, & nihil corruptionis in eis est, & species quarti similis Filio Dei.*

Moyfi & universo populo Israelico, de Ægypto exeunti, in columna nubis & ignis apparuit, in qua igneum suum thronum collocans, Pharaonem fulminavit, & Israelitas per mare rubrū feliciter in
Exod. 14, 24. Palæstinā traduxit : *Et ecce, respiciens Dominus supra castra Ægyptiorum per columnam ignis & nubis, interfecit exercitum illorum.*

Imò & inter pungentes spinas idem mitissimus DEUS thronum suum ponere non abhorruit, dum in rubo ardente, & incombusto Moysen ad se vocare, eumque cum omni populo electo, tunc sub immiti jugo Pharaonis tyranni immaniter pressio, mirè consolari dignatus est, *Apparuit ei Dominus in flamma ignis de medio rubi.*

Ad quid, obsecro, DEUS infinitæ Majestatis in antiqua lege in igneo throno comparuit? & ad quid sedem in igne flammescente,
Dan. 7, 9. & corruscante toties collocavit : *Et thronus ejus flammæ ignis.*

In promptu causa est : *Hic thronus ignis, ait Philippus Diez, est Amor, quoniam in amore DEUS sedem habet ;* proinde appellari
Dent. 4, 24. voluit. *DEUS IGNIS. Dominus DEUS tuus ignis consumens, ut per hunc igneum thronum vehementissimum suum in nos amorem*
Isa. 54, 8. indicaret, quo jam in charitate perpetua dilexit nos : *In misericordia sempiterna misertus sum tui, dixit Redemptor tuus Dominus.*

2. Et ecce novum immensi hujus amoris prodigium ! Idem benignissimus DEUS, qui multifariam, multisque modis olim loquens
Hebr. 1, 1 Patribus in Prophetis, novissimè diebus istis locutus est nobis in Filio, dum hic pretiosissimus orbis Redemptor, ut pari ratione infinitum suum erga nos amorem demonstraret, venerabili Sorori Mariæ Margarithæ Alacoque ex Ordine Visitat. B. V. à S. Francisco Salesio fundato, sacratissimum ac divinissimum COR suum, in igneo throno

throno reclinatum, cruce signatum, ferro transfixum, ac spinis coronatum ostendere, & exhibere dignatus est, ut per ejusmodi amabile objectum languida hominum corda magis magisque ad sui amorem pelliceret, & ea de novo divini amoris igne quodammodo inflammaret: *Ignem veni mittere in terram, & quid volo, nisi ut accendatur?* Luc. 12, 49.

Finis autem hujus devotionis erga SS. COR JEsu hic est, ut per ejusmodi cultum ac venerationem gravissimæ illæ injuriæ & ingratitudines, quæ à Gentilibus, Paganis, Judæis, Hereticis, malis Christianis, atque ab ipsis nonnunquam Orthodoxis, præsertim sacrilegè communicantibus. Christo JEsu optimo Redemptori nostro inferuntur, à piis fidelibus, divinum honorem SS. CORDIS JEsu Eucharistici ac Crucifixi zelâtibus, aliquo modo resarcirentur; in quem finem fer. 6. post Fest. Corp. Christi pro hac devotione determinata fuit, ut eo diè SS. COR JEsu Eucharistici & Crucifixi (quia idem Sacrificium altaris cum Sacrificio Crucis est, solâ ratione offerendi diversâ) singulari quodâ cultu & adoratione à populo fidei coleretur.

Neque dubium est, hanc devotionem Christo JEsu Crucifixo pergratam esse, atque ejusmodi animam abundè ab eo diversis gratiis cumulandam, remediûmque facillimum esse, quo mediante Sacerdotes ac Religiosi ad statûs sui perfectionem possint venire, curatores animarum etiam perversissimos ad frugem reducere, fidelésque omnes indubitatum in eo salutis habere tesseram, per quam facili conatu passiones suas vincant, & de virtute in virtutem transeuntes tandem ad optatum salutis portum perveniant.

Quam integerrimâ devotiouem comprimis Ven. P. de la Columbiere S. J. Vir Apostolico zelo & sanctitatis famâ nominatissimus, postquam in omnibus hujus prædictæ Servæ Dei spiritum probaverat, justam, piam, sanctam, totique Ecclesiæ Dei summè proficuum invenit, hinc meritò per plurimas jam Diœceses, ac præsertim per Augustanam, fructu animarum planè maximo propagata est. Faxit benignus DEus, ut, quod jam suo tempore de hoc SS. CORDE JEsu veritatis Apostolus, & Prædicator gentium Paulus

optavit, etiam nostro ævo in omnium fidelium animis adimpleatur :
*Phil. 1, 8. Testis, inquit, est mihi Deus, quomodo cupiam omnes vos in visceribus
 Jesu Christi, & hoc oro, ut Charitas vestra magis ac magis abundet.*

3. Reminiscor hîc illius sacri Ignis, quem quondam DEUS Aaroni Summo Sacerdoti, in altari à Moyse fabricato primum sacrificium offerenti, de coelo submisit, qui ignis ab illo tempore semper novis fomentis, & additis lignis conservatus est, donec tandem Chaldæi urbem Solymæam cum altari & templo destruxerunt, ubi Sacerdotes sacrum illum ignem in valle, & in puteo absconderunt. Et ecce rem summâ admiratione dignam ! Cùm post annos plurimos denuo sacrum ignem inquirerent Judæi, non quidem amplius dictum ignem, sed loco illius aquam crassam in puteo invenerunt, quâ nihilo seciùs Nehemias hauriri jussit, & sacrificia in altari novo illâ aquâ aspergi. Et ecce hîc novum portentum ! cùm sol, qui priùs obnubilatus fuerat, nunc pulsus nubibus radios suos super altare, & aquam illam crassam vibrare coepit, mox ingens ignis accensus est, qui non tantùm aquam in flammam convertit, sed & in momento
2. Mach. 1, 22. victimas in altari consumpsit : Et tempus affuit, quo sol refulsit, qui priùt erat in nubilo, accensus est ignis magnus, ita, ut omnes mirarentur. Unde Lemma nostrum :

Extinctos suscitât ignes.

S. Greg. M. lib. 21. Moral. c. 7. Ignis hic de coelo submissus juxta S. Gregorium Mag. Amor DEI est : per altare Cor nostrum præsignatum fuit, in quo ignis ille divinus jugiter ardere debet. Sed proh dolor ! Ignis ille Amoris Dei in multorum Christianorum Cordibus versus est in aquam crassam. Et ecce mitissimum COR Jesu ! ut affulsit ille Sol mysticus, qui hâtenus erat in nubilo, cùm pauci admodùm de hoc divinissimo CORDE Jesu recordarentur, nunc denuo his novissimis temporibus ignis devotionis accensus est magnus, &c.

Et quemadmodum tempore S. Francisci Seraphici mitissimus Salvator orbis per SS. Vulnerum suorum impressionem in corpore hujus S. Patriarchæ memoriam sacratissimæ Passionis suæ magna

ex parte tunc in Ecclesia Dei ob calamitosa tempora oblitteratam, in Cordibus fidelium mirum in modum renovavit, unde canit Ecclesia: *Domine JESU Christe, qui frigescente mundo, ad inflammandum Corda nostra tui amoris igne, in carne Beatissimi Francisci Passionis tuæ sacra stigmata renovasti, &c.* Sic his ultimis temporibus (ubi abundavit iniquitas, & refrigescit charitas multorum) Divinæ bonitati placuit, per divinissimum, & inflammatum COR Unigeniti Filii frigescentem ac senescentem mundum denuo ad meliorem frugem reducere, & ignem sui amoris de novo in Cordibus nostris accendere, ut hunc ipsum dilectissimum Redemptorem nostrum, qui præ nimio amore SS. COR suum nobis tradidit, pariter ex toto Corde diligamus: *Diliges Dominum Deum tuum ex toto Corde tuo.* Ecce his finis hujus devotionis erga SS. COR JESU est, ut ex aspectu, & contemplatione hujus divini ac vulnerati CORDIS objectum habeas, altiùs mente in DEUM ac Redemptorem tuum ascendendi, eumque ex tota cordis tui latitudine amandi, *objecta enim movent sensus.*

Ecclesia in festo stigmat. S. Franc.

Matth. 24, 12.

4. Hanc pulcherrimam, sanam, ac longè utilissimam devotionem erga SS. COR JESU sapientissimus Salomon jam suo ævo elegantissimè adumbravit, dum pretiosum sibi ferculum de lignis Libani, omnis corruptionis expertibus fieri curavit, quod columnis argenteis, & aureo reclinarorio cum ascensu purpureo adornavit, & quod prorsus admirandum nobis videri debet, illud est, quod medium ejus charitate constraverit: *Ferculum fecit sibi Rex Salomon de lignis Libani: columnas ejus fecit argenteas, reclinatorium aureum, ascensum purpureum: media charitate constravit propter filias Jerusalem.* Bone DEUS! quàm mirabile hoc ferculum sapientissimi Regis in Israël fuit? quid singula hæc sibi volunt, & quid indicant? & cur media illius ferculi charitate constravit?

Cant. 3, 9.

Attentam te esse cupio, anima Christiana, per *Salamonem* Christum JESUM, qui plus quàm Salomon est, subaudi: per *Ferculum* Humanitatem ejus de purissimo Virginis sanguine, omnis corruptionis experto, assumptam intellige, hæc enim Humanitas ejus Divini-

tatis ferculum fuit, in quo quasi in lectica Deitas VERBI recubuit. Per *columnas argenteas* ejus virtutes, humilitas, patientia, mansuetudo, puritas, zelus, immensa scientia, & obedientia usque ad mortem, &c. insinuantur. Per *reclinatorium aureum* septem Spiritûs

Isa. II, 2. S. dona, quæ super ipsum Isaiâ attestante requiescebant? *Et requiescet super eum Spiritus Domini*, adumbrata agnoscimus. Per *ascensum purpureum* assidua ejus passio, sanguineus sudor, cruenta flagellatio, coronatio, crucifixio, vulnera, mors, & martyrium fuerunt præsignata.

Cornel. à
Lap. hîc
in Cant.

Denique quòd hoc Divinitatis ferculum, seu Humanitas Christi in medio charitate constratum fuerit: Textus Hebraicus legit: *Medium ejus incensum charitate*, per accommodè, & rectè juxta Cornelium Sacratissimum COR JESU, utpote pars Corporis Christi nobilissima, ac media, amore nostri ardens, & incensum indicatur: in hoc enim SS. CORDE propria amoris sedes Christi JESU fuit, unde Syrus habet? *Medium ejus stratum amore* & dictus Cornelius à Lapide, cujus laus est in omni Ecclesia: *COR CHRISTI*, inquit, *erat quasi fornax ardentissima charitatis, unde ipse magis nostri amore, quam dolore assus, & tostus fuit in cruce, atque in cruce quasi in ferculo in medio manuum, pedum, & lateris quinque plagis per clavos, & lancam transfixus; & cruentatus, velut quinque purpureis, & ardentibus pyropis constratus, ac de peccato, & morte triumphans resplenduit.*

Sim. Cas.
l. I 3.

5. Collige ex his prudens Lector, quòd in veritate Christus Dominus nihil unquam in hac terra fecerit, quod non priùs in umbra figurarum jam in veteri testamento præsignavit. Sta hîc, & cum Esdra pondera mihi pondus ignis hujus infiniti amoris, quo SS. COR JESU, antequam esses, te amavit, & etiamnum non cessat amare te, licèt omni amore indignissimum: ideo, ait Simon de Cassa, lanceâ latus suum aperiri voluit, *ut aperto latere cognoscamus dilectionem CORDIS JESU.*

Hoc SS. COR JESU amore nostri inflâmatum præfiguravit pretiosum illud altare thymiamatis ex ligno Setim inaurato constructum,

alum, in quo DEUS suavissimos odores per manus Sacerdotum sibi quondam in lege voluit adoleri: *Facies quoque altare ad adolendum thymiama, &c.* Quale autem thymiama suavius, ac gratius SS. Trinitati offerri, & adoleri potest, quàm SS. ac divinissimum COR Jesu in SS. Sacramento reconditum? Exod. 30. 1.

Hoc SS. COR Jesu ardens, & incensum præsignavit illud thuribulum aureum, de quo in Apocalypsi: *Accepit Angelus thuribulum, & implevit illud de igne altaris, & misit in terram.* Per hunc Angelum, illum magni consilii Angelum Christum Jesum intellige *cujus COR*, inquit S. Bernardinus, *propter ardentissimum charitatis amorem thuribulo ignis carbonibus pleno comparatur*, dum se se ex sacro altari suo in quatuor cornibus in se distincto, hoc est de cruce per referatulum latus in nos plenissimè effudit: *Et implevit illud de igne altaris, & misit in terram.* Apoc. 8. 5. S. Bernardin. tom. 2. serm. 56.

6. Hoc SS. COR Jesu adumbravit aureum illud Propitiatorium supra arcam fœderis inter duos Cherubinos collocatum: erat autem hoc Propitiatorium locus placationis, ubi DEUS populo suo olim mirè propitium se demonstrare solebat: hinc etiam thronus seu sedes Dei appellabatur, in quo summo Sacerdoti in Sancta Sanctorum ingredienti responsum, & oracula dabat DEUS: *Cumque ingrederetur Moyses tabernaculum fœderis, audiebat vocem loquentis ad se de propitiatorio.* Num. 7. 89.

Plus hîc in SS. CORDE Jesu, nam umbram fugat veritas, & noctem lux eliminat: quid enim aliud hoc SS. COR Jesu in his terris fuit, & etiamnum in coelis, & in SS. Eucharistia est, quàm verum illud Propitiatorium, ad quod omnes peccatrices animæ tutò à facie irati Numinis confugiant? O peccatores! O cæci mortales, quid agitis? quare in peccatis vestris computrescitis? cur, obsecro, ad infernum magnis quotidie passibus acceleratis? dicite, per salutem vestram vos rogo: *Quem ergo fructum habuistis tunc in illis, in quibus nunc erubescitis? nam finis illorum mors est.* Eia igitur charæ animæ, rumpite moras, & ad amabilissimum COR Jesu Salvatoris ac Mediatoris vestri optimi, maximi ac unici, velut cervus sitibun-

Simon
Cas. lib.
13.

fitibundus, & vulere faucius ad fontem aquarum viventium properate, hîc, hîc indubitatum asylum, delictorum veniam, & securam animarum quietem invenietis: *Accedamus*, ait Simon de Cassia, ad COR JESU, cor altum, cor secretum, cor omnia sciens, cor diligens, & per apertam portam fiamus sultem in amoris vehementia CORDIFORMES. Proinde sibi ad negligentiam imputet, qui non ingreditur, si apertum novit introitum.

Cornel. in
Ezech. c.
26. v. 26.

Quid nunc restat, animæ Christianæ, nisi ut ad hoc divinissimum COR JESU vulnere faucium, & igne perpetuæ charitatis in nos inflammatum, totum quoque Cor nostrum convertamus? imitemur S. Ignatium Episcopum Antiochensem, & Martyrem gloriosissimum toto mentis affectu SS. COR, & Nomen JESU amantem; quod ex eo patet, quod JESUM non aliter, quàm *amorem suum* appellare consueverit. Eventus rei Cordis ejus desiderium, & amorem erga JESUM comprobavit, dum enim ut electum Christi frumentum dentibus bestiarum objectus, & à leonibus (prout ipse summis optaverat votis) usque ad ossa in amphitheatro devoratus fuit, solum Cor ejus intactum remansit, in quo aureis litteris hoc SS. Nomen IESU inscriptum inventum fuit: *in cujus Corde*, ait Nadasi, *particulatim dissecto, in singulis particulis JESU Nomen aureis litteris inscriptum, repertum fertur, &c.*

Jo. Na-
das. in an-
nocalesti.
1. Febr.
Ezech.
36, 26.

O utinam Cor nostrum erga SS. COR & Nomen JESU simili amoris affectu, & interni ignis ardore feratur! O bone JESU! verifica & nunc illud, quod olim Ezechieli Prophetæ intimasti: *Et dabo vobis Cor novum, & spiritum novum ponam in medio vestri: & auferam Cor lapideum de carne vestra, & dabo vobis Cor carneum.* Ecce Cor nostrum durum, & in vitiis obfirmatum est, ah! emolli illud in Sanguine Sacratissimi CORDIS tui, ut te agnoscat, & præter te nil aliud imposterum quærat. Cor nostrum, O mi JESU! lapideum est, & voluntas nostra, licet libera, refractaria, ac vitiis assueta, ah! da nobis Cor carneum, docile, ac tractabile, quod mandata tua in omnibus observet, & in te solo DEO unice delectetur. Cor nostrum frigidum ac tepidum est, ah! accende in eo tuæ charitatis ignem, ut amore tui ardeat, donec penitus in cineres redigatur. Cor denique nostrum inconstans est, & velut molendinum in continua agitatione, ah! mi JESU! corrobora, ac firma illud tuâ sanctissimâ gratiâ, donec tandem superatis hujus vitæ difficultatibus æternum requiescat

in Te.



CON-

CONSIDERATIO III.

SS. COR JESU Speculum virtutum omnium est, quod sæpius nos oportet inspicere, ut maculas animæ eluamus, & virtutem sectemur.



Candor est enim lucis æternæ, & speculum sine macula Dei majestatis, & imago bonitatis illius. Sap. 7, 26.

1. **T**Ria communiter solent dari speculorum genera: prima *plana* vocantur, & sunt illa, quæ objectum aliquod per species ad oculos videntis reflexas perfectè, prout in se est, exhibent. Secunda appellantur *concaua*, & sunt illa, in quibus ima ac summa ordine inverso apparent. Tertia nominantur, *convexa*, & ex parte etiam combustoria, quæ, dum solares radios intra sinum suum colligunt, paulò post vivas flammæ parturiunt; sic Archimedes & Psoilus per similia specula ustoria integram hostili-

C

*Zonaras
in vita A-
um thanasii.*

um navium classē accenderunt; unde ejusmodi speculo,, in imo corde suo ardentes flammulas colligenti, & exinde passim in opposita objecta diffundendi, pro Lemmate inscribes: *Recipit, & Reddit.* Vel ut magis ad intentum nostrum collimemus:

Ignis ab imo.

Et quid sanctissimum ac divinissimum COR JESU aliud est, quam limpidissimum, purissimum, lucidissimum, ac minimè fallax speculum? *Planum*, quia fallere nescium, dum cuilibet intuenti suos nævos ac maculas, prout sunt, commonstrat, docetque, qua ratione possint abstergi, & emendari. Est & speculum *concauum*, quid enim, obsecro, magis inversum & paradoxum fuit, (prout loquitur S. Bonaventura) *quàm DEum nasci, pati, crucifigi, mori? Et concavum*, seu ustorium: sicut enim ejusmodi speculum solares radios in unum punctum colligit, & ad reflexionis centrum cogit, ut sic eò fortiùs urat, & accendat; si tota SS. Trinitas omnes gratiarum radios ac splendores in SS. COR JESU effudit, ut per hoc speculum ustorium corda nostra fortiùs ureret, & igne charitatis suæ accenderet, hinc à Sapiente vocatur: *Candor lucis æternæ, & speculum sine macula Dei majestatis, & imago bonitatis, &c.* Cui divino & inflammato speculo meritò inscribis: *Ignis ab imo,*

2. Olim in veteri lege mandavit DEUS, ut labrum æneum ex purissimis speculis mulierum confectum, ante tabernaculi fortes collocaretur, ut Sacerdotes sacrificaturi, aut in tabernaculum Dei ingressuri, priùs in eo se inspicerent, & si quid maculatum aut incompositum invenirent, in labro lavatorio abstergerent, atque componerent: *Fecit & labrum æneum cum basi sua de speculis mulierum.*

Exod. 38,
8.

Per hoc speculum æneum ac nitidissimum rectè SS. COR JESU intelligas, in quo velut in limpidissimo speculo omnes refulgent virtutes, & in quo omnes tuos nævos, animæque maculas non tam coram intueri, quàm & in Sanguine ejus abstergere poteris: *Et Sanguis JESU Christi, Filii ejus emundat nos ab omni peccato.*

1. Jo. 1,7

Hoc Speculum (divinissimum COR JESU) cùm aliquando S.

Catha-

Catharina Senensis propensius intueretur, & econtra Cor suum tot adhuc imperfectionum maculis obnoxium consideraret, dilectissimum animæ suæ Sponsum impensè rogare cœpit, quatenus dignaretur Cor suum sibi auferre, & loco illius immaculatum COR Jesu in eadem corporis sede collocare. Placuit Christo hæc virginis petitio, qui mox Cor illi exemit, & suum vicissim ei tradidit, unde impofterum ad Christum orans dicere solebat: *Commendo tibi Domine Cor tuum, non meum.*

Cornel. à
Lap. in E-
zech. c.
36. v. 26.

In idem Speculum cùm V. Catharina Raconisia, SS. CORDIS Jesu amantissima, oculos mentis conjiceret, & in eo velut in lucidissima crystallo maculas Cordis sui contemplaretur, à Christo humiliter flagitavit, ut Cor sibi auferret, & in Sanguine suo mundatum restitueret; Ad quod mitissimus Redemptor illi Cor è corpore rapuit, & purius ac sanctius, quàm antea fuerat, ei reddidit: quod quinquies per ejus vitæ cursum factum est.

R. P. Jo.
Weyer S.
J. in Filio
Dei Ad-
opt. tom. 2.
l. 1. c. 10.

In illud mysticum Speculum (SS. COR Jesu) pariter oculos suos intendit Venerand. ille P. Martinus Guttieres S. J. qui, cùm tempore vespertinorationes conscientia suæ exigere, manifestè quandam lancem argenteam, quasi in pellucido speculo, sibi præsentari vidit, in qua ex una parte Cor positum erat perexiguum, deforme, rugisque contractum, quod à binis sanguinis stillis mox absorptum fuit: ex altera verò lancis parte Cor amplum jacere vidit, vastum, purpureum, vividum, atque ad quacunque decoquendas difficultates paratum. Et ecce! dum ex hac visione attonitus hæret, divinitus edocetur, Cor primum Cor suum esse, eique ad instructionem ita fuisse exhibitum, alterum verò esse COR Jesu, quod mortaliū, quæ per universum orbem quotidie committuntur, sceleribus non obruitur, sed potius magnâ, & longanimi patientiâ peccatores ad poenitentiam expectat, quod & ipse impofterum studeret in se exprimere, & charismata meliora æmulari.

Idem
Tom. 3.
lib. 1. c. 6.
§. 6.

O Christiane Lector! inspicere & tu vesperi, cùm conscientiam tuam discutis, in hoc Divinitatis Speculum, (SS. COR Jesu) & mox sufficientem tuæ propriæ confusionis materiem invenies: Intuere

admirandam illius humilitatem, quomodo ad pedes Judæ se prosternat, Barabbæ homicidæ se postponat, & inter infames latrones in patibulario ligno suspendatur. O quanta hæc fuit humilitas SS. CORDIS JEsu! perpende vicissim, quænam tua sit humilitas Cordis, dum cupis ubique appretiari, æstimari ab hominibus, doctus videri, &c. (NB. sic poteris per omnes virtutes, v. g. patientiam, puritatem, sobrietatem, paupertatem, mortificationem, resignationem, &c. transire, & ubique objectum increpationis, imperfectionum, & negligentiarum tuarum reperiens) Confundere igitur ob hæc tui Cordis vitia, & à SS. CORDE JEsu gratiam ex intimo affectu postula, ut ea imposterum seriò possis emendare.

*Lyræus in
Marial.
fol. 349.*

3. Sed progredior ad alia. De Carolo V. gloriosissimæ memoriæ Imperatore refert Hadrianus Lyræus, quòd in suo regio conclavi hinc inde in parietibus lucidissima specula appendi curaverit, quæ, quocumque Imperator se vertebat, per occultam reflexionem radiorum lucis ipsi luctuosam imaginem Crucifixi JEsu repræsentabant, ut sic semper in recenti Cæsaris memoria versaretur, qui pro omnium salute pependit in Cruce. Pulcherrimū hoc fuit exemplum, quod Magnates Christiani & Illustres meritò imitentur.

*R. P.
Knittel S.
F. Dom.
I. Quad.
conc. 4.*

Intervit hîc ad propositum, quod de S. Rosalia Regis Sinibaldi Quisquinæ & Rosarum Domini Filia probati referunt Authores, quæ dum se comebat, poliebat, crines in cirrum contorquebat, & ad parentis sui genium se regio ornabat amictu, semel appensum in conclavi speculum consuluit, ut in hoc illusionis magistro formæ suæ gratiam, vultusque venustatem liberaliùs specularetur. Et ecce! dum speculum inspicit, quid obsecro, vidit Rosalia? Stat hæc muta sine voce, nimio terrore percussa, nec seipsam ob insolitum prodigium potest capere. Accedit iterum, de novo intuetur speculum mulierum, & quid vidit? Adverte, & obstupesce: In fundo ejusdem permagni, & tersissimi Speculi clarè intuita est, quid? non seipsam, sed Christum JEsu vivum, recenti Sanguine perfusum, horrido spineto redimitum, toto corpore plagatum, & in ligno crucis ferreis clavis suffixum, auditque ex ore Redemptoris sui hanc

hanc fractam vocem: *Vide hominem, quem crucifixisti: Vide Vulnera, quæ infixisti: Vide Latus, quod transfixisti.*

Ad quam lamentabilem vocem, & visum tam lugubre spectaculum hæc tenera, & regia Virgo adeò in corde commota fuit, ut absque ulla mora mundo, regno, opibus, deliciis regalibus, honoribus, ipsisque paternis laribus valedicens, antrum horridum in asperissima rupe elegerit, ubi reliquum vitæ curriculum, velut columba in foraminibus petrae, & caverna maceriae (hoc est in SS. CORDE JESU) in assidua contemplatione hujus sui Crucifixi Amoris, & sanguinem Sponsi defixa, usque ad beatam mortem constanter traduxit: unde asperrimo huic antro sequentem propriis manibus inscripsit epigraphen: *Ego Rosalia Senibaldi Quisquinae, & Rosarum Domini filia, amore Domini mei JESU Christi in hoc antro habitare decrevi.* Cujus sacrum Corpus, cum sub Urbano VIII. Pont. Max. An. Jubilæi 1625. fuisset repertum, mox Siciliam à vehementissima peste liberavit. Tantùm profuit Rosaliae, vel semel hoc divinum Speculum inspexisse, cui pro epigraphe hoc senarios Jambos R. P. Carducci non incongruè inscribes.

Fidele vitrum lucet, ut sordes fuget:

Speculare JESUM; hic fæda pellet omnia.

4. O mulieres, O Virgines, O domicellæ? ad vos nunc sermo meus est. Ecce habetis hîc in S. Rosalia nobilissimum exemplar, quod imitemini. Olim DEUS per Prophetarum Principem Isaiam vobis comminatus est, quòd propter intollerabilem vestram superbiam ac arrogantiam omnia superflua, ac pretiosa corporis ornamenta, & inter illa etiam specula vestra, velit auferre; Audite Verbum Domini: *In illa die auferet Dominus ornamenta calceamentorum, & lunulas, & torques, & monilia, & armillas, & mitras, & discriminalia, & periscelidas, & murenulas, & olfactoriola, & inaures, & annulos, & gemmas in fronte pendentes, & mutatoria, & palliola, & linteamina, & acus, & specula. &c.* Et quid sequitur? Arrigite aures: *Et erit pro suavi odore fætor, pro zonâ funiculus, & pro crispanti crine calvitium.* O qualis est hæc mutatio, & quàm admiranda rerum metamorphosis!

Olim Faber in
Sanct. in
Festo.
Epiph.

Olim Bonifacius. VIII. P. M. Serenissimæ Reginae magnæ Britanniae nitidissimum, & auratum speculum eum pretioso pectine in singulare donum submisit. En offero, & vobis simile, imò longè fidelius speculum, sacratissimum, & augustissimum COR Jesu, cruce signatum, & sentibus cinctum; hoc, inquam, divinissimum Speculum in vestris conclavibus appendite; Hoc sæpius de die consulite, & in hoc animæ vestræ maculas deterigit: Et siquidem indigent capilli vestri, ut pectine disponantur in ordinem, en & pectinem subministro, pungentes scilicet spinas, quibus SS. COR Jesu per omnem vitam punctū fuit. *Inspice, & fac secundum exemplar.*

4. *S. Ambr. lib. 6. Hexam. & alii.* 5. De Tigride ferocissimo animali recenset S. Ambrosius, quòd sequenti modo illi catuli surripiantur. Solent venatores, dum tigris ad prædam egreditur, celeri interim cursu in equo ad antrum illius ferri, ubi captâ tam optatâ occasione catulos omnes surripiunt, & cum hac præda rursus rapido cursu in fugam se conjiciunt. Quod ubi advertit tigris, absque mora vestigiis raptorum insistit, ex odore catulorum perfectissimè cognoscens, quò & per quam viam venatores cum illis se proripuerint. Quid hîc in arena consilii? audi: speculum dicti venatores tigridi insequenti in via objiciunt, ad quod ubi ferocissima hæc fera pervenit, seipsam in illo conspicata, catulos suos intra hanc sphærâ vitream delitescere existimat; dum mox à coepto cursu desistit, furorem deponit, catulis in speculo blanditur, osculatur, amplexuq; stringit; interim cū præda evasere venatores.

O anima Christiana! si hætenus in feram, crudelem, & iratam tigridem degenerasti; en speculum tibi objicio, SS. dolorosissimum, & afflictissimum COR Jesu Eucharistici & Crucifixi, cum hoc inscripto lemate: *Inspice, & emenda*, quod hætenus contra DEum, te ipsum, & proximum tuum deliquisti. Inspice, inquam, non more virorum, qui obiter, & in transitu duntaxat *considerant vultum* *23. nativitatis suæ in speculo, & statim obliviscuntur, quales fuerint:* unde nec suas eluere maculas, nec imcomposita componere student; sed inspice potiùs more virginum, ac mulierum, quæ dum se ipsas in speculo considerant, cunctas maculas, ac nævos etiam minimos

nimos in facie extergunt, omnesque gestus, & motus corporis juxta formam hujus speculi componunt. Ita, inquam, & tu, ô anima Christiana, hoc mysticum speculum, SS. COR JEsu intueri, & disce ab eo cum tigride omnem inordinatam iram, ac furorem deponere, mansuetudinem exercere, patientiam, castitatem, obedientiam, amorem Dei, & proximi &c. pro viribus imitari, & omnia in divinam voluntatem resignare: *exemplum enim dedi vobis, ut, sicut* Jo. 13. *ego feci, ita & vos faciatis.* 15.

6. Reminiscor hîc illius Venetandi Sacerdotis Hippolytia Glatini, *Hadr.* qui, cum Florentiæ versaretur, in vicinia sua prostituti pudoris foeminam observavit, cujus animæ interitum cum intimè deploraret, *Lyr. de imit.* ut eam denuo ad frugem reduceret, hoc pio, & ingenioso astu usus *Christi pat. l. 3. c. 6.* est. Curavit is loco speculi sibi fieri tabellam, in qua afflictissimus Redemptor JEsus cruentum in modum flagellatus, & plexo ex acutissimis spinis serto coronatus profluente ex vulneribus undique sanguine, eleganti penicillo expressus erat. Hanc piissimam tabellam in morem pretiosi speculi elaboratam, ad fenestram more mulierum suspendit, coram quo pio speculo ferè assiduò stans, & nunc capillos, nunc galerum disponens, nunc maculas vultûs abstergens videbatur. Infania dicto prostibulo visa est, ubi virum opinione Sanctitatis celebrem toties ante speculum observavit, quare cum risu, & cachinno ab eo petiit, quatenus hoc suum sibi speculum ad tempus commodaret. Gratum hoc accidit Hippolyto nuntium; solvit igitur de fenestra hoc lugubre speculum, vultûque serio, atque ad pietatem composito illud procaci lupæ commonstrat, quæ ad insolitum spectaculum attonita, & intus in animo perculsa, cum vix una alterâve vice oculos in triste speculum conjecisset, mox relicto sæculo ad sacra claustra transvolavit, vitâque piissimam per reliquum vitæ circulum duxit. Nulla sanè fœmina meliùs in speculo se contemplata est. O utinam & nostro ævo plures simili speculo uterentur. O utinam! O utinam!

Et ecce! appendo & ego vobis ejusmodi speculum, in quo, quidquid in vobis indecorum, quidquid vitiosum, quidquid probro-

brosum est, non tam videre, quàm & emendare potestis. Socrates Philosophus voluit, ut discipuli sui sæpius in speculo se contemplarentur, & ex illo compositionem corporum, morum, & actionum ediscerent. O quàm bonum, quàm fidele, quàm amabile speculum est COR JESU! quod meritò omnibus Christianis tanquam Christi discipulis in exemplar omnium actionum morum, & virtutum in Ecclesia Dei proponatur. Inspice igitur assiduè hoc divinum speculum, ut illud in mente tua exprimas: *Fecisti*, ait S. Drogo Hostiensis, *O Domine JESU, de corpore tuo speculum animæ meæ.*

S. Drogo
Host. cit.
à Lyræo
f. 288.

Ludov.
Vives in
S. Aug.
lib. 18.
Civit.

cap. 13.

Laur.

Lemmer
in Laur.

Mariali.
fol. 271.

7. Pro dictorum coronide audiamus, quid Ludovicus Vives, & alii de basilisco recenseant, qui venenum adeò lethale, & exitiosum à se spargit, ut hominem solo visu interimat, unde lemma: *Aspiciendo necat.* Solent autem venatores, ut hanc cruentam, & reipublicæ summè noxiam bestiam è medio tollant, grandius speculum ante se ferre, quod cum ille intuetur, venenati specierum visibilium radii ex oculis basilisci egressi, ad ipsum vi speculi reflectuntur, & sic ipsum non tam inficiunt, quàm & interficiunt.

Anno 1587. Warschavii in Polonia similis basiliscus inter ædificiorum combustorum rudera observatus est, qui solo aspectu plures homines necavit, & quia nullus audebat cum illo in certamen descendere, placuit ejus loci magistratui, hominem quendam mortis reum, & nunc post triduum suspendendum eò ablegare, qui lætus conditionem acceptans, de speculis sibi ex medicorum consilio providit, quibus undique circumdatus illi venenatæ bestię obviam processit. Et ecce dum basiliscus pestifero halitu, & visu venenum suum in hominem effundit, per repercussionem specierum venenatarum à glabritie speculorum in ipsum reflexarum, mortuus concidit, quem exinde liberatus in pertica sublimem triumphantis in morem circumtulit.

Ezech.
18, 4.

Jac. 1,
15.

Quid aliud peccatum est, quàm ejusmodi pestifer basiliscus, solo halitu, & visu animam necans? *Anima, quæ peccaverit, ipsa morietur.* Et in alio loco. *Peccatum cum consummatum fuerit, generat mortem.* Quid ergo consilii contra hunc exitiosum basiliscum omnibus mortalibus exitium struentem? Audi consilium meum: si salutem tuam amas, provide tibi de Speculo sine macula, quod est SS. COR JESU, hoc, inquam, gratiosum speculum ante oculos tum mentis, tum corporis affige, hoc sæpius inspice, hoc in omni tentatione

Dent. 28,
66.

consule, & erit tibi quasi vita tua pendens antete, ac tunc præfer-
tim, quando tibi cum tota æternitate de-
certandum.



CONSIDERATIO IV.

SS. COR JESU perfectissimi amoris Exemplar jam à primo vitæ suæ momento nobis extitit.



Et Verbum Caro factum est, & habitavit in nobis. Joān. I, 14.

I. **I**Nter omnia opera mirabilia, ac Divinæ Potentiæ prodigia nullum majus est, quàm quod DEUS T. O. M. pro homine indigno dignatus sit homo fieri. Erat tunc, antequam VERBUM incarnaretur, humanum genus non absimile illi Paralytico, qui ad piscinam probaticam languens, atque ab omnibus desertus per triginta & octo annos jacebat, hominem non habens, qui, cùm aqua ab Angelo moveretur, ipsum in piscinam demisisset. Tandem advenit benignissimus JESUS, ejusque miseriis ex intimo corde condolens, hunc ægrum verbo vitæ à tam diuturna paralyssi non tam sanavit, quàm & animam ejus perfectissimæ saluti restituit:

Joan. 5. Dixit ei Jesus surge, tolle grabatum tuum, & ambula, & statim sanus factus est homo ille.

En hic typum & imaginem humani generis, priusquam VERBUM incarnaretur! languebat tunc temporis mundus totus insanabili peccati paralyfi jam à quatuor aut quinque annorum millibus contabescens. Erattunc orbis plenus idololatriis & impiis peccatoribus, tanto Incarnationis beneficio omnino indignis. Cum ergo in tanta ac propemodum jam desperata miseria nullus aut Angelorum, aut mortalium opem ferre posset, assumpsit VERBUM naturam humanam, & cum ea COR mitissimum, quo nostris condoleret, & succurreret miseriis.

Judic. 6. Inspice Emblema, & Vellus Gedeonis in area expansum considera, in quod quietâ ac serenâ nocte ros coelestis pleno sinu se demisit, cui rori pro lemmate inscribes: Fœcundat ab alto. Vel illud ex Symbolo Nic. mutuatum:

Descendit de Coelis.

S. Aug. Ad hoc, ait S. August. descendit Christus in uterum Virginis ut exinde acciperet membra, quæ traderet cruci. Et S. Bernardus: Ros in vellere, & Christus in Virgine. Quibus annecto Div. Petrum Chrysol. Cœlestis imber, inquit, virgineum in vellus placido se fudit illapsu, & tota Divinitatis unda bibulo se nostræ carnis celavit in vellere, donec per patibulum Crucis expressum, terris omnibus in pluviam salutis se effunderet. Considera vel ex hoc immensum illum amorem diviniss. CORDIS Jesu & finem, ob quem is venerit in mundum; non enim omnia Vet. Testamenti sacrificia DEUM Patrem neque ex parte offerentis, neque ex parte rei oblata placare poterant. Descendit ergo ipse Unigenitus Dei Filius, & quid fecit? seipsum, ac SS. COR suum à vitæ primordio Patri in propitiationem pro peccatis nostris, & in primam victimam obtulit. O gratum munus! Ingressus mundum dicit: Hostiam & oblationem noluisti, Corpus autem aptasti mihi: Holocaustomata pro peccato non tibi placuerunt: Tunc dixi: Ecce, venio, in capite libri scriptum

S. Aug. serm. 10. de Nat. Dom. S. Bern. serm. 2. sup. miss. est. S. Petr. Chrysol. serm 3. de Annunt. Hebr. 10. 5.

ptum est de me, ut faciam, DEUS, voluntatem tuam. Psaltes addit: DEUS meus volui, & legem tuam in medio CORDIS mei.

Pf. 39, 8.

2. Hic non immeritò quæres pie Lector, quomodo Incarnatio Verbi in utero SS. Virginis facta sit? Adverte: sicut purissima Margarita in concha ex cœli rore & fulgore conflare solet; sic quoque Christus ex Deitate & Humanitate per unionem hypostaticam à Spiritu S. in castissimo Virginis utero ex purissimo ejus sanguine conceptus, perfectè in instanti organizatus, & animatus fuit, dum B. Virgo hoc unicum verbum ad Angelum effata est: FIAT.

Cornel. in

Luc. 1, 38

Hæc autem Corporis Dominici forma non major tunc fuit, quàm quantitas unius formicæ, vel apis, vel, ut vult S. Bernardinus, ad instar tenuissimi vermiculi. Habuit tamen præter plenissimum rationis usum omnis attributa divina, & idem tunc DEUS erat in tempore, qui nunc est, & fuit in æternitate: O VERBUM BREVIATUM!

S. Bern.

Tom. 3.

Dom. 2.

Serm. 20.

art. 2. c. 7.

Rom. 9.

28.

B. Alb.

Magn.

Addit B. Albertus M. quòd ex sententia Anatomistarum in fonte sanguinis CORDIALIS cujuslibet hominis reperiantur quatuor rivuli in modum Crucis in Corde humano distantes, ex quibus quatuor Cordis rivulis, in formam Crucis sibi invicem oppositis, censet idem Author celeberrimus, quod Spiritus S. purissimum Virginis sanguinem sumpserit, ex quo divinissimum COR JESU, totumque ejus corpusculum in instanti formaverit. Nunc sta, & pensa amorem SS. CORDIS JESU, quantum pro te jam tunc se exinanierit. Considera & dolorem hujus innocentissimi CORDIS, quid pro te jam tunc sustinuerit: *Volve*, inquit S. Bernardus, & *revolve vitam boni JESU, & non invenies eum, nisi in Cruce, ex quo enim carnem assumpsit, semper in pœna fuit.* Et tu Christiane hoc SS. COR JESU non ames? non æstimes? non colas? imò & offendas?

S. Bern.

Serm. 3.

de pass.

3. Contigit autem hoc summè admirandum, omniumque miraculorum longè maximum (quòd DEUS HOMO factus sit) die 25. Martii, quâ luce DEUS etiam hominem ex limo terræ formavit: Isaacum ad victimam destinatum, à gladio patris eripuit: Hebræos per mare rubrum feliciter in Palæstinam traduxit, & Pharaonem

Mansi in

festo An-

nunt. B.

V. disc. 1.

&c.

cum exercitu suo in profundo maris submersit: quo die & Dei Filius tantem post expletos triginta quatuor annos pro salute generis humani pati, Cruci affigi, & mori voluit. En mirandam divinae Providentiæ dispositionem!

Si olim Israëlitæ in tantam admirationem rapti sunt, quando prima vice illud Manna, seu panem illum coelestem, omne delectamentum in se habentem, de cœlo in terram pluere viderunt, ut præ admiratione tanti prodigii unanimiter in castris suis exclamârent?

Exod. 16, 15. *Manbu, quid est hoc?* Quis non miretur immensam tuam bonitatem, O mi Jesu! quòd tu ipse tanquam panis verus & vivus, de cœlo descendere dignatus sis? An tanta res erat salus peccatricis animæ meæ, ut propter eam de cœlesti throno descenderes, homo fieres, & tandem in Cruce morereris? Et, quod plus est, etiam post mortem SS. COR tuum immiti lanceâ transfixum in scopum amoris relinqueres? O immensus amor hujus Sanctissimi CORDIS tui!

Tob. 12, 11. *Quid tibi, O mi salvator, rependam? Quid possumus dare Viro isti sancto?* dicebat quondam Tobias, *aut quid dignum poterit esse beneficiis ejus?* Et ego dico: Quid dabimus beneficentissimo CORDI Jesu, pro nostra salute jam tunc temporis tam indigna passo, ac tandem pro nobis in Cruce aperto? *Quid dignum poterit esse beneficiis ejus, &c.*

4. Obstupuit quondam Jacob, ubi per scalam illam mirabilem Angelos Dei de cœlo in terram descendentes conspexit: *Viditque in somnis scalam stantem super terram, & cacumen ejus tangens cælum, Angelos quoque Dei ascendentis & descendentis per eam, &c.*

Gen. 28, 11.

O Vir sancte! quid adeò demiraris descendentes de cœlo Angelos? quin potius obstupesce amorem Jesu adeò humiliati, ac de finu Patris descendentes, & nunc in utero Virginis quiescentis, ubi coelestia terrenis; & ima summis conjungebat. O pientissime Jesu! an non poteras Angelum quendam de cœlo in hanc terram ablegare, ut per illum universalem amnistiam miseris mortalibus publicares? Sed quid audio? qui olim Centurioni dixit: *Ego veniam & curabo eum:* Ipse quoque ad vos venire dignatus est, *visitans*

nos oriens ex alto, ut à peccati jugo, & servitute diaboli nos redimeret, & æternum bearet: O abyssum bonitatis SS. CORDIS JESU! Et ego non amem te? Luc. 1. 78.

5. De Elia refert Scriptura, quòd nec pedem quidem in gratiam Regis Ochoziæ tunc graviter ægrotantis movere voluerit, in quem finem submisit ei Rex duas militum cohortes, ut dignaretur de monte Carmeli descendere: *Homo Dei, hæc dixit Rex, festina, descende: quid ad hoc zelosissimus Elias? Si homo Dei ego sum, descendat ignis de cælo, & devoret te, & quinquaginta tuos.* Quod & ita juxta vaticinium Prophetæ accidit. O COR durum, & inexorabile! 4. Reg. 1. 11.

A Magistro ad discipulum me converto. Venerat ad Elisæum Prophetam Naaman Princeps militiæ Regis Syriæ, vir potens, & dives, humiliter eum rogans, quatenus dignaretur ad se descendere, & à lepra infectam carnem curare: *Venit ergo Naaman cum equis, & curribus, & stetit ad ostium domus Elisæi.* Quid ad hoc Elisæus? Nuntium solum ad Naaman misit, qui ipsi indicaret, ut in Jordanem se demitteret, septièsque carnem ablueret, & sic à lepra esse mundandum, ipse verò Propheta, licet rogatus, ad hunc leprosum Principem non descendit, unde etiam indignans abiit: *Iratus Naaman recedebat, dicens: putabam, quòd egrederetur ad me, & stans invocaret nomen Domini Dei sui, & tangeret manu suâ locum lepræ, & curaret me.* En alterum COR durum? 4. Reg. 5. 9.

Ita & Sacerdos ille, ac Levita, licet peregrinum illum Jeruchuntinum expoliatum, semivivum, multisque plagis confectum vidissent, præteribant tamen in via, & neuter dignabatur ad hunc missellum, & ab omnibus derelictum descendere: *Accidit autem, ut Sacerdos quidam descenderet eâdem viâ, & viso illo præterit, similiter & levita, cum esset secus locum, & videret eum, pertransiit.* O CORDA indurata! O corda adamantina! Luc. 10, 31,

Considera in his typis prudens Lector imaginem ægrotantis, leprosæ, & vulneratæ animæ hominis, quæ tunc cum Ochozia ægrotavit, cum Naaman lepra infecta fuit, & cum misero illo Jeruchuntino

tino in latrones incidit, dum per peccatum justitiam originalem amisit, ad quam animam tuam sanandam nullus Angelorum, nullus Patriarcharum, nullus Prophetarum, aut alius quispiam Sanctorum dignatus est descendere, imò verò nec omnes Sancti simul, & collectivè sumpti eam à perditione poterant revocare. Hinc Jeremias ait: *Insanabilis est dolor tuus propter multitudinem iniquitatis tuæ.* Quid ergo in re tam ardua consilii?

Jerem.
30, 15.

O infinitam, O immensam bonitatem pretiosissimi Redemptoris tui Jesu! verè in misericordia sempiterna, & in charitate perpetua dilexit te? venit ergo optimus Samaritanus: *Et videns nos, misericordia motus est:* venit, inquam, de sinu Patris in uterum Virginis, & descendens de summo cœlo deorsum usque in hanc lacrymarum vallem, carnem humanam, infirmam, passibilem assumpsit, ut salvos faceret, quos ex nihilo condidit. O verè magnum, imò maximum divinæ Pietatis Sacramentum! *Nullum majus donum,* sunt verba S. Augustini, *præstare DEUS posset hominibus, quàm ut VERBUM suum, per quod condidit omnia, faceret illis caput, & illos ei tanquam membra coaptaret, ut esset Filius Dei, & filius hominis, & unus DEus cum Patre, unus homo cum hominibus.*

S. Aug.
sup. Psal.
85.

6. Amorem hætenus hujus divinissimi CORDIS Jesu jam à primo ejus vitæ momento explicavimus. Nunc & hujus suavissimi CORDIS dolorem consideremus. Dixi superiùs sententiâ SS. Patrum suffultus, SS. Corpusculum optimi Jesu in primo Incarnationis instanti quantitatem unius formicæ non excessisse. Considera, quæso te prudens Lector, acervum formicarum, earumque labores, & curas lustra, & videbis, quòd tenuissima formicula mirâ prorsus alacritate longè majora, ac graviora onera, quàm ipsa est, in se suscipiat, & ad acervum suum comportet: hinc cernes in earum acervo plures bacillos confractos, & in modum crucis hinc & inde dispositos. Finge pro symbolo formando tibi ejusmodi formiculam, similem bacillum in modum crucis dispositum alacriter in se susipientem, cui pro lemmate inscribes: *Excedunt pondera vires.*

O bone JESU! Tu in Incarnatione tua similis ejusmodi laborio-
sæ, ac sedulæ formicæ factus es, dum crucem à Patre oblatam sum-
mo gaudio jam tunc in SS. CORDE tuo suscepisti, usque ad vitæ
finem jugiter portandam. Ad scripturam.

7. De Juda Patriarcha recensent sacræ litteræ, quòd ex Thamar
genuerit Phares, & Zaram: *Judas autem genuit Phares, & Za-* *Matth. 1.*
ram de Thamar. Cùm itaque tempus partûs adesset, & hi duo ge- *3.*
melli fratres pro primogenitura non segniter decertarent, quisnam
eorum prior de utero materno in hunc mundum exiret, prævenit
tandem Zara, qui in ipsa effusione, & eruptione manum suam prius
per uterum matris protendit, *in qua obstetrix ligavit coccinum,* *Gen. 38.*
seu rubicundum quendam funiculum! quod ubi advertit Zara, *27.*
manum rursus per uterum matris ad se retraxit, & alteri fratri suo
Phares primogenituram ultrò concessit.

Miror, quoties hanc pulcherrimam figuram perpendo, quæ sin-
gulari non caret mysterio; & quid, obsecro, sibi vult hoc cocci-
num, quod Zara infans ad se in uterum matris attraxit? Audi S. Pa-
schasium, qui per Zaram Christum JESUM in purissimo utero Vir-
gineæ Matris suæ existentem intelligit, *Zara* enim hebraicè voca-
tur *Oriens*, & Christus pariter est *Soloriens ex alto.* Zara autem
infantulus coccinum ad se per ventrem maternum retraxit: *Hoc* *S. Pasch.*
coccinum, ait idem Sanctus Paschasius, *erat dominicæ passionis in-* *in cap. 1.*
dicium, quam amarissimam passionem mellissimum COR JESU In- *Matth.*
fantuli jam tunc à primo formationis suæ momento inchoavit:
Tota vita Christi, ait Robertus Cardinalis, *perpetua passio crucis* *Robert,*
dici potuit, siquidem ab ipsa conceptionis rora cognovit, sibi cru- *Bellar. de*
cem esse paratam, & semper eam ante oculos sic habuit, ut verè dici *gemitu*
possit, toto vitæ suæ tempore in cruce pependisse. *columba*
l. 2. c. 3.

8. O anima Christiana considera, vel ex hoc infinitum amo-
rem, & dolorem SS. CORDIS JESU. Adamo quondam DEUS Pa-
ter pro domicilio dedit paradysum, locum amoenissimum, largissi-
mum, deliciis plenum: & unigenitus Filius ejus eligit sibi locum
angustum, & obscurum ergastulum, Virginis scilicet uterum: *Tu*
ad

ad liberandum suscepturus hominem non horuisti Virginis uterum. Hic quæres, cur Ecclesia dicat: *Non horruisti Virginis uterum?* An non hæc SS. Deipara ipsis Angelis, & cœlis purior erat? omnino: *nec primam similem visa est, nec habere sequentem:* quomodo ergo purissimum COR JESu potuisset ab immaculato hoc Virginis utero abhorrere?

Adverte non abhorruit COR JESu ab hoc intemeratæ Virginis utero, quin imò pro summis deliciis illi fuit, in hoc ipsis Seraphinis puriore Tabernaculo inhabitare: sed Ecclesia solùm admiratur SS. CORDIS JESu planè immensam charitatem, quòd propter nos, & propter nostram salutem ipse summus Dei Filius dignatus sit homo fieri, & per novem menses in utero Virginis, tanquam in ergastulo includi, ac tam stupenda, & insolita pro indignissimis hominibus, & peccatoribus, qui nec unquam tantam illius bonitatem agnitori essent, statim à vitæ primordio pati. Ex quibus pulcherimè infert Cardinalis Bellarminus? *Ex hac tam continua Crucis bajulatione collige Dominum tuum nullam quietam horam habuisse, sed assiduò dies ac noctes in salute tua operanda occupatum fuisse.* Et tu pro illo quid agis? Heu! stupendam, & amaris lacrymis non satis deplorandam mortalium ingratitude! pro modica præbenda, pro vilissimo lucro curritur, laboratur, agonizatur, & solus vilis est amor JESu, & quidem JESu jam in utero Virginis Matris pro nostra salute Crucifixi? Verè O mi JESu, qui Te non amat, anathema sit, & qui SS. COR tuum non veneratur, brutum, non homo est: quis enim plùs pro nobis sustinuit, quàm divinissimum COR JESu? Ah quanta cum patientia te hætenus expectavit, ut aliquando redires ad COR?

Laur. Pro coronide observa, quòd P. Laurentius Kepplerus de tepido quodam *Keppl. in* Religioso recenset, qui stans in choro ad hæc sacra verba. cùm in Missa cantarentur: *Et incarnatus est de Spiritu Sancto,* nec caput inclinare, nec pedem incurvare voluit, sed erecto collo, quasi truncus inter reliquos fratres, omnes se se profundè inclinantes, perstitit. *f. 273.* Quid ad hoc dæmon licèt hostis humani generis capitalissimus? *O ingratus,* inquit, *quomodo sic stas erecto collo? cur non inclinas te cum fratribus? Nonne audis, quod cantatur, quòd Deus propter te factus est homo? si propter me miserum tantùm fecisset, ego ipsi me in perpetuum inclinarem.* Et inflictâ illi gravissimâ alapâ discessit. Heu nos miseros! vel ab ipso dæmone habemus, unde discamus, quomodo debeamus hoc summum Incarnationis mysterium venerari, ac præsertim SS. COR JESu in SS. Sacramento. Heu quàm debiles hîc sumus, & quàm dormiunt multi? ah! quàm dormiunt multi!



CONSIDERATIO V.

SS. CORDIS JESU in utero materno per novem menses inclusi,
vita & actio, crux & passio consideratur.



In carcere eram, & venistis ad me. Math. 25, 36.

1. **P**ostquam VERBUM incarnatum fuit, prima illius cura erat, ut non tam sibi, quàm & nostræ salutis viveret. Hinc sacratissimum COR JESU jam tunc à primo formationis suæ momento cœpit thesaurizare, & virtutum maximarum merita congerere, quibus pauperiem nostram ditaret; proinde jam tunc in utero Virginis Matris salutis nostræ negotium disposuit, & veniam lapsum promeruit. Et licet tunc secundum S. Bernardinum S. Bern. Sen. tom. corpusculum JESU, per Spiritum S. ex una, alterave sanguinis virginei guttula (prout in priore consideratione insinuavi) 3 Dom. 2. ferm. 20. art. 2. c. 7. efformatum, & in instanti perfectissimè organizatum ac animatum,
E adeo

adeò parvum & exile fuerit, ut vix oculis potuisse videri: *Cùm Christus*, inquit, *in uterum Virginis venit, carnemque assumpsit, tantā brevitāte circumamictus est, ut, si positus fuisset super papyrus vel palmam manūs, vix eum humanus oculus percepisset.* Nihilominus ille DEus erat immensus, infinitus, maximus tunc in tempore, qui nunc est, & erat, & erit in omni æternitate, atque perfectissimo modo jam tunc in carcere materni uteri inclusus salutem nostram, & opus Redemptionis operatus est; non ab similibus tenerimo Bombyci, qui, licet in calathisco, seu in globulo suo, velut in angusto carcere inclusus retineatur, otiari tamen id hoc obscuro ergastulo non solet, sed assiduò fila sua serica etiam ex propriis visceribus parat, unde Lemma non incongruè simili Bombyci impones:

Operior, & Operor.

De Tobia, qui secundum nominis sui etymologiam *Bonus Dominus* interpretatur, refert Scriptura, quòd semper memor fuerit Domini in toto corde suo, ubi etiam in carcere, & in captivitate sub Salmanasar Rege Assyriorum constitutus, totum Cor suum pro honore veri DEI conservando, & pro salute fratrum suorum concaptivorum impendit, pro quorum liberatione, quàm maximè potuit, allaboravit: *In captivitate positus viam veritatis non deseruit,*
Tob. I, 2. ita, ut omnia, quæ habere poterat, quotidie concaptivis fratribus impertiret.

Non Tobias, sed ipse DEI Filius, verè *Bonus Dominus*, tibi hodie anima Christiana, in angustiis uteri materni, velut in obscuro carcere, per novem integros menses captivus sistitur, in quo virgineo carcere Sanctiss. ac Diviniss. COR Jesu constrictum, nullum momentum omisit, quin Divinæ Justitiæ satisfaceret, & gloriam Patris sui, atque salutem animarum jam tunc pro viribus quæreret, siquidem hic ejus incarnationis unicus finis fuit, *quærere, & salvum facere, quod perierat.* Age, Amice mi! visitemus hoc Sanctiss. ac terrerimum COR Jesu tanto tempore pro nostra salute in materno carcere inclusum, ne aliquando in extremo illo judicio nobis possit objicere: *In carcere eram, & non visitastis me.*
Luc. 19, 10.
Matth. 25, 24.
 2. Ne-

2. Nemo autem mortalium hâc existimet, quòd tunc primùm mitissimus Jesus pro nobis pati, crucemque ferre inceperit, cùm ad Montem Olivarium finitâ coenâ se recepit, sed Crux jam à primo vitæ ejus momento SS. CORDI ejus implantata fuit; vel, ut meliùs dicam, jam ab æterno per prævisionem omnium ærumnarum ac poenarum, quas pro redemptione mundi aliquando Christus perpassurus esset, Crux ab illo electa est. Et nunquid erat *Agnus, qui occisus est ab origine mundi?* Et nunquid ab æterno Servator noster se Patri promptum exhibuit, ut in plenitudine temporis nasceretur, & pro redemptione mundi in Cruce moreretur? & nunquid omnes figuræ in Veteri Testamento hanc Crucis mortem præsignabant? *Ab initio sæculorum*, ait S. Paulinus, *Christus in suis patitur, & triumphat: In Abel occisus à fratre; in Noë irrisus à filio; in Abraham peregrinatus; in Isaac oblatus; in Jacob famulatus; in Josephi venditus; in Moyse expositus & fugatus, in Prophetis lapidatus & sectus, &c.*

Vid. R. P.

Judocum

Andries,

S. J. de

perpetua

Cruce

Jesu ty-

po. 1.

Apoc. 13,

8.

S. Paulin

epist. 27.

A-

prum.

Nunc collige, quid hoc SS. COR Jesu in utero Virgineæ Matris inclusum per novem illos menses, antequam nasceretur, senserit, & quid pro tua salute jam tunc ærumnarum sustinuerit. Erat certè Amor hujus divinissimi CORDIS intensissimus, ad desiderium longè maximum, hominem ab interitu redimendi: proinde existimat Guarricus Abbas, quòd hæc captivitas per novem menses huius SS. CORDI Jesu reverà non minimum, quem unquam per vitam sustinuit, causaverit dolorem; spes enim, quæ differtur, affligit animam. Audi ipsum Guarricum loquentem: *Omniū humanarum infirmitatum vel injuriarū, quas pro nobis pertulit divina Dignatio, sicut tempore primam, sic etiam humilitate ferè maximam existimo, quòd in utero concipi, in utero novem mensium tempore Majestas illa incircumscripta passa est contineri.*

Guarrio,

serm. 3.

de An-

nunt. B,

Virg.

Sciebat namque amantissimus Infantulus jam tunc intra Virginei ventris angustias constrictus, se esse illum magni Patris - familias filium, ad excolendam vineam (hoc est, Ecclesiam) de cœlo missum, qui occisis & lapidatis jam tot Prophetis & Ministris Dei, tan-

dem & ipse à perfidissimis colonis extra vineam & urbem Solymæ-
am ejiciendus, in ligno Crucis perimendus, ac tandem consumma-
tis omnibus secundum SS. COR suum crudeli lanceâ esset transfi-
gendus: *Agricolæ autem videntes Filium, dixerunt intra se: Hic*
Matth. 21, 38. est heres, venite, occidamus eum. Sciebat insuper, se esse illum Jo-
nam, pro salute cæterorum in mare rubrum passionis ejiciendum:
Jonn. 1, 12. Tollite me, & mittite in mare, & cessabit mare à vobis Sciebat
Col. 2, 14. adhæc, se esse unicum orbis Redemptorem, humani generis Media-
to rem ac Fidejussorem, qui, quod adversus nos erat, chirographum
decreti erat deleturus, & illud Cruci affixurus, hinc desideria, & sa-
cratiss. CORDIS ejus afflictiones internæ crescebant, citò pro ho-
Nierenb. 1. 2. c. 5. mine patiendi, & pro lytro redemptionis ipsum COR suum æterno
de ador. in spirit. & verit. Patri offerendi: Et nisi, ait P. Nierenbergius, divina dispensatione
adjutus fuisset, illo ipso instanti, quo cœpit vivere, mortuus fuisset
præ doloris magnitudine. O anima mea! quantû, ah quantum obli-
gata es huic amabilissimo CORDI Jesu! quid æquale illi rependes?

3. Et adhuc dubitas, quòd Crux SS. CORDI Jesu à primordio
ejus vitæ usque ad finem illius fuerit assiduò implantata? Consule
Lyr. de imit. at. Jesu pat. 1. 7. c. 1. fol. 55. 2.
cor B Claræ de Monte Falco, cui aliquando Christus apparuit, præ-
grandem lassis humeris crucem bajulans, & hîc verbis eam allo-
quens: *Ave filia! summam gaudiorum tibi affero crucem hanc, quæ*
nullibi firmius figi potest, amplexare, & cor tuum mihi præbe, ut
in hac cruce moriaris. Ex quo tempore B. Clara intensissimum a-
morem & zelum erga Jesum Crucifixum in animo sensit, adeò, ut
Sorori cuidam ultimo vitæ suæ die diceret: Si Christi Crucem quæ-
ris, Cor meum accipe, in quo nil aliud, nisi Christum Crucifixum
invenies. Rem eventus probavit, nam post beatum obitum, cum
corpusculum hujus Virginis aperiretur, in illius Corde Crux, & in
eâ Jesu penduli imago cum corona spinea, clavis, columnâ, & cru-
ento flagello inventa est.

Similem ac planè mirandum eventum Cantipratanus de Martyre
Thom. Cant. l. 1. apud. c. 25.
quodam Anonymo comemorat qui, cum in captivitate sua semper
gembundus, & moestus corde incederet, à tyranno causam roga-
tus,

tus, ut edifferet, liberè respondit: *Ideo semper tristis incedo, quia memor mortis Dei mei continuo in corde meo ejus passionis stigmata porto.* Audiit hoc tyrannus, Martyrem sine mora occidi, & Cor ejus cultro disseccari jubet, in quo perfecta Christi Crucifixi imago reperta est, quâ conspectâ & Tyrannus in Crucifixum credidit, & cum suis ad baptismi gratiam pervenit.

Vide Qua-

res. tom.

s. c. 10.

Nec absimile illud est, quod de Volvando Ord Præd. in Argenti-
na civitate Germaniæ refert Quaresmius, qui in more habuit, sive
sedens, sive gradiens suo pollice SS. Crucis signum in CORDE suo
depingere. Moritur tandem hic devotissimus Crucifixi Cultor Mo-
guntia; & post aliquot annos, cum ossa è tumulo effoderentur, mi-
rum dictu! *Os pectoris* inventum est in perfectissimæ crucis for-
mam transmutatum, in quo & operosam Crucem invenerunt, ad
demonstrandum sine dubio orbi Christiano, quàm tenerè hic pi-
entissimus Vir SS. COR Jesu Crucifixi amaverit, unde meritò cum
S. Ignatio Ep. & M. dicere poterat: *Amor meus crucifixus est.*

De S. Fautino Confessore narrat Petrus de Natalibus, quòd Crux
nive candidior super COR illius, cum à Matre in lucem ederetur,
mirabiliter in carne impressa apparuerit. Simile quid cum S. Rocho
accidit, qui, cum infans miræ pulchritudinis nasceretur, in COR-
DE rubicunda & splendida cruce signatus apparuit.

Pet. de

Natal. lib.

s. c. 160

Taceo plures ejusmodi mirandos eventus; ex quibus prudens
Lector collige, si his, & similibus piis Cordibus crux quodammodo
per omnem vitam implantata fuit, quæ etiam post felicem istorum
hominum obitum non sine prodigio perseveravit, quanto magis
nunc credes, quòd in SS. CORDE Jesu perpetua crux fuerit con-
stitutâ? *O si considerarem* (subinfert hîc P. Eusebius Nierenbergius,
Vir politissimi ingenii, & in regia Madritensi Academia SS. littera-
rum Professor) *O si considerarem hæc opera tua Domine, quomodo*
expaverem? Utinam fieret Cor meum tanquam cera liquecens!
ponam ut signaculum super COR meum illud COR mæstum aman-
tissimi Jesu, quod perpetuò crucifixum fuit: sic in memoria ha-
bebo, & tabescet in me anima mea.

P. Nier. l.

2. c. 5. de

ador. in

spirit. &

verit.

4. Hanc perpetuam Crucem in utero Virgineæ Matris SS. CORDI Jesu à Patre desponsatam, longè antea in Spiritu prævidit Vates Regius, unde de hoc adventu Christi Jesu in carne decantavit: *Psal. 8, 6. Gloria, & honore coronasti eum,* Et qualis, obsecro, hæc corona gloriæ, & honoris fuit, quo Cœlestis Pater hunc dilectissimum Filium suum in mundum ingredientem coronavit? Audi rursus *Psal. 2, 6. videm in persona Christi dicentem: Ego autem constitutus sum Rex ab eo super Sion montem sanctum ejus.* O bone Jesu! qualis Rex eras tu in ventre Matris captivus? Sapor Persarum Rex adhuc infans, & in utero materno existens pretiosâ coronâ, supra pectus Matris impositâ, coronatus est; sic & Christus Dominus à primo conceptionis suæ momento propter unionem hypostaticam à Deo Patre gloriâ & honore coronatus, & ab eo Rex etiam temporalis totius orbis, omniumque creaturarum designatus est. O Rex mirabilis! *Parvulus Dominus,* ait S. Bernard. *& amabilis nimis!* sed dic, quæso, optime Jesu! qualis Rex eras tu in ventre Matris captivus? ubi regnum tuum tunc erat, ubi potestas & imperium?

Pro dilucidatione hujus conceptûs adverte, quid Apostolus quondam ad Hebræos scripserit; qui, ut Christianos noviter conversos, ad alacriter Christi premenda vestigia animaret, eos vehementer ad contemplationem Christi Jesu in Cruce morientis adhortatus est: *Hebr. 12, 2. Curamus, inquit, ad propositum nobis certamen, aspicientes in Authorem fidei, & consummatorem Jesum, qui proposito sibi gaudio sustinuit crucem confusione contempta.* Supra quæ verba Rupertus Abbas hanc pulcherrimam proponit quæstionem. *Pater æternus, inquit, SS. CORDI Jesu jam tunc à primo vitæ instanti liberam dedit electionem, an ut Rex Magnus cum potestate magnâ, & majestate hunc mundum ad gaudendum vellet ingredi, an verò pauper, & humilis Crucis viam, passiones, & dolores, afflictiones, & ærumnas per omnem vitam amplecti, ac tandem se ipsum ad redemptionem humani generis in cruce ad imolandum offerre?*

Quid hîc expectatis mortales? qualem resolutionem (ex qua vestra pendebat salus) à dulcissimo CORDE Jesu vix incarnati spectatis?

tis? Audite coeli, quæ loquor, audiat terra verba oris mei: *Ipse autem proposito sibi gaudio elegit, & sustinuit crucem, confusione contempta*; hanc præ omnibus mundi regnis elegit, ut adimpleretur, quod David fidei carmine cecinit: *Regnavit à ligno DEus*: hæc fuit illa gloria, & honor, quo SS. COR Jesu à primo conceptionis instanti coronavit Pater æternus, unde jam tunc, prævidens vivacissimâ apprehensione, & perfectissimâ cognitione tot injurias Divinæ Majestati per peccata hominum irrogandas, & damnum irreparabile humano generi inde emergens, pro Ecclesia sua tenellus Infans caput objiciebat spinis, aures opprobriis, oculos lacrymis, genas colaphis, faciem sputis, os felli, collum catenis, brachia funibus, dorsum flagellis, pectus injuriis, manus & pedes ferreis clavis, SS. COR suum crudeli lanceæ, ac totum denique Corpus infinitis doloribus. Collige ex hoc prudens Lector, quale regnum, qualisque vita, & actio amantissimi, & divinissimi CORDIS Jesu in utero B. Virginis, ac Matris existentis fuerit: *Non minor afflictio*, ait citatus Nierenbergius, *latuit in CORDE Jesu ab illo instanti, quàm habuit in horto, cum sudavit sanguinem per omnia membra: quem admodum illic ex viva apprehensione dolorum, & cruciatuum passionis suæ insolito, & terribili modo afflictus fuit; sic etiam æquè intense apprehendit eosdem dolores in utero amantissimæ Matris: cognitio enim Christi non fuit imperfecta, eo maxime tempore, quo negotium nostræ redemptionis acceptavit, & proposita ei fuit sine ulla dissimulatione omnis difficultas toleranda, & vincenda.* Hæc magnus ille Doctor Hispanus de SS. CORDE Jesu adhuc in utero Matris latentis. O anima Christiana! visitemus sæpius in hoc virgineo carcere afflictissimum COR Jesu, & discamus ab illo patientiam, humilitatem, puritatem, amorem Dei & proximi &c.

§. Pro confirmatione dictorum Davidem considerare, ut adolescentulum in Regem à Samuele inunctum: *Tulit ergo Samuel cornu olei, & unxit eum in medio fratrum.* Verùm quid fecit hic puer in Regem inunctus? num mox ad pacificam regni possessionem transiit? minimè, sed COR suum varias sustinendo persecutiones, labo-

*Jo. Euseb.
Nierenb.*

l. 2. c. 5.

de adorat.

in Spirit.

& verit.

1. Reg. 16

12.

labores, afflictiones &c. usque ad 30. ætatis annum ad majora certamina paravit, unde mox ut puer cum ursis, leonibus, & Golia gigante congregari non dubitavit, ex quorum faucibus ablatas oves fortiter eruit: *Veniebat leo, vel ursus, & tollebat arietem de medio gregis, & persequabar eos, & percutiebam eruebamque de ore eorum.*

En hîc insignem typum habes Christi JESU, ut tenerrimi puelli in utero Matris, à Patre quidem in Regem inuncti, & sic ab Angelis adorati: *Et adorent eum omnes Angeli ejus*: sed qui pariter jam tunc per 9. illos menses sacratissimum COR suum ad omnes labores, ærumnas, pœnas, afflictiones, ac præsertim ad cruentum illud certamen parabat, cum diabolo, morte, & peccato post 34. annos ineundum, & in monte Calvario propria morte consummandum. Et hæc vita CHRISTI JESU adeo amara in utero illo materno (cùm jam tunc omnia illi essent præsentia, & insuper accederent tot enormes in Patrem offensæ) existimat S. Mater Theresia, quòd SS. CORDI JESU summum inter omnia tormentum extiterit: *Ipsa mihi persuadeo, & propè certa sum, multò majora, & atrociora hæc tormenta fuisse, quàm quæ in sacratissima sua passione pertulit.* Hæc illa.

Hanc immensam charitatem, & afflictionem SS. CORDIS JESU incarnati, cùm propensius aliquando considerasset B. Maria Magdalena de Pazzis Carmelitana, quòd Verbum illum divinum adeo se se humiliaverit, & de sinu Patris in purissimum Virginis uterum descenderit, unde membra fumeret, quæ traderet flagellis, spinis, cruci, animo abrepta sensit CORDI suo divinitus hæc verba inscripta: *Verbum Caro factum est.* O utinam & Cordi nostro lapideo, stylo ferreo amor SS. CORDIS JESU Incarnati, Eucharistici, Crucifixi inculperetur!

Demum ut concludamus hanc nostram considerationem, ad id attendamus oportet, in quo nobis exemplo præierat Beata Agnes de Monte Politiano ex Ordine S. P. Dominici, de qua refertur in ejus vita, quòd SS. Deiparæ sæpius humilibus votis, ac suspiriis deprecata fuerit, quatenus sibi dulcissimum Filium suum ac Puerum JESUM monstraret. Annuit tandem piis hujus Virginis precibus Beatissima Dei Parens, illique se spectabilem reddens, Infantulum suum JESUM inter brachia ejus deposuit, quem Beata Agnes summo animi cum gaudio recipiens, castisque osculis devenerans, diu suaviter amplexata est. Tandem cùm Sanctiss. Virgo & Mater hunc Filium suum ab illa reposceret, B. Agnes illum quidem restituit, sed crucem parvam mirè fulgentem, quam divinus ille Pusio in Pectore suo gestabat, per pium furtum abstulit, ac penes se, quoad vixit, in singulare amoris pignus retinuit; quæ Crux cœlestis etiamnum in illo monasterio Politiano piè asservatur, & religiosè colitur. Accede & tu O anima Christiana ad SS. COR JESU, vel in utero, aut in sinu Sacratiss. Deiparæ reclinatum, & si pariter te cruce sua donaverit, quàm sibi à primo conceptionis instanti unice sponsavit, O te felicem, O beatam animam! si eris, & consors gloriæ Sacratiss. CORDIS JESU! si nunc in vita Cor tuum particeps fuerit amarissimæ crucis & passionis ejus.

CONSIDERATIO VI.

Expenditur Amor SS. CORDIS JESU, nunc à Virgine in lucem nati, & in pauperrimo præsepio ab illa reclinati.



Et peperit Filium suum Primogenitum, & panis eum involvit. Luc. 2, 6.

Non possum capere mirabilem illum modum, quem olim Elisæus, cum filium Sunamitidis mortuum ad vitam revocare vellet, adhibuit. Amāndavit primū hic Propheta famulum suum Giezi cum baculo, ut hujus ope puerum defunctum resuscitaret: sed neque servus, neque baculus tam arduum opus poterat efficere. Quid igitur Elisæus? Ipse ad ædes Sunamitidis descendit, ubi iucubuit super puerum, posuitque os suum super os ejus, & oculos suos super oculos ejus, & manus suas super manus ejus, & incurvavit se super eum, & calefacta est caro pueri,

4. Reg. 4.

34.

Et oscitavit puer septies, aperuitque oculos. Res stupore plena! quomodo, obsecro, grandævus ille Propheta adeo sese potuit incurvare, coarctare, & membra sua in tantum abbreviare, ut illa super membra pueri demortui poneret, & sic illum ad vitam revocaret?

S. Aug.
serm. 11.
de verbis
Apost.

Respondet ad hoc magnum illud Ecclesiæ fidus S. Augustinus, quòd hic puer mortuus genus humanum, Giezi vero cum baculo Moyse, & Elisæus Christum in typo repræsentaverit. Sed neque Moyse, neque virga ejus prodigiola (SS. Crucis Figura) potuit humanum genus sine suo Magistro ad vitam revocare. Venit igitur ipse Christus grandis ad parvulum, Salvator ad salvandum, vivus ad mortuum, & quid fecit? Ecce! abbreviavit se VERBUM, infantilia membra induit, parvum parvo se coaptavit, ac Cor suum vivum supra Cor nostrum mortuum posuit: *ut efficeret*, ait S. Augustinus, *corpus humilitatis nostræ conforme corpori gloriæ suæ.* O immensus, ô ineffabilis amor SS. CORDIS Jesu! nunc denuo pro omnium salute à Virgine in lucem nati? cui te comparabo, ô COR amabile, milliesque adorandum?

Symbolum inspicere, ubi orientem Solem spectabis, qui tenebras caliginosæ noctis dispellit, & optatam diem universo terrarum orbi reducit, cum inscripto lemmate, ex Psalmis Davidicis mutuato:

Pf. 103,

30.

Renovabit faciem terræ.

Malach.

4, 2.

Talis, inquam, Sol erat & SS. COR Jesu, jam in nativitate sua; de quo pulcherrimum vaticinium dedit Malachias Propheta: *Orietur*, inquit, *vobis timentibus Nomen meum Sol justitiæ, & sanitas in pennis ejus*, hoc est, sub brachiis ejus, jam tunc in præsepio, quasi in cruce extentis. Videamus modo, qua ratione hic Mysticus Sol ortus sit.

Cant. 6, 9.

2. Non immerito in sacro Epithalamio Beatiss. Deipara Spiritibus coelestibus auroræ consurgenti assimilata est: *Quæ est ista, quæ progreditur quasi aurora consurgens?* siquidem aurora noctis obscuræ terminus, & lucis ac diei initium esse solet, ad cujus adventum mox ros candidissimus de coelo venit, quo terra ab æstu refrigera-

gera-

geratur, ac mirè foecundatur. Solet autem aurora, quasi pragnans mater, cum in majorem splendorem proficit, ipsum iereniss. astro-
rum Regem, Solem, inquam, quasi filium suum feliciter mundo
parturire, & sic, quod haud immeritò admirandum, Mater à Filio,
& Filius à Matre paritur, quia aurora omnem splendorem ac radios
suos à Sole participat. Unde lemma huic mysticæ Aurore **MARIÆ**,
Christum **JESUM**, Solem justitiæ in antro Bethlemitico parturien-
ti, non incongruè impones: *Pario, qui me parit. Hæc est*, ait B. Pe-
trus Dam. *Aurora, quam sequitur, imò de qua nascitur Sol justitiæ.*
Contigit autem hæc Nativitas sequenti modo.

S. Petr.
Dam.
serm. de
Assumpt.
Virg.

3. Cum paulatim tempus partui vicinum adesset, tenerrima
Virgo cum castissimo Sponso suo Josepho, ad Romani Cæsaris edi-
ctum, in Bethlehem urbem profecta est, ubi rigidâ hyemis tempe-
state diversorium nullum, licet per cunctas civitatis plateas quæsiis-
sent, invenêre; unde necessitate compulsi, & Divinâ sic ordinante
Providentiâ, quia homines Regi Coelorum hospitium negârunt,
pecora nascituro Deo stabulum obtulere, quò B. Virgo ingressa,
antrum in faxo concavo elegit, ubi *desideratus cunctis gentibus* in
lucem nasceretur.

Agg. 2, 8.

O Seraphini! O Spiritus coelestes! advolate nunc de coelo in vi-
lissimum bestiarum tugurium, & ibidem sanctiss. & puriss. **COR**
Reginæ vestræ, totum in oratione & amore Dei absorptum, & cha-
ritate divina quodammodo incensum considerate, quomodo nunc
in singula momenta unicum **COR** suum, dulcissimum Filium na-
sciturum expectet. Et ecce tibi! *Cum quietum silentium tenerent*
omnia, ipso medio noctis articulo **VERBUM DEI** incarnatum è
purissimis Virginis visceribus, salvâ ejus virgineâ integritate, sine
ullo parturientis dolore in lucem prodiit, seque oculis SS. Matris
sux obsequiosus Infantulus exhibuit, cujus prima vox aliorum mo-
re infantium vagittus & lacrymæ fuerunt, ad peccata nostra jam
tunc animitus deploranda. Ideo Salomon, qui Christi typus erat:
Et ego, inquit, natus accepi communem aërem, & in similiter factam
decidi terram, & primam vocem similem omnibus emisi plorans.

Sap. 18.
14.

Sap. 7, 3

Quem exinde SS. Virgo, postquam eum in genua provoluta devotissimè adoravit, in brachia susceptum, inter suavissima oscula pannis ac fasciis involvit, & ubere de cælo pleno lactavit. Intarim veloces Angeli, quasi impetu facto, de cælo ruunt, ut recens natum Infantem, Dòminum ac DEum suum non tam in humana carne viderent, quàm & devotissimâ adoratione venerarentur. Ad hoc *Hebr. 1, 6* enim alludit Apostolus: *Et cùm iterum introducit Primogenitum in orbem terræ, dicit: & adorent eum omnes Angeli ejus.*

4. Sed en! accurrunt & Pastores voce Angelica admoniti, ut recens natum Salvatorem in spelunca non tam inviserent, colerent, & adorarent, quàm & debitum illi gratitudinis suæ testimonium exhiberent. O quis erat tunc istorum pastorum sensus? quis amor ac fervor, cùm cœli terræque Dòminum, nunc ut pauperrimum Infantulum in stabulo inter muta animalia supra fœnum jacentem contuerentur? Quis dicet, quàm piis, quàm ferventibus tunc Cor eorum erga SS. COR Jesu flagrârit affectibus? si enim jam tunc erat SS. COR Jesu velut speculum ursorium, in cujus concavitate, tanquam in centro radii solis magis uniti, fortiùs urere, & accendere solent, quàm ardens igitur debuit fuisse Cor eorum? Si Cor quondam duorum Discipulorum in Emaus erga SS. COR Jesu adeo ardebat, ut præ stupore exclamarent: *Nonne Cor nostrum ardens erat in nobis?* *Luc. 24, 33.* quantò magis dicti pastores tunc jam verâ fide interiùs illuminati, & divinâ gratiâ excitati poterant dicere: *Nonne Cor nostrum ardens erat in nobis?*

Et tu interim, anima mea, quid agis? quamdiu ex toto corde hoc diviniss. COR Jesu non amabis? quamdiu repugnabis tot sanctis ejus inspirationibus? quid, quæso, te adhuc retinere potest ab hoc purissimo amore? an vitæ commoditas tuæ? an respectus humanus? an concupiscentia vel aliqua sensualitas? an alia creatura poterit se separare ab hoc charitate? O te miseram! quoties dicis: O mi DEus! ex toto corde amo te; si verè amans, ubi probatio amoris? si COR Jesu non amas? quid ergo amas? Hinc prò dolor! tuus in vita spirituali languor venire solet, heu misera; ipsa non conside-

rans, quòd maledicta sit illa anima, quæ facit opus Domini negligenter. Proinde solve aliquando cum Moyse calceamenta de pedibus tuis, & sic ad rubrum ardentem & incombustum, hoc est, ad VERBUM INCARNATUM, amore tui flagrans accede. Audi, quid etiamnum ex hoc mystico rubro inflammctum COR Jesu, ad te loquatur: *Vidi, inquit, afflictionem populi mei in Ægypto, & clamorem ejus audiui, & sciens dolorem ejus, descendi, ut liberem eum.* En! non venit perdere sed salvare; ipse enim est, de quo prius vaticinatus est Michæas: *Non immittet ultrà furorem suum, quoniam volens misericordiam est: deponet iniquitates nostras, & projiciet in profundum maris omnis omnia peccata nostra.*

Jer. 48.
10.

Exod. 3.
7.

Mich. 7.
18.

5. Et ut majorem adhuc stimulum tibi addam, ut cum omni fiducia ad hoc amabilissimum COR Jesu in præsepio reclinati venias; perpende unà mecum ingens illud prodigium, ubi quondam Sol tempore ægrotantis Ezechix per novem gradus, hoc est, per numeros I. II. III. IV. V. VI. VII. VIII. IX. retrogressus est, & in gradu decimo, qui per crucem, hoc est, per X. scripi solet, ultro in horologio Regis Achaz quievit: *Invocavit igitur Isaias Propheta Dominum, & reduxit umbram per lineas, quibus jam descenderat in horologio Achaz retrorsum decem gradibus.* Ad quod prodigium mox Ezechias Rex sanitatem recuperavit, & DEO Sospitatori suo submissas in templo gratias persolvit.

4. Reg. 20
11.

Stupendum hoc quis neget fuisse miraculum, & omnibus retrò sæculis prorsus inauditum? Tempore Josue invictissimi quondam belli, & Israëlitarum Ducis sol quasi adhuc per diem integrum in statione sua permansit immobilis: *Stetit itaque sol in medio cæli, & non festinavit occumbere spatio unius Dei.* Verùm hanc vice sol non tantùm stetit, sed & contra omnem naturæ cursum per novem gradus usque ad X. in umbra horologii retrogressus est; O stupendum miraculum! quis unquam simile audivit?

Josue 10,
13.

Sed quid miramur solem istum per 9. gradus retrogredientem, & in gradu decimo consistentem? Quin potiùs miremur Christum Jesum, verum illum justitiæ solem, amore nostri 9. Angelorum choros in cœlo relinquentē, & in gradu decimo, hoc est, in humana

S. Aug.
tr. 15. in
Joan.

natura primū in vilissimo præsepio se sistentē, ac demū in cruce, quæ X. gradum per ligna transversa clarissimē exprimere solet, ultimato quiescentē, ubi humanū genus, ægrotum illum magnum ab ægritudine animæ non tam sanavit, quàm & per SS. Passionē suam cum Patre æterno reconciliavit: *Magnus*, ait S. Augustinus, *de cælo descendit Medicus, quia magnus in terra jacebat ægrotus.*

Cant. 5, 2.

O anima Christiana, quis hunc imensum amorē Sacratiss. CORDIS JESU non obstupescat? quis non totus reciproco lique scat amore? quid igitur moraris? Accede ad hoc COR altum, COR humile, COR mansuetum, COR Patri obediens usque ad mortem, & licet in præsepio (crucis typo) tibi videatur dormire, in tuam tamen salutem semper vigilans est, hinc in Canticis ait: *Ego dormio, & COR meum vigilat.*

Psal. 62,
2.

6. Ad hoc SS. COR JESU in antro Bethlemico quiescens, jam olim in umbra videtur ardentissimis votis aspirasse David! *Sitivit in te anima mea, quàm multipliciter tibi caro mea?* Hinc non poterat amplius se tenere, quin publicè coram omni exercitu suo in illa ardentia prorumperet desideria: *O si quis mihi daret potum aquæ de cisterna, quæ est in Bethlehem juxta portam!* Audiunt hoc tres fortissimi militum, qui per castra hostilia Philistinorum non sine vitæ periculo penetrantes, de dicta cisterna sitibundo Regi optatam aquam deferunt, quam tamen Rex noluit bibere, *sed libavit eam Domino.* Mirum dictu! si tanto desiderio David aquæ potum à Bethlemica illa cisterna desideravit, cur illam non bibit? Resp. S.

S. Ambr.
Apol. 1.
Davidis
c. 7.

Ambrosius: *Sitiebat David non aquam de lacu, qui est in Bethlehem, sed oriundum ex Virgine Christum: de quo vivo fonte, hoc est, de SS. CORDE JESU cupiebat unicè ardentem sitim suam restringere; Sitivit anima mea ad DEum fontem vivum.*

Psal. 41,
3.

Desideravit autem David hoc SS. COR JESU nascituri non ut *puteum aquarum viventium*, ut quondam dilecta Sponsa, sed ut *fontem vivum: Apud te est fons vitæ.* Unde etiam cervo sitibundo,

Cant. 4,
15.

ad vivos aquarum fontes in æstu anhelanti, se comparavit: *Quem-*

Pf. 35, 10
Pf. 41, 2.

admodum desiderat cervus ad fontes aquarum, ita desiderat anima mea ad te DEus: cervus enim, cum vulnus sagittæ intra se sentit,

tit,

tit, vel si post esum serpentis vehementi siti æstuat, vel si à canibus agitatus est, summâ pernicitate, & aviditate ad vivos fontium, & fluminum latices rapi solet, ut sic vires suas reficiat. Sic, inquit David, *desiderat anima mea ad te DEUS &c.*

Oportet hîc observes prudens Lector magnum discrimen inter puteum, & fontem: Puteus aquam vivam in uno tantum loco detentam habet, qui se diffundere volens, per venas secretas, & per occultos canales humanis oculis invisibiles se tacitè diffundit: sed fons vivus effuso gurgite omnibus in commodum fluit, ac tandem ex parvis rivulis in fluvium accrescit, ut patet in Danubio &c.

Attolle nunc alitis oculos tuos, & considera bonitatem VERBI, secundum quod in se ab æterno fuit, ubi quidè *puteus aquarum viventium* extitit, de Patris sinu per generationem æternam absconditè fluens, & pro animarum salute jam tunc in Sacrificium se se voluntariè offerens, sed postquam in tempore idem VERBUM caro factum est, amor, & bonitas SS. CORDIS ejus, velut fons omnium gratiarum, & benedictionum foras profiliit, qui tandè in Calvavio jugo accrescens in fluvium per omnes mundi partes se diffudit; unde canit Ecclesia: *Mite corpus perforârunt: Unda manat & cruor: Terra, pontus, astra, mundus, quo lavantur flumine.* Vide nunc qualem fontem Rex David quondâ in umbra desideraverit, & Christi nascituri, & Christi in Cruce morituri, ad cujus SS. COR jam tunc in typo suspirabat.

7. Ex hoc colligo, quænam fuerit illa nubecula parvula, quam Elias quondam post tam diuturnam terræ siccitatem super mare Mediterraneum ascendentem conspexit: *Ecce nubecula parvula, quasi vestigium hominis.* Per quam nubeculam appositè SS. COR Jesu hætenus per 9. Menses in purissimo Virginis utero absconditum, & nunc in lucem progenitum intelligimus: *Nubecula parvula ascendens de mari,* ait S. Aug. *carnem Christi figurabat, quæ in mari mundi istius nascitura erat.* De nubecula autem Eliæ constat, prout infrâ pluribus dicemus, quod adeò se se diffuderit, ut non tantum illam terræ regionem, sed orbem planè universum impleverit, ex cujus salutarî pluvia cadente post tam diuturnam siccitatem omnis terra mirum in modum restaurata, & quodammodo de novo animata est: *Et facta est pluvia grandis.* O ani-

Vide le-
Blanc in
hunc lo-
cum Tom
3. f. 508.
& seq.

3. Reg.
18, 44.

S. Aug.
serm. 201
de Temp.

O anima Christiana, aspice suavissimum COR-JESu nunc quiden per aliquam nubeculam, seu carneum velum in præsepio *Velatum*, sed tantem in Cruce per clavem lanceæ omnibus *Revelatum*! Proh! in quàm saluberrimas pluvias tunc hoc SS. COR JESu se non effudit? Hinc meritò S. Cypr. hoc divinum COR S. Cypr. de complementum, & ultimam nostræ justitiæ perfectionem appellat: *Sanguis ille pass. Dom. manavit ad complementum perfectionemque totius justitiæ.* Vide nunc, quam im-

S. Aug. mensus omnium gratiarum thesaurus sit SS. COR JESu: *Certus sum*, ait S. Aug. *serm. 3. d quod in hac die, qui ex corde pœnituerit, & ad vomitum reversus non fuerit, quod Nativ. cunque petierit, dabitur illi.*

P. Paul. 8. Finem huic nostræ considerationi imponat S. Euphemia, Virgo & corpore, de Barry & animo venustissima, quæ ab ineunte ætate Divinum Sanguinum Sponsum, in Anno ac SS. Matrem ejus Virgineam sibi elegit pro viribus imitandos: unde oblatas à Mar. 24. patre nuptias cum nobilissimo Juvene constanter recusavit. Et ut magis huic divino Sponso Cor suum, datamque fidem probaret, sibi clam in facello nasum, & Decembr. labia cultro præcidit, ut sic liberiolem occasionem haberet Deo ex toto Corde inserviendi, & Cor mundum servandi. Summè hæc res patrem afflixit, qui totus præ iracundia exardescens filiam in exilium mittit, mandatque villico suo, ut Euphemiam durissimè & pessimis quibusve modis tractaret, quas calamitates, verba, & verbera illa ob JESu amorem forti animo per septem annos tolleravit. Interim adest exoptata dies Natalis Christi Domini. Quid agit Euphemia? stabulum de nocte intrat, & præsepium sibi ante oculos ponit, amorem illum im-mensum SS. CORDIS JESu in stabulo nati, ardentibus suspiriis ac lacrymis considerans, & rogans, quatenus tandem, si divinæ ejus placeret voluntati, suis malis finem imposteret. Audiit preces mitissimus Salvator, qui mox Matrem Virginem de cœlo amandat, quæ multitudine Angelorum stipata, Euphemiam videndam se præbet, & ad constantiam hortatur, sacrisque manibus vulnera contingens, abscissas ei aures, & labra insigni miraculo restituit. Pater de hoc stupendo, & cœlitus collato beneficio edoctus, à filia veniam postulat, cui in eodem stabuli loco, ubi hæc contigerunt, monasterium ædificat, ubi vitam superstitem sanctissimè traduxit, ac beatâ tandem morte finivit.

Tantum profuit huic S. Euphemiam memoriam Christi recens nati in stabulo egisse, ejusque divini CORDIS in nos amorem considerasse, cujus etiam sanctissimæ voluntati COR suum ex integro in omni adversitate consignavit. Imitare & tu hoc tam illustre exemplum, & loco præsepit Cor ei tuum in lectulum præpara, quod & S. Catharina Senens. fecisse legitur, quæ à Christo Sponso suo Reym. in ejus vita. edocta, cellulam in medio CORDIS sui construxit, in qua JESum etiam in omnibus occupationibus suaviter circumferebat. O felix illa anima, quæ JESum in Kemp. de Corde suo retinet: *Magna ars est*, ait Kempensis, *scire cum JESu conversari, & imitat. scire JESum tenere magna prudentia.*

Chr. l. 2.

CONSIDERATIO VII.

SS. COR JESU mox à Nativitate sua opus Redmeptionis nostræ
& patiendo, & exemplo docendo incipit.



*Reclinavit eum in præsepio, quia non erat eis locus in diver-
sorio. Luc. 2, 7.*

MOyses infantulus recens in lucem natus, cùm jam tunc
ab Ægyptiis ad Necem quæreretur, à Matre sua in arcu-
la ex juncis contexta, & exteriùs bitumine ad aquas ar-
endas bene oblinita, repositus est: *Sumpsit fiscellam scirpeam, & Exod. 2, 3*
inivit eam bitumine ac pice: posuitque intus infantulum, & expo-
suit eum in carecto ripæ fluminis. O miserandam hujus formosi
c tenelli infantis conditionem! Quid peccasti innocens pusio,
quòd in fiscella scirpea aut certo naufragio, aut Crocodilis, hor-
rendis Nili incolis, in escam exponaris?

Agnosce prudens Lector in typo Archetypum: Moyses, innocens victima, quid aliud in typo præsignavit, quam Christum JESUM, optimum Salvatorem nostrum? qui vix in lucem natus, à SS. Matre sua in simili fiscella, seu in pauperrimo præsepio inter jumenta reclinatus est: *Et reclinavit eum in præsepio, quia non erat ei locus in diversorio.* Et cur, obsecro, in præsepio? Observant hîc sacri Expositores, quòd hoc præsepe ligneum, quod modò Romæ in Basilica S. Mariæ Majoris religiosè asservatur, & colitur, jam tunc Christo, tenello Infanti, typus fuerit amarissimæ Crucis per omnem vitam in posterum perferendæ: *Christus, inquit Beatus Petrus Damianus, in præsepio reclinatus, legem martyrii præfigebat.* Et de Sylveria: *Meus JESUS, ait, frigori expositus, & super durum lignum accumbens, martyrii passiones ac dolores jam ferre incipiebat.*

Luc. 2, 7.
B. Dam. serm. 11.
Jo. de Syl. t. 1. l. 2.
et. 1. q. 9.

2. In cujus rei finem pro Symbolo hunc ipsum divinissimum Infantem in scirpea fiscella reclinatum tibi exhibemus, cui à divina Manu Crux prægrandis offertur, quam ambabus manibus, ac generoso & alacri corde acceptat, cum lemmate, quod ipse sibi quondam fecit, & per os ac pennam Regii Vatis mundo publicavit:

Ecce Venio !

Pf. 39, 7.

Vide, & considera in his, prudens Lector, mirabilem Divini Numinis dispositionem; non enim placebant amplius illi Israelitarum holocausta ac Sacrificia, aut taurorum vel vitulorum sanguis, sed aliam pacificam victimam pro expiandis totius mundi peccatis Divina postulabat Justitia, & quam illam? Intuere hîc innocentissimum ac divinissimum COR JESU, ad omnem Patris nutum paratum, hanc, inquam innocuam victimam sibi voluit offerri DEUS: quam mitissimus Infans prompto mox animo obtulit, unde apud Psaltem ait: *Holocaustum & pro peccato non postulasti: Tunc dixi ECCE VENIO! In capite Libri scriptum est de me, ut facerem voluntatem tuam: DEUS meus volui, & legem tuam in medio Cordis mei.* Ecce in medio Cordis!

Pf. 39, 7.

Inquirunt Sancti Patres, quisnam ille Homo Nobilis fuerit

de

de quo S. Lucas commemorat, quòd in regionem longinquam profectus sit, ut ibidem sibi novum regnum acquireret: *Homo quidam Nobilis abiit in regionem longinquam, accipere sibi regnum, & reverti?* Res ænigmati similis est. Quis ergo homo ille Nobilis? & quodnam illud regnum, quod tanto studio quæsit? Respondet S. Basilius, quòd Homo hic Nobilis non alius fuerit, quàm Christus, amantissimus Salvator noster: *Nobilis non solum secundum Deitatem, sed etiam secundum genus humanum, ex semine David secundum carnem*, hic, inquam, Homo Nobilis peregrè profectus est, cum sinum Patris sui in cœlo reliquit, & in hunc mundum, velut in regionem longinquam venit, in quo sibi regnum non sine summo labore quæsit. Et quodnam illud regnum? Sanctissimum COR JESU contemplare, & in eo hoc regnum invenies: *Regnavit à ligno DEus*: hoc, inquam, regnum amarissimæ Crucis illi præ omnibus hujus mundi regnis fuit, quam ipsi Pater pro dote jam tunc in præsepio desponsavit, de quo & Isaias refert: *Filius datus est nobis, & factus est Principatus super humerum ejus*, imò & super COR ejus, quia semper per omnem vitam hunc principatum JEsus in Corde suo portavit: *Dicite in nationibus, quia Dominus regnavit à ligno.*

Luc. 19.
12.

S. Basil.
in hunc
locum.

Isa. 9, 6.

4. In confirmationem hujus veritatis audite, quid de Sanctissimo CORDE JEsu in præsepio nunc placidè quiescente S. Joannes commemoret, qui, postquam æternam illam VERBI generationem graphicè descripsit: *In principio erat Verbum, &c.* Tandem ad generationem istam humanam descendit, quam paucis, sed nimium ponderantibus verbis adumbravit: *Et Verbum Caro factum est, & habitavit in nobis: Et vidimus gloriam ejus, gloriam quasi Unigeniti à Patre.* Quid ais, dilecte Christi Discipule? Qualis, obsecro, hæc gloriæ Sacratissimi CORDIS JEsu in præsepio, ubi omnia clamant austeritatem, pauperiem, humilitatem, miseri-
am, contemptum? *Et vidimus gloriam ejus?* Qualis gloria, nasci inter fumenta, vivere inter assidua tormenta, ac tandem mori in Cruce inter latrones? Et hoc gloriam vocas? Audi, quid ad hanc

Jo. 1, 15.

S. Chrys. pulcherrimam quæstionem Os Aureum respondeat: *Flagella*, in-
 hom. 11. quit, *spinam coronam*, *Crucem*, & *cætera passionis opprobria*, ac
 in Joan. to. *menta vocat gloriam Unigeniti à Patre*: Ideo enim venit in
 mundum, ideo conceptus, ideo à Virgine lactatus, ideo à Josepho
 Patre nutritio educatus est, ut tandem in Cruce pro omnium salute
 moreretur amoris victima, &, quod plus est, etiam post mortem,
 & exantlata omnia tormenta COR suum nobis in pignus sinceri
 amoris commendaret. O bone JEsu! non me capio ampliùs præ
 admiratione ob hunc tam immensum amorem divinissimi COR-
 DIS tui! Itâne super omnem modum diligis me, O Sanctissimum
 COR JEsu, ut gloriæ tibi ducas, pro me pati? & Cor meum non
 redamet te? Ob mea peccata infinitis opprimeris angustiis? & ego
 non desistam, peccata accumulare peccatis? O bone JEsu! nimis
 serò amavi amabilissimum COR tuum! En, habes hîc confiten-
 tem reum, imposterum non alius erit mei amoris scopus, quàm
 SS. COR tuum.

5. Revertor ad Scripturam. Videtur mihi hic Divinus Puerulus
 ut quondam ille Joseph Magni Patriarchæ Jacobi filius, cui pater in
 signum singularis & cordialis amoris, quia in senectute illum ge-
 nuerat, tunicam polymitam fecit, quâ veste indutum innocentem
 Josephum ad fratres suos, pecora in Sichem pascentes, amandavit;
 qui mox, ut rabidi lupi, hunc agnellum invaserunt, tunicâque exu-
 tum in cisternam veterem miserunt, ex qua tandem erutus Ismaë-
 litis in servitutem venditus est: tunicam autem foedè dilaceratam,
 & sanguine hædi intinctam per nuntium ad patrem senem ablegâ-
 runt. Vide, utrùm tunica filii tui sit, an non?

Gen. 37,

32.

Ps. 2, 7. O pientissime JEsu! Tu ille Joseph es, quem Pater æternus in se-
 nectute sua, hoc est, iu æternitate genuit: *Filius meus es tu*, ego ho-
 die genui te: qui & tibi in signum paterni amoris tunicam poly-
 mitam fecit, hoc est, humanitate & carne à Virgine assumptâ te ve-
 stivit, & sic te ad fratres tuos hoc est, ad nos heu! perfidos fratres
 tuos ablegavit, ut in via mandatorum Dei errantes in viam salutis
 reduceres. Verùm quo honore te excepimus?

Heu!

Heu! lugendam & nostram & omnium mortalium ingrati-
tudi- *Joan. 1,*
nem! *In propria venit, & sui eum non receperunt:* dum sordidum *11.*
stabulum pro palatio, præsepium pro throno, pauperiem pro divi-
tiis, ignominiam pro honore, fœnum & paleas pro pretiosis stra-
gulis, telas aranearum pro magnificis aulæis, ac denique bovem &
asinum pro aulicis huic amabilissimo CORDI Jesu præbuimus.
O execrandam nostram ingrati-
tudinem!

Imò neque in hoc abjectissimo antro Bethlemico, tanquam in
cisterna veteri latebat securum Divinissimum COR Jesu, cum mox
Herodes, truculentus ille tyrannus idipsum persequi cœpit, & quod
summè mirandum, tota quoque Civitas Hierosolymitana cum
hoc impio Rege suo necem, & interitum huic SS. CORDI machi-
nabatur, quod Evangelista hisce verbis videtur insinuare: *Herodes Matth.*
Rex conturbatus est, & omnis Jerosolyma cum illo. Ah mansue- *2, 3.*
tissime Jesu! O mitis Agnelle! quid adhuc fiet de te? Ah quid bo-
ni ab ejusmodi efferatis lupis sperare potes? O Pater æterne! quàm
fœdè laceratam tibi aliquando hanc Tunicam polymitam Unige-
niti Filii tui post triginta tres annos remittet mundus? *Vide, utrum*
tunica Filii tui sit, an non, quæ tibi in cruce millenis vulneribus ac
scissuris lacerata offertur humanitas? Vide, an hoc COR cruentis
spinis dilaniatum, gravissimo crucis pondere onustum, & crudeli
lancæ perforatum, ex quo Sanguis & aqua simul copiosè proma-
nant, vide, inquam, O mi Pater, an hoc COR sit Divini Filii tui,
quem ab æterno genuisti, & in quo SS. CORDE tibi semper bene
complacui? O Christiani quid agitis? Ergo nondum commo-
veat hoc divinissimum COR indurata Corda vestra ad recipro-
cum amorem? quousque claudicabitis in duas partes? Si Domi-
nus est DEUS, cur non ex toto corde illum sequimini?

6. Recordor hîc illius pientissimi CORDIS, quo JOSUE quon-
dam invictissimus belli Dux populum suum in omni adversitate
constantissimè & usque in finem dilexit, quem ubi post exantlatos
decumanos labores tandem in Palæstinam per Jordanis flumen fe-
liciter traduxit, eidem populo in funiculo distributionis promif-

Josue 19, 50. sam illam terram, lacte & melle manantem, divisit, ipse verò solus vilissimum, abjectissimum, ac novissimum locum, *Thamnath Saran* scilicet in monte Ephraim pro sua habitatione delegit. Hunc locum cum S. Hieronymus, Palæstinam lustrans aliquando vidisset, admirari satís in Josue invictissimi Cordis magnitudinem non potuit, quòd, cum esset omnium Dux, ac cunctarum distributor possessionum, sibi tamen soli ex modestia locum ultimum, vilissimum, saxosum, sterilem & montosum in toto regno delegerit.

At quit in umbra ludo? Nunquid umbram fugat veritas, & noctem lux eliminat? JOSUE per anagramma O JESU significat. Et quid non fecit mansuetissimum COR JESU semper paupertatis amantissimum? Ecce vix in lucem natum, cum esset ditissimum, pro nobis egens ac pauperrimum factum est, dum pro sua habitatione locum abjectum & saxosum (speluncam illam Bethlemicam) & pro throno suo regio bestiarum Præsepe elegit, ut per hoc insinuarer, non tantum se verum esse animarum pastorem, sed & cibum suis pecoribus in Sanctissima Eucharistia futurum. O amantissime JESU! quid dixisset devotissimus ille JOSUE, typus tuus, si te jam in ortu tuo, ut vermem super nudam humum extensum, præ nimio frigore tremulum, ac in medio duorum animalium jacentem vidisset? *Quæ major unquam ait Didacus Stella, audita est humilitas, quàm in stabulo nasci? quæ major paupertas, quàm involvi tam pauperibus pannis? quæ major asperitas, quàm in tam tenera ætate in præsepio reclinari?*

*Didac.
Stella in
Lucam.*

7. Hinc non miror amplius, quòd hoc Divinissimum COR JESU seipsum abjectissimo vermi per os Regii Psaltis comparaverit: *Ego autem sum vermis, & non homo, opprobrium hominum, & abjectio plebis.* Artende hîc prudens Lector. Vermis 1. oritur ex terra sine semine. Christus de Terra Virginea in lucem prodiit. Vermis 2. sine ullo tumultu suaviter in terra repit: Christus, cum nasceretur, in nuda terra primò repositus fuit. Vermis 3. à diversorio etiam infimorum hominum excluditur: Christus cum SS. Matre sua ubique in Bethlehem repulsam passus,

in publico tandem stabulo, malè contra ventos & frigora munito. habitare coactus est. Vermis 4. aut in ligno, aut sub terra quasi absconditus, & luce publica indignus vivere solet: Christus, verè Deus absconditus in infantia sua in ligneo præsepio, & in ætate virili in lignea cruce quievit. Vermis 5. à quolibet etiam minimo homuncione projicitur, & sine misericordia pedibus conculcatur: Christus ab impiis projectus, eorùm-que pedibus miserè proculcatus est. Vermis 6. ob formam & aspectum contemptibilem omnibus horrore & nausæ est, à quo homines oculos & faciem avertunt. O anima Christiana! *Respice in faciem Christi tui*, imò respice usque ad interiora innocentissimi CORDIS ejus, & quid videbis? *Non est species ei, neque decor, & vidimus eum, & non erat aspectus, despectum & novissimum virorum.* Vermis denique homo adunco affigitur, ad quem passim pisces adnatant, ut hac esca allekti capiantur, & piscatoribus in prædant cedant. O mi JEsu! O Amor! An non Sacratissimum COR tuum talis vermiculus est, quod non modò in SS. Eucharistia se nobis præbet in escam, sed & Cruci, quasi hamo adunco clavis ferreis miserrimè affixum, se nobis totum exhibet in obsequium? Per quod SS. COR tuum *homines quasi pisces maris* his præsertim novissimis temporibus soles capere, & suaviter ad te attrahere, Unde appositè huic SS. CORDI JEsu in hamo appenso pro lemmate inscribes: *Capio capientem. O quàm humilis vermiculus JEsus Christus, ex-* *S. Bern. serm. de*
clamat mellifluus Doctor Bernardus, qui opprobrium factus est ho-
minum & abjectio plebis, ab omnibus contemptus sine causa, sine pass. c. 17.
vindicta conculcatus ut vermis &c.

Psal. 38,
10.

Isa. 53, 3.

Habac. 1,
3.

S. Bern. serm. de
pass. c. 17.

Collige ex hoc anima Christiana pro tua salute aliquem sensum moralem. Heu! quam lugubre est, videre JEsu, ut vilissimum terræ vermiculum in præsepio jacentem, & jam Crucem præ desiderio summo ambabus manibus amplexantem, ac SS. CORDI suo apprimentem. Et tu homo miser, terra & pulvis, imò nihilum, adhuc audeas inflari, & intumescere? *O cadaver elatum*, exclamat devo-


Gerson devotissimus *Gerson*, *O saccum fimo plenam, cur inflaris? si omnes*
serm. I. de *tuae miserie non sufficiunt ad humiliandum te, respice, quæso, Regis*
Nativit. *tui, Domini tui, & Dei tui humilitatem.* Ecce! qui tribus digitis
 appendit molem terræ, in stabulo inter bruta jacet derelictus, ac
 tandem inter latrones in infami patibulo pro te moritur; O porten-
 tum divini amoris! Et nondum amabis hoc Sacratissimum COR
 JESU? Nondum in omnibus adversis sanctissimæ ejus te confor-
 mabis voluntati?

8. Pro coronide hujus considerationis Uriam in theatrum pro-
 duco, Virum in paucis egregium, de quo referunt Regum Annales,
 quòd, cùm à Davide ex castris domum fuisset revocatus ut ibidem
 genio suo indulgeret, Regi generoso animo in hæc verba responde-
 rit: *Arca Dei & Israël & Juda habitant in papilionibus, & Do-*
 2. Reg. 11 *minus meus Joab & servi Domini mei super faciem terræ manent:*
 11. *& ego ingrediar domum meam, & comedam, & bibam? Per salu-*
tem tuam, & per salutem animæ tuæ, non faciam rem hanc.

Imitare & tu, quisquis es O Christiane! hoc egregium Uriæ fa-
 ctum. Ecce Arca Domini (SS. COR JESU) Ecce ipse Domiuns ac
 DEus tuus cum Virginea Matre sua & servo suo, ac charissimo Pa-
 tre Nutritio jacet in papilionibus super faciem terræ in vilissimo
 præsepio, omnibus ærumnis & miseriis jam tunc expositus! En præ-
 nimio frigore amaras fundit lacrymas, nec quid aliud per omnem
 vitam, quàm calamitates, persecutiones, labores, inedias, cruces,
 & mortem exspectat. Et tu anima delicata deliciis hîc vis affluere,
 commoda corporis sectari, in molli strato jacere, splendidioribus
 vestibis indui, gulæ omnium malorum fomiti indulgere, & tuam
 in omnibus cœcam ac perversam sequi voluntatem? O anima mi-
 sera! aut DEus ipse fallitur, aut mundus decipitur, sed DEus falli
 non potest, ergo tu deciperis. Audi, quid in utramque tibi aurem
 inclamet S. Hieronymus: *Impossibile est, ut presentibus quis frua-*
tur bonis & futuris, & de deliciis transeat ad delicias: quàm
hîc capis resolutionem?


S. Hier.
cit. à P.
Pinelli de
altera
vita.

CON-



CONSIDERATIO VIII.

Explicatur Amor & Dolor SS. CORDIS JESU in Circumcisione, in qua Deo Patri pro salute nostra primitias Sanguinis exsolvit.



Postquam consummati sunt dies octo, ut circumcideretur Puer.
Luc. 2, 21.

SI mané rubens cœlum venturum nuntiat imbrem, ita attestante ipsâ Veritate: *Et manè dicitis: hodie erit tempesta, Matth. rutilat enim triste cœlum.* Bone JESU! quàm non horrenda 16, 3. pluvia, ac sanguinolenta tempesta sub ipsum vitæ tuæ vesperû sequetur? Si nunc ut verus Justitiæ Sol in antro Bethlemitico vix ortus, mox sanguinem tam copiosum amore nostri profundis, quid erit tandem in cruce, ubi omnem cruorem, imò & ultimam aquæ stillam ex sacratissimo fonte divinissimi CORDIS tui pro nostris omniumque expiandis delictis subministrabis? O quàm *Isaias c. benè 13. v. 10.*

benè Prophetarum Princeps de te vaticinatus est, dum prævidens hanc primam sanguinis effusionem, dolorem simul & amorem SS. CORDIS tui, te Soli quidem orienti, sed mox atrâ cruentâque caligine obnubilato, assimilavit: *Obtenebratus est Sol in ortu suo.* Hinc lemma huic Soli mystico, jam in ortu suo eclipsato inscribes: *Occasus, in Ortus.* Vel, si mavis:

Condor, ut exorior.

Justinus
lib. 18.
Histor.

2. Mirabilis fuit ille modus, quem quondam Tyrii populi in eligendo novo Rege observârunt, qui, Rege suo in seditione occiso, unanimi voce concluderunt, eum Regem Tyriorum esse creandum qui altero die primus inter omnes Solem orientem (quem Deum esse credebant) esset visurus. In hunc finem omnes ferè intempestâ nocte in patentem se campum proripiunt, ibidem nusciturum Solem præstolaturi, dùmque singuli in summo silentio faciem ad Orientem vertunt, adventum Solis vehementi desiderio expectantes, solus Stratho, conditione servus, vultum & oculos in Occidentem convertit, ibidem ante omnes alios orientem Solem conspecturus. Furor hic & infania cæteris videbatur Tyriis, quòd Solem orientem in Occasu quæreret. Sed brevì, cùm dies illucescere, & aurora cœlum purpurare cœpit, primus omnium in altissimis civitatis turribus, & in elatioribus montium cacuminibus splendentem solem adesse advertit. Itaque præ gaudiis exultans coram populo exclamavit: *Sol, Sol!* quem cùm cæteris quoque digito demonstrâisset Rex in eodem campo, maguo populi applausu electus, proclamatus, & coronatus est.

Isa. 13,
10.

Solem orientem & nos quærimus de Virgineo thalamo suo progredientem. Verùm enim verò quid audio? quid video? Ergonè hunc mysticum Solem, qui est Christus DEUS noster, vix orientem in stabulo, mox in occidente quæramus? Ita est, anima Christiana! *Obtenebratus est Sol in ortu suo*, & occidit, antequàm mundo plenè splenderet, quia tota vita Christi JESU Crux & martyrium, amor & dolor erat: *Non invenies eum*, inquit S. Bernardus, *nisi*

in Cruce. Et quid aliud dura illa Circumcisio, & primæ sanguinis di- S. Bern.
vini prætiosæ stillæ orbi designârunt, quàm quòd Sol hic mysticus Serm. 3.
tandem in vitæ occasu pleno impetu in sanguineam pluviam se se de Boss.
esset effusus? Introspecte anima Christiana SS. COR JEsu, & con-
sidera, quibus ardeat in te amoris flammis, & quo ardore hætenus
tempus hoc, quo primam redemptionis tuæ solutionem Patri re-
præsentaret, exspectârit, Non sufficebant omnes aquæ diluvii ad
abstergendam vel unicam peccati tui maculam. Et ecce mitissimum
COR JEsu, ut pro peccatis tuis, præsertim contra puritatem ad-
missis, condignè satisfacere, peccatoris stigmata, licèt innocentis-
simum, voluit inuri, legique subjici, ut tu agnosceres, anima,
quàm gravia sint tu vulnera, pro quibus necesse fuit, hunc divi-
niss. Infantulum circumcidi, & denique crucifigi?

3. Ex occasione dictorum quæretur forsitan, quis tandem mor-
taliū hunc Dei Hominiſque Filium circumciderit? De Abraha-
mo constat, quòd ipse Filio suo Isaaco propriis manibus hoc offi-
cium impenderit: *Vocavitque Abraham nomen filii sui Isaac, & Gen. 21, 3*
circumcidit eum octavo die, sicut præceperat ei Deus.

In Fastis Machabæorum legimus, quòd plures filii à propriis ma-
tribus fuerint circumcisi. Et quia Circumcisio tunc erat signum de-
structivum peccati originalis, & signum commemorativum pacti
Deum inter & posteros Abrahæ, ac propriè signum distinctivum
fideles inter & infideles, ideò matres illæ cum filiis à Rege Antiocho
tyranno gentili crudelem in modum odio veræ fidei extinctæ sunt:
Et mulieres, quæ circumcidebant filios suos, trucidabantur secun- 1. Mach.
dum jussu Regis Antiochi, & suspendebant pueros à cervici- 1, 63.
bis per universas domos eorum, & eos, qui circumciderant illos,
trucidabant. Sed quis Christum, repones, divinum illum Infan-
tulum die octavo circumcidit?

Respondet S. Hieronymus, Bernardus, & alii plures ex SS. Patri-
bus, quòd ipsa Sacratissima Deipara hunc dulcissimum Filium su-
um circumciderit: *Virgo, inquit Mellissus, Christum genuit, lacta- S. Bern.*
vit, & octavo die circumcidit. Pulcherrimam de hac re submini- Serm. de
strant Circumc.

strant figuram Sacrae Paginae. Sephora cum intellexisset, Moysen conjugem suum in summo vitae periculo versari, eò quòd filii sui circumcisionem sub interminatione mortis à DEO præceptam neglexisset, subito cultrum petrinum arripuit, quò filium suum Eliezer recens natum circumcidit: *Tulit illico Sephora acutissimam petram, & circumcidit præputium filii sui.* Cumque sanguis copiosus ab inciso filio decurreret, & pedes Moysis Mariti sui aspergeret, exclamavit Sephora: *Sponsus Sanguinum tu mihi es.*

Exod. 4.
25.

O pientissime JESU! O Puella Divine! Tu es ille Sanguinum Sponsus, nunc de novo SS. Matri tuæ desponsatus. Adverte hîc, pie Lector, fortè certamen in purissimo CORDE Virginis! Mater erat, ideo tenerrimè hunc Filium suum diligebat, & sic condolebat intimè illius doloribus, sed & voluntatem ejus optimè noverat, quòd non venisset solvere legem, sed adimplere. Quid igitur confilii? Resolvit se fortiter SS. COR MARIÆ, cedendum hîc esse materno affectui, & præferendam Divinam voluntatem, idcirco cum magna animi fortitudine vel ipsamet (ut volunt citati SS. Patres) vel potius S. Josephus (ut communior habet sententia) operi manum admovet, & dum petrinus culter tenerrimam carnem Infantis fauciat, COR quoque & Filii & Matris crudeliter dissecabat. O anima! Hîc vidisses duos simul oriri fontes, unum lacrymarum in Matre, quæ sine dubio, ob animi teneritudinem, amarè flevit, & alterum sacrosancti Sanguinis Unigeniti Filii DEI, primâ vicè pro sua salute effusi, quem pretiosissimum cruorem Beatissima Virgo diligentissimè in vasculum collegit, non ignorans, quàm melius hic sanguis in coelum clamet, quàm quondam illius justî Abelis.

4. Cæterum non mirare, prudens Lector, quòd ipsa SS. Deipara dicatur hoc Circumcisionis officium in se suscepisse, quia non minoris obedientiæ, quàm Abraham & Sephora, fuit, qui propriis filiis suis non pepercerunt. Verum quis utriusque & Filialis & Materni exprimet Cordis dolorem? O benignissime JESU! quàm meritò te SS. Genitrix tua *Benoni*, id est, *Filium doloris* appellare potest! Quid enim aliud fuit hæc prima sanguinis tui effusio, nisi rosea illa aurora,

Gen. 35.
18.

aurora, quam quondam Angelus cum Iacobo luctatus, summo manè in coelo conspexit: *Dimitte me, jam enim ascendit aurora?* In Gen. 32, quem locum S. Bernardus: *Vide, inquit, quantum ad suscipiendos dolores festinavit, quam paratus sanguinem effundere? Circumcisos pro nobis die nativitatis suæ octavo. Utinam nos saltem & anno octavo nonnihil pro Domino pateremur.* S. Bern. in serm. de Circumc. 26.

Hæ prima divini Cruoris effusio fuerunt illæ primitiæ, quas olim in lege Veteri de cunctis Israëuitarum primogenitis, primisque terræ frugibus tantopere postulaverat DEUS: *Primitias tuas non tardabis reddere.* Ecce non tardat amabilissimum COR JESU Patri æterno in Circumcisione primitias Sanguinis sui offerre, cujus pretio immaculati Agni empti, ac redempti sumus: *Empti enim estis pretio magno.* Et licet paucae fuerint hujus pretiosissimi liquoris stillæ, *plus tamen omnibus misit in gazophylazium Ecclesiæ,* quam Martyres, & Sancti omnes, qui hætenus pro fide orthodoxa sanguinem suum dederunt, aut adhuc impofterum usque ad finem mundi spargent, quia *Sanguis JESU Christi Filii ejus emundat nos ab omni peccato.* Exod. 22, 29. 1. Cor. 6, 20. Marc. 12, 43. 1. Joan. 1, 7.

5. Hæ primæ sanguinis guttæ fuerunt illa arrha ac munera, quibus dulcissimū COR JESU dilectam suam Sponsam Ecclesiam decoravit, & sibi in æternum desponsavit: solet namque Sponsus in die desponsationis dilectæ suæ Sponsæ armillas, inaures, annulos, margaritas, & similia dona in signum sinceri amoris submittere. Ita olim Isaac Rebeckæ sponsæ suæ per procuratorem Eliezer transmissit *inaures appendentes siclos duos, & armillas totidem.* Gen. 24, 22.

Ah! piissime JESU! quia totus pauper eras in vilissimo præsepio, nec habebas, ubi caput reclinares, nihil secius in signum summi amoris tui Ecclesiæ Sponsæ tuæ SS. Sanguinem, tanquam pretiosam margaritam, & arrham inæstimabilem impertiri voluisti. *Expende,* ait Dicacus Stella, *quod Sponsus sanguinem incipit sanguinem pro Ecclesia sua Sponsa effundere, nam factis statim cum Ecclesia sponsalibus, singularem ei donat margaritam, pro ejus redemptione sanguinem suum fundens.* Didac. Stella de Circumc. 20.

6. De Balsamo, orbusculâ nobilissimâ, & viti non absimili refe-

runt probatissimi Authores quòd non ferreo, sed lapideo cultro incidi soleat, ex cujus plaga & scissura succus pretiosissimus emanat candibus ab initio, & exinde rubescens, quem ob miram savitatem, fragrantiam, ac medendi virtutem opobalsamum appellant quia persanandis mortalium plagis ac morbis vix in mundo præstantius pharmacum, quàm ejusmodi balsami liquor inveniri potest, cujus vulnere pro lemmate inscribes: *Fert plaga medelam.*

Per hanc teneram ac saluberrimam balsami arbusculam cultello petrino incisam, & plagas nostras sanantem, quid aptius intelliges quàm Christum JESUM, tenellum infantem? qui mox die post nati-
Eccli. 24, tivitatem octavo cultro lapideo circumcisis, non solum pretiosissi-
 20. mum Sanguinem, velut nobilissimum opobalsamum prima vice pro Redemptione mundi dedit, sed & copiosas lacrymas quasi pre-
 tiosas guttas addidit, cujus livore & liquore sanati sumus: *Sicut cin-*
namomum & balsamum aromatizans odorem dedi. Et quasi bal-
samum non mistum odor meus. O Domine, quantò carius adhuc
 in dies tibi salus mea constabit, si jam pro meis delictis tam acerbo
 pateris dolores, ex quorum acerbitate sæpius infantes moriebantur?
 quid adhuc tecum fiet in virili ætate, dum ipsum SS. COR tuum
 non petrino cultro, sed ferreæ lanceæ dabis in prædam, ex qua
 præstantissimum fluet opobalsamum vitæ?

7. Videtur mihi hic Sanguinem Sponsus, ut quondam Princeps
 ille Sichem, qui ob gratiam & amorem Dinæ Jacobi Patriarchæ
 liæ non tantum sanguinem in circumcissione lubenti animo profudit,
 sed & tertio post die, ubi dolor esse solet vehementissimus,
Gen. 34, fratribus Dinæ nefarium in modum in ore gladii occisus est: *Inter-*
 25. *fectisque omnibus masculis Hemor & Sichem pariter necârunt.*

En hic verum typum Sponsi Sanguinem Christi JESU! Et perpetuo
Isa. 9, 6. de, quomodo animam tuam hic mitissimus *Princeps pacis* amavit
 rit pro qua non dubitavit statim in primo vitæ flore sacratissimum
 cruorem effundere, sed & tantem in cruce præ nimio amore
 SS. CORDE suo supremam stillam pro tua salute offerre. O anima
 Christiana! si hæc propensius consideras, quantum amabo te ob-

ata es SS. CORDI JESU benignissimi Servatoris tui? En DEUS tuus pro te in foetenti stabulo nascitur, & pauperculus mendicus miseriae tuas, & noxas amarissimas deffert lacrymis, non, sicut ceteri solent infantuli rationis usu destituti, sed præ nimio zelo erga Patrem suum tam graviter à te offensum; & ut tibi illum placaret, non solum primitias sanguinis, sed & intimum COR suum ad omnem voluntatem Patris paratum pro tua salute offert, atque in se recipit omnia peccata tua, pro quibus per omnem vitam, ac praesertim in Passione & Cruce satisfaciatur. O infinitam clementiam! quid amplius facere potuit SS. COR JESU pro te, & non fecit? Et tu anima misera & ingrata, pro illius honore quid agis? quàm impatiens es adhuc in adversis? quàm incircumcisa moribus? quàm prope ad iram? quàm incauta in sensualitate? quàm immortificata in omnibus actionibus? ah! discipe aliquando circumcidere malos & graves habitus tuos: *Circumcidite præputium CORDIS vestri, & Dent. 10, servicem vestram ne induretis amplius.* 16.

8. Observemus in rem nostram aliam adhuc figuram. Olim in Levitico mandavit DEUS, quatenus in leprosi purificatione duo passeress adhiberentur, quorum unus occideretur, & alter vivus in cruorem interfecti immersus pro aspersorio serviret, quo leprosus mundandus septies aspergebatur. Et hoc ritu ille leprosus divinitus mundatus, & passer vivus vinculis solutus, liberè avolare permissus est: *Quò asperget illum, qui mundandus est, septies, ut jure pur- Levit. 14, etur: & dimittet passerem vivum, ut in agrum avolet.* 7.

Et quid dico, anima Christiana? An non leprosum fuit ante Christi adventum universum genus humanum? hanc lepram insanabilem nemo Angelorum, aut mortalium quispiam curare poterat. Venit ergo Magnus ille Medicus de cœlo, & quid fecit? *Factus Psal. 103, est sicut passer solitarius in tecto,* scilicet in vilissimo praeseptio & stabulo Bethlemitico, ubi hic pauperrimus pauperculus statim octava die à nativitate innocuum sanguinem pro omnium salute profudit, in cujus pretioso cruore intinctus leprosus peccator (qui per vivum passerem fuerat adumbratus) illaesus & mundus avolare permissus est: *Et dimittet passerem vivum, ut in agrum avolet.* O

O mi JESU! non me capio amplius præ admiratione hujus ac tanti in nos amoris! O si jam tunc nobis fuisset concessum introspicere in SS. COR tuum, quid aliud vidissemus, quàm amorem & dolorem? Amorem, quo assidue dilexisti nos, & hunc indicat ignis erumpens; & dolorem, quem jam tunc pro nobis dignatus es sufferre, & hunc demonstrat Crux & spinæ. Quam bene igitur de hoc SS. CORDE tuo vaticinatus est Ecclesiasticus: *Nam COR*

Eccli. 38, suum dabit in similitudinem pictura. Et quæ pictura in Corde tuo, O mi JESU?

28. Citò & paucis dico: AMOR & DOLOR; in amore enim non vivitur sine dolore, & quia sincerissimo amore amabat nos SS. COR JESU, ideo etiam tanta pro nobis voluit sufferre tormenta. O excessum divini amoris!

9. Nunc tandem intelligo, quod hætenus comprehendere non poteram, etsi totius illud in Breviario recitaverim, & in Psalmis legerim: *Quoniam ego*
Psal. 37, in flagella paratus sum, & dolor meus in conspectu meo semper. Et quomodo,
 18. ô mi JESU, dolor in CORDE, & in conspectu tuo semper esse poterat? Audi ab ipso Veritatis Ore testimonium, Agitabatur Venerab. Sanctimonialis Maria Magdalena de Urfinis ferè continuis in tenello corpore doloribus, sine ullo solatio pluribus annis decumbens; hinc semel impensius apud benigniss. Crucifixum conquesta est: O Domine, inquebat, tu non fuisti nisi tribus horis affixus cruci, me verò tot jam mensibus cruci affixam, vis istam perferre omnibus diebus vitæ meæ? Cui Christus de cruce clara & intelligibili voce in hæc verba respondit: *Ab ingrata! à primo instante mea conceptionis usque ad extremam vitæ horam crucem sustinui, incipiens jam tum pati per vivas apprehensiones secutura crucis, quàm semper habui in CORDE, donec illi re ipsa affixus fui.* Tacuit ad hæc pia Virgo, & rubore ingenti suffusa, reliquas cruces & adversa alacri animo semper sustinuit.

Vides ex his, anima Christiana, quomodo dolor in CORDE, & in conspectu JESU semper fuerit: *Et dolor meus in conspectu meo semper.* O Anima! hinc apperitur ingens campus tuæ confusionis; quotiec Cor tuum lamenta & querelas mover: quomodo hanc vel illam crucem commerui? ergone semper in adversis, in doloribus, in persecutionibus vivendum? Itane DEUS penitus mei oblitus est? Quare ergo prosperantur, qui in via Cain abierunt, & bene est iis, qui recedunt à tè? Ubi sunt misericordiæ tuæ antiquæ, Domine? Ergo me derelinques usque in finem?

Tace, ingrata Anima! Certissimum enim & infallibile æternæ tuæ salutis signum est, hinc in vita cum Christo JESU pati, & ita, & ita, & non aliter, intrare in ejus gloriam: *Nam quos præcivit, & prædestinavit, conformes fieri imaginis Filii sui.* Audis? quos præcivit DEUS, & prædestinavit ad gloriam, conformes esse debent imaginis Filii sui, hoc est, SS. CORDIS JESU: Hoc enim Imago nostra est, secundum quam omnes nostras dirigamus actiones. Vivat ergo Sanctissimum COR JESU!

CON-

CONSIDERATIO IX.

SS. COR & nomen JESU; utrumque Scutum est inexpugnabile
contra omnes hostium insultus.



Et vocatum est Nomen ejus JESUS. Luc. 2, 12.

Glypeus omnibus sperantibus in se. Prov. 30, 5.

Solenissimum quondam apud Hebræos fuit, ut infantibus
illo die, quo à Sacerdotibus vel à parentibus juxta legem
veterem circumcidebantur, nomen aliquod imponeretur.
Ita fecit Abraham cum unigenito filio suo, quem incircumcisione
Isaac appellabat: *Vocavitque Abraham Nomen filii sui Isaac, & Gen. 21.*
circumcidit eum octavo die sicut præceperat ei DEUS. Quem mo- 30.
rem & Sacratissima Deipara, accuratè observavit, quæ eo die, quo
Divinus Infans vel à se, vel à S. Josepho circumcisus est, huic suo
dulcissimo Nato, juxta Monitum Archangeli: Et vocabis Nomen Luc. 1, 31
ejus

ejus JESUM, magnâ cum reverentiâ ac devotione hoc Sanctissimum
P. Ambr. Nomen imposuit: *Considera*, inquit *P. Spinola*, quàm reverenter
Spinola hâc primâ vice protulerunt hoc sanctissimum Nomen Virgo &
4. Jan. Sanctus Joseph: Ambo in genua prociderunt, & cum magno ani-
S. Bonav. mi sensu nominârunt Infan-tem JESUM, hoc est, Salvatorem. O dul-
serm. 4. de ce Nomen, SS. Nomen JESU! Tu es mihi pro mille clypeis: In
Circumcis hoc enim sol nomine, ait *S. Bonaventura*, consequimur veniam:
Act. 4, 12 Nec enim est aliud Nomen sub cœlo datum hominibus, in quo oporteat nos salvos fieri, quàm hoc venerabile Nomen JESU.

Pro Emblemate Perdicem exhibemus, contra insidias accipitris clypeo se tuentem; solet enim hæc avis, cum in summo vitæ periculo versatur, ne venatoribus, aut rapaci milvo in prædam cedat, citò è terrâ cespitem eruere, quo se humi supina recubans contra insidiantes hostes tanquam scuto tegit, & protegit. Proinde huic
Pf. 43, 17 scuto pro lemmate illud Davidicum inscribere placuit. *A facie inimici.* Vel, quod sequitur:

A facie persequentis.

Tale scutum est SS. Nomen & COR JESU: *Clypeus omnibus*
Prov. 30, *sperantibus in se*, sub quo contra omnes aëreas potestates & hosti-
5. les animæ incursus in vita & in morte securi stabimus.

2. Progrediamur pro more nostro ad Scripturam. Pulcherri-
 mum illud stratagema fuit, quod Josue gloriosissimus belli populi-
 que Dux contra Civitatem Hai subornavit, qui exercitum suum in
 tres partes divisit, quarum unam in valle proximè urbi adjacente de
 nocte in summo silentio locavit; alteram in sylva vicina abscondit,
 cum tertia verò partè exercitûs urbem ipsam, anrorâ jam cœlum
 purpurante aggressus est; quod ubi Rex Hai conspexit, nihil de
 insidiis latentibus suspicatus, cum militibus præfidiariis & civibus
 eruptionem fecit, incondito clamore contra Josue insurgentibus.

Quid hîc Josue Dux invictissimus? Observate, obsecro, insigne
 illius stratagemâ; dum fugam cum suis simulat, interim aureum
 suum clypeum in sublime attollit; ita enim præceperat illi DEUS.

Leva clypeum, qui in manu tua est contra urbem Hai, quoniam tibi tradam eam, per quem clypeum in pertica exaltatum cæteris in sylva & in valle latentibus suis copiis signum ex condicto dedit, ut absque mora sese conjungerent, & unitis viribus animosè in hostem ruerent. Dictum factum! Mox ad exaltatum hunc Josue clypeum illi, qui in valle latebant in insidiis, uno impetu erumpentes, urbem Hai aggressi sunt, quam facili conatu, quia civibus suis ut plurimum orbata erat, in potestatem suam redegerunt. Ex altera parte & illi, qui in sylva latitabant, quasi effuso agmine in hostem ruebant, sic Haienses & à fronte & à tergo coangustati, cum nullum effugii locum invenirent, ad unum omnes deleti sunt, ita ut nullus de tanta multitudine salvaretur, præter Regem, qui in prælio captus, & eodem adhuc die, sole ad occasum vergente, in patibulo suspensus interiit.

Pulcherrima victoria, & eò mirabilior, quia ex parte Josuani, exercitus nullus desideratus est, & e contra ex parte hostili omnes, hoc est, duodecim hominum millia in ore gladii ceciderunt. Sed unde, dices, tanta Josue felicitas? Et quid clypeus illius portendit, quem in signum & in tesseram militarem in oblonga pertica universo tuo exercitui proposuit? Respondet S. Hieronymus, quòd Josue in nomine & facto typum JESU impleverit, Josue enim, prout alibi observavimus, nil aliud per anagramma indicat, quàm O JESU: *Jesus Nave*, inquit Citatus Ecclesiæ Doctor, *typum Domini non solum in gestis, verum etiam Nomine præfert*, per cujus SS. Nominis potentiam & immensam virtutem hanc tam insignem ab hoste victoriam reportavit. In cujus SS. Nominis virtute etiam Sol, cum idem Josue contra Gabaonitas & quinque Chananæorum Reges pugnaret, per inauditum omnibus retrò sæculis miraculum integro die stetit immobilis: *Stetit Sol in medio cæli, & non festinavit occumbere spatio unius diei*: In quem locum pulcherrimè S. Basilius: *Constitisti Sol, inquit, victoriam felicem spectans, reverentus es JESUM ducem, qui imperaverat, in conservo honorans Dei appellationem.*

Josue 5.
18.

S. Hier.
epist ad
Paulin.

Josue 10.
13.
S. Basil.
serm. de
transfig.

Sed quid scutum, inquires, portendit, quod Josue in pertica protessera exaltavit: *Leva clypeum*. De Alphonso Primo Portugaliæ Rege orbi notum est, quomodo ex mandato Christi, de nocte ipsi apparentis, non tantum in signis ac labaris militaribus, sed etiam in scuto suo regio quinque SS. Vulnere Redemptoris sui pingi & insculpi curaverit, ubi in medio SS. COR JEsu lanceâ transfixum collocavit, quod sacrum Scutum, cum contra Mauros Rex in prælio elevâisset, hostes mirum in modum conterriti, confusi, ac ingenti strage profligati sunt. Ex quo tempore etiamnum Reges Lusitanix hunc sacrum clypeum pro regi suo signo circumferunt.

O sacratissimum COR JEsu; Tu fuisti in typo ille fortissimus salutis clypeus, quem olim Josue in pertica contra hostes & gentiles exaltavit, ad cujus conspectum Israëlitæ animati, & inimici tam generosè profligati sunt. Per perticam autem quid aptius intelligimus, quàm SS. Crucem divinissimo CORDI JEsu per omnem vitam implantatam? Veniat nunc diabolus cum acherontico exercitu, premat caro rebellis, insidietur perfidus mundus, consistent adversum te castra iniquitatis, ne time Cor meum, in sacratissimo CORDE JEsu tutum lates, cui pro lemmate affligo: *Tegit, & protegit*.

3. De sapientissimo Rege Salomone commemorant Regum Fasti, eum ex copiosissimo auro, quod Regina Saba ex ultimis terræ oris ad audiendam illius sapientiam in Jerusalem adveniens illi dono dederat, scuta aurea confecisse, quæ in domo saltus libani pro regio suo thesauro reponi mandaverit: *Fecit quoque Rex Salomon ducenta scuta de auro purissimo, sexceutos auri siclos dedit in laminas scuti unius, & trecentas peltas ex auro probato*.

3. Reg. 10
10.

Apage cum clypeis istis aureis, qui ad pompam potius, & vanam ostentationem Salomoni, quàm ad defensionem illius inserviebant. Alium tibi, anima Christiana! ac longè securiorem magisque pretiosum demonstro clypeum, quem non Regina Austri, sed ipsa Regina cœli in die Circumcisionis dilectissimi Filii sui orbi donavit, hoc est, SS. Nomen JEsu; *Et vocabis Nomen ejus JESUM*.

O ve-

O verè *scutum inexpugnabile* contro omnes hostiles assultus! JESUS autem tunc donavit nobis clypeum salutis, hoc est, ipsum sacratissimum ac divinissimum COR suum, verè scutum aureum, quia in igne divinæ & ardentissimæ charitatis deauratum: *Introspecte cogitatione COR Jesu*, inquit P. Spinola, & *vide*, quibus ardeat *flammis quo ardore expectet tempus illud*, quo primam Redem-
Sap. 5. 20
Spinola medit. 38. punct. 3.
ptionis nostræ solutionem representaturus est.

4. De Rege Antiocho ex sacris paginis habemus, cum contra Judæos gravissimum bellum gereret, aureis quoque scutis equites suos ab eo fuisse instructos, quibus non tam infesta inimicorum tela retunderent, quàm & insolito splendore hostiles cohortes obcoecarent; unde factum est, ut, cum hic exercitus in suos ordines & turmas divisus, sole aureos eorum clypeos illustrante, inter valles hosti obviam moveretur, tantus radiorum splendor montes vicinos illustraret, ut sicut lampades ignis viderentur: *Et ut reful-*
1. Mach. 6, 39.
sit sol in clypeis aureis & æreos, resplenduerunt montes ab eis, & resplenduerunt sicut lampades ignis.

O mi Redemptor! quid aliud est divinissimum COR & Nomen tuum JESUS, quàm talis clypeus aureus, & sicut lampas ignis lucens, obscuraque pectoris nostri illuminans, & e contra hostilia ac tartarea castra effuso nimio splendore confundens? O quàm benè de hoc fortissimo clypeo jam olim Vates regius decantavit: *Dedi-*
2. Reg. 22. 36.
sti mihi clypeum salutis tuæ.

5. Videamus modò, quàm generosè David, tum adhuc puer pastoritius hoc clypeo protectus, contra hostes suos decertaverit. Stabat Gigas, monstrum illud etiam herculeis viribus formidandum ex adverso contra phalanges Israël, in suis armis & fortitudine confidens: David autem solo baculo, fundâ, & quinque lapidibus instructus, in arenam descendit. Verùm quid agis O David? non cum canibus tibi negotium est, sed cum hoste & milite exercitato, validissimòque: Ille gladio & loricâ squammatâ indutus est, & tu nudus & inermis appares? hic galeam & hastile ferratum habet; & tu solum fustem ac lapidem? ipsa ocreis ferreis solidatus, & corpus
 I 3 æreo

æreo clypeo tectus; tu verò sine scuto, gladio, & hastâ audes contra hoc immane portentum in certamen procedere? Quid multis? David generosè cum hoste congreditur, lapide prosternit, & non tantum proprio ejus gladio blasphemum illi caput amputat, sed & totum Philistinorum exercitum solus confundit, incomparabilè-que victoriam reportat. Sed unde? & in cujus virtute hanc tam illustrem palmam obtinuit? Audi ipsum Davidem loquentem:

1. Reg. 17
45.

Tu venis ad me, inquit ad Goliathum, cum gladio, & hastâ, & clypeo, ego autem venio ad te in Nomine Domini. Ecce SS. Nomen JESU Davidi pro clypeo tutissimo fuit, in cujus virtute hunc robustissimum hostem suum feliciter debellavit, quod sanctissimum Nomen etiam in illo lapide prius scripserat, quo frontem Philistæi terrebravit: In medio lapidis, ait Carthagera, quo David prostravit & interemit Gigantem, inventum fuit illud SS. Nomen JESU.

Jo. Car-
thag. de
SS. Trin.
arc. l. 1.
hom. 9.

Observant autem hîc Interpretes, quòd David in quinque illis limpidissimis lapidibus, quos ad pugnam elegit, quinque suorum Patriarcharum nomina, scilicet Abrahæ, Isaac, Jacob, Moyses, & Josue inscripserit, & sic cum baculo & fundâ ad locum certaminis processerit: Cùm ergo jam tempus pugnæ immineret: *Misit manum suam in peram, tulitque unum lapidem, & fundâ jecit, & circumducens percussit Philistæum in fronte, & infixus est lapis in fronte ejus & cecidit in faciem super terram.* Adverte hîc singulare mysterium.

Per quinque illos lapides communiter SS. Patres quinque SS. Vulnera, & per baculum Crucem Dominicam adumbratam volunt; lapis autem, quem David ex pera sua laterali extraxit, quem etiam in hostem projecit, ultimus in electione fuit, nomine Josue, seu per transpositionem litterarum, O JESU insignitus, & hic, teste Quaresmio, SS. laterale Vulnus & COR sauciatum mitissimi Redemptoris nostri in figura præsignavit, in cujus divina SS. CORDIS JESU virtute hostem tam gloriosè prostravit, & victoriam tam insignem, nullis unquam sæculis oblitterandam obtinuit. O miram virtutem hujus SS. CORDIS & NOMINIS JESU! si hoc olim in umbra, quid nunc in veritate & in luce?

Quares.
Tom. 1. c.
7. sect. 2.

6. Cæterum non immeritò admirantur SS. Patres, cur Dismas latro, qui teste S. Leone per quadraginta annos vitam scelestissimam pluribusque rapinis & homicidiis contaminatam duxit, adhuc in ultimo agone à mitissimo CORDE JESU Crucifixi in gratiam fuerit receptus: *Hodie mecum eris in paradiso.* Et e contra Judas Apotolus, licet pœnitentiam egerit, & injustum pretium restituerit: *Peccavi tradens sanguinem justum:* æternum ab eo sit rejectus? Hic adimpletum fuit illud veritatis: *Tunc duo erunt in agro: unus assumetur, & unus relinquetur.*

Rationem hujus assignat Beatus Arnoldus Carnotensis, quia Dismas latro SS. Nomen JESU in Titulo Dominicæ Crucis rubeis litteris exaratum observavit, quem sacrosanctum Titulum: *JESUS Nazarenus Rex Judæorum*, latro ille pro clypeo suæ salutis adhibuit, ex cujus SS. Nominis consideratione ad contritionem dispositus, veniam à mansuetissimo CORDE JESU rogare cœpit, & feliciter obtinuit. In cujus confirmationem, teste S. Hugone, latro ille pœnitent sanguine & aquâ, ex ipso hoc divinissimo CORDE JESU in Cruce largiter promanante, aspersus, & à peccatorum sordibus mundatus est. E contra Judas hunc salutis clypeum abjecit: *Abjectus est clypeus fortium quasi non esset unctus oleo:* si enim, teste S. Leone, pessimus ille traditor hoc salvificum Nomen JESU adhuc devotè invocâset, omnium sine dubio peccatorum veniam impetrâset: *Nam longè, ait S. Euthymius, est desperatio, ubi est hujus Nominis invocatio.* O peccatores! O Mortales omnes! quid agitis? Ecce remedium præsentissimum eternæ vestræ salutis pia invocatio SS. Nominis JESU, quod est *Clypeus omnibus sperantibus in se*, sed & sacratissimum COR Re- demptoris vestri, vobis in omnibus adversitatibus & tentationibus pro scuto inexpugnabili serviet: *Dabis eis scutum CORDIS.*

7. De Theseo fortissimo illo inter Lacedæmones Heroë recenset Strobios, quod post debellatos Archivos, licet ipse pluribus vulneribus faucius, & jam morti proximus esset, clypeum tamen suum in Trophæum erexerit, atque illi moribundus digito in proprio sanguine

Luc. 23,

43.

Matth.

27, 4.

Matth.

24, 40.

B. Arn.

Carn. ser.

de sept.

Verbis

Domini.

Jo. 19,

19.

S. Hugo

lib. de

animar.

regress.

2. Reg. 1,

21.

Prov. 30,

5.

Thren. 3,

65.

Strobios

serm. de

fortitud.

sanguine intincto hanc spremam epigraphen inscripserit: *Dignum Theseo, devictis Archivis, Trophæum posuere Lacedæmones*: Tandem, cum generosam animam expirasset, in eodem suo clypeo, tanquam in feretro, ad funerale bustum esse deportatum.

Age anima Christiana! Et tu apprehende arma & scutum, ut possis stare in die mala adversus principes tenebrarum harum; scutum autem tuum non aliud sit, aut præstantius esse potest, quam SS. Nomen JESU, quod in circumcissione sua pientissimus Redemptor proprio quoque sanguine insignivit: O quantum tibi afferet hoc SS. Nomen in agone solatium! *Omnis*, inquit Joël Prophetæ, *qui invocaverit Nomen Domini, salvus erit*. Et S. Bernardinus: *Quicumque peccator debite invocaverit in ultimo vita Nomen JESU, salvabitur*. Et S. Laurentius Justinianus: *Si tentaris, ait, à diabolo, si ab omnibus hominibus opprimeris, si conficeris agritudine, si doloribus fatigaris, si desperationis agitaris spiritu, NOMEN JESU dicito*. Sed & SS. COR JESU tibi pro simili generoso scuto & inexpugnabili trophæo inserviet, in quo, & per quod omnes animæ tuæ hostes felicissime in vita & in morte superabis, cui fortissimo clypeo illud pro lemmate affiges: *Æternam tibi spondet opem*. Audi & Christianum Poëtam:

*COR JESU scutum miseris mortalibus unum est:
In quo securum vivere, dulce mori.*

8. Finem huic Considerationi imponat Myrtilus generosus ille bellator, qui quondam per clypeum suum duplex vitæ periculum evasit. Primum in campo, cum terrestri pugna cum hoste dimicaret, nbi mediante clypeo suo omnia inimicorum tela à se dexterrime avertit. Alterum in mari, ubi naufragium passus, clypeo suo tanquam naviculâ usus ad optatum salutis portum feliciter enatavit. Unde hic clypeus ab Alciato pro lemmate tulit: *Auxilium nunquam deficiens*: cui pariter hos versus subscripsit:

*Alciatus
Embl.*

161.

*Effugi geminum clypeo discrimen in uno,
Cum premèrrque solo, cum premerèrque salo.*

Duplex & tibi instat periculum, pie Lector! corporis scilicet & animæ, si vis feliciter evadere, apprehende salutis clypeum, SS. COR & NOMEN JESU, hoc utrumque cum devotione invoca & adora, & licet in varias tentationes incideris, nec spes ulls amplius affulserit salutis, tu tamen ne cede malis, sed contra audentior ito: dic sapius cum S. Augustino: *O JESU!*

*esto mihi JESUS, & salva me &c. O SS. COR JESU
esto & Tu Cor meum &c.*



CON-

CONSIDERATIO X.

SS. COR JESU paupertatis amantissimum: unde postposito auro & thure, à Magis oblato, solam sibi myrrham reservavit.



Et apertis thesauris suis, obtulerunt ei munera, aurum, thus, & myrrham. Matth. 2, 11.

Non absque peculiari mysterio tres illi SS. Magi superiori lumine à Deo illustrati, Christo Jesu recens à Virgine in lucem edito aurum, thus, & myrrham, & quidem festâ sextâ (quia Natalis Christi dies in Dominicam incidit) præsentârunt: causam assignat Sedulius Poëta:

Aurea nascenti fuderunt munera Regi;

Thura dedere DEO: Myrrham tribuere sepulto.

Verùm quid agitis Reges sapientissimi? ad quid myrrham huic nostro Judæorum Regi tam liberali manu offertis? an ignoratis, quòd

myrrha sit gustui humano amarissima, & proinde symbolum mortificationis, crucis ac mortis existat? Vix in lucem natus est Jesus, & vos sine mota lamentabile illud mortis feretrum ipsi ante oculos ponitis? cur non potius huic Regi Regum & pacis Principi lato applausu acclamatis, ut quondam Salomoni adolescenti in Regem

3. Reg. 1. Israël inuncto universus populus acclamavit: *Vivat Rex Salomon.*

39. Non vacat mysterio, anima Christiana! quòd hi SS. Reges à Spiritu S. illuminati divino Infanti mox decimo tertio post Nativitatem die amarissimam myrrham obtulerint, nihil enim gratius, nihil amœnius, nihil acceptius SS. CORDI Jesu tunc potuissent offerre, quàm ejusmodi myrrham, quia *ab auro*, prout pulcherrimè obser-

S. Bonav. vat S. Bonaventura, *Puer vultum avertebat, & vilipendebat præ amore paupertatis.* Thus seu thymiam in templo pro honore Patris adolendum applicari voluit, myrrham verò SS. COR Jesu apud se & in se usque ad sepulturam retinuit, hoc est, amorem S. Crucis, mortificationis, & amarissimæ passionis, hinc à Sponsa cœlesti

Cant. 1. ejusmodi myrrhæ fasciculo assimilatus est: *Fasciculus myrrhæ Dilectus meus mihi, inter ubera mea*, intellectus videlicet & voluntatis, cognitionis & amoris, dilectionis Dei, & proximi, contemplationis, & operationis, congratulationis, & compassionis assiduè

Joan. 19, 12. *commorabitur.* Hinc idem SS. COR Jesu voluit, ut post mortem à Nicodemo de novo pretiosâ myrrhâ & aloë perfunderetur, ad demonstrandum, quòd in veritate per omnem vitam nil nisi spinosam myrrham & assiduam crucem in se portaverit.

2. Hanc veritatem per symbolum clariùs tibi ob oculos ponimus, dum hortum myrrhæ curavimus adumbrari, in cujus medio Granadilla seu Flos passionis residet, ad quam apicula volitat, ut ex illa succum quidem amarum, sed sibi apprimè salubrem exugat, quem succum exinde in dulce mel convertit cum inscripto lemmate:

Hæc mihi sola placet.

Vel, si mavis:

Sola mihi redolet.

En Symbolum SS. CORDIS Jesu, quod præ omnibus munda del

deliciis ac thesauris solam sibi myrrham & granadillam elegit, tota enim vita Christi ac SS. Matris ejus quid aliud, quam myrrha, crux, & passio fuit?

Ad quam veritatem pereleganter quondam alludit Regius Vates, dum de Christo in carne venturo vaticinatus est: *Myrrha, & gutta, & casia à vestimentis tuis.* Per quod vestimentum SS. Patres Christi Domini Humanitatem accipiunt, quâ Divinitas ejus quasi veste tecta, atque velata fuit: per myrrham verò spinosam & odoriferam amarissimam ejus passionem; & per casiam (quæ cortex tenuissimus & odoratissimus est, ligneum obtendens calamus) Dominicam Crucem subaudiunt, quam hic divinus Puellus perpetuò in suo SS. CORDE per omnem vitam gestavit. O bone Jesu! quid adhuc tecum fiet; si jam in præsepio *labia tua distillant myrrham primam*, & insuper *digiti tui pleni myrrhâ probatissimâ*? quid, inquam, post triginta trium annorum spatium tecum fiet, ubi ad ipsum montem myrrhæ & ad collem thuris erit transeundum, in quo Deo Patri pariter aurum, thus, & myrrham, hoc est, Divinitatem, Animam, & Carnem in sacrificium offeres: *Vadam ad montem myrrhæ, & ad collem thuris*?

3. Et quid tu ad hæc, O augustissima Virgo Maria! quando tam copiosam myrrham à SS. Magis oblatam, loco Filii in purissimo sinu tuo recepisti? quis, obsecro, tunc tibi fuit animæ sensus, utpote, quæ probè noveras, quòd per illam myrrham Dominica passio, mors & sepultura fuerit præsignata? O anima Christiana! credo, & firmiter mihi persuadeo quòd B. Virgo hanc primam, ac probatissimam myrrham non ad pectus tantum exterius presserit, sed etiam intra Cordis sui penetralia abdiderit, ut verè potuerit dicere cum Propheta. *Spiritus oris & cordis mei Christus.*

Observant hîc insuper S. Joannes Chrysostomus, Euthymius, & alii, quòd hæc sacratissima Deipara, cum in antro Bethlemitico foris tumultum & adventum Magnorum advertisset, mox ad præsepium dulcissimi Filii sui se inclinaverit, quem inter materna sua brachia recipiens, castissimo Cordi suo tenerrimè adstrinxit, & sic

Matth. Magnorum adventum, ingressumque expectavit: *Et intrantes domum invenerunt Puerum cum Maria Matre ejus.*
2, 11.

O quàm benè conveniunt in Corde Virginis Jesus & myrrha oblata! an non jure merito hîc SS. Virgo cum prædicta Sponsa dicere poterat: *Fasciculus myrrhæ Dilectus meus mihi, inter ubera mea commorabitur?* O anima Christiana! si vis cum his SS. Magis invenire Jesum, inter brachia, & COR Virginis illum quærere debes: imò nec in Cruce Filius sine Matre inveniendus est. Hunc quoque, si sapias, fasciculum Myrrhæ collige, & quotidie cordi tuo per ferventem meditationem adstringe; *Myrrha*, inquit *Cornelius*, est *Symbolum Christi*, quia repræsentat ejus dolores & passiones, tota enim Christi vita fuit fasciculus myrrhæ, id est, continua amaritudo, & congeries laborum & dolorum.
Cant. 1, 12.

4. A Matre redeo ad Filium, qui mihi videtur, ut quondam Moyse in scirpeâ fiscellâ in ripâ Nili expositus, quem, cùm Thermut filia Regis Pharaonis conspexit, misericordiâ mota ex aquis sustulit, & in filium ac hæredem suorum bonorum adoptavit: *Quem illa adoptavit in locum filii.* Et quia in hoc puero singularis præminabat corporis ac vultûs elegantia, magnamque etiam in tenera ætate præ se ferebat animi indolem, ideo Pharaoni Regi, &

ejusdem filiæ comprimis charus & acceptus fuit. Accidit fortè, prout Flavius Josephus commemorat, quòd dicta Regia filia hunc suum adoptivum filium ad Pharaonem Patrem suum portaret, qui ob raram pueri speciem, morumque gratiam commotus (quia proprio carebat filio) diadema suum Regium, seu ludens, seu seriò rem agens, capiti illius imposuit: Moyse verò subito illud diadema regale de capite suo detractum in terram projecit, pedibusque conculcavit; grandior verò factus, negavit, se esse filium Thermut filia Pharaonis: *Magis eligens*, ait Apostolus, *affligi cum populo Dei, quàm temporalis peccati habere jucunditatem, majores divitias æstimans thesauro Ægyptiorum improprium Christi, &c.* Ecce magnanimum cor in parvo ac tenero Moyse corpusculo! Verùm quid dico?

Revertamur ad stabulum Bethlemicum, ubi non Moyse in scirpeâ

pea fiscella, sed ipsum Dei Filium in præsepio expositum contuemur. Et quid fecit? Considera magnanimum COR Jesu in exiguo pariter corpusculo, quod jam tunc non tantum oblatos à tribus Regibus thesauros, sed & totius orbis terrarum Dominum à Patre sibi præsentatum generose recusavit. Hinc voluit, ut mox oblatum aurum per sanctissimam Matrem suam, paupertatis itidem amantissimam egenos distribueretur: magis eligens affligi cum populo, & pro populo Dei, quam temporalis peccati habere jucunditatem. Unde dem Apostolus ait: *Proposito sibi gaudio sustinuit crucem, confusionem contemptam.* Hunc solum thesaurum in SS. CORDE Jesu invenies. O quam dissimile est Cor nostrum! quoties audimus in Sacrificio missæ: *Sursum Corda!* & tamen Cor nostrum verè miserum adhuc humi serpit, quærens terrena & transitoria, ne dicam illicita. Ecce SS. COR Jesu jam à primis vitæ momentis, neglectis Regum thesauris, passionis myrrham eligit, & Cor tuum quid hæcenus fecit, & quid imposterum faciet?

Hebr. 12.

2.

5. Redeo ad SS. Magos. Dicite, obsecro, viri sapientissimi! quid cogitastis, dum vilissimum bestiarum tugurium ingressi estis, ut ibidem Regi Regum ac Domino universorum vestra præsentaretis homagia, & obsequia, imò & Corda vestra? David quondam ingenti pudore suffusus est, quando attentiori animo perpendit, quòd Arca Dei in campo sub papilionibus staret exposita, ipse verò in regio suo palatio in omnium rerum affluentia habitaret: *Dixit ad Nathan Prophetam: Vidésne quòd ego habitem in domo cedrina, & Arca Dei posita sit in medio pellium?* Quid, inquam, vos cogitastis in Cordibus vestris, Principes serenissimi, ubi primo ingressu vestro in stabulum talem ac tantam pauperiem, rerumque omnium inopiam in ipso Dei Filio, ac SS. Matre ejus spectastis, ipsamque animatam Dei Arcam inter jumenta habitantem?

2. Reg. 7.

2.

Æthiopiæ Regina, cum majestatem Regis Salomonis, quem adoratum à tam remotis terræ regionibus Hierosolymam venerat, primo intuitu conspexisset, aulamque ejus magnificentissimam, & omnium rerum pulcherrimum ordinem contemplata esset, præ admira-

3. Reg. 10 ratione & insolito stupore non ampliùs se ipsam capere poterat, vix
5. non animi deliquium passa: *Non habebat ultra spiritum.*

O Beati Reges! dicite, & annuntiate nobis, qualis tunc Cordis vestri sensus fuerit, cùm DEUM INCARNATUM in stabulo, orbis Condito rem ac Salvatorem inter bestias, & cœli Regem in sinu pauperis Puellæ vidistis? Dicite, & annuntiate nobis, quis tunc vester erat animi sensus? Stant attoniti Reges, præ stupore cordis loqui non possunt. Interim ad Jobum Idumæorum Regem sermonem nostrum convertamus.

6. Cùm tres illi Reges & amici Job, videlicet *Eliphaz* Themanorum, *Baldad* Sauchæorum, & *Sophar* Minæorum Rex optimum amicum suum Jobum solandi causâ inviserent, & ad sterquilinum illud venissent, ubi Job extra civitatem ac regale solium ejectus, plenusque ulceribus pessimis in stramine ab omnibus desertus sedebat. O bone DEUS! quis exprimet illum cordis dolorem, quo dicti tres Reges ex magnitudine malorum & contemplatione miseriarum hujus amici sui fuerint perculsi? Audi Scripturam: *Cùmque elevassent Job. 2, 12. procul oculos suos, non cognoverunt eum, & exclamantes ploraverunt, scissisque vestibus, sparserunt pulverem super caput suum.*

Verùm quid umbras enarro? Adventant in Judæam stella duce tres Reges Orientales, nempe Tharsicus, Sabæus, & Arabicus Regem cœlorum recens à Virgine Hebræa progenitum inquirunt, & ideo palatium Herodis petunt. Sed non invento ibidem hoc Divino Principe ulterius ad urbem Jersæam tendunt ibi extra civitatis mœnia, vix non in sterquilinio, certè in sordido stabulo Orbis universi Dominatorem reperiunt. O quis effari potest, quantâ animi cum percussione ac mentis stupore tres SS. Reges hoc Divinum VERBUM Orbisque Principem primò sint contuiti? Certè cùm extremam illius & SS. Matris ejus inopiam cernerent, ex commiseratione ubertim in lacrymas soluti sunt, & quod mortalium nemo satis admiretur, hunc ipsum infantulum in gremio Matris confidentem, lumine divino collustrati, prono in terram poplite sunt devenerati:

Matth. 2, *Et procidentes adoraverunt eum.* Heu! ubi nostra fides & devotio?

Regis ad exemplum totus componitur orbis, ubi nostra imitatio?

En habemus eundem cœlorum Regem tota die in altari præsentem, ubi amor, ubi honor, ubi visitatio nostra est? Daniel in captivitate Babylonica constitutus ter de die per fenestram apertam ad Templum Hierosolymitanum Dominum ac Deum suum adoravit. Nunquid & nos similem habemus occasionem in civitatibus, in pagis, campis, & ubique locorum SS. COR JĒsu in SS. Eucharistia cum tribus Magis colendi, & cultu latriæ adorandi? O verè miseram mortuum conditionem & ingratitude intolerandam! Accedimus ubindec, & utinam non sæpius ad ipsam SS. Synaxin, & in corde nostro intus habemus, qui SS. COR suum pro nostra redemptione in cruce tradidit, & tamen tam frigidi, tam tepidi adhuc sumus, quasi illum cœli terræque Dominum non agnosceremus, vel ibi adesse crederemus? *O filii hominum usque quo gravi corde?*

7. Quando Ninivitæ, licet pessimi & obdurati peccatores Regis cui spectârunt exemplum, quod ipse primus ad prædicationem Jonæ Prophetæ de solio surgeret, & abjecto sceptro, coronâ, ac vestimento regio, sacco rigido indutus, & cinere aspersus poenitentiam ageret omnes absque ulla mora hunc Regem suum secuti sunt: *Et crediderunt viri Ninivitæ in Deum, & prædicaverunt jejunium.* Jonæ. 3. 5.

Cùm Puer seu armiger Jonatham Principem suum vidisset, per loca excelsa & per rupes præaltas serpentem, ut ibidem Philistæorum castra de nocte confunderet: ipse protinus contempto omni periculo Dominum ac Principem suum secutus est: *Ascendit autem Jonathas manibus & pedibus reptans, & armiger ejus post eum.* 1. Reg. 14, 13.

Cùm Ethai Gethæus Davidem, Dominum ac Regem suum observâset à facie persequentis Absolonis profugum, & nudis pedibus in exilium prodeuntem, ipse ultro tanquam fidelis subditus se Regi suo in comitem & socium miseriarum obtulit: *Et respondit Ethai Regi dicens: Vivit Dominus, & vivit Dominus meus Rex, quoniam in quocunque loco fueris Domine mi Rex, sive in morte sive in vita, ibi erit servus tuus.* 2. Reg. 15, 21.

Age anima Christiana, non unus, sed tres Reges tibi exemplo præeunt, primi inter omnes gentiles Sanctissimum ac Divinissimum COR Jesu humillimè adorantes. O si vel una gutta ingenui sanguinis in corde tuo est, cur non sequeris tam illustre exemplum? Aurum à te non postulo, quod ipsi obtulerunt. Potes tamen, si vis, offerre *Cor aureum*, hoc est, sinceram & auream erga DEUM & proximum charitatem, quod donum SS. CORDI Jesu super aurum & topazion placebit. Imitare exemplum Gandaviensium, qui Serenissimo Duci Orangio anno à Christo Nato 1577. die 29. Decembris Bruxellis cum Germano suo Principe Nassavio Gandavum solenni pompa ingredienti, inter alia pretiosa munera per formosissimam Virginem *Cor aureum* & apertum in donum gratissimum præsentârunt, cui cordi foris & intus majoribus characteribus pro lemmate inscripserunt hoc unicum, *Sinceritas*, Tale quoque Cor à te postulat Divinus Conditor orbis, sincerum & apertum, ita ut in illo nihil lateat, quod ipsi non præbeas, sic pariter de te Christus dicere poterit. *Nunc mihi aperuit cor suum.*

Jud. 10.
18.

Potes itidem SS. CORDI Jesu offerre & Thus, hoc est, Cor pium, mundum, orans, sanctis affectibus inflammatum, & per jugem Divini Numinis memoriam à terrenis ad cœlestia elevatum. Tale thuris odoramentum penetrat cœlos, & sicut virgula fumi ex aromatibus myrrhæ & thuris usque ad thronum DEI ascendit. Hinc vidit B. Joannes in apocalypsi orationes Sanctorum velut acceptissimum thymiama & thus odoriferum ad DEUM ascendere.

Cant. 3, 6
Apoc. 5, 8.

Psal. 140
2.

Unde & Regius Vates in Psalmo, *dirigatur oratio mea, sicut incensum in conspectu tuo.*

Cant. 5, 5.

Denique SS. CORDI Jesu & Myrrham offeres, hoc est, *Cor contritum & humilitatum*, cujus passiones sunt domitæ, quod carnis motus coërcet, & in jugi poenitentiae & crucis amaritudine vivit, nec extra DEUM aliquid aliud in hac mortali vita quærit. Hanc myrrham SS. COR Jesu non despiciet, utpote probatissimam &c.

CON-



CONSIDERATIO XI.

SS. COR JESU sub typo Agni matutini se primùm Patri in templo pro peccatis totius mundi in victimam offert.



Tulerunt illum in Jerusalem, ut sisterent eum Domino. Luc. 2, 22.

PRæceperat quondam Deus, ut Hebræi in memoriam illius accepti beneficii, quòd Angelus percutiens in Ægypto omnes primogenitos unâ nocte mactaverit, & econtra Israëlitis tam benignè pepercerit, omne primogenitum sibi offerrent: *Sanctifica mihi omne primogenitum.* Ut huic legi SS. Dei-
para pareret, expletis quadraginta diebus in stabulo Bethlemico, cum dulcissimo Filio suo & Patre Nutritio Hierosolymam profecta est, ut ibidem Primogenitum & Unigenitum suum in templo Patri æterno sisteret; quem maternis tenens manibus, flectensque genua summa cum reverentia & devotione **DEO T. O. M.** teste S.

Exod. 13.

2.

L

Thomâ

*S. Thom. Thomâ Villanovano, hîsce verbis obtulit: Suscipe, Pater Omni-
Vill. serm. potens, suscipe oblationem hanc, quam tibi offero pro toto mundo
de purif. ancilla tuâ; suscipe communem Filium, tuum ab æterno, meum in
tempore; suscipe nunc de manibus ancillæ tuæ sacrosanctum hoc sa-
crificium matutinum, tibi quondam in Crucis brachiis offerendum
in sacrificium vespertinum.*

*Gen. 8. 21. O gratissimum Sacrificium! quantò veriùs de illo dici potuit,
quàm de Sacrificio Noëmi, quod post terminatum diluvium Deo
obtulit: Odoratùsque est Dominus odorem suavitatis. Præsertim
cùm ipse tenellus Infans JEsus Patri suo cœlesti SS. COR suum,
velut primogenitum ad ipsum honorandum, & humano generi
placandum primâ oblatione publicâ in templo consecravit. O
sacrificium acceptabile, cui simile nunquam vidit orbis! In quem
finem innocentem Agnellum in ara collocatum statuimus, Deo
in sacrificium oblatum, cum lemmate à Davide mutuato:*

Psal. 50.

DEus non despicias.

19.

*2. Et quomodo poterat æternus Pater despiciere dulcissimum
COR Unigeniti Filii sui, quod ipsi factû est obediens usque ad mor-
tem? Si quondam Divinæ ejus Majestati adeò placuit innocens vi-
ctima Abelis, dum non tantùm optimum agnum in signum debitæ
gratitudinis & observantiæ in ara recens ex lapidibus erecta, Deo
in holocaustum, sed & ipsum innocuum COR suum sacrificium
Gen. 4. 4. obtulit: Respexit Dominus ad Abel & ad munera ejus. Quan-
tùm, obsecro, non sibi complacuit benignissimus DEus, dum
hanc immaculatam hostiam, sacratissimum ac divinissimum COR
JEsu primâ vice in altari templi vidit sibi litatum? Cedant sacri-
ficia legalia omnia, cedant figuræ, cedant umbræ, hoc unicum
immaculatum sacrificium non uni, sed millenis, imò infinitis mun-
dis redimendis sufficiens fuit: Nunquam, ait Lucas Burgensis, in
Lucas. Burg. in tabernaculo fœderis hujusmodi apparuerat hostia: nunquam in
Lucam. templo Salomonis magnifica adeò & gloriosa visa oblatio fuerat:
hic Aggai. 2. jam cœptum impleri est illud Aggai: magna erit gloria domûs istius
10. novis.*

novissime plus, quam primæ, veniet enim desideratus cunctis gentibus, & implebo domum istam gloriâ.

3. Perelegantem figuram de hac veritate invenio in Libro Exodus, ubi Deus summus Legislator quondam Patribus mandavit, ut quotidie sibi, tanquam jure sacrificium, Agnum quendam immaculatum manè ad ortum solis offerrent, & alterum agnum vespere sub ejusdem solis occasum pro communi populi salute in altari immolarent. Et hoc erat, de quo toties Regius Vates decantavit. *Sacrificium matutinum & vespertinum*, quod publicis offerrebatur populi impensis, ubi agnus prius in piscina ablutus, à Sacerdote jugulatus, & à sanguine ac intestinis mundatus, demum veru ligneo per modum Crucis affixus, igne lento assatus est, interea Sacerdos & populus circumstans, Cor & manus supplices ad cœlum levabant, & Deo vitæ necisque Domino hunc Agnum in gratissimum holocaustum offerebant: *Hoc est, quod facies in altari: Agnos duos per singulos dies jugiter, unum agnum manè, & alterum vespere.* Exod. 29, 38.

O pientissime Jesu! Tu es ille Agnus Matutinus & Vespertinus: matutinus quidem, teste S. Bernardo, quando te SS. Mater tua in die purificationis suæ Æterno Patri primum in templo pro bono & salute totius mundi obtulit, ubi pro te Sacerdoti, quasi Dei Viro juxta legis præscriptum etiam quinque siclos solvit: *Emitur Virgo Redemptor*, ait citatus S. Thomas Villanovanus, *quinque siclis à Virgine, qui quinque plagis totum erat mundum redempturus.* Vespertinus autem Agnus tunc fuisti, quando in vitæ vespere, sole ad occasum vergente, veru ligneo S. Crucis affixus, & in igne divini amoris in SS. CORDE tuo jugiter ardente assatus, pro peccatis universarum gentium in gratissimum holocaustum, & in odorem suavitatis oblatus es. S. Bern. serm. 2. & 4. de purif. S. Thom. Villanov. serm. de purif.

4. Subjungamus huic figuræ aliam non minùs elegantem. Cùm olim Satrapæ Philistinorum cum valido exercitu contra Israëlitas descenderent, ut eorum comitia à Samuele in valle Masphath congregata non tam dissiparent, quàm universam eorum regionem

perderent: Samuel in hoc summo rerum discrimine citò agnum tennerrimum, & adhuc matris ubera lactentem arripuit, atque eum indiffectum Deo supremo rerum Domino in holocaustum obtulit, integrumque aræ impositum pro populi incolumitate combussit. Et ecce rem planè admirandam! cùm adhuc victima in altari arderet, & hostis ex omni parte in populum inermem rueret, subitò divinum affulgere coepit auxilium, dum horrenda de coelo fulmina, tonitrua ac terræ motus tantum Philistæis terrorem incusserunt, ut à prælio cessantes, in turpem fugam non sine gravissima clade converterentur: *Tulit autem Samuel agnum lactentem, & obtulit illum holocaustum integrum Domino, & clamavit Samuel ad Dominum pro Israël, & exaudivit eum Dominus, &c.*

1. Reg. 7.
9.

Per hunc agnum matris adhuc ubera sugentem, Deumque placantem, ac pacem populo Israëlítico reconciliantem, quid aliud præsignatum fuit, quàm Christus Infans, innocentissimus ille Agnelus, quem SS. Deipara adhuc ubera sua virginea sugentem, DEO Patri in templo pro pace & reconciliatione totius mundi præsentavit? *Et obtulit illum holocaustum integrum Domino.*

5. Observant autem Sacri Scriptores, quòd Agnus masculus non tantum ob tenebra adhuc cornua quasi osseam aut spineam quandam coronam in vertice gerat, sed & Crucem in dorso habeat, ac quinque stigmata, seu totidem sanguinolentas cicatrices in corpore portet, quatuor videlicet in pedibus, & unam rubeam cicatricem in Corde, quod, teste Quaresmio, curiosi naturæ Scrutatores sæpius in agno remotis paulisper lanæ flosculis observârunt: *Nescio, ait Cornelius à Lapide, quid vulnerum perpetuò gerant agni in mediis pedum volis, non absimili modo, quo salvator noster ex Cruce reservat in manibus & pedibus fixuras clavorum. &c.*

Quares.
rom. I. c.
3. sect. I.
Cornel. à
Lap. in
Matth.
c. 26. v.
19.

Quid, obsecro, pulchrius de nostro mystico Agno Christo Jesu dici, aut applicari potest? An non etiam per omnem vitam hæc quinque sacra vulnerum stigmata, manibus ac pedibus & innocentissimo CORDI in amarissima passione infligenda, cum cruce perpetua, atque corona spinea in animo suo portavit? Et nunquid co-

gnitio

gnitio Christi imperfecta fuit? minimè: ab eo enim tempore, quo redemptionis humanæ negotium acceptavit, jam in animo suo omnes dolores ac mærores, crucem & vulnera sensit: *Quoniam Dominus noster*, ait Robertus Bellarminus, Eminentissimus S. R. E. Cardinalis, *toto vitæ suæ tempore crucem suam & tormenta singula, & eorum acerbiter certissimè noverat, in eo sine dubitatione ulla summum gradum acerbiter & vehementiæ habuerunt.* Rob. Bellarm. de gemitu Columbae l. 2. c. 3,

Et hoc est, quod Magnus ille eremi Cultor ac Præcursor S. Joannes Baptista insinuavit, dum Judæorum legatis & præfenti ad Jordanem populo mitissimum orbis Redemptorem, nunc à deserto post peractum quadragesimale jejunium ad se revertentem, brachio & digito ad COR Jesu extento monstravit: *Ecce agnus Dei! ecce qui tollit peccata mundi.* O anima Christiana! quantum obsecro, obligata es huic innocentissimo Agnello? potuisset te utique & quidem justissimè jam pridem perdere in gehennam, & ecce ipse dignatur pro te victima fieri, & in Templo pro futura redemptionis tessera ipsum Sacratissimum COR suum Patri in condignam tuorum peccatorum satisfactionem offerre? O amor! O bonitas immensa! Ah utinam, Domine, ah utinam aliquid digni tanto tuo in nos amoris possemus rependere! O si sexcenta, & millena nobis essent Corda, nunquid his omnibus & singulis ex totis viribus fores amandus?

6. Verùm nondum se sistet hîc oratio mea, ulterius progredior. De Davide Rege commemorant Regum Fasti, quòd, cum vehemens lues Urbem Solymæam vastaret, & in obvios quosque crudeliter sæviret, ad placandum Numen iratum in Area Areuna publicum altare erexerit, in quo holocausta & pacifica sacrificia pro totius regni salute obtulit: *Et edificavit ibi David altare Domino, & obtulit holocausta pacifica, & propitiatus est Dominus terræ, & cohibita est plaga.* Nam Angelus, qui tunc temporis stricto gladio populum feriens in aëre videbatur, sine mora fulminantem ensen retraxit, & in signum reconciliationis Deum inter & hominem in vaginam misit: *Cumque extendisset manum suam Angelus Domini super* 2. Reg. 24, 25.

super Jerusalem, ut disperderet eam, misertus est Dominus super afflictione, & ait Angelo percutienti populum: sufficit: nunc contine manum tuam. Et quid portendit hoc sacrificium Divinæ Majestati adeò gratum, ut mox pacem & salutem populo referret?

Cornel. à
Lap. in
Levit. c.
1, 5.

Amantissime JESu! Cognosco ex hac figura figuratum, & ex umbra veritatem, nam per hanc & similes hostias pacificas ordinariè Tu, mi Redemptor, velut agnus Matutinus aut Vespertinus præfiguratus es: *Ut per hoc*, ait Cornelius à Lapide, *significaretur Christus, qui quasi victima expansus, mactatus est in cruce pro redemptione hominum.* O bonum Numen! Si jam olim prædicta hostia tempore pestis à Davide oblata, potuit placare Deum, quia in umbra repræsentabat Christum: quid non faciet ipsum vivum, innocentissimum ac divinissimum COR JESu mansuetissimi illius Agni, si illud æterno Patri pro animæ tuæ salute, præsertim in Sacrificio missæ, aut in sumptione SS. Eucharistiæ ex conscientia pura obtuleris? O quàm sancta, quàm munda, quàm nobilis erit hæc oblatio in conspectu totius curiæ coelestis! Et nunquid tuorum votorum poterit esse repulsa, si Patri hæc innocens offertur victima?

7. Videtur mihi in hac prima & publica oblatione hujus Divini Infantis Sacratissima Deipara, ut quondam Marcus Antonius, qui Romæ in tumultu civili, cum plures cives armata manu ad Capitolium ad mactandum ibidem Senatum concurrerent, Lysium puerum innocentem, ac longè formosissimum apprehendit, eumque utroque brachio in altum attollens, furibundo & rebeli populo ostendit, alta simul, quâ poterat, voce exclamans? *O cives, cives! Puer iste almam proclamat pacem.* Ad quod verbum, & lamentabilem pueri vocem mox omnium civium cordibus mirè sedatis, pax optata eodem adhuc die inter Senatores & cives conclusa est.

Gen. 6,
12.

O quàm periculosum quondam bellum coelum inter & terram exarserat? An non terra coelo bellum indixit, dum contra Deum innumeris vitiis sceleribusque decertavit: *Omnis quippe caro corrumperat viam suam?* Econtra coelum misit in terram diluvium, ignem sulphureum, ignitos serpentes, grandinem, famem, pestem, bella,

bella, aliásque plagas innumeras, quibus justitia Divina omnem animam viventem volebat extinctam. Quid agit SS. Virgo & Mater intemerata? Ecce Patris æterni & suum dulcissimum Filium JESUM è præsepio apprehendit, eúmque inter ulnas suas in templum Hierosolymitanum deportat, quem Patri coelesti & populo præsentati non sine lacrymis ostendens, pro salute mundi in Victimam pacificam & matutinam offert: *En Pater Æterne! Puer iste, Filius tuus in æternitate, & meus in tempore almam proclamat pacem!* O quis dubitare híc poterit, quàm gratum, quàm acceptum Divinæ Majestati hoc fuerit Sacrificium Matutinum, dum innocentissimus Infans, & jam tunc ad crucem destinata victima insuper SS. COR suum Patri obtulit: *Offertur COR Virginis*, inquit R. P. Ju-
 docus Andries S. I. *in quo plenitudo gratiarum; offertur COR Christi, in quo omnes thesauri Divinitatis inclusi. Si attendo affectum, magnus est Simeonis, major MARIÆ, maximus JESUS. Si finem intueor, est omnium mortalium salus. O quàm sancta, quàm nobilis hæc oblatio!*

P. Jud.
 Andries
 de perpe-
 tua cruce
 p. 2.

8. Nec ab simile illud est, quod de Albuquerque generoso quondam & orbi notissimo Architalasso recensent probati Scriptores, qui, cum longâ ac periculosâ navigatione in Indiam Orientalem trajiceret, gravissimaque jactatus tempestate cum sua classe bellica de vita & salute periclitaretur, in medio naufragii discrimine constitutus infantem suum arripuit, & versùs coelum iratum illum attollens, Deum universorum Dominum supplex rogare cœpit, quatenus propter innocentiam hujus infantis sibi, cæterisque in simili periculo constitutis benignè parcere, mortisque periculum à se dignaretur avertere. Quod factum est.


P. Lohner
 S. I. in tr.
 de infir.

O pientissima Virgo! *Mater Dei, & hominis, Mater Regis & exulis* (ita te appellat mellifluus tuus Bernardus) En quantis calamitatum fluctibus nunc universa jactatur Europa? Bella, bella, horrida bella ubique fulminant, Mars insanit ubique, provinciæ plurimæ devastantur, miscentur omnia rapinis, incendiis, homicidiis, cuncta fus deque vertuntur. Ah Domina fer opem periclitanti Ecclesiæ:

clesiæ: monstra & tu Filium tuum dulcissimum Jesum Æterno Patri, ut ob innocentiam hujus mitissimi Agnelli, ac præsertim ob amabilissimum ac innocentissimum COR ejus, in quo semper Pater sibi bene complacuit, & in quo requievit Spiritus Sanctus, bella in ultimos Thraciæ fines releget, & tot votis exoptatam pacem denuo Ecclesiæ suæ clementissimè largiri dignetur &c.

9. Coronidem huic Considerationi imponat Thesaurarius & quæstor ille potens Reginæ Candacis, qui, cum Hierosolymâ in Æthiopiam rediret, sedensque super currum animi gratiâ Isaiam Prophetam legeret, & casu, seu potius sic disponente Divina Providentia, ad illam sententiam devenisset: *Sicut ovis ad occisionem ducitur, & quasi agnus coram tondente se obmutescet, & non aperiet os suum*: adeò hic Gentilis ad unicum hunc scripturæ textum in CORDE suo erga SS. ac mitissimum COR Jesu Divini illius Agni commotus est, ut ad S. Philippum tunc fortè supervenientem con-
Isa. 53,7. *Actor. 8,* versus, promptissimè fidem in Christum Jesum profiteretur. *Cre-*
27. *do Filium Dei esse Jesum Christum*: & quia secus flumen in curru cum S. Philippo, de immenso amore hujus Divinissimi CORDIS Jesu plura differente, & mysterium explanante vehebatur, instanter ab illo flagitavit, ut quantocyus sacris baptismi undis ablueretur: *Et jussit stare currum, & descenderunt in aquam Philippus & Eunuchus, & baptizavit eum.*

O animæ Christianæ! si hanc mirandam conversionem in homine Gentili potuit efficere unica ac seria cogitatio de innocentissimo CORDE Jesu, *Agni illius immaculati & incontaminati,*
I. Petr. I, *18.* *præcogniti quidem ante mundi constitutionem, manifestasti autem novissimis temporibus propter nos.* Quid, obsecro, in nobis non efficere debet ipsa quotidiana, ac realis præsentia hujus Divinissimi CORDIS Jesu in SS. Eucharistia? Clamemus proinde cum S. Jo-
Apor. 5, *12.* *anne: Dignus est Agnus, qui occisus est, accipere virtutem & Divinitatem, & sapientiam & fortitudinem & honorem & gloriam & benedictionem in secula seculorum, Amen.*



CONSIDERATIO XII.

Consideratur Amor & Passio SS. CORDIS JESU à facie Herodis in Ægyptum fugientis, & cædi SS. Innocentium intimè condolentis.



Surge, & accipe Puerum & Matrem ejus, & fuge in Ægyptum. Matth. 2, 13.

Salomon Regum sapientissimus, cum diversas etiam minimorum animalium naturas considerasset, summopere lepusculi sapientiam demiratus est, qui, licet inter minima terræ computetur, talia tamen sapientiæ opera exercere solet, ex quibus etiam homines habent, quod discant: *Quatuor sunt mini-* Prov. 30, 24.
na terræ, & ipsa sunt sapientiora sapientibus: formicæ populus in-
ermus, qui præparat in messe cibum sibi: lepusculus, plebs invalida,
qui collocat in petra cubile suum, &c. Miraberis hîc prudens
lector, in quo tandem eluceat illa singularis lepusculi sapientia?

Adverte: lepusculus comprimis oculis indormit apertis, quæ semper de salute sua circumspectus & providus: in periculis miræ agilitate summa montium cacumina petit, quod canes insequentes eniti non possunt: valles econtra prudenter declinat, quia per declivia decurrens quasi globus circumagitur, & sic facile hosti prædæ cedit. In paupertate & inopia sua mirè contentus vivit, & si nihil aliud escarum invenit, etiam nive contentus est. Pro habitatione securiora petrae foramina, montisque cavernas sibi eligit ubi tutus habitat; & si subinde contingit, ut in patenti campo canibus infestetur, absque mora ad spinosum dumetum confugit. Unde pro lemmate tulit:

Fugâ salutem.

Cornel. à
Lap. in
Prov. 30,
26.

En hic typum Christi Jesu, Verbi illius Incarnati & abbreviati, qui in præsepio jacens, ejusmodi lepusculo & plebi in validæ à Cornelio à Lapide & aliis non incongruè assimilatur, dum pro sua mansionem non aliam, quàm speluncam Bethlemicam etiam in summo frigore elegit: *Qui collocat in petra cubile suum.* Et quia neque in hac petrosa caverna satis securus degebat, sed ab Herodianis canibus ac infidiantibus vertagis per omnem regionem emissis ad necem quærebatur, idcirco de matura sibi fuga prospiciens, in Ægyptum cum SS. Matre sua & Patre Nutritio S. Josepho profectus est, ubi interim salutem inter idololatrias in exilio inveniret, quam neque in ipsa patria inter suos poterat reperire. *Et secessit in Ægyptum.*

Ps. 118,
161.

2. O pientissime Jesu! O tenerrime lepuscule! ad quid adeò Herodianos canes te insectantes fugis, & expavescis? Ah quid pavet Cor tuum, dum Herodes Ascalonita, efferatus ille & insatiabilis lupus, qui cum ætate semper deterior factus est, tibi mortem intentat?

Eccles. in
hymno de
Ascens.
Domini.

Formidavit Cor meum? Si fugit refugium nostrum & virtus, O Domine, ad quem ibimus? Quis erit impofterum nobis refugii locus? *Qui mori venerat,* quærit S. Chrysologus, *quare fugit mortem?* Dux militiæ à facie hostis trepidat, & fugam arripit, quid agent milites? quid SS. Martyres? nunquid ideo, O mi Jesu! venisti in mundum, ut mortem subires innocens, à morte te nos ut tolleres?

Susper

Suspende judicium, Anima Christiana! *Dum parvulus est*, inquit *Salm. tom*
 sapientissimus Salmeron, *fugit, magnus autem ultrò sese offert peter-* *3. tr. 44.*
tibus eum ad mortem; proinde noluit tenerrimum COR JESU jam
 tunc in tenella ætate & in tenui corpusculo omnem suum profun-
 dere sanguinem, licèt hic modicus cruor pro redimendis mundis
 millenis sufficiens fuisset, non tamen suffecit immenso illius amoris,
 quo genus humanum complectebatur; hinc perfectam ætatem ex-
 pectare voluit. Et sicut primus homo in paradiso non infans, sed in
 ætate perfecta creatus & lapsus es, ita decebat, ut Christus in tali
 quoque ætate constitutus hominem lapsum in arbore crucis redi-
 meret. Audi, & considera, quàm benè ad rem nostram loquatur S.
 Petrus Chrysologus: *Fugere istud est amoris intimi, non timoris &* *S. Petr.*
ignavia; vult enim in aperto vincere, qui publicam referre cupit de *Chrysol.*
hoste victoriam. Et quia exiguum ducebat, unico ensis ictu cadere, *serm. 152*
 ideo SS. COR JESU crucem, spinas, flagra, clavos, & crudelem lan-
 ceam expectabat, ut copiosior apud eum esset redemptio, & major
 in nos amor SS. CORDIS JESU.

Et ideo in Lege Veteri mandavit Deus, ne Hebræi hœdum tenel-
 lum mactarent, eumque in lacte matris suæ coquerent: *Non coques* *Exod.*
hœdum in lacte matris. Per quem hœdum communiter Patres Chri- *23, 19.*
 stum JESUM infantem, adhuc à virgineis uberibus pendentem intel-
 ligunt, qui tanquam hœdus legalis omnia peccata nostra in se
 assumpsit in ara Crucis expianda, unde noluit infans gladio Herodis
 trucidari, atque in lacte matris coqui, & immolari, sed fugit in Æ-
 gyptum. Collige ex hoc mirandam SS. CORDIS JESU & MARIAE
 magnanimitatem, etiam in rebus quàm maximè arduis. Potuisset
 utique B. Virgo ad Angelum, fugam intempesta nocte consulentem,
 dicere, prout discurret S. Chrysostomus: *Tu paulò antè dicebas, quia* *S. Chrys.*
salvabit populum suum, & nunc seipsum quidem non potest de peri- *homo. 8. in*
culis liberare, sed fuga nobis est necessaria, & peregrinatio, & trans- *Matth.*
migratio longinqua: contraria omnino sunt facta promissis. Sed nihil
 horum pensabat obedientissimum COR MARIAE, dum in omnibus
 quibuscunque difficultatibus se semper promptissimè cum plenissi-

ma resignatione divinæ subijciebat voluntati. O DEUS! quando denique Cor meum paratum erit ad faciendam tuam SS. voluntatem, *qui salvos facis rectos corde?*

Ps. 7. 11.

3. Interim Herodes Rex, cum vidisset à Magis se delusum, in rabiem actus statuit iram ac furorem suum indomitum in innocentes quosque Infantes evomere, ut cum iisdem pariter & orbis lucernam ac Messiam ante tot sæcula Patribus promissum extingueret. In quem finem parvulos omnes à bimatu & infrà in sua regione conscribi curavit, quos ex qualibet civitate, oppidis ac pagis in unum locum congregatos crudeli & inaudita impietate jussit trucidari:

Matth. 2.

16.

Iratus est valde, & mittens occidit omnes pueros à bimatu & infrà. Recordor hîc illius sanguinei balnei, quod Constantino M. Imperatori fædissimâ corporis leprâ infecto quondam Medici Romani suaferunt. Aderat dies lanienæ destinatus, ubi parvuli ex variis Romani Imperii partibus à matribus Romam comportati, adinstar innocentium agniculorum debebant immolari, ut eorum sanguini Cæsar immerfus, & ablutus membrorum salutem reciperet. Sed quid ad hoc Constantinus, licet tunc temporis adhuc gentilis? *Ab sit,* inquit, *tanta innocentium strages, præstat mori potius, quàm ut tam caro humani cruoris pretio vitam meam redimam.* Unde commiseratione motus parvulos omnes, eorumque matres optimè præmiatas liberè in patriam remisit: quam summè laudandam Constantini clementiam benignissimus DEUS in his terris abundè remuneratus est, dum non tantùm ad agnitionem veri Dei & fidei pervenit, sed & per lustralet baptismi aquas ab omni corporis leprâ mundatus est.

Non sic Herodes impius ille & sacrilegus Deicida, qui ut Dei Filium perderet, in omnes pueros sæviit, & neque lactenti ætati in suo regno pepercit, dum quatuordecim parvulorum millia crudelitate plusquam belluinâ trucidavit, quorum sanguineo balneo necdum fatura hæc cruenta bestia etiam proprios filios in palatio enecari jussit, ut adeò de eo Imperator Augustus, cum de hac inaudita tyrannide audiret, dixisse perhibeatur: *Malle se Herodis porcum, quàm filium esse.*

4. Verùm quid accidit Pharaon superbus ille & induratus Ægyptiorum Tyrannus, cum universam Hebræorum progeniem per immaturam puerorum necem extinguere diu allaborâisset, tandem damno suo, plùs quàm dici potest, maximo expertus est, quàm turpiter ab uno puero Moyse, tunc per aquas salvato fuerit delusus, qui non huic duntaxat Regi interitum, sed & regno universo totalem ruinam ac ultimum exterminium intulit: *Eodem modo*, inquit S. Bernardus, *cum Pharaone etiam Herodes delusus est: utrobique pro unius persona numerositas trucidatur puerorum, utrobique, qui quærebatur, evasit.* Exod. 1,
22.

S. Bern.
serm. in
octav.
Paschæ.

Sic & impia Athalia, ut universum stemma Davidicum, cui Dominus regalem sedem & futurum orbis Messiam promiserat, radicibus extingueret, per immanem crudelitatem omne semen regum occidit, in qua communi laniena regiorum nepotum solus evasit Joas princeps, quem Josaba filia Regis Joram tanquam nepotem suum de medio occisorum mira dexteritate eripuit: *Et abscondit eum à facie Athaliæ, ut non interficeretur*, quem exinde post sex annos Jojada Sacerdos de exilio revocavit, & in Regem Judæorum nuntiavit. 4. Reg.
11, 1.

Ad quid ista enarro? O Beatissima Virgo & Mater Sanctissima! Tu es illa fortissima Josaba, ex regia Davidis stirpe orta, quæ ex tot millibus parvulorum ab Herode interfectorum solum dulcissimum filiolum tuum JESUM eripuisti, & ne in prædam Athaliæ, hoc est, impiæ Synagogæ & Herodianæ Tyrannidi cederet, jussu Angeli & comitè S. Josepho post exantlatas quàm plurimas itinerum & laborum difficultates tandem in Ægyptum propriis ulnis deportasti, ubi Rex Regum & Dominus universorum pro suo palatio vix exiguum foramen in medio gentis, cultui idolorum deditæ, invenit, ut deò non immeritò conquestus sit: *Vulpes foveas habent, & volucres cœli nidos; Filius autem hominis non habet, ubi caput reclinet.*

5. Nunc considera, anima Christiana, immensum illum amorem & dolorem SS. CORDIS JESU, quantis tunc in exilio exæstuaverit affectibus, & quàm tenerrimo amore compassum fuerit tot immo-

latis Martyrum Primitiis, quos sciebat sui causâ occidi; qui, licet tunc adhuc Infans esset, & non plus ætatis, quàm annum unum & tres menses haberet, tamen revelante Verbo sibi unito, omnia optimè etiam absens in Ægypto noverat, hinc SS. COR ejus crudelissimum hoc infanticidium intimo pietatis affectu deploravit, dum clamor matrum, & vox sanguinis filiorum usque in cœlum, & ad illius aures penetravit. Certè optabat tunc mitissimum COR JESU, si conveniens fuisset, mori pro singulis; sed reservatum fuit majoribus doloribus, & cruci ignominiosæ, ubi pro omnibus erat immolandum & immiti lanceâ aperiendum.

Nec minùs hanc calamitatem & miserandam tot parvulorum cladem dolebat mœstissimum COR MARIAE, siquidem ut Prophetissa omnium illuminatissima clarè vidit, quomodo ob amorem & causam Filii sui tota illa regio Innocentùm sanguine, & pleræque domus lamentis lacrymisque parentum replerentur. Quoties memor erat illius vaticinii tunc ad amissum adimpleti.

Ferem. 31, 15. Vox in Rama audita est, ploratus & ululatus multus: Rachele plorans filios suos, & noluit consolari, quia non sunt!

Luc. 2, 35. O Bone JESU! ô Mater doloris & amoris! hîc in veritate rursus verificatum est illud justi Simeonis vaticinium: Positus est hic in signum, cui contradicetur. Et paulò post: Tuam ipsius animam pertransibit gladius. Heu! quis exprimet, quanta incommoda, curas, inopiam, contemptus ac ærumnas hoc SS. COR JESU & MARIAE in hoc diuturno exilio passum sit? O Pater æterne! an non satis fuit dilectissimo Filio tuo in frigore abjecto que stabulo nasci, in pauperrimo præsepio reclinari, cultro petrino circumcidi, velut servum emptitium in templo præsentari, & quinque siclis redimi, sed insuper oportuit illum in exilium proficisci? quid in te deliquit Filius tuus?

Audi pro responsione Paulum à Palatio: *Voluit Dominus, inquit, etiam exulâsse, ut nihil esset amaritudinis in calice, quod non ille gustaret.* Unde à Puerò usque ad mortem constanter & verbo & factò docuit, quòd omnis Christiani vita in hoc brevi curri-

curriculo nil aliud sit, quàm continuus labor & dolor, crux & persecutio; & si nondum cepisti ista pati, nondum coepisti esse Christianus.

6. Pro confirmatione dictorum venit hîc mihi in mentem pulcherrimum illud judicium, quod olim Salomon, dum vix ad regium thronum erat elevatus, mirâ prudentiâ tulit. Venerunt ad hunc sapientissimum Regem duæ mulieres, quarum una vivum, altera mortuum & in somno oppressum Filium ad tribunal regium deferabat, mirè & acerbè inter se litigantes, cujusnam esset ille filius, qui adhuc sanâ vitæ aurâ fruebatur? Quid ad hoc Rex omnium mortalium prudentissimus? gladium afferri jussit, quo infans vivus per medium diffecaretur: *Dividite*, inquit, *infantem vivum in duas partes, & date dimidiam partem uni, & dimidiam partem alteri.* Quem fulminantem gladium à milite sublevatum ubi vera Mater conspexit, tam cruentum spectaculum non sustinens, ex intimo corde commota ad Regem dixit: *Obsecro Domine, date illi infantem vivum, & nolite interficere eum.* Ex qua naturali compassione & materni CORDIS affectu (*commota quippe sunt viscera ejus super filio suo*) Rex evidentissimè agnovit, quòd hæc vera ac genuina hujus pueri mater esset: hinc præcepit, ut ille sine mora filius adhuc vivus traderetur: *Date huic infantem vivum, & non occidatur, hæc est enim mater ejus.*

3. Reg. 3,
24.

Ecce mirabilem typum in fuga Christi JESU, & cæde SS. Innocentium adimpletum. Per hunc filium, pro quo olim in judicio contendebant mulieres, Christum Infantulum intellige, verum, vivum & unicum DEI & MARIAE Virginis Filium. Per primam litigiosam mulierem Synagogam subaudi, de Messia vivo & vero adhuc hodie litigantem. Per judicium Salomonis Justitia divina adumbrata est, quæ decrevit, ut Filius DEI & MARIAE pro peccatis suæ gentis, & totius mundi vivus divideretur. Et ecce adest in tempore truculentus miles ab Herode infando illo tyranno in hunc finem submissus, hic ferrum levat; inter alios SS. Innocentes etiam Dei filium occisurus, & per medium dissecturus. Hoc cum audiit SS. Dei-para, utpote vera Filii vivi Mater, ô quis dicet, quanto tunc dolore &

com-

commiseratione piissimum COR hujus SS. Matris fuerit repletum? cui proinde longè meliori jure illud poteris applicare: *Commota sunt quippe omnia viscera ejus super Filio suo.* Verùm infinita providentia Divina, sicut in cæteris omnibus, ita & in hoc gravissimo casu
Apoc. 12, exquisitum invenit remedium: *Date,* inquebat ad justitiæ Divinæ
4. ministros, *huic infantem vivum, hæc est enim Mater ejus:* Sic Draco ille (Herodem puta) qui *stetit ante mulierem, quæ erat paritura, & cum peperisset, Filium ejus devoraret,* turpiter confusus, impietatis suæ per foedissimam mortem justas pœnas dedit: *Et mulier fugit in solitudinem.* Supra quod Cornelius à Lapide: *Nota,* inquit, *alludit ad fugam B. Virginis & Christi in Ægyptum &c.*

*Euthym.
supra hoc
Evang.*

*S. Aug.
serm. 3.
de Innoc.*

7. Pro dictorum coronide ad te me converto, O amabilissimum & divinissimum COR JESU! Dic, obsecro, in quem finem permisisti tam cruentam Innocentium stragem? Quid peccarunt in te, O Princeps pacis, hi tenelli agniculi, quòd tam præmaturè tui causâ debuerint immolari? O mirabilem Divinæ Providentiæ abyssum! Respondet ad hoc Euthymius, quòd hi ipsi infantes, si adolevissent, inter tot occasiones & pericula sine dubio peiores effecti fuissent, & sic in Christi passione cum cæteris Judæis clamâssent: *Tolle, tolle, crucifige eum.* Itaque illis melius fuit, si maturè gloriosâ morte pro Christo occumberent, quàm si tandem in ætate profectiore æternum damnarentur: hinc S. Augustinus: *Profanus hostis nunquam beatis parvulis tantum prodesse potuisset obsequio, quantum profuit odio.*

*Vide si-
guram
Exod. 15,
25.*

O mortales omnes! Videte & considerate, quàm mirabiliter luddat in humanis divina potentia rebus: *Sæpe,* inquit S. Hieronymus, *putatur pœna, & medicina est.* Ingemiscimus modò sub tanto tribulationum pondere, urgent nos bella, assiduæ exactiones ultimas exhauriunt vires, infestant nos morbi, rerum omnium inopia nos affligit; verbo: ubique luctus & tristis mortis imago. Verùm neque in his oportet animum despondere. Aspicite SS. COR JESU, & in eo crucem semper plantatam, ad cujus unicum aspectum omnes miseriæ vestræ indulcorabuntur &c.

CONSIDERATIO XIII.

Consideratur SS. COR JESU ex omnibus obedientissimum, & in
vita, tum privata, tum publica, ad labores promptissimum.



Et descendit cum eis, & venit Nazareth & erat subditus illis.

Luc. 2, 51.

Pulcherrimum obedientiae Symbolum Agnus est, qui ma-
tris in via quacunque praeuntis vestigia sollicitè sequi as-
solet, & ab ea, etiamsi ad mortem, & ad lanienam duca-
tur, minimè deflectit. Hinc aliqui pro lemmate agno inscripserunt:
equar, quò ierit. Veneror hunc doctorum Virorum conceptum,
sed antiquius est illud, quod enarro.

*S. Joann.
Damasc.
orat. 3. de
Imag. in
fine.*

Cùm in primitiva Ecclesia furor gentilium in Christianos, prae-
sertim Romanae, crudeliùs saeviret, non ausi sunt hi primi Christiani,
eorum *Cor unum & anima una erat*, in oratoriis suis, vel potiùs

*Actor. 4.
32.*

in catacumbis ac cryptis subterraneis, in modum Ecclesiæ excavatis, effigiem Salvatoris nostri Jesu in crucem suffixi publico cultu exponere, nerekens conversi Christiani, si hanc lamentabilem Redemptoris sui in patibulo morientis speciem contuerentur, in fidem vacillarent, aut gentiles pluribus contumeliis & opprobriis eam afficerent; sed loco Christi Crucifixi in ara solum Crucem quandam nudam, & sub ea agnum mansuetum, placidè inter instrumentum passionis recubantem collocârunt, cum inscripto lemmate, quo Ecclesia etiamnum in Missa Paschali usurpat:

Agnus redemit oves:

Christus innocens

Patri reconciliavit peccatores.

En pulcherrimum primorum Christianorum Symbolum! Liceat & mihi huic Divino Agno non tantum Patri suo usque ad mortem Crucis se obsequiosissimè submittentis, sed etiam temporalibus parentibus suis in vita privata à duodecimo usque ad trigésimum ætatis annum ad omnem nutum obtemperantissimo illud S. Pauli prolemmate inscribere:

Obediens usque ad mortem.

Philipp.

2, 8.

Josue 10,

13.

2. Mirabatur quondam Orbis universus, quòd serenissimus Astrorum Princeps Sol se imperio unius hominis mortalis & bellicis Ducis Josue tam promptè submiserit, dum ad unicam illius vocem in medio cœli cursu stetit immobilis: *Stetit itaque Sol in medio cœli: obediens Domino voci hominis* O portentum!

*S. Bern.
serm. in
die Paschæ.*

Quantum non oportet nos admirari, quòd divinissimum COLLEGIUM Jesu, utpote verus & amœnissimus justitiæ Sol, ad tam vilia obsequia sese demiserit, & MARIAE SS. Matri suæ, & Divo Josepho Fabri lignario in quotidianis obsequiis ac laboribus se promptissimum subjecerit? *Attende, quid fecerit magni consilii Angelus* ait mellifluus Bernardus, *attende, quomodo consilium suum postposuit consilio, vel potius voluntati mulieris unius (Beatissimam Virginem loquor) & Fabri pauperis, ipse est Joseph &c.*

3. Miramur obedientiam *Petræ*, dum ad Mosis imperium largas *Exod. 14.* subministravit aquas: *Maris*, dum ad contactum virgæ illius se- 16. mitam universo populo in Palæstinam referavit: *Jordanis*, dum ad *Josue 3.* præsentiam Arcæ foederis conversus est retrorsum: *Ignis*, dum ad 16. imperium Eliæ de cœlo descendit, & victimas holocausti devoravit: 3. *Reg. 18* *Terræ*, dum ad mandatum Moylis se aperuit, & deglutivit Dathan, 38. & operuit super congregationem Abiron. *Num. 20.* Hæc, inquam, & simi- 10. lia naturæ prodigia, & quòd omnia elementa voci hominis obediant, vehementer in admirationem nos rapiunt. Verum enimverò cur non obstupescimus, cur non summè demiramur, quòd ipse Author naturæ DEUS de DEO & Homo Christus imperio Matris pauperis, & Nutritii Patris, Fabri lignarii sese penitissimè subjecerit, illis in omnibus promptè, alacriter, sine excusatione aut murmuratione obtemperaverit, externam & internam præstando obedientiam, cujus unicum obediendi motivum erat charitas, & æterni Patris sui beneplacitum. O portentum omnium maximum!

Imò non parentibus tantum se SS. COR JESU, ut perfectissimum obedientiæ exemplar, sed & in passione sceleratissimis Judicibus, cruentis carnificibus, ac quibuscumque atrocissimis poenis & suppliciis, ipsique neci Crucis se subdidit, &, quod nunquam satis admiraberis, etiamnum quotidie ad vocem unius Sacerdotis, etiam mali ac pessimi peccatoris, de novo solet obtemperare, dum ad verba consecratoria prolata sine mora in sacrificio Missæ sese promptissimè de cœlo demittit, atque se totum arbitrio Sacerdotis in sacra hostia permittit. O miram hujus Divinissimi CORDIS JESU circa nos dignationem! Ubi nostra obedientia est in divinis perficiendis mandatis? in obtemperando Superioribus & parentibus loco Dei imperantibus? *Disce homo obedire*, ait S. Bernardus, *disce terra S. Bern. subdi, disce pulvis obtemperare; erubescere superbe cinis; DEUS se hom. sup. humiliat, & tu te exaltas? DEUS se hominibus subdit, & tu domissus est. minari gestiens hominibus, tu te præponis Authori?*

4. *Et descendit cum eis, & venit Nazareth, & erat subditus illis.* *Luc. 2, 51* Adverte: quàm multa Evangelista paucis verbis complexus

fit, cum de cæteris omnibus operibus heroicis, quæ SS. COR JEsu spatio octodecim annorum usque ad baptismum patrauerat, altissimum tenet silentium, & hoc unum de adolescentia & juventute Christi commemorat: *Et erat subditus illis.* Quid ergo toto illo tempore fecit amabilissimum COR JEsu? Audi Salmeronem:

Salmer.
tract. 47.
tom. 3.

Multi igitur hoc desiderio sciendi, quid ab anno duodecimo ad trigessimum fecerit Christus, discruciantur, quibus hoc verbo Lucas satisfacit: Erat JEsus subditus illis. Orabat, jejunabat, silebat, pauperibus parentibus collaborabat. Porro JEsus cum his parentibus esset subiectus, sine dubio in perferendis etiam una cum ipsis laboribus morigeram declarabat suam obedientiam &c.

Consideremus paulisper hæc verba: *Et erat subditus illis.* Nota hîc prudens Lector: *Quis* erat subditus? En! infinitus DEus, Dominus universorum, fabricator mundi, cujus imperio subiecta sunt omnia, hic se infra seipsum demittit, seque promptissimum subicit creaturis. *Quibus?* Pauperi Matri Virgini, & opifici egeno, qui loco patris ipsi fuerat, his sese Creator omnium humiliter submittit, illorum mandata sedulo exequitur, & nutus eorum antevertit, clamans diebus ac noctibus: *Ecce, adsum!* Et *cur?* ut tibi exemplum per hanc vitam activam præberet otii vitandi, humilitatem sectandi, & pro cælo ac salute animarum nulli labori parcendi, quod exemplum sibi proponens Gentium Doctor dixit: *Laboramus operantes manibus nostris &c.*

1. Cor. 4.
12.

O Mortales omnes, videte, & suspicite magnum illum cæli & terræ Architectum, quomodo in domuncula Nazarethana (nunc Lauretana) laboret, quomodo in officina fabrilis assulas colligat, domum evertat, ligna componat, humeris suis afferat, securi scindat, & ferram cum Patre nutritio reciprocet. O beatam terram, quæ toties de fronte JEsu laborantis cadentem sudorem excepisti! O nos desides! quid hætenus pro Deo, cælo, & publicâ animarum salute laboravimus? Notent hoc sibi illi omnes, qui pinguibus fruuntur beneficiis, & laborem aliis relinquunt, audi Apostolum: *Neque gratis panem manducavimus ab aliquo, sed in labore & fati-*

2. Thess.
3, 8.

agitatione, nocte & die operantes. Et paulò post addit: *Si quis non vult operari, nec manducet.* Audis? Verùm pergamus ulteriùs.

5. Adam generis humani Author, Princeps, ac cæterorum hominum parens, postquam hanc à Deo sententiam accepit, ut terram spinis & tribulis refertam excoleret, & in sudore, miseriis, multisque laboribus panem ac victum sibi compararet, mox obedientissimum se divinis mandatis exhibuit, dum manũ ad ligonem applicavit, & in omni patientia, fame & siti, frigore & æstu humum aravit, occavit, seminavit, & messuit: *In sudore vultus tui vescêris pane.*

Gen. 3, 16

Verùm alium ac longè innocentioris vitæ Adamum tibi monstro, anima Christiana, qui per veterem juxta S. Paulum non obscurè præsignatus fuit: *Qui est forma futuri*, hoc est, typus Christi. En! quomodo tui causâ & amore hoc obedientissimum COR Jesu in officina fabrili defatigetur! En! quomodo innocentissimus hic Adam in sudore & labore, in fame & siti, in curis & ærumnis pane suo vescatur. Vide & considera, quomodo pariter ligonem (crucis typum) apprehendat, ut terram per peccatum maledictam à spinis & tribulis noxarum purget. O SS. COR Redemptoris mei toties pro me laboribus fractum & lassatum! quàm bene de te vaticinatus est Regius ille Vates: *Pauper sum ego, & in laboribus à juventute mea.* Supra quod Bellovacensis: *Ecce, inquit, pius Dominus laborare non desistit usque ad diem mortis.* Unde in medio bovis & asini in lucem nasci voluit, tanquam inter animalia omnium laboriosissima, ut ostenderet, quàm impensè diligeret laborem ac laborantes: & ideo posthabitis terræ Principibus nativitatem suam priùs pastoribus, rusticis, & agricolis annuntiari voluit, quia hi vigiliis & laboribus, illi econtra otio, stratisque mollibus assueti & intenti erant.

Rom. 5,
14.Psal. 87,
16.

6. Et hæc causa est, ait devotissimus Gerson, quòd SS. COR Jesu non virum nobilem, Principem, orbisque monarcham, sed pauperem artificem ac fabrum lignarium in focium laborum & in patrem elegerit, ut semper ante oculos in officina crucem ligneam & alia passionis suæ futuræ instrumenta haberet: *Quia ex ligno,*
N 3 sunt

Gerfon. sunt verba Gerfonis, *natura humana est perdita, ideo conveniebat*
nat. Mar. ut Pater lignarius diceretur, Pater recuperationis & restaura-
confid. tionis, & sic faber lignarius Joseph esset Deo conformior, qui ej-
 omnium fabricator.

Imò verisimile est, Christum etiam post mortem S. Josephi ad
 huc aliquo tempore per se solum artem fabrilem exercuisse, ut su-
S. Justin. se labore, & dulcissimam Matrem suam aleret. Ipse JESUS, ait S.
M. lib. de Justinus Martyr, *faber putabatur, fabrilia namque, cum in homi-*
relig. nibus esset, faciebat opera, & juga conficiens, & carpenta, qui-
Christ. bus nos in cœlum eveheret. Unde passim apud vulgus, & conci-
Matth. ves Nazarethanos audiebatur illud ex contemptu objectum
13. 55. Nonne hic est fabri filius? nonne Mater ejus dicitur Maria.

O anima Christiana, perpende ex hoc iterum obedientissimum
 juxta ac laboriosum COR JESU, ecce quàm bene omnia ordinaveri-
 in finem, dum priùs in vita privata, antequam se mundo manife-
 staret, artificium fabri lignarii exercere voluit, in quo, sicut Noè
 sibi arcam fabricatus est, per quam salvaret genus humanum in di-
 luvio, sic SS. COR JESU sibi tunc crucem in arcam selegit, pe-
 quam genus humanum denuo à peccati diluvio, & ab æterna
 damnationis barathro servaret. En quàm rectè illi quadret hoc
Psal. 73. nomen fabri, *qui fabricatus est auroram & solem!*

26.

O Bone JESU! quis hæc audiens & attentiori mente considerans
 non summè miretur sacratissimi CORDIS tui obedientiam, patien-
 tiam, humilitatem? Potuisses in coelo & in terra supremo frui ho-
 nore, & immensis affluere deliciis; & ecce meæ salutis causâ fa-
 ctus es obediens usque ad mortem, elegisti opprobrium pro hono-
 re, egestatem pro opibus, æumnas pro voluptatibus, dolores pro
 deliciis, ipsamque ignominiosissimam mortem, & quidem mortem
 crucis; & ut assiduam crucis memoriam per 30. annos ante
 oculos haberes, fabrum lignarium pro Nutritio Patre assumpsisti.
 O immensa charitas, ô bonitas infinita divinissimi CORDIS tui
 Confundor ô mi JESU! quando in contrarium Cor meum intro-
 spicio, quam inobediens & refractarium hætenus fuerit divinis

man

mandatis & inspirationibus tuis superiorum jussis. Detestor vecordiam meam ac rebellem voluntatem, veniamque erroris admissi humiliter flagito, & per merita SS. & obedientissimi CORDIS tui rogo, ut Cor mihi largiri digneris sanctis mandatis tuis semper in omnibus obedientissimum. Ita ô mi JESU!

7. Recordor hîc, quàm severam obedientiam suis Ducibus præstare debeant milites. De Scipione Majore recenset Plutarchus, quòd hocce laudis suis militibus attribuerit, nullum in exercitu suo repertum iri, qui non ad unicum verbum ac nutum suum de altissima turri promptè se in terram præcipitaret, aut in profundum maris se demitteret.

Verus Princeps, ut suorum militum obedientiam probaret, unum de celsa turri, in qua excubias solebant agere, ad se in terra consistens evocavit, mandans, ut citò per aërem ad se descenderet, qui nihil cunctatus mox se præcipitem in terram dedit, confractisque membris antè pedes Ducis expiravit.

Laudat scriptura obedientiam militum, qui quondam sub Duce Achimelech stipendia meruerunt, qui cùm vidissent, quòd ipse belli Dux arrepta securi arboris ramum præcidisset, & impositum numeris ad expugnandum Sichimorum præsidium portasset, mox omnes tam illustre Ducis sui exemplum secuti sunt: *Igitur certim ramos de arboribus præcidentes, sequebantur ducem, qui circumdantes præsidium succenderunt.* *Jud. 9.*
49.

En Dux ac Salvator tuus cum ligone crucis & instrumentis passionis, quæ arma hætenus semper in SS. CORDE suo gestavit, nunc publicè non tantùm in officina S. Josephi, sed etiam in aliis contruendis ædibus ac mansionibus tibi præcedit, & in summa obedientia, sudorèque vultûs sui pane vescitur. Et tu delicate miles sine obedientia sine labore, sine onere, sine difficultate audeas ad cœlestem gloriam aspirare? qui fabricatus est auroram & solem, ille tantus ac talis triginta pluresque annos in summo labore explevit, & tu tempus, quod ad salvandam animam tuam miseratio Condi-
oris tibi indulget, otiaando, jocando, ludendo, potando, & ne di-
cam,

cam, aliquid aliud agendo cōsumis? O ignavum pecus! de quo dici potest, quod ad Nabuchodonosor Regem quondam dictum est, *Dan. 4.* cum Cor ejus in cor bestię mutaretur: *Cor ejus ab humano commutetur, & cor feræ detur ei.* Evigila tandem, & pensa, quod nulla nux sine duro cortice, nulla margarita nisi in concha, nulla rosa nisi cum spina: aurum è mineris summo labore extrahitur, & granum, frumenti flagello excutitur &c. Et tu tepide & inobediens Christiane (si tamen hoc nomine dignus es) stas otiosus & vix pedem pro cœlo vis levare, salutis tuæ immemor, cū natus sis ad laborem? *Via cœlorum patet*, ait S. Thomas de Villanova, *janua cœli aperta est, quid ergo statis? tanta vos gloria manet, & statis? tantum vobis præmium repositum est, & hæretis?*

8. Discite igitur, quicumque tandem estis à SS. CORDE JESU *Hebr. 13.* obedire & laborare: *Obedite præpositis vestris, & subjacete eis.* 17. Certè Sanctus Augustinus observat & cum eo Cornelius à Lapide, DEum nunquam gravius à populo Hebraico fuisse offensum & exacerbatum, quàm cū in Corde suo superioribus suis loco Dei imperantibus inobedientes extiterunt, aut contra illorum mandata vel leviter murmurârunt.

Num. 21. 6. Israëlitæ illos consulite Moyfi inobedientes, & obloquentes, & hanc ob causam ab ignitis serpentibus punitos. Mariam Moyfis sororem interrogate, ob levem inobedientiam & murmur, abominabili leprâ castigatam. *Num. 12.* 10. Aham considerate ob inobedientiam quam *Josue. 7.* 25. erga Josue exercuit, lapidibus obrutum. Nunquid Saul, quia DEO in Corde suo non obtemperavit, à regno rejectus, & æternum ab illo reprobatus est? *1. Reg. 15.* 11. Jonas denique, quia refugiebat DEO obedire, in profundum maris projectus est. Videte, obsecro, quantum SS. *Jona. 1.* 15. CORDI JESU displiceat Cor inobediens, & vel leviter remurmurans! O charæ animæ! tam immenso Sanguinis Divini pretio redemptæ, aperite oculos: *Deut. 11.* 26. *En propono in conspectu vestro hodie benedictionem & maledictionem: benedictionem, si obedieritis mandatis Domini Dei vestri: maledictionem si non obedieritis.* O chara, ô bona obedientia! esto obediens, & salutis tuæ securus es.

CON-

CONSIDERATIO XIV.

SS. COR JESU licèt mitissimum, honoris tamen divini, in templo erga Patrem promovendi, zelosissimum fuit.



Volite facere domum Patris mei domum negotiationis. Joan. 2, 26.

Obstupesco, & extra me rapior, quoties considero ingentem illum zelum, quo divinissimum COR JESU exarsit, dum assumpto flagello solus ingentem negotiantium urbem cum columbis, ovibus, & bobus è Templo Hierosolymitano ejecit, & numulariorum menfas, & æs non tantùm subvertit, sed & cuncta eorum mercimonia in momento disturbavit. Ubi advertit, quòd juxta Aristotelem ira sit *succensio sanguinis circa cor*, ex qua succensione & ardore etiam facies mitissimi JESU ad instar fulguris usque adeo coruscare cœpit, ut ad ejus conspectum nullus Judæorum & profanatorum domûs Dei auderet mussitare, sed

sed omnes velut tacti fulmine, relictis omnibus, suas latebras quæ-
rerent, ac sese à facie irati Numinis absconderent. Cujus SS. COR-
DIS JESU insoliti ardoris ac zeli non sine admiratione etiam post re-
Joan. 2, surrectionem gloriosam Discipuli ejus recordati sunt, dum inter se
17. loquentes illud Regii Psaltis vaticinium in testimonium adduce-
Pf. 68, 10 bant: *Zelus domûs tuæ comedit me.*

Sed dic, obsecro, benignissime JESU! cur adeo exarsit COR tu-
um? & cur ipsemet vindictam de ejusmodi sacrilegis templi profa-
natoribus sumere non abhorruisti? An non hoc contra dignitatem
& respectum tuæ Divinæ Majestatis fuit? & quare non Angelos
delegasti, qui hos impios negotiatores de templo ejicerent, eos-
que pro merito castigarent? Olim Luciferum primum prævarica-
torem per Michaëlem militiæ coelestis Archistrategum è coelo in in-
fernum præcipitasti. Adamum per Cherubinum, igneo atque ver-
satili gladio instructum, de paradiso ejecisti. Pentapolim, primo-
genita Ægyptiorum, & Pharaonem pariter per Angelos subvertisti.
Davidem peccantem, & universum exercitum Sennacherib Regis
unâ nocte pari ratione per Angelum castigasti. Et cur non simili-
modo hîc Angelum constituisti, qui memoratos domûs Dei profa-
natores mulctaret, & in fugam, imò & in infernum, si illum sine
promeriti, dispelleret?

*S. Vinc.
Ferr. ser.
3. de In-
carnat.*

Rationem assignat S. Vincentius Ferrerius: *Hinc apparet, inquit,
quantum displiceat ei, qui tangit Ecclesiam suam, dum non per An-
gelum sacrilegos transgressores punire, sed ipse DEUS & HOMO
Christus proprias manus adhibere voluit, ut honorem Patris sui de-
fenderet, & sic luculentissimum exemplum omnibus mortalibus ac
præsertim Christianis præberet, quanto in honore habere debeant
loca sacra & templa, ubi DEUS ipse cum Angelorum curia habitare
solet, Neque enim tonstrina, sunt verba S. Chrysostomi, aut un-
guentaria taberna Ecclesia est, aut officina forensis, sed locus Ange-
lorum, regia cœli, cœlum ipsum, &c.*

*S. Chrys.
serm. de
Euchar.*

2. Pro Emblemate Arcam Dei considerate, quâ nihil sanctius
olim in lege habebant Judæi quamque profani ne quidem mani-
bu

bus tangere, vel prope illam ſtare, vel etiam ſolùm oculis curioſiùs intueri audebant. Et hanc ob cauſam Bethſamitæ ſubitaneâ morte à Deo puniti ſunt, quòd curioſiùs Arcam Domini inſpexerint: *Per-* 1. Reg. 6,
cuffit autem de viris Bethſamitibus, eò quòd vidiffent Arcam Do- 19.
mini: & percuffit de populo ſeptuaginta viros, & quinquaginta
millia plebis. Hinc lemma:

Procul eſte profani.

Vel, ſi magis placeat illud à Verbis Chriſti mutuatum:

Noli tangere.

Dum Sancta ſanctè ſunt tractanda, ſed templum Domini ſan-
 ctum eſt, Dei ſtructura eſt, Dei ædificatio eſt. *Si quis autem tem-* 1. Cor. 3.
plum Dei violaverit, diſperdet illum DEus. 17.

1. De zeloſiſſimo Corde Phinees filii Eleazari recensent Sacræ
 Paginæ, quàm ingenti divinum honorem tuendi zelo fuerit incen-
 ſum, dum Zambri hominem laſcivum cum Madianitide uno ictu
 confoderit, quod cor zeloſum adeò Deo placuit, ut ei in perpetu-
 um dignitatem ſacerdotalem conſignaret: *Dixitque Dominus ad* Num. 25,
Moyſen, Phinees filius Eleazari, filii Aron Sacerdotis avertit 10.
iram meam à filiis Iſraël, quia zelo meo commotus eſt. Similem 1. Mach.
 figuram habes de Mathathia legem Dei zelante, &c. 2, 24.

Plus hîc in templo, quàm Phinees in campo. Conſidera hunc
 Dei Filium, quomodo flagellum arripiat, & impudentes prævarica-
 tores, templumque Patris ſui protervè profanantes non invadat
 tantum, ſed & pluribus tergo inſictis ictuibus per portam templi
 eliminet. Vigebant tunc, teſte vel ipſo Joſepho, Hieroſolymis
 quàmplurima vitia; Palatia plena erant injuſtitiis, officinæ fraudi-
 bus, ædes invidiis, odiis, detractiõibus, tabernæ ebrietatibus, lu-
 panaria ſpurcitiis, &c. Et tamen mitiſſimum COR JEſu ob hæc
 ſcelera non tanto æſtuabat zelo, ut flagellum apprehenderet, & ci-
 ves ex urbe eliminaret. Sed ubi vidit Domum Dei per negotian-
 tes profanari, ipſe manus adhibere ſtatuit, ut cognolcat orbis uni-
 verſus, quantum Diviniſſimo CORDI JEſu diſpliceant, qui cultum
 Dei dehonorant, vilipendunt, interturbant.

Et hoc est, quod Salomoni quondam Deus, cum illi secundò
 3. Reg. 2. dignatus est apparere, gravibus & patheticis verbis insinuavit: *San-*
 3. *ctificavi*, inquit, *domum hanc, quam edificasti, ut ponerem No-*
men meum ibi in sempiternum, & erunt oculi mei, & Cor meum in
cunctis diebus. Observa, quisquis es, quàm attenti sint oculi Dei in
 templo, quàm lustrent, quàm videant omnia, ut tandem adducant
 ea in judicium, & quàm zelosum sit insuper SS. COR JESU, de quo
 Ps. 118. Vates Regius: *Tabescere me fecit zelus meus, quia obliti sunt verba*
 139. *tua inimici mei.* O utinam & Cor nostrum, O Sacerdotes Dei
 simili vero ac discreto zelo tabesceret, ut nihil aliud, quàm ho-
 norem Divinæ Majestatis, præsertim in templo, & salutem anima-
 rum ubique locorum quæreretur. Audite simile Cor zelosum: *Tristi-*
 Rom. 9. 3. *tia*, inquit Apostolus, *mibi magna est, & continuus dolor cordi meo.*
optabam enim ego ipse anathema à esse Christo profratribus meis.

7. De Arca Domini refert ulterius Sacra Scriptura, quòd non po-
 tuerit unà secum tolerare impurum Dagon, quod idolum à se lon-
 1. Reg. 5. gè projecit, confregit, & eliminavit: *Invenierunt Dagon jacentem*
 4. *super faciem suam in terra.* Collige ex hoc, quantum ille Divinæ Ma-
 S. Chrys. jestati displiceat, qui in templū DEI peccat. *Mensa mysteriis instru-*
 tom. 3. *cta est*, interponit hinc iterum Os Aureum, & *Agnus DEI pro te im-*
 serm. de *molatur: Seraphin adstant, ... Et non erubescis, non revereris, non*
 Euchar. *confunderis, neque DEum tibi propitium facis? Adest Rex, exercitū*
 & tom. 3. *recenset, tu sub illius oculis stas ridens, & risum despicis?* Nonne
 hom. 24. *vides eos, qui terrestri Regi assistunt, quàm sint attenti in ejus ob-*
sequio, coram quo stant immobiles, parati ad omnia, non loquentes,
aut oculos huc vel illuc mittentes; quantò magis oportet, ut nos in
templo sursum Corda habeamus, & Regi sæculorum immortalī &
invisibili, sed tamen per cancellos in SS. Eucharistia omnes nostros
actus intuenti, cum omni timore & animi attentione inserviamus?

5. Cùm Abraham Patriarcharum decus singulare, summo quon-
 dam DEO, vitæ necisque Domino, proprium filium in sacrificium
 oblaturus, montem Moria conscenderet, prius duobus servis suis,
 hætenus in itinere per triduum se comitantibus, seriò præcepit, ut
 inte-

interim cum asino ad radices montis expectarent, nec ulterius ascenderent, donec sacrificio completo ipse ad eos rursus esset descendurus. *Die autem tertio, elevatis oculis, vidit locum procul, dixitque ad pueros suos: Expectate hinc cum asino, ego autem & puer illuc usque properantes, postquam adoraverimus, revertemur ad vos.* Quid agis, pietissime Pater? cur non permisisti, ut asinus hactenus ligna holocausti ferens, & servi tui pariter tecum hunc montem conscenderent?

Gen. 22,

4.

Relinquamus, & nos paulisper hos servos Abraham cum asino suo inferius expectantes, interim videamus, quo ritu Abraham Isaacum filium suum DEO statuerit immolare: *Cumque alligasset, ait Scriptura, Isaac filium suum, posuit eum in altare super struem lignorum.* Et cur alligavit illum, qui se ipsum voluntarie DEO in Sacrificium obtulit? Respondet objectioni Cajetanus, ne Isaac in præsentia Dei, & in ipso actu jugulationis incompositum aliquem motum, aut aliam indecentiam Sacrificio non convenientem committeret. Et hæc pariter causa fuit, quod Abraham durante oratione & sacrificio servos & asinum ad montis radices reliquerit, ne sibi in hoc summo negotio impedimento essent, & COR à devotione distraherent, neque decebat, asinum in illo loco sancto esse præsentem, ubi DEUS ipse & innumeri Angeli aderant, hoc sacrificium (Christi JESU in monte Calvariae super struem lignorum SS. Crucis olim immolandi pulcherrimum typum) admirabundi spectantes, proinde asinum procul jussit facessere: *Expectate hinc cum asino.*

Gen. 22,

9.

Cajet. in
hunc lo-
cum.

Adverte: Jam non amplius in templo DEO O. M. offertur sanguis hircorum & taurorum, ovium & arietum, caprarum & columbarum, sed ipsum SS. COR JESU quotidie per manus Sacerdotum DEO in gratissimum Sacrificium in altari litatur. O quanta hinc requiritur reverentia in præsentia Dei! quanta puritas & attentio CORDIS humani tum in sacerdote offerente, tum in Christiano præsente? Apage igitur, quisquis es, cum asino, hoc est, cum omni-ous curis terrenis, distractionibus, & negotiis, & dic cum Abrahamo, quoties templum intrare soles: *Expectate hinc cum asino, donec*

vadam & adorem, dein revertar ad vos: porro unum est modò necessarium, ut DEO meo fideliter in templo & ex toto Corde inserviam, qui Cor, & nil aliud à me in Sacrificium petit: Sacrifica mihi primogenitum tuum, hoc est, Cor tuum.

6. Si Moyſes quondam in Monte Horeb calceamenta ſua debuit
Exod. 3, 6 exuere, priuſquam ad DEum in rubo præſentem accederet: *Ne appropies huc, ſolve calceamentum de pedibus tuis.* Quantò magis cuncti terreni & animales affectus, qui per calceamenta ex corio animalium facta indicantur, ſunt exuendi, dum in Templum ad
Pſ. 29, 7. ipſum DEum adorandum nos conferimus; an non *domum Dei decet ſanctitudo?*

Si Joſeph de obſcuro carcere poſt biennium captivitatis ſuæ educ-
 tus, priuſ lorus, tonſus & mundiffima veſte indutus eſt, antequam
Gen. 41, 14. in conſpectu Regis Pharaonis & Magnatum appareret: *Protinuſ ad Regis imperium educ- tum de carcere Joſeph totonderunt, ac veſte mutata obtulerunt ei.* Quantò magis oportet nos habere COR purum ac conſcientiam mundam, ſi in conſpectu ſummi Dei & in aula ſancta Regis coeleſtis preces ac vota noſtra deſideramus offer-
Eccli. 18, 23. re? *Ante orationem, inquit Siracides, præpara animam tuam, & noli eſſe quaſi homo, qui tentat DEum.* Nec enim ſufficit in templo ora- re cor noſtrum, prout optimè obſervat S. Bernardus, velut molen- dinum vacuum, cui frumentum non eſt appoſitum, quod molat ac-
S. Chry- ſoſt. in Pſ. 7. terat, ſed oportet bene orare, & cor purum ac DEum levare: *Non ſolum oremus, ait S. Chryſoſtomus, ſed etiam oremus, ut exaudia- mur.*

Si David Rex, antequam in Tabernaculum Dei intraret, ut ibi-
 dem preces ac vota ſua DEO perſolveret, priuſ manus lavare con-
Pſ. 25, 6. ſuevit: *Lavabo inter innocentes manus meas.* Si in hunc finem ſapientiffimus Salomon in magnificentiffimo templo ſuo mare fu- ſile, ſeu concham ingentem ex ære fuſam conſtituit, ubi priuſ Sa-
3. Reg. 7, 23. cerdotes miniſtrantes manus ac pedes abluerent: *Fecit quoque Sa- lomon mare fuſile.* Si & ipſi Gentiles pagani & Turcæ etiamnum piè oràſſe ac ſacrificàſſe opinantur, ſi priuſ ſe ſtudioſè lavent. Quan-
 tò

tò magis Christiani excitari debent ad interiorem CORDIS emundationem, si ad templum se se conferant, verum ac vivum DEum ibi adoraturi. Hinc Jeremias ait: *Lava à malitia Cor tuum Jeru- Jerem. 4.*
salem, ut salva fias: usque quo in te morabuntur cogitationes noxiæ? 14.

7. De Salomone perhibent Divinæ paginæ, quòd Aulicis hoc consilium suggesserit, ut, si fortè assiderent regiæ mensæ, cultrum gutturi suo apponerent, ne videlicet in præsentia Regis aliquid indecori agerent, aut quid sinistri loquerentur, ex quo illius gratiam perderent: *Quando sederis, ut comedas cum Principe, diligenter* Prov. 23,
attende, quæ apposita sunt ante faciem tuam, & statue cultrum in 2.
guttore tuo. Quantò magis oportet te esse circumspectum, cum te campana ad templum vocat, ut ibidem non tantum convivio divi-
 no & Angelorum mensæ intersis, sed ut etiam cum Sacerdote immaculatum illud ac divinißimum COR JESU æterno Patri in con-
 dignam satisfactionem pro peccatis tuis offeras? Hic statue cultrum
 in gutture tuo, ne garrias, ne rideas, ne mente vageris, circumspi-
 cias, aut quid aliud indecori agas: *Hic COR,* ait S. Augustinus, *de-* S. Aug.
bet miles Christi ante omnia sollicità custodià servare. Audis? *serm. 248*
de temp.

Sed O tempora! O mores! *Quid est* (ita etiamnum hoc tem-
 pore lamentatur Jeremias Propheta) *quòd dilectus meus in domo* Luc. 2,
mea fecit scelera multa? MARIA Virgo & Mater cum S. Josepho 46.
 JESUM per triduum amissum tandem summo animi cum gaudio in
 templo invenit. Heu! quot sunt modò Christiani, qui per scelera
 sua de novo in templo perdunt JESUM? Publicanus ob COR con-
 tritum & humiliatum à clementissimo Numine in templo veniam
 impetravit: *Descendit hic justificatus in domum suam.* O quot Luc. 18,
 sunt, qui in templo non vitam emendant, sed potius culpam & poe- 14.
 nam sibi adaugent? Petrus & Joannes ascenderunt in templum ad Actor. 3,
 horam orationis nonam, ut ibidem humiles ad DEum preces fun- 1.
 derent. Nunc multi ascendunt in templum, ut ibidem videant &
 videantur, garriant & confabulentur, rideant & detrahant. *Stas ri-* S. Chry-
dens? inquit citatus S. Chrysostomus, *etenim non esset mirum, si ful-* sost. hom
men demitteretur, non solum in illos, sed etiam in nos: digna enim 2.4. in
fulmine sunt hæc. acta
 Pau-

Luc. 21, Paupercula illa vidua in templum venit, ut DEO Cor suum, omnemque substantiam offerret: hinc duo minuta misit in Gazophylacium, & sic ipsa Veritate attestante, plus omnibus misit. Nunc multi impudenter veniunt in templum, non ut Cor DEO suo præbant (cor enim eorum longè ab illo est) sed ut dorsum altari ostendant, & vultum ac animum ad meretricem convertant: *O horrendam abominationem*, exclamat S. Chrysostomus, *in templo oculos non servare, sed ad mulierem convertere.*

S. Chry- Claudus ille ab utero matris suæ in templum bajulari voluit, ut ibidem non tam eleemosynam ad portam speciosam colligeret, quàm etiam salutem corporis & animi à Deo reciperet, quod utrumque tandem per SS. Nomen *Actor. 3,* JESU, mediante S. Perro, obtinuit: *In nomine JESU Christi Nazareni surge, & ambula.* Heu! nunc multi æternam suam salutem in templo perdunt, dum non verentur, sacrilego corde & animo ad pœnitentiæ tribunal, sed ad ipsam quoque diviniss. mensam pollutâ conscientiam accedere? O miseri! sicci- ne domum Dei facitis *speluncam latronum?*

8. Cæterum mirantur nonnulli, quare infinitus DEUS, cum Unigenitus Filius ejus ex Virgine Matre in tugurio Bethlemico nasceretur, hanc admirabilem Christi nativitatem inter omnes mortales primò pastoribus voluerit insinuare, cur non Regibus aut terræ Principibus? aut cur non aliquem Angelum Romam ad Augustum tunc imperii clavum tenentem, vel ad Herodem, aut alios mundi monarchas ablegavit, qui de hac gratiosa Salvatoris Nativitate illis nuntium ferret? *Evangelizo vobis gaudium magnum, quod erit omni populo, quia natus est vobis hodie Salvator?* Respondet ad hanc quæstionem

Eucherius Eucherius: *Ea causa esse videtur, ut potius pastoribus hæc verba Angelus nuntiaret, ne quasi incanti stabulum intrarent, in quo Puer positus erat.* Erat enim hæc spelunca ob præsentiam JESU Filii Dei tunc in Ecclesiam consecrata, ubi enim Papa ibi Roma est, & ubi SS. COR JESU, ibi templum est, in quo SS. Trinitas conquiescit, & in quo habitare solet omnis plenitudo Spiritus Sancti, oportuit ergo pastores ob præsentem DEUM cautè & cum animi ac corporis compositione hanc novam Ecclesiam Dei intrare, ne illam fortè incompositi profanarent, quod & Sancti Magi fecerunt: *Et intrantes domum, invenerunt Puerum cum Maria Matre ejus & procidentes adoraverunt eum.* Ecce exemplum hîc & forma tibi præscribitur, qualiter templum intrare, & quomodo ibidem in præsentia ipsius Supremi Numinis te gerere debeas. Offer preces tuas in unione illius intentionis, qua SS. COR JESU in his terris ad

Matth. 2, Patrem oravit. Talis oratio humiliantis se nubes penetra-

Eccli. 25, bit, & non discedet, donec Altissimus
21. aspiciat &c.

CONSIDERATIO XV.

SS. ac divinissimum COR JESU etiam cū iratum nobis videtur, misericordiæ tamen suæ recordabitur.



Benedictum est Nomen tuum DEUS, qui, cū iratus fueris, misericordiam facies. Tob. 3, 13.

1. **Q**uis non obstupescat, Anima Christiana, in sanctiss. ac divinissimo CORDE JESU mirabilem illum procedendi modum, dum simul & irascitur, & miseretur? Quid est ira? *Est succensio sanguinis circa cor, ait Aristoteles: Ira est S. Joann. ebullitio sanguinis in corde, ait S. Joannes Damascenus, hinc ex-Dam. lib. istens, quòd ad superiores partes exhalet, aut certè perturbetur: un-2. de fide de & bilis & indignatio dicitur. Econtra quid est misericordia? R. orth. c. 16 S. Thom. S. Thomas Aquinas: Dicitur misericordia ex eo quòd aliquis habet 2. 2. q. 30. miserum cor super miseria alterius. Et S. Antistes Hipponensis: art. 1. in Quid Corp.*

S. Aug. lib. 9. de Civ. Dei. cap. 5. Quid est misericordia, nisi alienæ miseriæ quædam in corde compassio, quâ utique, si possimus, subvenire compellimur? Et ecce mirandum agendi modum SS. CORDIS Jesu dum nunc peccatoribus justè irascitur, & mox iterum motos iræ fluctus in summam componit misericordiæ tranquillitatem? O stupendam metamorphosin!

Luculentum de hac veritate habemus in SS. Paginis exemplum, dum Hierosolymam quondam & flagellavit, & deploravit; Flagellavit, inquam: *Et cum fecisset quasi flagellum de funiculis, omnes ejecit de templo.* Econtra prævidens alio tempore ejusdem civitatis futuras misérias, ex intimo Corde illi condolens, in amatas lacrymas solutus est: *Videns civitatem flevit super illam.* O mirabile COR JESU! flagellat, & deplorat?

Observat hîc S. Matthæus, postquam hoc divinissimum COR Jesu severitatem aliquam & justissimam iram in vendentes, & ementes in templo ostendisset, quod mox accesserint ad eum cæci & claudii in templo, & sanaverit eos, & pueri, licet Christum flagello adhuc armatum viderent, pariter cum gaudio ad eum accurrerint, læta voce decantantes: *Hosanna Filio David!* O res stupenda! quid agis, O mi Jesu! quod severitatem & benignitatem simul in corde conjungas?

2. Videtur hîc mihi amabilissimum COR Jesu nunc iratum, nunc subito iterum misericors, ut nubes quædam atra, tenebrosa, stridentibus horrida nimbis, fulgetris & fulminibus plena, quæ regioni proximum minatur interitum. Et ecce! dum omnia jam videntur, ruente æthere, in antiquum abitura chaos, subito per flammâtes Solis radios tota imminens tempestas dissipatur, & nubes in fœcundas resolvitur pluvias, quæ exustos calore agros, sicca prata, & languentes hortos mirè recreant, atque fœcundant; unde pro lemmate simili obscuræ nubi illud Regii Vatis non incongruè inscribere poteris:

Psf. 134,

Fulgura in pluviam fecit.

7.

Talem, inquam, nubem SS. COR Jesu se hæcenus Dioecesi nostræ Augustanæ, ac præsertim ejusdem Metropoli exhibuit, dum ob demerita nostra meritò regioni & urbi per diversas plagas, bella, obsidiones, cruentos conflictus, annonæ caritatem, morbos, &c. ingen-

tem

tem quidem incussit terrorem. Sed DEO O. M. sint laudes, & grates immortales, postquam omnis populus Orthodoxus ad idem SS. COR Jesu, tanquam ad ultimum calamitatum nostrarum asylum, & securissimum omnium afflictorum Cordium solatium, humiliter confugit. Ecce! insperato nobis lux de coelo oriri visa est, dum urbs & regio ab hostili incurfu misericorditer liberata, nunc laudes & misericordias hujus divinissimi CORDIS Jesu grata mente decantat: *Fulgura, inquit le Blanc, in pluviam facit Jesus, cum minas vertit in benignitatem & beneficentiam suam, atque in lacrymas nostras, sic scilicet hoc sacratissimum COR non delectatur in perditionibus, quia post tempestatem tranquillum facit.* Le Blanc.
in ps. 134.
Tob. 3.
24.

3. Videamus modò, quid Davidi Regi ferè in simili casu acciderit. Peccaverat populus in Israël, dum cum Seba contra Davidem conspiravit: peccavit & Rex David, dum ex vanitate & præsumptione populum jussit numerari. Hinc iratus Deus trium poenarum optionem illi obtulit, famis scilicet, belli, & pestis, qui tamen judicans tolerabilius esse in manus Dei, quàm hominum incidere, pestem elegit: *Levansque David oculos suos, vidit Angelum Domini stantem inter cælum & terram, & evaginatum gladium in manu ejus.* 1. Par.
21. 16. Væ regioni! væ omni populo! quis impedire poterit hunc gladium Domini, ut non devoret omnem carnem: *Et gladius meus levorabit carnes?* Deut. 32.
42. Quid ergo consilii? quid remedii in re tam ardua, & tanti momenti? Audi Scripturam: *Et ceciderunt tam ipse* (hoc est David) *quàm majores natu vestiti ciliciis, proni in terram.* Et quid sequitur? *Et convertit gladium suum in vaginam.* O misericors SS. CORDIS Jesu jam tunc in umbra & figura communi populorum calamitati intimè condolentis, dum mox pestem trium dierum in sex tantùm horas mutavit: *Et cesset interfectio.* O clemens al! O ira misericors, exclamat Berengosius, O salubris indignatio! 2. Reg. 24.
21. *ut sic irascitur, ut subveniat, sic minatur, ut parcat, sic aufert, ut restituat, sic tradit, ut eripiat, sic destruit, ut muniat, si abjicit, ut recipiat.* Bereng.
serm. in
Nat.

Et quid dico? considerate, quæso, modernnm Europæ nostræ Mart.

statum, & quid aliud hactenus ab initio hujus currentis sæculi spectavimus, quàm

*Regnorum clades, & tristia funera Regum,
Bella, famem, pestes, morbos, subitòsque tumultus,
Et clandestinis surgentia fraudibus arma? &c.*

S. Greg.
Mag.

Verùm confidite filii! etiam in his publicis calamitatibus infinita adhuc relucet SS. CORDIS JESU miseratio, quia *mala illa, quæ nos premunt, ad Deum ire compellunt.* O quot miselli sub hæc calamitosa tempora corde contrito & humiliato ad SS. ac divinissimum COR JESU suspirârunt, atque ex toto animo ad Dominum Deum suum cum filio prodigo reversi sunt, qui aliàs in deliciis & voluptatibus æternùm petiissent! submittamus ergo nos divinæ voluntati hujus SS. CORDIS, quòd solùm ex malo scit eruere bonum Arcam Noëmicam nonnisi feri fluctus Oceani in summos Armeniae montes extulerunt, unde lemma: *Surgit surgentibus undis Aromata si non conterantur, vel supra ignem ponantur, fragrantiam suam non exhalant; unde iterum lemma: Dum flagrant, fragrant.* Chrysoprassus gemma pretiosissima solùm in tenebris & in obscuro splendet, de quo Italus: *Oro è di giorno, e nella notte fuoco*, hoc est: *Aurea per diem, noctu resplendet ut ignis:* Aurum in ardenti fornace probandum est, de quo lemma: *Non læditur sed probatur.* Corona aurea Imperatorum ac Regum nonnisi tunctionibus, igne & pressuris perficitur, hinc rursus lemma: *Me ferum, me perficit ignis,* Eja animæ Christianæ! sursum Corda ad SS. COR JESU, & ad Patrem misericordiarum, & Deum totius consolationis, qui, licèt nos corripiat, Pater tamen noster esse perseverat.

1. Cor. 10 13. *Fidelis est DEUS, inquit Apostol. qui non patietur nos tentari super id, quod possumus, sed faciet etiam cum tentatione proventum, ut possitis sustinere,* Et ecce! vidimus proventum, vidimus & finem aliquem nostrarum miseriarum. Agite filii, pulsate ulteriùs janua SS. CORDIS JESU, *plura dabit, plures si dabis usque preces.*

4. Et adhuc dubitatis? dicite, cur DEUS quondam Adamo primo prævaricatori, priusquàm in illum sententiam ferret, signum adven

adventus sui dederit, dum deambulans in paradiso ad auram pomeridianam terribilem strepitum inter arbores excitavit, ad quem fragorem Adam tremefactus, mox ad densissimas arbores cum uxore sua confugit, & ibidem sub medio paradisi ligno sese occultavit: *Et cum audissent vocem Domini Dei ambulantis in paradiso ad auram post meridiem, abscondit se Adam & uxor ejus à facie Domini in medio ligni paradisi.* Res miranda! si DEUS Adamum punire voluit, quare illum per hanc arborum concussionem præmonuit? Cur illi signum dedit, ut fugeret à facie arcus? Ad hanc quæstionem respondet Le Blanc celeberrimus Psalmorum interpres: *ut illum excitaret ad dolorem, & quia cum dolore crimen confessus est, veniam meruit*, in tantum, ut non æternis cum Lucifero deputaretur suppliciis. En quomodo mens Divina jam tunc in umbra iram cum misericordia conjunxerit! Et quis neget insignem fuisse typum Sacratissimi CORDIS Jesu, ad mundi vesperam juxta S. Irenæum ad redimendum Adam ejusque posteros venturi, & pro illorum salute se ipsum in lytrum & hostiam oblaturi? Hinc pretiosissimus ille Redemptor à S. Joanne quidem Leo de tribu Juda, sed mox & Agnus appellatus est: *Leo*, inquit Richardus à S. Victore, *malos puniendo, Agnus bonus redimendo.* Hinc etiam à Sponsa candidus & rubicundus nuncupatus! *Rubicundus*, ait de Ponte, *propter justitiam, & candidus propter misericordiam*: Hinc in supremo illo judicio prius dicet: *Venite Benedicti*, & tandem: *Discedite maledicti*, quia SS. COR Jesu paratius est ad misericordiam, quàm ad justitiam.

Gen. 3, 8.

Cornel.

hic.

le Blanc.

in ps. 59.

vers. 7.

S. Iren.

lib. 1.

Apoc. 5, 5.

Rich. à

S. Vict. l.

2. in

Apoc. 3.

Cant. 5,

10.

De Pont.

Exh. 19.

§. 3.

5. Perlegite de hac veritate scripturus, & invenietis, quomodo Divina Mens semper in ira consuetæ suæ misericordiæ meminerit. Cum universa caro corruerat viam suam, mitis DEUS nonnisi coactus ad supplicium processit: *Et tactus dolore Cordis intrinsecus, delebo, inquit, hominem, quem creavi.* In hunc finem non simul, sed sensim, hoc est, per continuos 40. dies ac noctes de coelo pluvias misit: *Pluviam quadraginta diebus &c.* Et cur tanto tempore? quare non uno die, imò uno momento has induxit pluvias?

Gen. 6, 6.

Gen. 7, 4.

S. Chrys. ad quid tanta mora? & S. Chrysostomus: *Hoc deditâ operâ fecit, volens simul & timorem & occasionem præbere, qua possent poenam, quæ jam in foribus esset, effugere.* Vide hic iterum typum & umbram SS. CORDIS JESU, etiam cum justissimè indignatur, ad misericordiam exhibendam pronissimi: *Ira, inquit Psalter, in indignatione ejus, & vita in voluntate ejus.* Et S. Augustinus: *Repellis nos à te? da nobis alterum te: Ad quem ibimus, si te relinquamus?*

6. In eodem universali diluvio præter octo personas, quæ per arcam salvatæ sunt, mortales omnes, & quidquid animam habebat viventem, extra arcam Noëmicam perierunt: *Cuncta in quibus spiraculum vitæ est, in terra mortua sunt.* O qualis hæc ira & quidem justissima Divini Auminis fuit? Audi S. Petrum: *In qua (loquitur de arca Noë) pauci, id est, octo animæ salvæ factæ sunt per aquam.* O bone DEUS! quis hæc audiens non omnibus artibus contremiscat?

Erro, misericordia, non ira fuit, dum plurimorum adhuc animæ, cum diluvium inundare senserunt, ad DEUM conversæ, ac poenitentes salvatæ sunt, quæ ad limbum interim cum reliquis justis relegatæ, tandem à Christo JESU, illuc post mortem descendente, cum cæteris justis educatæ, & in coelestem paradysum deductæ sunt. Quod exemplum ideo S. Petrus in medium adducit, ut demonstret, etiam justissimam iram Divini Numinis cum summa misericordia esse conjunctam. Collige prudens Lector ex hoc typo, quàm misericors ira SS. CORDIS JESU, hætenus in nos fuerit, de quo lemma, *Sauciat & sanat.*

7. Similis rerum facies in extinctione Pentapolis fuit, dum DEUS ob enormia scelera istas civitates igne coelesti castigavit: *Dominus pluit sulphur & ignem à Domino de cælo, & subvertit civitates has, & omnem circa regionem, universos habitatores urbium, & cuncta terræ viventia.* Bone DEUS! si hîc adulti fuerunt nocentes prout erant nocentissimi, quid autem parvuli peccârunt? Cur etiam innocentes tam severo plectuntur igne? Nunquid justus es Domine, & rectum judicium tuum? Dixi: etiam cum iratus fuerit Dominus:

minus, SS. COR ejus misericordiæ recordabitur; iuter quos Sodomitas, teste S. Hieronymo, non pauci fuerunt, qui sentientes ultrices has flammæ, ferio & ex animo poenituerunt, & sic adhuc salvati sunt. Parvulis quoque hoc ignis supplicium in salutem cessit, si enim superstitēs mansissent, sine dubio Parentum vestigiis insistentes æternis fuissent addicti suppliciis, ubi sic per ignem temporalem & momentaneum evaserunt incendium sempiternum. Hinc Regius Vates: *Non obliviscetur misereri Deus, nec continebit in ira sua misericordias suas.* S. Hier. hic apud Cornel. Ps. 76, 10

8. Desideratisne de hac veritate adhuc plura exempla & conceptus ex sacra scriptura petitos? Revocate vobis in memoriam illud mirabile Pharaonis somnium, in quo stans super Nilum 7. boves crassas, & 7. macie confectas vidit. Obstupefcit Rex ad hoc portentum, & ignarus, quidnam consilii in hac re capiendum, varios ariolos accersit, ut ex ipsis hujus somnii interpretationem intelleret. Tandem cum nullus, qui hoc mysterium interpretaretur, in universo regno inventus esset, Joseph è carcere eductus, prædictam Regis visionem de septennio fertilitatis & sterilitatis futuræ explicavit: *Respondit Joseph: somnium Regis unum est, quæ facturus est Deus, ostendit Pharaoni &c.* Mirabilis DEus, si Ægyptum & reliquas terræ regiones communi inopiâ ac fame propter hominum delicta voluit castigare, quare prius hanc universalem orbis calamitatem Regi per Josephum revelavit? & S. Nilus in Paranesi, quia Deus Pater noster est: *Castigat ut pater*, & simul inter castigandum amoris sui signa impendit; sicut, qui vineam putat, vires quidem adstringit, purgat & secatur usque ad lacrymas, sed tantum in hunc finem, ut plus fructus afferant: unde lemma: *Ut gaudeas meo, scindo.* Audiamus & Oleastrum in hunc locum: *Adverte, inquit, Patris pietatem, qui, cum vellet Ægyptum fame discrucari, prius hoc ostendit, ut succurrere possent, quod sæpius facere solet, ut homines fugiant à facie arcus.* En iterum mirandam Div. Numinis benignitatem, quod, dum nobis ob demerita nostra justissime irascitur, diversisque nos exercitat calamitatibus, nunquam tamen, Gen. 41, 25. S. Nilus in Paranesi. Oleaster.

etiam

- Pf. 59, 3.* etiam in medio indignationis æstu immensæ suæ clementiæ oblivisci solet; pro
An. 1704 inde meritò Propheta Regius: *Deus repulisti nos, iratus es, & misertus es nobis.*
menfe Ita mi JESU! *repulisti nos*, & justissimè quidem, quia peccavimus tibi, ide
Julio & meritò nos & regionem nostram dedisti in manus inimicorum: *Destruxisti nos*
Augusto. dum bona nostra temporalia dedisti in direptionem, & multorum ædes in con
Sim. Cass. bustionem. *Iratus es*, sed *ira Dei non est*, ait Simon de Cassia, *cum temporalite*
1.2. Joan. *punit, sed cum damnat æternè.* Et iterum *misertus es nobis*, dum sicut fratres Jo
3, 36. seph culpam nostram agnovimus: *Meritò hæc patimur, quia peccavimus i*
Gen. 42, *fratrem nostrum*, dum publicis votis ad SS. ac Diviniss. COR JESU confugi
21. mus, illud singulare propitiatorium nostrum DEO Patri in pacificam Hostiar
 præsentantes. Et ecce! *misertus es nobis*. O mitissimum Numen, dum po
 tot ac tantas exantlatas calamitates adhuc tibi vivimus, sub umbra alarum tua
 rum spiramus, & sub ficu pacifica veri Salomonis, hoc est, sub tutela SS. &
 Thaumaturgi nostri Crucifixi vivimus, judicium & misericordiam SS. COR
Isa. 54, 7. DIS tui æternum decantantes; sic nimirum apud nos verificatum est: *In punct*
ad medicum dereliqui te, & in miserationibus magnis congregabo te.
 9. Eja igitur Animæ Christianæ! quid moramini? venite ad hoc SS. ac d
 viniss. COR JESU, & invenietis præsentissimum vestris calamitatibus remi
 dium. Ad Arcam quondam fœderis sub pœna mortis nullus audebat de pleb
Josue. 3, accedere, nullus ne quidem curiosius aspicere: *Sit inter vos & arcam spatium*
4. *cubitorum duum millium.* Non sic in hac vivente Arca SS. CORDIS JESU, non si
Marc. 4, sed ultrò omnes etiam peccatores desperatissimos ad se benignè ivitat: *Venite a*
38. *me omnes &c.* O mitiss. Cor JESU! liceat & mihi peccatorum miserrimo loco on
 nium unicum ad te dicere verbum: *Magister, nonne ad te pertinet, quia perimus.*
 Ah omnino, O mi JESU, ad te pertinet, quia tui sumus ex creatione, tui sumus
 ex redemptione, tui sumus ex justificatione, tui sumus ex vocatione ac con
 servatione, ac tandem tui sumus, & in æternum tui ex glorificatione. Ecce
 mi Redemptor! O Amor Crucifixe! habes confitentes reos, ante te humilite
Dan. 3, prostratos, & cum Daniele confitentes: *Quia in veritate & in judicio induxisti*
28. *omnia hæc propter peccata nostra.* Sed ecce paratum Cor nostrum, ad tibi de nov
 ex totis viribus inserviendum! Parce ergo, mi JESU, populo tuo, & ne des ha
 reditatem tuam in perditionem. Consolatur nos denique Mellifluus tuus Ber
 nardus, qui pariter ex SS. CORDE tuo aquas salutis cum gaudio hausit
S. Bern. *Gemina, inquit, dulcedo suavitatis in PECTORE Domini JESU, longanimita*
fer. 9. in *videlicet in expectando, & in donando facilitas.* Expectasti hætenus nostram
cant. pœnitentiam, nunc pœnitentibus tribue veniam, ac tandem gloriam æter
 nam, quia misericordia tua superexaltat judicium.

CONSIDERATIO XVI.

SS. COR JESU ex omnibus misericordissimum, in quo peccato-
res omnes veniam & gratiam possunt invenire.



*Venite ad me omnes, qui laboratis, & onerati estis, & ego
reficiam vos. Matth. 11, 28.*

1. **S**Æpius annotavi, & mecum ipse Sacras volutando Scriptu-
ras demiratus sum, quare Christus Dominus, immensa illa
Patris Sapientia, cùm in hac carne humana inter mortales
mortalis versaretur, non alio se nomine appellare consueverit,
quàm *Filium hominis*? Lege novum Testamentum, & in solo
Matthæo reperiēs, quòd hic mitissimus orbis Servator vigesies
octies se hoc nomine vocaverit: *Filius autem hominis non habet, Matth. 8,*
ubi caput reclinet. Et cur, O mi Salvator! non potius te *Filium* 20.
Dei nominasti? Nunquid à potiori solet fieri denominatio? Re-
spon-

Cajetan.
in idem
cap. 8.

spondet Cajetanus, ideo se Christum non Filium Dei, sed homini appellasse, ut demonstraret, quod ipse totus esset hominis, & quod totum COR suum atque seipsum pro homine dederit; ad hoc enim venit in mundum, ut hominem saluum faceret, & seipsum dare redemptionem pro homine. O immensus! O stupendus amor hujus suavissimi CORDIS JESU! quo totum se homini dedicavit, & nil, nisi gratiam & misericordiam etiamnum in omnes spirat. In quo sunt omnes thesauri sapientiæ & scientiæ Dei absconditi: veluti Sol omnibus beneficentissimus, dum non in uno firmamenti loco affixus hæret, sed quotidie omnes quatuor mundi plagas lustrare solet, stellis superius suum lumen, & inferius rebus ac creaturis omnibus, five bonis, five malis, suum splendorem, calorem, & vegetationem communicans! hinc pro lemmate illud Redemptoris ei meritò inscribes:

Super bonos & malos.

Matth. 5.
45.

Ut sitis, inquit Veritas, filii Patris vestri, qui in cœlis est, qui Solem suum oriri facit super bonos & malos, & pluit super justos & injustos. Talis, inquam, Sol mysticus SS. COR JESU est, omnibus benefaciens, omnia illustrans, & divinos misericordiæ suæ radios tum superius in coelo in omnes cœlestes spiritus ac Beatorum animas, tum inferius in terra in miseros mortales, atiam pessimos peccatores longè latèque, ubique locorum diffundens, à quo divinissimo CORDE JESU omnia quoque ejus membra misericordian hauserunt.

2. Progrediamur pro confirmatione hujus veritatis ad Scripturam. Considera comprimis amantissimos oculos JESU, nil nil summam clementiam in peccatricem animam spirantes; Matthæum notissimum illum Publicanum consule: *Vidit JESUS hominem sedentem in telonio, Matthæum nomine, & ait illi: sequere me* Luc. 19, *& surgens secutus est eum.* Vidit quoque JESUS Zachæum in ficulnea, & Petrum in atrio, quem utrumque, ut aspexit, erexit: Luc. 22, *conversus Dominus respexit Petrum, &c.* En virtutem oculorum JESU! In

Intuere aures illius, quàm pronæ ac paratæ semper fuerint in vita ad exhibendam miseris mortalibus clementiam. Vix latro in cruce os suum aperuit, & attraxit spiritum dicendo: *Domine memento mei!* Et ecce sine mora exaudita est deprecatio ejus: *Hodie mecum eris in paradiso.* Oblerva, non petiit pœnitens latro paradysum, neque ausus fuisset memor suorum delictorum illum unquam petere, sed tantùm ut aures JESU fierent intendentes in vocem deprecationis suæ cum unico *Memento*, & obtinuit plus à benignissimo JESU, quàm unquam speravit: *Hodie &c.*

Perpende linguam & labia illius, in quibus pariter nil, nisi amorem & clementiam in omnes diffusam cernes, ejus etiam saliva surdo & muto perfectam sanitatem, & cœco nato visum restituit: *Et expuens tetigit linguam ejus.* Et in alio loco: *expuit in terram, & fecit lutum ex sputo, & linivit lutum super oculos ejus.*

Vide manus illius in cruce apertas, perforatas, tornatiles, aureas, & plenas hyacinthis, quàm benevolæ ac liberales in omnes, ac præsertim in miseros & ægros mortales extiterint, qui à Christo nullam aliam gratiam solebant petere, quàm ut manus sibi imponeret: *Tunc oblatis sunt ei parvuli, ut manus eis imponeret;* Et in alio loco: *Et complexans eos, & imponens manus super illos, benedicebat eos.*

Attende pedes illius, ad quos humiliter procumbens Magdalena, eosque lacrymis suis abluens, mox à Christo plenissimam omnium peccatorum absolutionem impetravit: *Et stans retrò secus pedes ejus, lacrymis cœpit rigare pedes ejus &c.*

Contemplare denique totum Corpus JESU, de quo refert Lucas: *Quia virtus de illo exibat, & sanabat omnes:* quæ virtus etiam per simbriam vestimenti se diffudit, dum mulierem duodecim annis sanguinis fluxum patientem momento sanavit: *Acessit retrò, & tetigit simbriam vestimenti ejus: & confestim stetit fluxus sanguinis ejus.*

Sed unde, obsecro, hæc virtus & clementia in omnia Christi nembra diffusa? O Anima Christiana! SS. COR JESU inspice, hinc

fontem, venam, & primam scaturiginem omnium bonorum & gratiarum invenies. Quemadmodum à Corde hominis cætera ejus membra motum, vitam, omnemque vigorem participant: sic à SS. CORDE Jesu omnis gratia & misericordia in mystica membra, quæ sunt fideles, ubertim promanat. *Quia in ipso*, ait Apostolus, *complacuit omnem plenitudinem inhabitare*. Quis igitur desperet, si tam benignum, tam gratiosum, tam misericors est SS. COR Jesu? O peccator! accede ad hoc divinum propitiatorium cum omni fiducia & contriti animi teneritudine, & videbis, ac miraberis, & dilatabitur Cor tuum præ amaræ magnitudine: *Stat ante filium Mater*, ait S. Bernardus, *ostendens ei pectus & ubera*, *stat ante Patrem Filius*, *ostendens ei LATUS & vulnera*, quis dubitet de *venia*, ubi tot existunt meritorum patrocinia?

3. Nondum credis hujus divinissimi CORDIS Jesu suavitatem ac clementiam? Revoca in memoriam Samaritanam illam Mulierem, quæ ad Jesum ex itinere lassum, & sitibundum juxta fontem Jacob in Sichar sedentem venit, à qua mitissimus Salvator orbis unicum aquæ potum de dicto fonte petiit: *Da mihi bibere*. Quid ad hanc insolitam petitionem Mulier illa Samaritana? indignabunda, & elato frontis impudentis supercilio respondet: *Quomodo tu Judæus cum sis, bibere à me poscis, quæ sum Mulier Samaritana?* Vos Judæi ne quidem dignamini cum Samaritanis habere commercium, & quomodo tu servitium meum hîc ad fontem deposcis? Vide hîc obsecro, prudens Lector, Cor superbum & elatum impudentis hujus Samaritanæ: *Tu*: ita Jesum compellat, nullo prorsus habito respectu Majestatis, quæ ex hac divina Persona etiam exteriùs promicabat? Quid verò ad hoc mansuetissimum COR Jesu? Ecce benignè compatitur illius infirmitati, & discursum cum ea ulteriùs prosequens, sic placido vultu hanc lupam alloquitur: *Si scires donum DEI, & quis est, qui dicit: da mihi bibere, tu forsitan petisses ab eo, & dedisset tibi aquam vivam*. (per quam aquam vivam sub metaphora gratiam Spiritûs Sancti, animam à peccatis ad instar fontis abluentis, & æstum concupiscentiæ, aliarumque passionum

sionum refrigerantis juxta S. Cyrillum designavit.) Hic vidisses quasi momento hanc leenam totam mutatam, & sicut pavonem, cum deformes conspicit pedes, suas cristas & stellatam caudam deponentem: *Domine*, reponit, *da mihi hanc aquam, &c.* neque aliter illum impofterum quam Dominum appellavit, Unde talis & tam festina hujus impudentissimi cordis mutatio? R. Cajetan, quem *Cajet. hic.* superius citavi: *Audita mansueta responsione Christi, incipit honorare Jesum, prius enim dixerat? Quomodo tu? nunc verò dicit: Domine.* Vide hic, & considera mansuetissimum & planè misericordissimum COR Jesu quomodo velut Sol super bonos & malos oriatur, nullamque hominum conditionem à se excludere so-
 leat, unde ad se invitans omnes, dicit: *Venite ad me omnes, qui la-* *Matth.*
boratis &c. O bonitas SS. CORDIS Jesu! Notent hoc sibi Con- *11, 28.*
 fessarii nimium austeri.

4. Verum ut hujus SS. CORDIS Jesu in nos misericordiam & amorem adhuc clariùs valeatis penetrare, ad id attendite, quod enarro. Josue Hebræorum Dux gloriosissimus, cum jam in pro-
 cinctu staret, ut universum populum Israeliticum ex deserto in Pa-
 læstinam per Jordanem traduceret, nec pontem aut naves ad ma-
 nus haberet, quibus tam immensum exercitum per vehementissi-
 mam aquam, nunc ob nives in vicinis montibus liquatas, summo-
 pere exundantem, trajiceret, Dei jussu Arcam foederis Domini à
 Sacerdotibus ad ripam fluminis applicari curavit, ad cujus adspe-
 ctum & præsentiam mox Jordanis contremiscere, & retrogredi
 coepit, stetitque ex una parte omnino immobilis, & ex altera parte
 decurrens, liberum omni populo transitum paravit: *Ingressisque* *Josue. 3,*
eis Jordanem, steterunt aquæ, & ad instar montis intumescences *15.*
apparebant. O prodigium inauditum! ad quid, obsecro, adeò
 contremiscis, ô Jordanis? ad quid fugis? cur arcam pertimescis?
 Quis hic non cum Psalte Regio exclamet: *Quid est tibi mare, quòd* *Pf. 113, 5*
fugisti, & tu Jordanis, quia conversus es retrorsum? Magnum hic
 latet mysterium, animæ Christianæ! sed relinquamus hunc Jor-
 danem paulisper in suo cursu præ horrore & stupore stantem, &

interim à figura ad figuratum nos convertamus. Cùm jam expletis triginta ætatis annis amantissimus Redemptor noster se mundo vellet manifestare, rectà ad Jordanem se contulit, ubi à Joanne inter
Matth. 3, turbas eò confluentes, publicè baptismum petiit: *Tunc venit JESUS*
13. à Galilæa in Jordanem ad Joannem, ut baptizaretur ab eo. Et ecce! cùm mitissimus Dominus jam se pararet, ut in flumen descenderet, stat Jordanis omnino quietus, non reformidans præsentiam sui Creatoris, nec amplius, sicut olim ad conspectum arcæ fœderis convertitur retrorsum. Nova admiratio! novum prodigium! Si umbram timuisti & figuram (quia hæc arca Christum Dominum præsignabat) cur nunc ad præsentiam JESU in te baptizandi non expavescis? non converteris retrorsum O Jordanis?

5. Adverte: per arcam fœderis DEUS quondam rigidam justitiam exercuit. Philistæos, Bethsamitas, & Ozam consule, quantum ab arca Domini fuerint afflicti, ad cujus etiam remotum adventum jam trepidabant populi: *Adduxerunt ad nos arcam Dei*
1. Reg. 5,
10. *Israël, ut interficiat nos & populum nostrum.* Hinc ad aspectum illius Jordanis quoque præ timore stetit attonitus, & arcæ liberum venerabundus concessit transitum. Verùm ubi venit plenitudo temporis, & DEUS misit filium suum in mundum, factum ex muliere, factum sub lege, non amplius DEUS in tali rigore justitiæ populum suum gubernare, coepit, *sed DEUS,* ait S. Chrysologus, *Domini-*
S. Chrys.
serm. 7. *num mutavit in Patrem, & ab eo tempore amari maluit, quam timeri.* Sed quid ita Patris iram placavit?

O Sanctissimum! ô amabilissimum COR JESU! diu in veteri lege æternus Pater virum quæsit, qui murum & sepem inter DEUM iratum & hominem peccatorem interponeret: *Quæsi de eis vi-*
Ezech.
22, 30. *rum, qui interponeret sepem, & staret oppositus contra me pro terra, ne dissiparem eam, & non inveni.* Et ecce! ô mi Redemptor! talem virum in te solo invenimus, dum Sacratissimum COR tuum pro scuto, pro muro, & sepe interposuisti, quod solùm irati Patris iram placare & terram peccatricem cum Creatore suo reconciliare
Hebr. 9, poterat. Hanc igitur veram, vivam, ac divinam salutis Arcam (SS.
 4. COR

COR Jesu intelligo, in qua mystica Arca pariter virga Aronica, id est, Crux & Eucharisticum Manna absconditum fuerat) ubi secundo ad se accedentem vidit Jordanis, non amplius præ timore conversus est retrorsum, sed gaudens & exultans tam benignum ac misericordem Dominum suum excepit: *Quoniam ante carnis assumptionem, sunt verba S. Cyrilli, mare vidit illum, & fugit, & Jordanis conversus est retrorsum; assumpsit corpus Dominus, ut mare videns sustineret, & Jordanis illum sine timore susciperet.* S. Cyrill. Hieros. Catech. 12.

6. O mortales omnes, quid agitis? *Quare aggravatis corda vestra, sicut aggravavit Ægyptus & Pharao cor suum?* Quid timetis ad hoc SS. COR Jesu accedere, cum nihil in eo durum, nihil austerum, nihil terribile sit? Quoties potuisset vos propter tot actanta demerita æternum reprobare, & vel uno nutu ad inferni barathrum deturbare, & non fecit? cum quanta, obsecro, patientia vos hætenus non sustinuit? Profectò misericordia Dei est ac SS. CORDIS Jesu, quia non sumus consumpti. *DEus meus, misericordia mea!* inclamat Regius ille Vates: *DEus Cordis mei, & pars mea DEus in æternum!* Ps. 58, 18 Ps. 72, 26

Audite, quid Sauli acciderit. Collegit is exercitum, ut Davidem in deserto caperet, & occideret, quod explorans David, cum Abisai propinquo suo de nocte surrexit, & clam ingressus illius castra, invenit Saulem in tentorio suo dormientem, hastamque in terra ad caput ejus fixam. Quid ad hoc Abisai? *Perfodiam, inquit, eum lanceâ in terra semel, & secundo opus non erit.* Nequaquam, reponit David, interficietur Saul: *Propitius sit mihi Dominus, ne extendam manum meam in Christum Domini. Nunc igitur tolle hastam & scyphum aquæ, & abeamus.* Quod & factum est. Et quare David inimicum suum à Deo in manus suas traditum non interfecit? Observa: David vir mitissimus sicut in aliis, sic etiam in hoc generoso facinore typus Christi fuit, quid de se ipso testatur: *Discite à me, quia mitis sum & humilis Corde;* Saul autem Davidem iniuste persequens, figuram peccatoris sustinet. Per Abisai, quod nomen interpretatur, *Rugitus ejus*, Justitia divina denotatur, quæ rugiens

S. Cyrill.
Hieros.
Catech.
12.


1. Reg. 6,
6.

Ps. 58, 18
Ps. 72, 26

1. Reg. 26
7.

Matth.
11, 29.

giens super peccatorem stat cum lancea parata ad eum perfodiendum, & cum corpore ac anima perdendum, Verum quid ad hoc mitissimum ac clementissimum COR Jesu? Nequaquam. reponit, morietur peccator, nolo mortem peccatoris, quia Christus Domini est, id est, meo sanguine redemptus: *Filius enim hominis non venit animas perdere, sed salvare.* In hunc finem latus meum lanceâ permisi referari, ut liberum ad COR meum haberet introitum. Et si nondum per hanc immensam charitatem meam, quâ eum usque in finem dilexi, ad veram conversionem & dignos pœnitentiæ fructus movetur, compellam ipsum intrare, quia in hoc divinissimo CORDE adhuc locus est; auferam illi hastam & scyphum, hoc est, sanitatem corporis, facultates mundi, & voluptates carnis, in quibus me hætenus velut Saul oppugnavit, ut sic agnoscat peccatum suum, & adhuc gratiam inveniat & vitam. *Ob homo, in-*
clamat mellifluus Bernardus, quis illud COR tam vulneratum non diligit? quis tam amantem non redamet? Ah! quis non redamet?
 7. Coronidem huic considerationi imponat S. Mechtildis, de qua in ejus vita refertur, quod aliquando speciosissimam Virginem miro splendore circumfusam ex Sacratissimo CORDE Christi Jesu Crucifixi egredientem conspexerit, quæ in dextera sua durissimum adamantem tenuit, quem sæpius in apertum Redemptoris latus immisit, atque in sanguinem & aquam SS. CORDIS ejus immerisit. Obstupuit ad hanc visionem S. Mechtildis, & cum ab amato Sponso suo Jesu significationem hujus visionis vehementer desideraret, hanc divinam vocem de cœlo ad se delapsam audivit: *Speciosa hac Virgine amor Dei in homines designatur: adamas verò Cordis humani symbolum est, quod licet sit durissimum, tamen tandem rum-*
pitur, ac emollitur, dum pretiosissimo Christi Jesu sanguini immergitur. O peccatores omnes, si posuistis hætenus Cor vestrum ut adamantem, resipiscite tandem, in SS. CORDE Jesu, & in Sanguine Agni lavate animas vestras. Huc, huc venite, omnes, qui laboratis. *Requies hic certa laborum.*



CONSIDERATIO XVII.

SS. COR JESU puteus aquarum viventium, ad quem Samaritana, hoc est, prævaricatrix Anima gratiam & salutem consequitur.



Domine, puteus altus est, unde ergo habes aquam vivam?
Joann. 4, 10.

I. **S**I Dominum liceat cum servo suo comparare, videtur mihi SS. COR JESU, ut quondam sitibundum Cor Eliezer servi Abrahami, primarii ac fidelissimi, qui, cum in Mesopotamiam à Domino suo mitteretur, ut ibidem Isaaco optatam spon- sam procuraret, ex itinere lassus, & æstu fatigatus, ad puteum juxta urbem Nachor sedens, à Rebëcca puella potum aquæ postulavit, quæ mox depositâ hydriâ ipsi & camelis officiosè & liberaliter aquam tribuit, cujus puellæ sedulum & beneficium animum consi- derans Eliezer, mox in signum gratæ mentis duas ei aureas inanes

R

&

Gen. 24, 46. & armillas in manus dedit, & ita in sponsam Isaaci elegit: *Quæ festinans deposuit hydriam de humero, & dixit mihi: & tu bibe, & camelis tuis tribuam potum.*

Anima Christiana! considera nunc amantissimum Redemptorem tuum JESUM, à Patre suo cœlesti in hanc terram ablegatum, ut sponsam, hoc est, animam tuam, sibi quæreret, quam per triginta & amplius annos in fame & siti, in æstu & frigore, in assiduâ curis & laboribus, non curru aut equo vectus, sed pedibus vicos & castella circumiens, quæsit. Et ecce! cùm ex diuturno itinere & æstu meridiano defatigatus ad puteum Jacob in Sichar sederet, non Rebëccam, sed Photinam mulierem Samaritanam & peccatricem, cum hydria ad fontem properantem conspexit, à qua adinstar Eliezer potum aque frigidæ, quo lassum & tabescens COR suum

Jo. 4, 6. refrigeraret, instanter petiit: *Mulier da mihi bibere.*

Mitissime JESU! quid sitit divinissimum COR tuum? si Fons salutis ipse sitit, à quo anima nostra arida reficietur? David quondam de seipso testatus est: *Aruit Cor meum*, dum præ nimia siti humore vitali tunc Cor ejus destitutum, & quodammodo exsiccatum erat, in quem finem ad refocillandam animam de puteo Bethlemico unicum aquæ frigidæ potum vehementer exoptabat. Audierunt hoc ardens Regis sui desiderium tres fortissimi milites, & ut suam in eum fidelitatem ac promptum animum ostenderent, ipso inscio per media Philistinorum castra penetrârunt & haustam de eodem puteo aquam sitienti Regi attulerunt: *At ille noluit bibere, sed libavit eam Domino.* Cur ergo, O Rex, tanto desiderio hanc aquam postulasti, si nunc eam recusas bibere?

S. Ambr. Subintrat hîc S. Ambrosius: *Non aquam*, inquit, *sitiebat, sed sanguinem Christi*, & quidem ex fonte vivo SS. CORDIS JESU, ad quem unicé velut cervus sitibundus anhelabat, ut Consideratione VI. mentionem fecimus.

Ethoc est, Anima Christiana! quod pariter SS. COR JESU ad fontem Jacob sitiebat: *JESUS ergo fatigatus ex itinere sedebat sic supra fontem, quasi horâ sextâ; supra quod magnos ille Hipponen-*

nenſium Antistes: *Jam, inquit, incipiunt mysteria, non enim frustra fatigatur JESUS, non enim frustra fatigatur virtus Dei: fatigatur ab itinere, & sedet, & juxta puteum sedet, & horâ sextâ fatigatus sedet: omnia ista innuunt aliquid, indicare volunt aliquid.* Et quid ergo indicant? Horâ sextâ sitit SS. COR JESU: *Cum Eva, sunt verba S. Chrysostomi, mandatum in paradiso transgressa est.* Horâ sextâ sitit, quâ horâ, prout observat Simon de Cassia, peccavit homo, & de paradiso ejectus est. Horâ sextâ sitit: *Ista est hora, inquit S. Antonius Paduanus, quando, O JESU! sedisti in fonte misericordiae super Crucem, ubi pariter sitiebat SS. COR tuum, dum exclamasti: Sitio.* Et quid sitiebas? Certè illorum salutem, reponit idem S. Antonius, *pro quorum salute tuum sanguinem fudisti.*

S. Aug.
tr. 15. in
Joan.
S. Chrys.
tom. 6.
hom. de
Samar.
Simon de
Cass. l. II.
c. 1.
S. Anton.
Pad. hic.

Non ergo amplius mirare, anima Christiana! quòd à foemina Samaritana lassum & aridum COR JESU potum aquæ postulârit: *Plus sitivit, ait Beatus Albertus Magnus, salutem foeminae, quam potum aquæ; quam mulierem peccatricem mirabili & suavissimo modo ibidem ad clathros putei sedens ad frugem & ad salutem reduxit, sic, quæ prius lupa vaga fuerat, nunc ex corde poenitens placida Christi ovicula effecta est, ac demum pro fide Christiana Martyr, cujus sacrum caput Romæ in Basilica S. Pauli pro memoria religiosè asservatur.* O animæ sitientes & peccatrices, venite & vos ad hunc fontem vivum, medicum ac saluberrimum, SS. COR JESU: *Ego sitienti, ait hoc divinissimum COR, dabo de fonte aquæ vitæ gratis.* Unde lemma:

B. Alb.
M. in Jo.
Apoc. 21,
6.

Hauriar, non exhauriar.

2. Parvus quidem & exiguus erat ille fons, quem quondam Mardochæus in quadam visione conspexerat; sed qui fons paulò post in fluvium prægrandem, & in aquas plurimas redundavit: ac tandem in lucem & solem conversus est: *Parvus fons, qui crevit in fluvium, & in lucem, solémque conversus est.* Bone DEUS! quàm paradoxa & hieroglyphica erat hæc Mardochæi visio? quomodo, obsecro, ex aquis lux & sol?

Per hunc parvum fontem primò in ingentem fluvium conversum appositè in sensu allegorico Sacratissimum COR JESU intelliges. *Quid hoc est? O bone JESU!* exclamat Mallonius, *quid hoc est? En parvum fontem sanguinem CORDICHRISTI conclusum, sed postquam lancea latus ejus aperuit, impletum est, quod DEUS dixerat Moysi: Percute petram, & exhibit aqua, postquam enim mystica petra, Christus, lanceâ percussus est, parvus fons crevit in fluvium, effluxit enim sanguis & aqua, quæ cum impetu fluunt de Libano.*

Sed quomodo, dices, fluvius hujus sacrosancti Sanguinis & aquæ ex divinissimo CORDE JESU profluens in lucem, solémque converti potuit? Audi, bone Vir! nunquam vidisti solem in pellucido fonte aut cristallino flumine, quomodo per reflexionem radiorum suam quodammodo effigiem aquis imprimat? ubi parelium, hoc est, seipsum & alterum quasi solem exprimere affolet, ut sic ipse fons fulgidus quidam sol esse videatur.

Inspice divinissimum COR JESU, & habebis in eo non tam gratiarum fontem, ex quo omnia Ecclesiæ Sacramenta, & omnia bona in orbem promanârunt, sed & pariter Solem habebis mysticum, gratiarum suarum radios circumquaque, & usque ad extremos orbis terrarum fines (ubi hæc sacra devotio de SS. CORDE JESU jam passim implantata esse perhibetur) mirificè spargentem. O quàm igitur mirificus, quàm graciosus, quàm fœcundus est ille fons SS. CORDIS JESU! O mortales omnes, ite, ite, properate ad hunc divinum fontem. Heu miseri! *Quare duo mala fecit populus meus? me dereliquerunt fontem aquæ vivæ, & foderunt sibi cisternas dissipatas, quæ continere non valent aquas.*

3. Occurrit hîc mihi cœcus ille natus, cujus oculos benignissimus JESUS luto & salvâ suâ illinivit, & sic ad fontem Siloë amandavit, ut ibidem in aquis viventibus cœcos oculos lavaret, & visum reciperet: *Vade, lava in natatoria Siloë (quod interpretatur Missus.) Abiit ergo, & lavit, & venit videns.* O bone JESU! quis non mireretur insolitum hunc medendi modum? Et nunquid in momento huic

huic cœco nato visum restituere poteras? quare ergo illum ad hunc puteum Siloë, ad radices montis Sion profluentem, ubi Salomon quondam in Regem inunctus est, amandâsti.

Observe! *Omnis Christi actio nostra fuit instructio.* Cœcus ille à nativitate adumbravit genus humanum, originali Adami peccato à nativitate ob cœcatum, quem mysticum cœcum Jesus præteriens & videns, benignè illius misertus est, atque à sua cœcitate innata misericorditer liberavit, & illuminavit, sed quomodo? Misit cœcum illum ad fontem Siloë, qui fons juxta SS. Patres erat typus ipsius Christi Jesu Crucifixi: *Christus*, inquit Cornelius à Lapide, *est Siloë, id est, fons aquæ salientis in vitam æternam*, dum enim in Cruce SS. COR suum voluit adaperiri, fons quoque omnium gratiarum & benedictionum pro genere humano referatus est, de quo divino fonte Zacharias Propheta: *In illa die erit fons patens domui David & habitantibus Jerusalem in ablutionem peccatoris.* O anima Christiana, cœca & peccatrix, quid agis? Imitare & tu hunc cœcum natum summo animi cum gaudio ad hunc gratiarum fontem properantem, & licèt cum illo à Pharisæis & sciolis, qui hanc devotionem erga SS. COR Jesu parvi pendunt, irridearis, perge tamen, quo cœpisti pede, in hac enim saluberrima natatoria non tantum tuorum poteris lavare peccatorum sordes, sed insuper novum gratiæ lumen recipies: *Et illuminabit te Christus*, quia apud te, inquit Psaltes, *est fons vitæ, & in lumine tuo videbimus lumen.* Audi & S. Thomam: *Si volumus*, inquit, *mundari à cœcitate Cordis, oportet, quòd spiritualiter lavemur juxta Isaiam c. 1. Lavamini, mundi estote.* Non est autem magis salutare animarum lavacrum, quàm SS. COR Jesu; hîc ergo lavamini in sanguine Agni, quid de se ipso ait: *Ego sitienti dabo de fonte aquæ vitæ gratis.*

S. Greg.

Mag.

Cornel.

hîc in Jo.

Zach. 13,

1.

Ad Eph.

5. 14.

Ps. 35, 10

S. Thom.

in Joan.

Apoc. 21,

6.

Bagatta

tom. 1. l. 3

c. 8. n. 3.

4. Permagni tum à Christianis, tum ab ipsis Machometanis in nodiærum usque diem æstimatur puteus ille salutaris B. Virginis in Ægypto, ubi hæc SS. Deipara lineam supellectilem dulcissimi Filii sui lavare, & in facie solis ficare consueverat, qui fons non balsami duntaxat hortum illic locorum mirè fœcundat, sed & febribus Christianorum, imò & Paganorum, mirificè medetur.

Nec

Sozome-
nus l. 5.
c. 20.

Nec in minori pretio apud Christicolas & Turcas est puteus ille celeberrimus ante urbem Emaus prope trivium constitutus, in quo mitissimus orbis Redemptor post suam resurrectionem fertur cum Cleopha & socio pedes lavisse, ex quo tempore aquæ illæ vim medicinalem hausere, unde etiamnum variis hominum infirmitatibus mirè medetur.

Baron.
An. 68.
num. 24.

Celebratissimus est fons seu puteus S. Petri, qui Romæ in carcere Mamertino ad radices Capitolii quondam ex petra prodigiosè prorupit, ut hoc salutari latice Princeps Apostolorum Processum & Martinianum cum cæteris carceris custodibus recens ad Christum conversis baptizaret, ex quo fonte etiamnum hodie salubres aquarum venæ scaturiunt, sic, ut nec foràs exundet aqua, nec etiam quantumlibet inde hauriatur, aliquando deficiat.

Baron.
An. 69.
num. 13.

In eadem alma Urbe celebrantur tres prodigiosi fontes, seu putei S. Pauli Ap. qui, cum sub Nerone in valle pugilum decollatus fuit, non tantum lac pro sanguine dedit, sed etiam sacrum caput illius à cervice rescissum tres saltus fecit, ad quos semper novus fons mirabiliter prorupit, de quibus sacris fontibus hodie peregrini in memoriam & honorem S. Pauli, à quo gentes lumen fidei ut plurimum receperunt, dulces & salutiferas aquas devoto animo haurire solent.

Bagatta
tom. 1.
fol. 196.

In dicta civitate Romana pariter in pretio habetur & veneratione puteus S. Laurentii Martyris, ubi hodie Ecclesia in honorem hujus Sancti, vulgò ad fontem S. Laurentii dicta, ædificata est. In hoc loco gloriosus ille Christi Martyr olim in duro carcere detentus, S. Hipolytum, Lucillum & plures alios baptizavit, ad cujus preces hic fons mirabiliter exortus est, unde illius aquæ ad sannadas plures infirmitates etiamnum Romanis & exteris mirificam opem præstant.

5. Mitto plures alios prodigiosos & similes medicos fontes inter quos omnes longo, imò infinito intervallo præeminet fons ille vitæ (SS. ac divinissimum COR Jesu) divide, & introspecte Cor cuiuslibet hominis, & in medio ejus fontem vivum, sanguinis scilicet jugiter scaturientis invenies, à quo omnis vita nostra procedit, & ex-
inde

inde omnia membra vivificantur, ac conservantur. O quàm bene igitur SS. COR JEsu ejusmodi puteo aquarum viventium seu fontis vitæ assimilatum est: *Quoniam apud te est fons vitæ?*

Ps. 35, 10

Consule Magdalenam mulierem peccatricem in civitate, quæ ad sacros Christi pedes fontem vitæ invenit: *Et stans retrò secus pedes ejus lacrymis cœpit rigare pedes ejus, & capillis capitis sui tergebat, & osculabatur pedes ejus, unguento ungebat.*

Luc. 7, 38

Consule filiam Jairi Archisynagogi, quæ in civitate Capharnaum in manibus JEsu similem vitæ fontem reperit: *Et cùm ejecta esset turba, intravit, & tenuit manum ejus, & surrexit puella.*

Matth. 9, 25.

Consule Petrum, Christum veram petram in atrio Pontificis negantem, & mox ad frugem seriâmque poenitentiam revertentem, qui gratiosum vitæ fontem in oculis ejusdem pientissimi Salvatoris expertus est: *Et conversus Dominus respexit Petrum.*

Luc. 22, 61.

Consule Lazarum in monumento positum, qui in lingua & voce Christi fontem vitæ habuit: *Hæc cùm dixisset, voce magna clamavit: Lazare veni foras &c.*

Jo. 11, 45.

Consule mulierem illam, quæ ab annis duodecim sanguinis fluxum passa, cùm Christi fimbriam attigisset, sine mora ab infirmitate sua sanata est, & ita vitæ fontem etiam in extrema illa vestimenti parte invenit: *Dicebat enim intra se: si tetigero tantum vestimentum ejus, salva ero.*

Matth. 9, 21.

Ecce totus Christus Fons vitæ erat, omnibus benefaciens, & in omnes (quia fons dicitur à fundendo) gratiarum suarum fluentia diffundens; sed quàm maximè inter cætera corporis membra Sacratissimum COR JEsu verus fons vitæ nobis extitit. Dilectum illum Discipulum consule, in SS. PECTORE JEsu placidè quiescentem, ex quo divino fonte quid non hausit? *Fluenta sapientiæ*, ait Beda, *ut posset dicere: In principio erat VERBUM &c.* O felitem Discipulum! Quàm bene de te Vates Regius: *Benjamin in mentis excessu*. Verè in mentis excessu tunc erat dilectus ille Benjaminus; quis enim illum amoris excessum & incomparabilem animi dulcedinem explicare poterit, quam tunc temporis Filius hic amo-

V. Beda cit. à

Mans. in disc. 3.


Ps. 67, 28

S. Bern. ris & doloris de amabilissimo CORDE Jesu potavit? Meminit S. Bernardus
 serm. 1. de quinque fontium Salvatoris, primum vocat *fontem misericordiae*, secundum, *fon-*
 Nativ. tem *sapientiae*, tertium *fontem gratiae*, quartum *fontem charitatis*, & quintum,
 Domini. hoc est, SS. latus & COR Jesu *fontem vitae* appellat, in quo non solum à pec-
 S. Ambr. catis abluì, sed & in vitam novam possumus regenerari. Ab hoc fonte, ait S.
 in psal. Ambrosius, *non tabes mortis, sed fons vitae scaturivit aeterna*. O mortales! ad
 Jer. 2, 12 quid bibitis de Mara aquas turbulentas aquas foetidas mundanarum volupta-
 tum? & quare derelinqutis *fontem aquae vivae*? An non verissimum est, quod
 Poëta Christianus de hoc SS. CORDE Jesu decantat:

*Plaga, fames, morbi procul hinc exeste, scaturit
 Nam vena hinc medicis plena salutis aquis?*

6. Vultis videre similem gratiarum venam, ex SS. CORDE Jesu, in salu-
 tem hominum scaturientem? Audite historiam memorandam. Fæmina quæ
 De Imit. dam (prout Lyreus auctor est) apud Lakenfès sacratissimam Synaxin suscepe-
 Jesu pat rat, quam Judæo Bruxellensi & prece & pretio sollicitè exoptatam vendidit. Et
 lib. 2. c. 4. ecce cum viam ad sacrilegum fordidumque Hebræum capeffit, SS. Hostiam illi
 traditura, miris cruciatibus & mentis sacrilegæ stimulis agitata, divinum hoc
 pignus in proximum puteum dejecit. Per biennium res hæc alto silentio se-
 pulsa fuit. At postquam febres malignæ ac diversa morborum genera pe-
 aquam ex hoc puteo haustam mirabiliter cœperunt perfanari, res hæc insolita
 & prodigiosa hominibus in urbe occasionem præbuit, plura pluribus de hoc me-
 dicinali fonte indagandi. Hæc inter præfata fæmina aut proprio motu, au-
 potius conscientia urgente, ultrò omnem veritatem aperuit. Igitur exhaustæ
 sunt aquæ illæ salubres, & in fundo putei loco SS. Eucharistiæ illuc projectæ
 imago Christi Jesu in cruce pendentis inventa est, quæ ex fundo ejusdem fon-
 tis cum fibris seu venulis ex Vulneribus Crucifixi prominentibus, & virtuten
 medicam aquis tribuentibus, mirabiliter & non sine ingenti prodigio excrevit
 Cæterum hæc SS. Crucifixi Jesu imago per aliquot centenos annos ibidem in
 Templo Lakenfi piè honorata, & religiosè asservata est, donec tandem belli
 civilibus Religio concussa, & hæc sacra Crucifixi effigies cum aliis Sanctorum
 lipsanis subducta interiit. Vide hinc, obsecro, anima Christiana, quàm
 gratosus sit fons DEUS Eucharisticus & Crucifixus, ac præsertim SS.
 Ezech. COR ejus, de quo vena omnium gratiarum ac benedictionum profluxit
 36, 25. O quàm bene igitur DEUS per Ezechielem: *Effundam super vos aquam mun-*
 S. Ambr. dam, & mundabimini ab omnibus inquinamentis vestris. Et S. Ambro-
 in Psal. sius: *Exilivit ergo de latere aqua & sanguis, ut nos ablue-*
remur, & biberemus salutem.





CONSIDERATIO XVIII.

SS. COR JESU verum salutis ostium est, per quod securè ac prosperè possumus intrare ad vitam.



Ego sum ostium, per me si quis introierit, salvabitur. Joann. 10, 9.

Cùm universa terra innumeris malis ac peccatis coepit re-
pleri, statuit justus Deus per universale diluvium orbi
suum intentare excidium. In hunc finem Noëmo man-
lavit, ut de lignis lævigatis sibi arcam pararet, in qua ipse cum fami-
lia & animantibus terræ à communi orbis interitu salveretur. Noë
ic à Deo edoctus, mox ligna scindi, ac cætera omnia ad hoc gran-
le opus parari curat, arcamque construit tribus contignationibus
eu tabulatis divisam.

Prima & infima contignatio pro animalibus terrestribus (quo-
um 157. species numerantur) parabatur. Secunda contignatio
S pro

pro annona conservanda in gradu altiori ædificata fuit, in quâ vitæ necessaria tum pro hominibus, tum pro jumentis reponebantur. Tertia contignatio, seu humum tabulatum pro hominibus, & avibus (quarum 150. species fuisse censentur) parata fuit, &, quod mirabile est, hæc arca tam grandis unicam in summitate tecti fenestram, & unam tantum ex latere portam habebat: *Ostium autem arce pones ex latere.*

Hæc inter adventat suprema illa dies à Deo hominum animaliumque excidio decreta. Hic vidisses, quomodo ex omni parte animantia ad hanc Noëmi arcam sese conferrent, quæ sine omni excitata discordia, quasi orbis interitum præscirent, arcam ingressa, locum suum pro quavis specie destinatum occupârunt. Demum & ipse Noë cum conjuge & tribus filiis, eorumque uxoribus secutus est, cæteris omnibus, ipsisque fabris lignariis, qui hanc arcam tanto tempore construxerant, exclusis: *Et inclusit eum Dominus de foris.*

Dum hæc fiunt, subitò tempore Maij. ubi mortales omnes nil nisi læta sibi polliceri poterant, adventat diluvium, ruptis undique aquarum fontibus & marium abyssis, ipsisque coeli cataractis apertis. Quid interim, dum coelum & terra contra insensatos insurgunt agunt miseri mortales? Horrendum spectaculum! surgunt & currunt ad montes tremuli senes, timore pedibus alas addente: ejulant desertæ matres, cum parvulis refugium in tectis ædium quarunt: ad altissimas turres evadunt juvenes; alii in proceros arborum ramos ascendunt, lamentantur, vociferantur, & plorant omnes: ubique luctus & tristis mortis imago. Interea magis magisque accrescunt omnes undæ, & conglomerantur fluctus. Tunc primum aperti sunt oculi insipientium, quod Noë non audierint, & cum sua arca toties irriserint. O quàm libenter tunc omnes volebant esse in arca; sed frustra ac serò nimis: *Consumptaque est omnis caro, quæ movetur super terram &c.* Verbo: quidquid per portam illam lateralem non intraverat in arcam, periit, proinde non incongruè huic arce pro lemmate inscribes:

Nulla salus extrà.

& supra portam arcæ hanc epigraphen affiges:

Una salutem.

Per hanc arcam S. Augustinus Crucifixum Salvatorem nostrum, & per unicum ac quidem amplissimum ostium ex latere hujus Noëmicæ arcæ fabricatum, cunctisque eam ingredi volentibus apertum, SS. laterale Vulnus ejus, ac præsertim SS. COR Jesu intelligit: *Ostium, inquit, quod accepit in latere Arca Noë, profectò illud Vulnus est, quando latus Crucifixi lanceâ vulneratum est &c.* Sicut enim Noë per lateralem arcæ portam cum suis ingressus vitam in diluvio conservavit, cæteris non ingressis miserè pereuntibus. Sic quisquis viva fide, & in animo contrito in dulcissimum COR Jesu Crucifixi ingreditur, securus erit à diluvio æternæ damnationis, illis econtra miserandum in modum intereuntibus, qui nec vitæ ostium, SS. COR Jesu hîc in vita ingredi recusârunt.

S. Aug.
de Civit.
Dei c. 26.

2. Notatu dignum est, quòd DEUS quondam ante portam paradisi post eliminatos protoparentes nostros Cherubinum quemdam cum flammeo gladio atque versatili collocaverit, qui ab ejus aditu non tam Adamum, quàm posteros illius arceret, ne paradisum deliciarum denuò ingressi, fructum de arbore vitæ decerperent: *Et collocavit ante paradisum voluptatis Cherubim & flammeum gladium.*

Gen. 3,
24.

Non sic mitissimus JESUS in lege gratiæ, non sic. Et nunquid mortuus omnium deliciarum & paradisus voluptatis amœnissimus est cuilibet animæ devotæ sacratissimum ac divinissimum COR Jesu? Verùm non hîc video Cherubinum cum gladio ignito atque versatili excubantem, sed omnibus ultrò sese pandit hæc pretiosa paradisi porta, neminemque à se quantumvis vilissimum excludit, ideo in publico præsepio reponi, ideo in publico cum hominibus conversari, & ideo in publico extra portam Solymæam in monte pati, & crudeli lanceâ, quasi ferrea clavi, referari voluit, ut omnes ad illud liberum invenirent accessum. O quàm bene de

Ps. 117, 19. hac salutis porta jam olim vaticinatus est Vates Regius: *Hæc porta Domini: justi intrabunt in eam.*

le Blanc. 3. Olim S. Theopompo Nicomediæ Episcopo in medio fornacis ardentis incombusto ac prorsus illæso porta ad aulam & ad cubile Imperatoris Diocletiani ultrò patefacta est, cui Imperatori à somno tunc excitato dixit: *Ego sum Theopompus Episcopus, homo Jesu Christi, non sum mortuus, ut præceperas, sed ecce vivo.*

S. Genovefæ Parisiensi ultrò aperta est porta civitatis Parisiensis, ut victos, qui jussu Regis ad ultimum supplicium ducebantur, à morte posset liberare.

S. Wenceslao, Bohemiæ Duci ac Martyri, de nocte intempesta nudis pedibus per nivem & glaciem Ecclesias circumeunti, ultrò patebat templorum ostia, ut Deo eò liberiùs sic ab hominum comitatu abstractus, inserviret, & illi vota sua redderet.

S. Deicolæ Abbati Lutrensi, licet à malevolis illi spinis, vepribus & tribulis via ad Ecclesiam obstrueretur, ultrò tamen templi janua per spinas transeunti patefacta est, ubi coram Deo suo Eucharistico totum Cor suum de nocte solebat effundere.

Ps. 117, 19. Et quid dico, Anima Christiana! nunquid & tibi janua vitæ & ostium salutis per militis lanceam reſeratum est? quid ergo times, aut moraris accedere ad SS. COR Jesu, licet vepribus ac spinis cinctum? *Aperite mihi portas justitiæ*, obsecrabat quondam cœlestes spiritus Propheta ille Regius, *& ingressus in eas confitebor Domino.* Hæc autem justitiæ porta quid aliud denotavit, quàm sanctissimum vulneratum & apertum COR Jesu Crucifixi, per quod facta est justitia? Ecce, inquit Venerab. P. Ambrosius Spinola, *Med. 51.* *quanta fecerit, & passus sit pro te! simul COR tibi aperuit, ut videas, quantò jam antè pro amore tuæ salutis illud impenderit, quanto semper affectu te dilexerit, & ut per istud Vulnus fiduciam habeas accessus facilis ad ardentissimum COR illud, sejunctus à tumultu rerum conditarum &c.*

4. De Jacob Patriarcha recensent sacræ litteræ, quòd, cum mirabilem illam scalam vidisset, cujus summitas usque ad coelum pertin

pertingebat, & per eam Angelos Dei descendentes & ascendentes, tandem etiam observârit ipsum coeli Dominum dictæ scalæ incumbentem, & quasi utrâque manu eam, ne caderet, tenentem: *Vidit Dominum innixum scalæ*: proinde stupore & admiratione plenus exclamavit: *Verè non est hîc aliud nisi Domus Dei & porta cœli!* Gen. 28, 17.

Attende hîc prudens Lector ingens quoddam mysterium, *fin-* gula enim denotant aliquid. Per scalam appositè Crux Dominica *A Lap. hîc.* intelligitur, per quam Christus & omnes Electi ad coelestem illam patriam ascenderunt. Dominus autem scalæ incumbens juxta Cornelium est Christus in cruce pendens, qui utrâque affixâ manu nobis hanc scalam tenet, ut facilius sit nobis ad eum accessus. Per portam verò cœli apertam, quàm tunc Jacob in extasi conspexerat, quid aptius intelliges, quàm SS. ac divinissimum COR Jesu Crucifixi, quod omnibus factum est salutis ostium, & tuta porta cœli: *Verè non est hîc aliud, nisi domus Dei & porta cœli!*

Ad hoc videtur allusisse ipse orbis Servator Christus: dum enim non levis quondam inter Philosophos quæstio fuisset exorta, per quam portam mortales tutò ac securè ad æternam beatitudinem possent introire, ipse palàm vitæ ostium se suis fidelibus denominavit, dicens: *Ego sum ostium, per me si quis introierit, salvabitur: & ingredietur, & egredietur, & pascua inveniet, vitamque habebit, & abundantius habebit hîc per gratiam, dum in his terris agit, & abundantius ibidem per gloriam, cùm exuerit hanc mortalitatem.* Jo. 10, 9. O anima Christiana! Vide & considera, quàm bonum Dominum habeas, ut meritò dicere possis: *Dominus regit me, & nihil mihi deerit, in loco pascuæ ibi me collocavit,* Ps. 22, 1. dum SS. & amabilissimum COR suum non in cibum tantum, sed & in vitæ ostium tibi offert. O felix paradisi ostium SS. COR Jesu, per hoc nunc intra devota meditatione, ut tandem in illo invenias æternam mansiōnem.

5. In magno quondam pretio fuit Porta illa Orientalis, quæ in templo Hierosolymitano versus orientem solem extructa, soli Re-

Ezech.
44, 2.

gi in Israël patebat, sub qua stans sacrificia Levitarum spectabat & orationem ad Deum fundebat: *Porta hæc clausa erit, non aperietur.*

Nec in minore pretio etiamnum est Porta illa sacra Romæ in Sancto Sanctorum asservata, quæ olim in palatio Pilati Romani Judicis Jerosolymis extabat, per quam verus Rex Israël mitissimus Jesus in passione sua aliquoties dicitur pertransisse, hanc sacram portam S. Helena Imperatrix per mare mediterraneum Romam transvexit.

Quis ignorat, quanto in pretio in eadem Alma Urbe habeatur Porta illa sancta, quæ anno Jubilæi summa cum pompa & veneratione in Vaticano à Pontifice Maximo adaperiri, & finito anni circulo rursus claudi solet? Per quam portam Christi fideles & peregrini è toto orbe, congregati, etiam poplitè flexo & reptando genibus in templum se conferunt, ut ibidem plenarias peccatorum indulgentias consequantur. Cui Sanctæ Portæ olim Gregorius XIII. pro lemmate inscribi voluit: *Nil coinquinatum: alludens ad illud Apocalypseos: Non intrabit in eam aliquid coinquinatum, aut abominationem faciens.*

Verum enim verò longè sanctior, longè gloriosior, atque securior est illa vitæ porta SS. COR Jesu: *Longius, inquit S. Augustinus, aperuit mihi latus Christi lanceæ, & ego intravi, & ibi requiesco securus, in SS. CORDE Jesu.* O porta felicissima! Hic vivo, hic morior.

6. Olim summus Sacerdos in sanctuarium per portam Olivæ solebat ingredi: *Et in ingressu Oraculi fecit ostiola, de lignis olivarum.* Per olivam autem pax & misericordia adumbrata est. Unde in diluvio juxta mentem S. Ambrosii exterminatis aliis arboribus sola oliva à DEO conservata est, ex qua columba Noë mica ramum viridem decerptum in signum pacis ac misericordiæ ad arcam portaverit. O Porta Olivalis, porta pacifica? verè porta misericordiæ, quia per eam introivit Rex Gloriæ, & per quam portam omnes debemus introire ad vitam. Et quid dico?

O Sacratissimum COR JESU, tu in veritate es illa porta olivæ, ostium pacis ac misericordiæ, per quod ostium si quis devoto & contrito animo intraverit, abundanter pascua inveniet, & vitam æternam possidebit.

Nota est illa porta aurea ac speciosa, ita appellata, quia deco- Act. 3, 2.
re, pretio, & honore cæteras portas omnes in templo superabat, per quam principalis in idem magnificentissimum templum patebat introitus; proinde ad radices hujus portæ plures mendici stare solebant, ut ibidem ab introeuntibus vitæ necessaria obtinerent.

O Suavissimum COR JESU! Tu es illa porta speciosa & aurea charitate! cætera salutis ostiola sunt quidem reliqua SS. Vulnera in Corpore JESU, sed COR tuum, ô mi Salvator, ostium illud magnum ac speciosissimum est, quod omnibus patet, & neque pauperes ac debiles, nec claudos & mendicos à se excludit. O venerandi Domini Parochi, & Verbi Dei Præcones omnes, ite ad exitus viarum, & quoscunque inveneritis bonos & malos, vocate ad hanc auream salutis portam, & si noluerint venire, etiam compellite eos intrare per veram poenitentiam in hoc SS. COR JESU. Ite, inquam, in plateas & vicos civitatis, imò exite etiam in vias & sepes, & compellite misellos illos intrare in SS. COR JESU, quia ibidem adhuc locus superest etiam pro miserrimis & desperatissimis peccatoribus. Ah ite!

7 David quondam in summis animæ angustiiis constitutus, & molestissimis malæ conscientiae stimulis ob perpetrata delicta agi-
tatus, nesciebat, quem in locum à facie irati Numinis confugeret, ut ibidem securum animæ asylum inveniret: *Conversus sum*, inquit, Ps. 31, 4.
in ærumna mea dum configitur spina. Levabat quidem hic Rex oculos in cælum, sed neque ibidem ob ultricem Justitiam se tutum arbitrabatur: *Si ascendero in cælum, tu illic es*, ut inde me præcipites. Descendebat exinde in mente sua usque ad inferni abyssum, ut ibidem tutas latebras in extimis terræ cavernis reperiret: sed etiam ibidem ultorem ac vindicem suorum scelerum deprehendit: *Si descendero in infernum, ades.* Optaverat proinde pen-

pennas, ut cum sole exurgente in extremas occidentis plagas profugeret, si forsan ibidem securum locum inveniret. Verum neque ibidem sibi requiem invenit. *Et dixi: forsitan tenebra conculcabunt me.* Ah erras, O Rex! neque omnes tenebræ Cymmeriæ tui operient peccati turpitudinem. *Quo ibo igitur, reponit idem Rex, ô mi JESU, à spiritu tuo, & quò à facie tua fugiam? Ah quò ibo?*

O mi David, si tu eo temporum intervallo vixisses, ubi SS. COR JESU in Calvariæ jugo clave lanceæ apertum fuit, securissimum refugii locum & veræ vitæ ostium reperisses. Sic lepusculus meticulosus, ubi periculum à canibus sibi imminere cernit, ad ostium notæ sibi cavernæ in petra excisæ confugit. Unde lemma: *In petra una salus.* Sic herinacius, cum à molossis undique impetitur, unicum suum perfugium in ostio petræ collocat: *Petra refugium herinacii.* Sic columba timida & profuga, cum milvum insequentem vel etiam ex umbra cognoscit, sine ulla mora ad notum sibi hospitium, quod in petra sibi elegit, se confert: *Columba mea in foraminibus petræ, in caverna maceria:* O anima mea cur doles? En habes pariter refugii locum & vitæ ostium apertum, SS. ac suavissimum COR JESU Crucifixi; hîc in omnibus mentis anxietatibus, persecutionibus, periculis, adversitatibus, & tentationibus securum invenies asylum: *Ingredere, ait Isaias, in petram, & abscondere in fossa humo à facie timoris Domini.* Ubiglossa habet: *Confuge ad Christum, & Hugo, Absconde te in Vulneribus Christi.* Quibus adjungo S. Gregorium: *Per foramina petræ, inquit, Vulnera manuum & pedum Christi in cruce pendentis libenter intellexerim, per cavernam verò maceria Vulneris lateris, seu SS. COR JESU.* O quàm bonum est hîc nos habitare in SS. CORDE JESU! O bona caverna maceriæ!

Beatum Elzearium consule, comitem ditissimum, sed & pientissimum, qui aliquando ad Delphinam castissimam conjugem suam scripsit: Si me videres cupis, quære me in Vulnere lateris Christi, & in SS. CORDE JESU, ibi me solum poteris reperire. Ita & S. Bernardum, cum aliquando coram effigie Crucifixi JESU vehementius oraret, Christus Dominus separatis à cruce brachiis, quasi suum dilectum Benjaminum peramanter amplexus est, eumque SS. CORDI suo blandè adstringens, locum ostendit, quonam securè & in vita & in morte se reciperet. O animæ Christianæ quid agitis? *Omnibus hîc requies alias cur queritis umbras? Ite ergo ad SS. COR JESU: Hæc porta Domini, justi intrabunt in eam.*



CONSIDERATIO XIX.

SS. COR JESU salutis nostræ sitientissimum : unde illi pro anima
omnis labor levis, & dolor dulcis videbatur.



Et cū invenerit eam, imponit in humeros suos gaudens &c.
Luc. 15, 3.

Obstupesco, imò & pudore suffundor, dum mecum ipse
perpendo in gentem illam curam ac vigilantiam, quam
olim Jacob in custodiendis & pascendis ovibus Labani
pateri sui adhibuit: *Die noctūque*, inquit ad Labanum, *æstu ure-* Gen. 31.
ar & gelu, *fugiebātque somnus ab oculis meis: sicque per viginti* 40.
annos serviivi tibi. Si tanta cura de irrationali pecude, quid nos de
animali rationali & ovibus Christi? O notent sibi hoc omnes ani-
marum curam gerentes!

De Davide, antequam à caula ad aulam veniret, perhibent Re-

T

gum

gum fasti, quòd pro incolumitate suarum ovium generosè vitam posuerit, sic enim ipse, cùm in conspectum Regis Saulis fuisset ad ductus, ut ab eo arma contra Goliathum reciperet, publicè testatus est: *Pascebat servus tuus patris sui gregem, & veniebat leo versus & tollebat arietem de medio gregis, & persequabar eos, & percutiebam, eruebamque de ore eorum, & illi consurgebant adversum me, & apprehendebam mentum eorum, & suffocabam interficiebamque eos: nam & leonem & ursum interfeci ego servus tuus. Erit igitur & Philistæus hic incircumcissus quasi unus ex eis.* En typum veri ac sinceri animarum pastoris, Christi oves, post habito omni labore, ac vitæ periculo, ab inferni faucibus eruentis.

Luc. 15, 5 Quis ignorat de fidelissimo illo Pastore, de quo Veritas ait, quòd 99. oves in solitudine reliquerit & in fame ac siti, in æstu & gelu, in multis curis ac laboribus tam diu amissam oviculam inquisierit, donec tandem summo animi gaudio eam invenerit, quam licet propria culpâ perditam, tamen non punivit, non dire tractavit, aut flagello castigavit, sed summâ cum benignitate exceptam in humeros suos imposuit, & ad reliquum gregem clementer portavit. Cuius ingens amor hujus solliciti Pastoris! ad quid, obsecro, tantus labor tanta cura ac vigilantia in unica hac scabiosa quærenda ovicula impenditur? An operæ pretium fuit, totum lanigerum gregem manifesto exponere periculo, ut ingratum hoc pecus servaretur? Vadat, si vitam non velit, in suum interitum ac præcipitium: quid importat una hæc ovis ingrata? vadat, vadat!

Verum enim verò alia sunt Dei, alia hominum judicia. Collige ex hoc, quisquis es, O mortalis homo! quàm intenso & immenso amore SS. COR JESU animam tuam amaverit, dum ob illius causam 99. oves, hoc est, 9. Angelorum choros in cœlo reliquit, & ad hæc mundi imundi deferta sese demisit, ut ovem hanc perditam (animam tuam) toto cœlo aberrantem denuo in viam salutis reduceret & vel propriæ vitæ dispendio ab æterna damnatione eriperet. Cuius per quot arduas vias, per quot angustias, per quot tormenta à stabulo usque ad crucem te non quæsit sacratiss. COR JESU! *Et cùm*

invenerit eam, imponit in humeros suos gaudens. Supra quod pulcherrimè S. Bonaventura: *Humeri isti, inquit, sunt brachia Crucis, in hos humeros ovem perditam imposuit, quia ibi peccata nostra portavit.* Proinde huic divino Pastori, cui ob amorem animæ omnis labor ac cruciatus levis ac dulcis videbatur, non immeritò illud, quod ipse sibi quondam fecit, pro lemmate inscribes:

Onus meum leve.

Matth.
II, 30.

2. Hunc infinitum amorem Sacratissimi CORDIS JESU in animam humanam, dum aliquando attentiore intellectu & justâ ponderatione considerâset Gentium Doctor Paulus, non poterat amplius præ admiratione se ipsum tenere, quin stupens ad Galatas exclamaret: *In fide vivo filii Dei, qui dilexit me, & tradidit semetipsum pro me.* Quid dicis, Magne Apostole! quòd SS. COR JESU adeò te dilexerit, ut pro te solo seipsum in Cruce tradiderit? Et nunquid pro omnibus mortuus est Christus? Et nunquid pro omnium salute hæc porta cœli (SS. COR Redemptoris nostri) aperta fuit, ut omnis, qui introierit per eam, non pereat, sed habeat vitam æternam? An fortasse non es memor amplius illorum verborum, quæ ipse ad Romanos scripsisti: *Qui etiam proprio Filio suo non perpercit, sed pro nobis omnibus tradidit illum?* Si ergo pro omnibus traditus est, cur tu dicis: *Et tradidit semetipsum pro me?* Quare facis tibi particularia, quæ sunt omnibus communia?

Rom. 8,
32.
S. Bern.
serm. 42.

Hanc D. Pauli sententiam pulcherrimè declarat Mellifluus Bernardus: *Tradidit, inquit, semetipsum pro me, quia eâdem charitate, quâ mortuus est pro omnibus, mortuus est pro singulis.* Et Angelicus Doctor: *Totum, quod omnibus est impensum, unusquisque debet sibi adscribere.* Et antiquissimus Tertullianus: *Erat & una pastoris ovicula, sed grex unâ charior non erat, una illa requiritur, pro omnibus desideratur.* Ex quibus necessariò sequitur, quòd tantum, O pie Lector! SS. CORDI JESU debeas, ac si pro te solo hæc omnia tormenta sustinuisset, quæ per omnem vitam pro salute universorum exantlavit: *Adeò, sunt verba S. Joan Chrysostomi, singulum quem-*

in Cant.
S. Thom.
de Beat.
opusc. 63.
c. 7.
Tertull.
l. de poen.
c. 8.
S. Chrys.
ibid. ad
Gal. 2, 20

que hominem pari charitatis modo diligit, quo diligit orbem un-
versum. O homo Christiane! agnosce vel ex hoc dignitatem &
pretium animæ tuæ!

Matth. Hæc est enim illa *Margarita* pretiosa, pro qua Mercator coele-
13, 46. stis vendidit omnia, quæ habuit, & emit eam. Hæc est *thesauru*
Matth. ille absconditus in agro, quem, qui invenit homo, abscondit &
13, 44. præ gaudio illius vadit, & vendit universa, quæ habet, & emit agrum
Matth. illum. Hæc est illa *Vinea* electa, quam summus Paterfamilias in vi-
21, 33. ridario Ecclesiæ suæ plantavit, quam Filius Dei proprio cruore ri-
gavit, & Spiritus S. coelesti gratiarum influxu foecundavit. Torcu-
lar in hac vinea Crux est Dominica, per quam redempta est anima:
sepes sunt Angeli, quibus Deus mandavit de te: Turris est fides su-
Luc. 15, pra firmam petram fundata, &c. Hæc est *drachma* seu gemma
8. illa regia: quam mulier Evangelica, id est, Sapientia Divina amiti-
sam tanto studio & indefesso labore quæsit, nec antè ab inquisi-
tione destitit, quàm tandem per accensam lucernam illam invenie-
S. Bonav. rit. Hæc denique est pretiosum illud *Numisma* censûs, Dei ima-
serm. 2. gine insignitum: *Nummus iste*, ait S. Bonaventura, *est anima ac*
in Dom. *imaginem Dei facta*. Expergiscere igitur O homo, & dignitatem
22. tuæ cognosce naturæ: *Habemus*, inquit Apostolus, *thesaurum*
2. *Cor.* 4, *istum in vasis fictilibus*, pro quo comparando pietissimus Serva-
7. tor orbis non omnem duntaxat sanguinem, sed & ipsum divinissi-
mum COR suum in pretium tradidit, O immensa dignitas animæ:
quæ tantum vales (ut ita loquar) quantum ipse Deus, qui pro illa
Eusebius mori dignatus est: *In trutina ergo Crucis*, ait Eusebius Emis-
Emiss. *non aurum vel Argentum, non aliquid Angelicum, sed semetipsum*
hom. 2. *de* *passus est Author salutis appendi*.
fymb.

3 Desiderasne plura de hoc amabilissimo CORDE JESU argu-
menta, quàm immensa charitate animam tuam dilexerit, & etiam-
num diligit? Jacobum Isaaci Patriarchæ filium considera, quo-
modo in summis laboribus septem annis pro formosa illa Rachele
Gen. 29, servierit, & tamen *videbantur ille dies pauci præ amoris magnitu-*
20. *dine*. O bone JESU! Tu non septem annis, sed triginta quatuor an-

nis à tempore purissimæ Conceptionis tuæ pro anima, venustissima illa Rachele in frigore & æstu, in fame & siti, atque in assiduís laboribus serviisti, & tamen videbantur amantissimo CORDI tuo *dies pauci præ amoris magnitudine.*

Samson ardenti amore in Dalilam Philistæam flagrabat, ob cujus dilectionem nullis laboribus, nullis parcebat periculis, in cujus etiam sinu captus, excoecatus, & in mortem traditus est: *Post hæc amavit mulierem, quæ habitabat in valle Sorec, & vocabatur Dalila.* O anima Christiana! plus te amavit pretiosissimus Salvator tuus JESUS, quàm unquam Samson perfidam suam Dalilam. Vide manus ejus trabalibus clavis perforatas, in quibus descripsit te. Vide pedes ejus immiti ferro in patibulario ligno transfixos, qui triginta & amplius annis duris passibus pro te fuerunt fatigati. Vide amabilissimum COR ejus, in bonum tuum crudeli lancea perfossus, in quo tibi habitaculum paravit, in quo summa suavitatem in vita & in morte, imò etiam post mortem & per omnem æternitatem habitares. O amor!

Jud. 16.
4

David regiam illam Saulis filiam, cui nomen Michol, tanto amora prosequabatur, ut ob illius gratiam omnia vitæ discrimina illi levia viderentur, & jucundissimum huic amanti accidit, vitam pro sua amata millenis exponere periculis; hinc non dubitavit cum ducentis Philistæis generosum certamen inire tantum ut dilectâ suâ sponsâ potiretur: *Et percussit ex Philistiim ducentos viros, & attulit eorum præputia, & annumeravit ea Regi, ut esset gener ejus: dedit itaque Saul ei Michol filiam suam uxorem.* O anima! si millies pro te mori potuisset amantissimus Servator JESUS, si millies pro tua salute SS. COR suum crudeli lanceæ, spinis & clavis potuisset objicere, nullum profectè certamen ob tui amorem detrectâisset, quia ubi verus & sincerus amor est, labor & dolor non est, hinc pro te *proposito sibi gaudio sustinuit crucem.*

1. Reg. 18
27

Hebr. 12
2

4. Verum ascultate adhuc majora. Dicite, quare Divinissimum COR JESU tanto cum amore ac patientiâ per tres annos & quid amplius perfidissimum proditorem suum Judam unâ secum in con-

sortio suo sustinuit? Quare eidem traditori suo cum cæteris Apostolis furdidos pedes tam humiliter lavit, & dulcem Panis buccellam in coena cum reliquis porrexerat? Cur illum, cum jam in manus peccatorem traderetur, adhuc amicum vocavit: *Amice ad quid venisti?* Et econtrà Petrum fidelissimum Discipulum, cui paulò antè coelorum claves, ac supremam in terris vicariam potestatem consignaverat, Satanam appellare non dubitavit: *Vade post me Satana!* Quid hoc est, ô mi JESU? attonito hæreo animo, nec me ipsum possum capere præ insolita admiratione. Et cur, obsecro, Judam omnium mortalium pessimum, tuum amicum, Petrum verò Apostolorum Principem satanam appellasti? An non utriusque cordis intima intimè quoque lustraveras: *Scrutans Corda & renes DEUS?*

Define mirari anima Christiana hunc rarum in Christo procedendi modum. Petrus ideo satanas à JESU vocatus est, quia animarum saluti se fortiter opposuit, cum enim Christus Passionem suam ac Redemptionem animæ Discipulis prædiceret: *Cœpit JESUS ostendere Discipulis suis, quia oporteret eum ire in Jerosolymam, & multa pati &c.* Petrus solus passioni restitit indignum judicans, ut Filius Dei tanta ac tam indigna pro vilissima anima patiatur: *Absit à te Domine:* & idcirco satanas, id est, adversarius meritò à Christo nominatus est, cum satanæ munus & officium sit animarum saluti sese opponere. Econtrà Judæ tot ac tanta pietatis officia Christus exhibuit, ut illius Cordis duritiem adhuc emolliret, & animam illius ad imaginem Dei creatam ab æterna perditione eriperet; hinc eum amicum appellavit, non obstante, quòd ab illo in mortem traderetur: *quia hic*, prout observat Mansius, *licet modo quodam impio, ad redemptionem adeò dilectarum sibi animarum cooperabatur.* Ecce! quanti æstimaverit SS. COR JESU unius hominis animam? *Vis scire, subintrat hic Os Aureum, quantum sit pretium animarum nostrarum? redempturus eam Unigenitus, non mundum dedit, non hominem, non terram, non mare, sed suum pretiosum sanguinem: quocirca dicebat Paulus: Empti estis pretioso magno &c.*

5. Cæterùm non parùm miratur sacer ille & eloquentissimus Græcia

ciæ Orator S. Chrysostomus, Cur DEus Pater Unigenitum ac dilectissimum Filium suum JEsu in Cruce morientem adeò deseruerit, ut nullum ei prorsus solatium ac refrigerum submiserit, qui tamen plerumque Sanctos suos in martyrio & agone per Angelos misericorditer jussit confortari. Hinc in Cruce pendens piissimus Redemptor ad Patrem quasi ab omnibus derelictus exclamavit: *DEus meus, DEus meus, ut quid dereliquisti me?* Heu! quid agis *Matth.* ô Sancte Pater? an oblitus es usque in finem amantissimi Filii tui *27, 46.* in quo tamen tibi semper bene complacuisti? Cum in primo & cruento illo agone in monte Olivario ad te in terram procidens humiles preces funderet, submisisti illi de coelo Angelum consolantem: *Apparuit autem illi Angelus de coelo confortans eum.* Et *Luc. 22,* cur non etiam in Cruce? Solvit hanc pulcherrimam quæstionem *43.* S. Doctor per sententiam affirmativam, quòd omnino Pater cœlestis etiam in Cruce morientem Filium suum consolatus sit, & quidem singulari solamine, quod de novo afflictissimum COR JEsu in ultimo agone quodammodo erexit, confortavitque, ut omnes cruciatus læto animo sustineret, cum vidit, quòd tanta passio sua non foret frustranea. Et quodnam illud fuit solatium? Audite cœli, quæ loquor, & audiat terra verba oris mei; & vos creaturæ omnes obstupescite immensum SS. CORDIS JEsu amorem: *In S. Chrys.* hortor, inquit citatus S. Pater, *Christus confortatus fuit ab Angelo de Bono latrone.* *apparente, & in cruce à latrone pœnitente.* O immensum amorem! Unica hæc anima illi majori fuit solamini, quòd eam per sanguinem suum è Tartareis faucibus eripuerit, quàm si DEus Pater Angelorum myriades, imò omnes eorum choros de coelo ad se in Cruce consolandum amandâset. Hinc summopere, prout eleganter observat Seraphicus Bonaventura, Sacratissimum COR JEsu doluit de morte nimis properè appropinquante, & ideo ad Patrem suum isthanc lamentabilem vocem in Cruce emisit: *DEus meus, DEus meus, ut quid dereliquisti me!* quia hoc SS. COR JEsu paratum erat usque ad supremum Judicii diem omnes istos cruciatus pro anima tua sustinere: *Christus tanto desiderio exarsit patiendi,*
ut

S. Bonav. ut tribus horis in cruce exsaturari non potuerit, sed expetierit in ea pati usque ad
de med. finem mundi. O prodigium amoris! O immensum animæ pretium! O anima
pass. erige te, tanti vales! inquit D. Augustinus.

Et quis, quæso, pretium animæ melius noverat æstimare, quàm ipse Dei
Matth. Filius? Audi, quid sentiat de anima: Quid, inquit, prodest homini, si mundum
16, 26. universum lucretur, anima verò sua detrimentum patiatur? aut quam dabit
homo commutationem pro anima sua? quàm? quam, obsecro, dabit commuta-

Matth. tionem? Diabolus pro anima offert omnia regna mundi: Hæc omnia tibi da-
4, 8. bo. Mundus offert pro anima omnem suam gloriam & pompam: Caro suas
illecebras, vitæ commoda ac voluptates; sed apage hos stultos mercatores.
Dic amantissime JESU! Amor Crucifixe! quid tu vis dare pro anima?


Ego, reponit pretiosissimus Redemptor, offero pro anima 97305. guttas
Lyrens fol. 69. Sanguinis in monte Olivario decurrentes super terram. Offero in flagella-
tione mea 6666. ictus, hoc est, integram legionem. Offero in coronatione

Palæot. 1000. punctiones spinarum, quarum tres fuere lethales. Offero & vulnera
apud me corporis mei universa, hoc est, 5475. quæ pro salutæ animæ sustinui. Offero
fol. 146. denique cæteras Sanguinis mei guttas in passione effusas, quæ fuerunt
Mallon. 230005. O ingens, ô immensum, ô inauditum pretium!

f. 63. Sed veniam humiliter rogo, dulcissime JESU! nondum pro hoc, licet infi-
nito pretio, tibi vendo animam! adhuc plus ultra; adhuc unum restat, &
quodam illud? Veni miles, veni Longine; apprehende lanceam, aperi the-
saurum totius mundi, hoc est, Sacratissimum COR JESU, hoc enim deside-
ro, quia Cor suum alteri in pignus dat, & omnia sua illi dare videtur. Et
ecce! adest in tempore truculentus miles, qui lanceâ latus ejus aperit, SS.
COR JESU bipartitur, de cujus intimo fonte adhuc reliquus & ultimus San-
S. Aug. in guis & unda fluit. Jam pretium solvit, subintrat hic S. Augustinus, sangui-
Ps. 102. nem fudit unicus Dei Filius: O anima erige te, tanti vales, ultimâ videlicet
sanguinis & aquæ guttâ SS. CORDIS JESU.

Nunc sede, & computa sumptus animæ, quicumque tandem es, O homo
Christiane! dic mihi, amabo, quomodo tu hætenus animam tuam æstimâsti?
& quanti illam etiamnum æstimas? Ah pudet me dicere, vix dignam terun-
tio aut crucifero, dum eam ob rem vilissimam diabolo devoves, & ob vo-
luptatulum unius momenti perdis? O animæ pretium, quàm leve pondus
habet! Cadit asina, ait S. Bernardus, & est, qui sublevet; perit anima, &
S. Bern. nemo est, qui reputet? O curatores animarum! hîc atten-
ad Eug. dite, & pretium vestrorum laborum
Pap. l. 4. confiderate.
c. 6.





CONSIDERATIO XX.

SS. COR JESU, Amatoris nostri maximi, tanquam optimum ob-
jectum nostri cordis meditationi præfigitur.



Accedet homo ad cor altum, & exaltabitur DEUS. Psal. 63, 8.

Quantum possit in anima pia ac seria de SS. ac diviniss.
CORDE JESU meditatio, vel ex ipsis irrationabilibus
animantibus habemus, quod discamus, & imitemur. Re-
fert Sacer Codex, quomodo Jacob hanc se ditandi artem invenerit,
& felici successu probaverit. Inuit is cum Labano, homine aliàs ava-
rissimo, hunc contractum, quatenus oves unicolores ad focerum
uum, oves verò diversicolores ad se Jacobum in posterum loco de-
bitæ mercedis pertinerent. Quid agit hîc Jacob, ut majorem ovium
partem ad se traheret? Virgas aliquas populeas, & amygdalinas cœ-
pit decorticare, ita, ut ex una parte candidæ, & ex altera subrubicun-
dæ

dæ apparerent, quas variegatas, & semicorticatas virgas canalibus, ex quibus oves aquam pro more haurire solebant, imposuit, unde factum est, ut oves ferè omnes ob illarum virgarum diversicorem conspectum, fortèmq̃ imaginationem similis foetus conciperent: *Posuitque eas in canalibus, ubi effundebatur aqua, ut cum venissent greges, ante oculos haberent virgas.* Quibus prolemmate inscribimus:

Similem dant vulnera formam.

Per has virgas variegatas, candidas, & rubicundas meritò illum intelligimus, de quo Sponsa ait: *Dilectus meus candidus & rubicundus,* Candidus propter eminentem cordis puritatem, rubicundus propter passionem, & sanguinem in salutem animarum effusum. Per canalem autem, ex quo bibebant oves, videtur non incongruè fuisse præsignatum ipsum sacratissimum COR Jesu, de quo sanguis & aqua in redemptionem ovium fidelium non guttatim, sed magno cum impetu, nec mixtim, sed distinctè, ac separatim profluxère: *Cum extraheretur lancea de corpore,* ait B. Virgo ad S. Brigittam, *statim abundanter exhibat de vulnere illo cum impetu, quasi quidam fluvius sanguinis.*

O bone DEUS! si unicus aspectus, & contemplatio prædictarum virgarum in canali positarum tam mirabilum effectum in ovibus concipientibus potuit producere; quid, obsecro, in nobis, tanquam ovibus rationalibus non faciant Christi Jesu in Cruce suffixi, & inter latrones morientis vulnera, ac præsertim mitissimum, ac divinissimum COR ejus, utpote omnium coelestium donorum inexhaustum gazophylacium, si illud per piam contemplationem, ac meditationem ad mentem reducamus? *Si Christum Dominum,* sunt verba doctissimi Quaresmii, *electam virgam de radice Jesse nudatam, & decorticatam, in totque partibus rubricatam, & livore aspersam contemplabimur, fieri haud poterit, quin sui memoriam menti nostræ non imprimamus, & sanctos passionis fructus pariamus.*

2. Et hoc est, ad quod Propheta Regius alludit: *Accedet homo*

ad cor altum, & exaltabitur DEUS: Hoc Cor altum SS. COR JESU Crucifixi est, ad quod homo tunc accedit, quando hæc terrena linoquit, ac devitat, & Cor suum cum hoc amantissimo CORDE JESU per piam meditationem conjungit, atque conformat. Unde Magnus ille Avila: *Ingrediamur carcerem amoris DEI, qui ingressus est carcerem amoris nostri. Funes corpus, amor Cor illi strinxit; ligetur Cor nostrum amore illius: In CORDE Christi vulnerato manebit nostrum, & ad flammam amoris illius calefiet.* *Avila de casto con-*
nubio c. 5.
p. 1. ep. 36

De S. Catharina Senensi refert vita illius, quòd aliquando hunc pientissimum Sanguinem Sponsum amabiliet interrogaverit, quare sibi post mortem sacratissimum COR suum voluerit aperiri? cui Christus inter alias rationes etiam hanc, & quidem inter cæteras præcipuam insinuavit: *Ut per lateris aperturam secretum* *Mansit.*
CORDIS mei homini manifestaretur, indèque edisceret, amorem *3. tr. 59.*
meum, quo hominem diligo, esse infinitum. *disc. 19.*

En objectum meditationis tuæ SS. COR JESU, amoris tui centrum! O anima! accede & tu ad hoc COR altum, & si COR tuum superbum & arrogans est? Ecce COR JESU, ex omnibus humillimum, & usque ad Mortem Crucis se humilians. Si Cor tuum avarum est? en COR JESU liberalissimum, dedit enim omnia pro te. Si Cor tuum lascivum est? ecce COR JESU ex omnibus purissimum, ac mundissimum. Si Cor tuum invidum est? en COR JESU ex omnibus mansuetissimum, sincerissimum, patientissimum, &c. &c. Talis sincera contemplatio in Corde tuo pravam exuret scoriam, educetque aurum electum, & probatum, & conflabit ex Corde tuo *vas in honorem.*

3. Et tu hanc veritatem magis robores, attende ad id, quod Salomon, omnium mortalium sapientissimus, & per os ejus ipse Spiritus S. tibi, O Anima Christiana, tam seriò præcepit, & singulari quâdam energiâ inculcavit: *Sapientis, inquit, oculi in capite* *Ecc. 2,*
ejus. Quasi dicere vellet: qui veram in hoc mundo vult sectari sapientiam, & animæ suæ desiderat obtinere salutem, hic ante omnia procurare debet, ut oculos suos in capite habebat: *Sapientis oculi in*

capite ejus. DEUS bone! quàm mirabilis est hæc sententia? quid ais sapientissime Monarcha! Homo sapiens oculos suos in capite habeat? ubi ergo stultus suos habet oculos? nunquid pariter in capite & quis hominum unquam oculos suos in pedibus habuit? Suspende judicium tuum, prudens Lector! hic enim sapientissimus Ecclesiastes longè aliud caput prævidit, in quod continuo cum sacra Sponsa oculos nostros figamus; hoc autem caput non aliud est

Ephes. 4. quàm Christus Jesus & hic Crucifixus: *Caput autem est Christus*

15. in quo sacratissimo Capite, & in sanctissimis ejus vulneribus, ac præsertim in divinissimo CORDE ejus nos, utpote indigna membra & oves pascuæ ejus, per devotam meditationem mentis oculorum

S. Greg. I. 20. Moral. c. 4. sapius habeamus oportet: *Oculi sapientis*, ait S. Gregor. M. *tunc in capite ejus sunt, dum Redemptoris sui opera, quæ imitari debeamus contemplatur.* Quid autem imitandum, colendum, & amandum magis nobis est, quàm COR Jesu? huc oculos, mentemque nostram feramus, & gratiam hujus fidejussoris nunquam obliviscamur, dedit enim pro nobis animam suam. *Accedamus*, inquit Seraphicus Bonaventura, *ad Latus ejus, & sugamus sanguinem ejus, quia hoc beneplacitum ejus est.* Et in alio loco de SS. CORDE Jesu hæc verba habet: *Ecce, aperta est apotheca! præ nimio amore aperuit sibi latus, ut tibi tribuat COR suum; sibi etiam voluit pedes & manus perforari, ut tuæ manus intrent, & pedes tui. Inflammabitur Cor tuum. O Vulnera, corda saxeæ vulnerantia, & mentes congelata inflammantia, & corda adamantina liquefacientia, præ amore*

4. Enimverò dicet aliquis, quomodo possum de SS. CORDE Jesu cum animæ fructu meditari? audi facilem modum. Num considerasti aliquando nobilem illum Centurionem, cui à Pilato Romano Judice custodia innocentissimi Jesu in Cruce pendentis demandata est? Ecce, cum hic piensissimus Redemptor noster super præmâ mortis horâ appropinquante Patri spiritum suum commendasset, & valido cum clamore expirasset: *Jesus autem emissâ vocem magnâ expiravit.* Cùmque ulterius hic Centurio observasset, solem obscurari, petras findi, monumenta referari, orbem terræ motu

Marc. 15, 37.

concuti, & dextrum JESU Latus (ubi lancea per COR, & pericardium ejus transfierat) à milite transfodi, ex quo mox sanguis & aqua copiosè emanavit, DEO mentem illuminante clarè agnovit, JESUM plusquàm hominem esse, idcirco coram omnibus ibidem in Golgothæa rupe circumstantibus exclamavit: *Verè hic homo Filius Dei erat.* Neque solùm illic Crucifixi Deitatem publicè confessus, sed & teste Baronio, post Christi resurrectionem, relietâ militiâ, in Cappadocia DEO unicè militans, ob fidei orthodoxæ professionem à Judæis trucidatus est. Res stupenda, quæ non immeritò in admirationem me trahit, quòd hic Centurio inter tot millia adstantium tunc solus Crucifixi Deitatem agnoverit, & sine mora ad illum conversus fuerit. Et nunquid etiam alii Christum in patibulo morientem viderant, & considerabant? cur hic convertitur, cæteris ad peccata pristina redeuntibus?

Hic advertas, rogo, prudens Lector, quod mox S. Marcus subjungit, qui hunc Centurionem ex adverso stantem, & Christum Crucifixum contemplantem inducit: *Videns autem Centurio, qui ex adverso stabat.* Nota hîc tò *STABAT*, non præteribat, cæteri enim erant prætereuntes. *Et prætereuntes blasphemabant eum.* Marc. 15. 39. Aspiciebant quidem Crucifixum JESUM cum extremis doloribus luctantem, sed obiter tantùm: intuebantur quidem SS. Vulnera, & apertum COR JESU, sed per transennam: hic verò in ipso conspectu Redemptoris *stabat*, perpendens altiùs luctuosissimam morientis faciem, profundissima suspiria, amaras lacrymas, cruciatus immensos, patientiam infinitam, & purpureum sanguinem ex omnibus vulneribus copiosè promanantem, ac denique, quòd ipsum COR suum tradiderit transfigendum; hic serius Crucifixi aspectus, & contemplatio vulnerum prædictum Centurionem non aliter, quàm magnes ferrum ad SS. & amorosum COR JESU pellexit, ut non abhorreret publicè coram omnibus Deitatem Crucifixi JESU profiteri: *Verè hic homo Filius Dei erat.*

Audis hoc, anima Christiana, quid unica meditatio, ac serius Crucifixi Salvatoris aspectus in Centurione potuerit? imitare, si

salutem tuam amas, hoc pulcherrimum militis exemplum, quod
Pf. 83, 10 tibi in monte Calvariæ monstratum est. *Sta* pariter ex adverso
 cum hoc centurione, & *respice in faciem Christi tui*; demitte
 exinde oculos tuos ad sacratissimum, & vulneratum COR Jesu,
 ac considera, *quis* sit ille, qui tam indigna patitur. *Sta*, & medi-
 tare, *quid* patiatur. *Sta*, & perpende, *pro quibus*, & quàm in-
 gratis hominibus patiatur. *Sta*, & contemplare, *cur*, & in quem
 finem tanta sustineat tormenta. *Sta*, & recogita, quid hætenus
 pro tot beneficiis tuo Redemptori, Patri amantissimo, Benefacto-
 ri maximo, ac tandem Judici integerrimo rependeris, nec disce-
 de prius ab hoc Crucifixo tuo Servatore, & sacra ejus effigie, donec
 pium aliquem affectum, & motum in mente tua senseris: sic fieri
 non poterit, quin Cor tuum, licet petrâ, & saxis durius per talem
 piam, ac seriam meditationem, præsertim divinissimi CORDIS JE-
 su fragatur, & oculi tui in compatientes lacrymas solvantur. *Ne-*
Blosius in *mo*, inquit Blosius, *Christi Crucifixi effigiem oculis compasionis*
Instit. *aspicit, quin ab ipso Crucifixo respiciatur oculis pietatis.*
spiric. c. 6.

Stradiera
Italicè in-
ganni. tr.
4. c. 8.

5. Occurrit hîc mihi, idque ad intentum meum, quod refert
 Franciscus Stradiera de Raphaële Urbinate pictore, qui, cùm in
 hac arte pictoria inter omnes illius ævi pictores solum Michaëlem
 Bonarotam observâset summè excellere, ejusque manum, ac mo-
 dum pro suo modulo in arte pingendi discuperet imitari, quid
 fecit? In absentia Bonarotæ importunis precibus, ac pretio non
 levi à servis ejus impetravit, ut cubiculum Bonarotæ ad tempus
 aliquod posset introire. Hæsit in hoc cubiculo sine cibo & potu
 Raphaël integro die, considerans attentiore animo è diversis, &
 necdum absolutis ejus imaginibus modum, artisque ingenium,
 quo in pingendo Bonarota solebat uti, & quomodo pari modo
 illam pingendi methodum imposterum posset pro viribus imitari.
 Et ecce! unica hæc dies dum in quiete ad singula attendebat, tan-
 tùm illi profuit, ut imposterum Raphaël Urbinas factus sit pictor
 celeberrimus, & altero die pingens se ipsum vicerit, & velut alterum
 Bonarotam in hac arte induerit.

Hoc tibi suadeo, quisquis es, prudens Lector, ingredi de die semel cubiculum tuum, in quo tibi imaginem crucifixi Redemptoris tui pro objecto tuarum meditationum propones; hîc pingere per memoriam, intellectum, & voluntatem, tanquam tres animæ potentias, adjungendo affectus commiserationis, gratiarum actionis, contritionis, admirationis, amoris, fiduciæ, & imitationis. Hîc labora juxta illum S. Pauli locum: *Ante quorum oculos JESUS Christus præscriptus est in vobis crucifixus*, Ubi Syrus in Bibliis maximis habet: *Ecce quasi pingendo depictus fuerat JESUS Crucifixus*. Hîc imitare naturam, ac sedulitatem apum ad conficiendum tibi mel devotionis, nunc volando ad sacrorum pedum vulnera, nunc te elevando ad SS. manuum foramina, nunc transeundo ad ipsum dilectissimum, ac divinissimum COR JESU, ideo apertum, & in æternum apertum permansurum, ut optatum ibi reparias animæ asylum, in laboribus requiem, & dulce manna, quoniam tot curis, miseriis, ac tentationibus animam deficientem possis efficere. Audi in hanc rem mellifluum Bernardum, verbo & exemplo tibi præeuntem: *Accede, inquit, tandem ad COR humillimum altissimi JESU per januam lateris lanceati, ibi thesaurus ineffabilis charitatis latet, ibi nova devotio invenitur, inde lacrymarum gratia extrahitur, discitur mansuetudo, patientia in diversis, compassio in afflictis, & præcipue COR contritum, & humiliatum ibi invenitur*. Gal. 3, 1.

6. Perpendamus pro dictorum confirmatione, quod aliquando Augusto Imperatori evenit, ad quem miles quidam non infirmæ conditionis, cum in jus vocatus esset, & de capite periclitaretur, accessit, supplicem libellum illi porrigens, ac humiliter flavitans, quatenus sibi in judicio adesse dignaretur. Ad quem Cæsar: *Commendavi causam tuam alteri*, inquit, & vicarium constitui, qui mei loco defensionem, & patrocinium tuæ personæ aget. *sed non ego, ô Cæsar*, reponit miles vociferans, *commendavi causam tuam alteri*. Cum enim in bello Actiaco de vita, honore, & regno periclitarexis, non alium vicarium quæsi, sed ipse pro te pugna-

S. Bern.
Tr. de
pass. D.
N. c. 44.

Le Blanc.
in Ps. 129
v. 6.

pugnavi, simulque cicatrices vulnerum in pectore suo ostendit, quæ pro salute Cæsaris quondam sustinisset. Erubuit ad hæc vehementer Augustus, & ne apud cæteros superbus, aut ingratus haberetur, ipse cum hoc milite in advocacy descendit, ejusque causam defendit, & illi vitam conservavit.

Age, anima Christiana! ad te hic pertinet sermo meus. Cum de tua æterna salute in Judicio Divino ageretur, DEUS in tui auxilium non Angelum, aut alium quemdam legatum submisit, sed Filium suum unigenitum de coelo amandavit, qui tuus Advocatus fieret, & per passionem: ac mortem suam in cruce ab interitu te redimeret. Et tu anima ingrata! pro honore Eucharistici, aut Crucifixi Redemptoris tui vix pedem de terra levare, vix unicam injuriolam illius causâ tolerare, vix in adversis vel levem patientiam exercere vis? En! monstrat tibi pretiosissimus Redemptor tuus etiamnum sacratissima sua Vulnera, & per apertum latus ipsum divinissimum COR suum, unicum Patris gaudium, habitaculum Spiritûs Sancti suavissimum, Primogenitum Matris Virgineæ, & deliciosissimum animarum sanctarum paradisum. Et hæc omnia tepidum ac durum Cor tuum ad redamandum ex toto Corde hoc SS. COR Jesu non permoveant? Nunquid si centum, si mille, si infinita haberes Corda, ea omnia, ac singula pro honore, & exaltatione hujus SS. CORDIS Jesu te

*S. Bonav. oporteret impendere? Si haberem COR unum, ait S. Bonaventura, quod majus
Stim. p. esset, quàm si simul essent omnia corda filiorum hominum, & omnes Angelorum
2. c. 3. affectus: adhuc tanto Domino minusculum parvum, imò quasi nihil esset: quanto
magis ergo illam parvam scintillam cordis, quam habeo, tibi dabo.*

7. Imitare denique naturam pullorum, qui, cum vel umbram accipitris in aëre circumvolantis advertunt, sine mora ad matrem suam gallinam recurrunt, sub cujus alarum præsidio non tam proteguntur, quàm & mira charitate foventur, unde lemma: *Fovet, atque tuetur.*

Solent autem proles illæ, quæ Cordi Gallinæ matris suæ viciniore adhærent, cæteris sub alis tantum degentibus, longè esse vivaciores, quia plus caloris à Corde illius, quàm reliquæ de pennis tantum recipiunt.

*Matth. O anima Christiana! vide hîc & considera pulcherrimum typum SS. COR-
23, 37. DIS Jesu, qui se ipsum ejusmodi gallinæ assimilavit: Quemadmodum gallina
congregat pullos suos sub alas &c. Si vis ergo ab insidiis infernalis accipitris, mundi,
& carnis defendi, sub pennis quidem ejus in cruce extentis tutum asylum re-
peries; sed longè vivacior in SS. amabilissimo illius CORDE efficiaris. Pro-
inde ad hoc COR altum Eucharistici & Crucifixi Jesu tui sæpius per devotam
meditationem accede, & invenies in eo optatam requiem
ac tandem vitam æternam.*

CONSIDERATIO XXI.

SS. COR JESU, quod usque in finem dilexit nos, parem quoque amorem & Dei & proximi à Corde nostro requirit.



Mandatum novum do vobis, ut diligatis invicem, sicut dilexi vos: Joan. 13, 34.

Postquam David plenius per experientiam didicit, DEum per suam essentiam, præsentiam, ac potentiam ubique existeret, & intima cordis humani abscondita rimari, ut omnes imposterum peccandi occasiones, quibus aliàs Principum aulæ scaterere solent, ex integro evitaret, virtutemque cum ardore sequeretur, pennas à DEO Cordi suo impensè postulavit, qui-
us instructum ab hominum consortio se elongare, & super mare in desertam quandam insulam posset transvolare, ubi solum per reliquum vitæ curriculum cum Deo solo ageret, & admissa delicta
X expia-

Pf. 54, 7. expiaret: Quis dabit mihi pennas sicut columbæ, & volabo, & Pf. 138, 8 requiescam. Et in alio loco: Si sumpsero pennas meas diluculo & habitavero in extremis maris &c.

le Blanc. in Pf. 54. v. 7. S. Bern. tract. de diligendo Deo fol. 297. Quærunt hîc Sacrarum Litterarum Periti, quidnam per has pennas, quas sibi Cor Davidis quondam tot ardentibus votis optaverat, propriè ac genuinè intelligatur? Respondet ad intentum *le Blanc* illustris Psalmodum Interpres: *Duæ alæ Sanctorum sunt duplex Charitas, Dei scilicet atque proximi.* His duabus alis si Cor nostrum instructum est, rectà sursum in cœlum volabit: *Dilectio* subintrat hîc *S. Bernardus*, *habet duas alas, ala dextra est dilectio Dei, ala sinistra est dilectio proximi, nec sola dilectio proximi sine dilectione Dei valet.*

Idem ser. 13. de modo bene vivendi. Et sicut avis unâ tantummodo alâ nequaquam volare, aut in altum se levare potest, sed omninò necesse est, ut duas habeat pennas: sic nullus homo, pergit in alio loco idem mellifluus, *cum una ala poterit volare ad cœlum, quare? quia nec sola dilectio Dei sine dilectione proximi, nec sola dilectio proximi sine dilectione Dei valet ad consequendam æternam beatitudinem.*

Proinde non immeritò columbæ unâ tantum alâ instructæ, & ab hac terra volatum suum in cœlum sed frustrà dirigenti, imponere in Schemate:

Non sufficit una.

Joh. 13, 34. 2. Et hoc est, quod SS. ac divinissimum COR JESU à corde nostro requirit, ut si pariter alatum, & duabus his pennis instructum unde cum jam ad Patrem ex hoc mundo per Passionem suam transire vellet, arcem hunc stimulum pro singulari valedictionis memoriam nobis reliquit: *Mandatum novum do vobis, ut diligati invicem, sicut dilexi vos.* Et quomodo, dices, mandatum novum hoc esse potest? Et nunquid in Veteri Testamento hoc idem mandatum à Deo impositum fuit? Consule Librum Deuteronomii c. 6 v. 5. & Levit. c. 19. v. 18.

Respondent ad hoc Interpretes, non ideo à Christo dici novum man

mandatum, quia recenter impositum, sed quia semper in novitate sua conservandum est, ut nunquam in nobis quasi vetus obsolescat lex enim cum nova est, strictè solet observari. Et sicut ignis, nisi novo alimento nutriatur, facile & citò extinguitur, ita charitas Dei & proximi in Corde nostro novis semper accessibus crescere & augmentari debet. De qua veritate figuram subministrat Leviticus, ubi DEus præcepit, ut ignis in altari, perpetuò arderet, & per Sacerdotem sedulò nutriretur, qui manè ac vespere per dies singulos nova itendidem ligna subjecit, &c.

Levit. 6,
12.

Et quemadmodum SS. COR JESU sine ullis nostris meritis priùs dilexit nos, sic pariter Cor nostrum proximum diligat necesse est, nutuòque amore illum præveniat, ac vitam, si opus erit, pro salute animarum impendat: *Mandatum habemus à DEO, ut qui diligit DEum, diligit & fratrem*: hoc enim ille præcepit, qui de se dixit: *Ego sum Via, Veritas, & Vita*: Via in exemplo, Veritas in promisso, & Vita in præmio.

1. Jo. 4.
21.

Jo. 14, 6.

3. Hanc gemminatam dilectionem Dei & proximi, quo jugiter Cor nostrum flagrare debet, pulcherrimè adumbrârunt duo illi aurei Cherubini, ad utrumque Propitiatorii latus collocati, quorum unus alterum assiduò respexit, & nec latum quidem unguem ab alio deflexit: *Extendentes alas, & tegentes propitiatorium, seque mutuò & illud aspicientes*.

Exod. 37,
9.

Per Propitiatorium rectè intelliges SS. COR JESU, quia factum est apud Patrem propitiatio pro peccatis nostris, ad hoc ergo divinissimum COR JESU respiciat amor Cordis nostri tum in Deum, tum in proximum: *Habeto*, inquit S. Augustinus, *charitatem in Deum, & in proximum, & eris sedes Dei, pertinebis ad Cherubim*.

S. Aug.
in Ps. 98.

Hanc utramque charitatem præsignavit scala illa miranda, per quam Jacob Angelos Dei ascendentes & descendentes observavit, supra quod eleganter S. Laurentius Justinianus: *Per dilectionem Dei ascenditur, & per dilectionem proximi descenditur*, & tamen eadem charitas est, quâ proximus in Corde nostro amatur propter Deum, quia ejus imago est, ut non solùm comparativè, aut appre-

Gen. 28,
12.

S. Laur.
Just. lib.
de obed.
c. 28.

tiativè super omnia diligatur, sed etiam ut omnes quoque nostræ actiones ad eum finaliter referantur.

Hunc geminū amorem præfiguravit pretiosus ille Thronus à pacifico Salomone ex purissimo auro & candidissimo ebore præparatus, cuius sedile duæ manus sibi invicem inclusæ tenebant: *Et duæ manus hinc atque inde tenentes sedile &c.* Sic, inquit Dionysius Carthusianus, *dilectio Dei & proximi se mutuò complectuntur.* Manus dextra charitas Dei est, & sinistra charitas proximi. Si ergo tibi vis sedem æternam, & thronū regium in cœlo præparare, juxta exemplar SS. CORDIS JESU, ama Deum & proximum: *Non enim proximum diligit*, ait Innocentius III. *quem inediā perimit, & egestate consumit, neque DEum diligit super omnia, qui præfert aurum. & præponit argentum.* Vide hîc Lector, quàm falsò tibi de amore in Deum blandiaris, si fratrem ac proximum tuum non diligas.

4. Auscultemus majora. Cur Moyse duas illas sanctas legis tabulas ex pretioso lapide manu Angelica elaboratas, cum populum Israëliticum tripudiantem, & vitulum aureum adorantem vidit, *Exod. 32, 19.* *sine mora confregit, & à se cum indignatione abjecit: Iratus valde projecit de manu tabulas, & confregit eas?* Mitiùs Moyse! ad quid ista pretiosa perditio; ubi respectus in Deum, qui ipse proprio digito in his tabulis decalogum conscripsit? quid in te peccarunt geminæ istæ & gemmæ tabulæ? cur saltem non unam reservasti integram? Observate Mysterium. In his duabus tabulis scriptæ erant præcepta, amorem Dei & proximi unicè concernentia, quia ergo populus legem Dei prævaricatus est, dum idolum ex auro conflatum adoravit, per facilem & certam consequentiam Moyse conclusit. Ergo neque mandata, quæ proximum tangunt, hic populus observabit: confringantur itaque ambæ legis tabulæ, cum una sine altera nequaquam possit consistere, hinc Cassiodorus: *Cassiod. utrumque conjunctum, utrumque sociatum, ut nec Deus sine proximo ametur, nec proximus sine Deo diligatur.*

12.

Amor Dei & proximi circino non est absimilis, qui, si circumducitur, in eodem puncto, à quo inceperat, iterum terminabitur, ut

ut orbem perficiat. En, Anima Christiana! sic proximus in Corde tuo amari debet puré propter Deum, in quo puncto ac centro omnia præcepta terminantur, cæteræ leges ac virtutes sunt circumferentia, sed amor punctum est: *Qui enim diligit proximum, legem implevit, & in eodem loco: Plenitudo legis est dilectio.* Rom. 13, 18.

Amor Dei & proximi sunt duo luminaria, majus & minus, Sol & Luna, post solem enim sequitur luna, & iterum post lunam sol: *Sed scito, ait Oliva, in lunam à sole lucem esse refundendam, Oliva non placet amor in proximos, qui aliunde, quàm à Dei amore emanat.* tom. 2. Strom.

5. Vultis adhuc plura ejusmodi geminæ charitatis Symbola? Dicite, cur olim Deus præcepit, ut omne Sacrificium sale condiretur: *Quidquid obtulerit Sacrificii, sale condies?* Ad quid sal in omni Sacrificio? Advertite. Sal ex duobus elementis componitur ex igne & aquâ. En typum veræ charitatis, nullum enim opus S8. CORDI JESU ita placet, quàm si ex charitate fiat, unde monet Veritas. *Habete in vobis sal, & pacem habete inter vos.* Levit. 2, 13.

Cur olim Deus voluit, ut Pontifex vestimentum ex cocco bis tincto gestaret: *Facient autem Superhumerales de auro & hyacintho & purpurâ coccòque bis tincto?* Respondet S. Gregorius Magnus, quòd per illum coccum charitatis Cordis nostri subaudiri debeat. *Erat autem pretiosus ille coccus bis tinctus, qui geminam dilectionem, & Dei & proximi in Cordibus nostris indicat.* Marc. 9, 49. Exod. 28, 6. S. Greg. hom. 16. in Ezech. 6. 40.

Cur quondam animalia illa non tam ab usu sacrificii, quàm etiam ab esu ut immunda fuerunt rejecta, quæ non divisam ac bisulcam habebant ungulam: *Omne, quod habet divisam ungulam, & ruinat in pecoribus, comedetis?* En iterum eleganter typum geninati amoris, qui per fissam animalium mundorum ungulam adumbratus est: *Quamvis multum jejunes, ait devotissimus Blosius, quamvis eleemosynas largiter tribuas, quamvis templum assidue ingrediaris, jugiterque ores, quamvis cœleste illud sacrificium quotidie in altari offeras; si fratrem odisti, non es de numero filiorum Dei. Charitate filii Dei à filiis diaboli secernuntur.* O Blof. par. an. c. 31.

notent sibi hoc Sacerdotes, Religiosi, & sæculares omnes! O notent sibi hoc! De quibus Osee: *Divisum est cor eorum.*

10. 6. Transeo ad novum Testamentum. Dicite, cur optimus ille Samaritanus pro peregrino Jerichuntino sanando & alendo duos hospiti denarios exsolvit: *Et altera die protulit duos denarios, & dedit stabulario?* Rationem assignat S. Augustinus: *Duo denarii,* S. Aug. in inquit, *sunt duo præcepta charitatis.* Quare Christus Dominus ad prædicandum & disseminandum sacrosanctum Evangelium binos Discipulos hinc & inde in diversa castella, pagos & oppida dimisit: *Et misit illos binos ante faciem suam.* Causam adstruit S. Gregorius, ut per hoc duplex charitatis præceptum insinuaretur: S. Gregor. *Dominus binos in prædicationem Discipulos mittit, quia duo sunt* hom. 17. *præcepta charitatis, Dei videlicet amor & proximi.*

in Evang. Quare mitissimus orbis Redemptor Christus viduam illam pauperulam adeò dilaudavit, quòd plus in gazophylacium templi, quàm cunèti cæteri divites miserit, cùm tamen solum duo minuta, aut duos quadrinos (ex quibus quinque unum bajocum aut cruciferum faciunt) in ærarium projecit: *Et convocans Discipulos suos ait: Amen dico vobis, quoniam vidua hæc plus omnibus misit.* Rationem assignat Bessæus & alii, quia hæc duo minuta geminum amorem, Dei videlicet & proximi præfigurabant; hic enim omnia dat, qui Cor suum DEO præbet, atque ex toto Corde suo juxta exemplar sacratissimi CORDIS JESU Deum ac proximum amat.

Quare quinque illæ Virgines fatuæ à coelestibus nuptiis à Divino Sponso fuerunt exclusæ: *Amen dico vobis, nescio vos?* Causam indicat ipse sacer Scriptor; *Non sumpserunt oleum secum:* per quod oleum Lyranus charitatem in Deum & proximum subaudit, quod in earum lampadibus, hoc est, in Corde earum, velut in amoris sede erat extinctum.

7. Collige ex his dictis Christiane Lector, quàm necessariò Cor tuum Deum amare debeat & proximum. Amor hic est primum illud mobile, quod omnes reliquos inferiores virtutum coelos com-

commovet; Sol est, qui omnes stellas ac coeli mystici sidera illuminat. Vestis nuptialis est, quâ qui indutus est; sine dubio ad nuptias Agni perveniet, quia domestici ejus vestiti sunt duplicibus. Mons ille est, in quo cum Lotho te oporteat salvari, si cum Sodomitis æternum non velis comburi: *In monte saluum te fac.* Auriga est, ipsum Cor amantis in coelum vehens. Experto crede Augustino, sæpius ita ad DEUM & ad SS. COR JESU suspiranti: *Amor meus, pondus meum, illuc feror, quocunque feror: de cu-* *Nadaſ. in Anno cœlest. 28. Augusti.*
jus Corde scribitur, quod adhuc certis temporibus ad Deum, velut si adhuc viveret, æstuarè, aspirare, & quibusdam motibus subfilire soleat, at tunc præsertim, quando in solenni hymno *Te DEum &c.* Sanctus, Sanctus, Sanctus decantatur.

Idem Sanctus à S. Gertrude quondam visus est in coelesti paradiso singulari pulchritudinis gloriâ decorus, de cujus Corde ad SS. *Idem loc. cit.*
COR JESU splendores ignei mittebantur, per quos ejus ignita eloquentia, quâ corda hominum ad amorem Dei inflammabat, ei divinitus manifestata est. Aliâ vice eadem Sancta Divum illum Antistitem vidit Cor suum divino dilectionis jaculo transfixum DEO in modum pulcherrimæ rosæ ambabus manibus offerentem. O utinam Cor nostrum simili amore & ardore in Deum ac proximum arderet! O divinissimum COR JESU! accende denuo hunc amoris ignem in Cordibus nostris. Expelle, ah expelle amorem proprium, qui quasi quibusdam catenis Cor nostrum vincit & adstringit, ne Deum, sicut tenemur, ex toto Corde, & proximum sicut pupillam oculi nostri diligamus.

8. In hac dilectione Dei & proximi eminebat fidelissimum Cor dilecti JESU Discipuli & dilecti MARIÆ Filii S. Joannis Evangelistæ, qui jam senex 99. annorum, cùm ante obitum suum omnium concionum de dilectione proximi epilogum peculiarem faceret, hanc medullam addidit: *Filioli diligite alterutrum.* Rogatus, cur ean- *S. Hier. in ep. ad Gal.*
dem semper clausulam in collectis suis ingeminaret? respondit: *Quia præceptum Domini est, & si solum fiat, sufficit.* Audis hoc, sufficit?

Vide

Vide ergo & considera, anima Christiana, qualem charitatem dilectus ille Apostolus è dulcissimo CORDE JESU hauserit. Proinde existimat Divus Ambr. S. Ambr. brosius, quòd non solùm Joannes in SS. PECTORE Christi JESU, sed & serm. 1. JESU vicissim in pectore S. Joannis recubuerit. Vis in eodem SS. CORDE de Epiph. JESU æternùm quiescere, ama Deum & proximum.

Nadas. in Alterum exemplum tibi Cor S. Ignatii Societatis JESU Fundatoris gloriosissi- an. coel. mi exhibet, suis moribus & virtutibus ac præsertim dilectione Dei & proximi SS. COR JESU accuratissimè in se depingentis, cujus ignita charitas totum terrarum orbem complexa est, dum omnium salutem & conversionem flagrantissimè desideravit, qui quandoque sublimis à terra inter orandum splendidâ apparens facie, auditus est dicere: *O Deus! O Domine! si te homines noscent! Deus amor cordis mei &c.*

P. Joan. Recentius illud est, quod cum V. P. Rocho Gonzalez ex eadem Societate Weyer S. JESU accidit, qui Vir planè Apostolicus zelo animarum impulsus usque in I. in Fil. Americam penetravit, ut ibidem gentiles ad fidem Christi converteret. Tandem post ingentem collectam animarum segetem à barbaris captus, vinculis Adopt. to. adstrictus, & crudelem in modum interfectus est, dum caput ejus crebro verberare contusum, tandem immiti ferro rescuerunt, corpus autem truncum & exanime cum devota quadam crucifixi imagine, quam è pectore gestaverat, in ignem projecerunt. Et ecce ingens prodigium! Postridie cum gentiles ad crudelitatis suæ spectaculum redirent, non tantùm sacram illam Crucifixi JESU effigiem in ignibus illæsam, sed & cadaver ejus truncatum, penitus innoxium invenerunt, reliquis rogo & lignis in cinerem resolutis, ubi novum miraculum accidit, dum vox Cordis venerandi illius Sacerdotis gentiles attonitos & in obtutu defixos sic allocuta est: *Cur occidistis me, qui vos dilexi, qui vos quaesivi, qui solùm vestræ salutis causâ huc usque peregrinatus sum? Occidistis corpus meum, & ossa mea contrivistis, at non animam, qua jam inter Beatos versatur in cælo: veniam ad opem vobis in vestris calamitatibus ferendam. Vide hîc & attende prudens Lector, veram charitatis victimam! O mortales omnes discite, ac vos præsertim, quibus animarum cura à Deo ac Superioribus demandata est, qualiter Deus & proximus amandus sit: Estote imitatores*

Dei, sicut filii charissimi, & ambulate in dilectione, sicut & Christus dilexit nos, & tradidit semetipsum pro nobis oblationem & hostiam Deo in odorem suavitatis.



CONSIDERATIO XXII.

SS. COR JESU propter scelera nostra attritum, Cor quoque contritum & humiliatum à nobis exigit.



Qui sanat contritos corde, & alligat contritiones eorum. Ps. 146, 5.

Sacrificia quondam diversa Deus diversis anni temporibus à populo suo electo exigebat. Pro Paschate agnum immaculatum sibi à populi multitudine voluit immolari. Pro Pentecoste primitias panum exegit. In Festo Tabernaculorum craterarum frugum primitiæ offerebantur. In Festo Expiationis summo Pontifice vitulus & aries; à senioribus verò populi duo capri ad ostium tabernaculi offerendi erant, quorum unus pro peccatis totius gentis immolatus, & alter liber in desertum dimissus est. Tempore partûs & purificationis à parentibus duos turtures, ut duos pullos columbarum postulavit, &c. Verùm inter omnia

Exod. 12, 3.
Levit. 23 17.
Levit. 23 40.
Levit. 16 3.
Levit. 12 8.

hæc sacrificia, & oblationes nullum Divinæ Majestati adeò acceptum fuit, ac Cor contritum & humiliatum hominis vere pœnitentis. Quid enim Deus bovis, ovis, aut hirci occisionem, & concremationem curat, si Cor offerentis longè ab illo est? unde David pœnitens:

Ps. 50, 18 Si voluisses Sacrificium, dedissem utique, sed per experientiam scio, quia *holocaustis non delectaberis*. Ast ubi idem Rex DEO suo Cor contritum & humiliatum, atque ad omnem satisfactionem paratum obtulit, & veniam, & gratiam meruit obtinere. Proinde lætus decantavit, & pro solatio nostro scriptum reliquit illud orbi decantatum: *Cor contritum & humiliatum, DEUS, non despicies.*

Ps. 146, 3 Et in alio loco: *Qui sanat contritos corde, & alligat contritiones eorum*, hoc est, sanans Corda contrita à morbo lethali peccatorum

Luc. 10, & velut bonus Samaritanus appropians alligat vulnera, *infundens*

34. *Joan. 19,* *oleum & vinum.* Quod optimus Deus in Cruce tunc fecit, quando militis lancea dextrum ejus latus usque ad divinissimum Cor, & pericardium penetravit, ex quo *continuo exivit sanguis & aqua*: sanguis, ut Martyrium signaret; aqua verò, ut Baptismum & pœnitentiam exprimeret, ubi Cor contritum ob offensum Deum, tanquam summum & unicum Bonum, in amaras lacrymas effunditur:

34. *Lib. 3.* *Nullum munus*, ait S. Hieronmyus, *Deo acceptabilius est, quàm compunctio cordis, prolata ex radice veræ dilectionis.*

sup. lam. *Hier. c. 2.*

2. Hanc veritatem de Corde contrito & humiliato per aliqua Emblemata conati sumus non tam adumbrare, quàm & magis dilucidare. Finge tibi Genium, qui botrum maturum manu continet, eumque usque ad lacrymas iu phialam exprimit cum Lemmate: *Quàm dulce dolere!* Finge tibi pro alio Emblemate pretiosa aromata, quæ, si integra permaneant, nullum suavem emittent odorem, sed, si pistillis in mortario contundantur, fragrantiam miram per aëra spargent cum Lemmate: *Contusa fragrant.* Aut pone tibi ob oculos fornaculam Chymicam, seu fornacem stillatoriam, in qua igne intus agente pretiosus liquor, seu quinta essentia ad instar lacrymarum copiosè emanat cum Lemmate: *Est honor & lacrymis.* Vel considera pro Symbolo vineam, tempore veris falce & cultro

cultro adunco à vinitore putatam, de cuius vitibus lacrymarum rivuli ubique profuunt cum Lemmate Italarum: *Doppo le lagrime i frutti.* aut Latinè: *Post lacrymas jam fundet opes.* Vel denique finge tibi (prout hîc ad propositum nostrum in schemate tibi exhibemus) aliqua corda humana, gravissimo saxo molari pressa & coangustata, quibus Cordibus non incongruè illud Picinelli pro Lemmate inscribes: *Contrita placebunt.* Aut, si fortasse magis tibi ad intentum arridet:

Coelo contrita resurgent.

O Anima Christiana! vide, quàm gratum SS. CORDI JESU sit Sacrificium Cor contritum & humiliatum. *Nullum*, ait Blofius, *in hac vita charius digniusque Sacrificium Deo Omnipotenti offerri potest, quàm Cor humile atque obediens.* Ejusmodi enim Cor contritum & humiliatum uva pressa, aroma contusum, fornax distillatoria, divino amoris igne intûs accensa, & vinea dilecta Domini Sabaoth est, quæ, licèt ab initio ex consideratione gravitatis peccatorum, & ob offensum tantum, ac tam infinitum Bonum animam amaritudine repleat: *Potâsti nos vino compunctionis:* attamen in fine Cor plenum cœlesti consolatione relinquit. Hinc omnes Psalmi Poenitentiales, prout observat S. Bonaventura, incipiunt à lacrymis, & terminantur in exultatione. O quantum in se dulcoris habet poenitentia, exclamat S. Antiochus Abbas, *quàm est suavis!* eò maximè, quia *suavis est Dominus noster malè à nobis commissorum facilè immemor, benignus, miserator humani generis; imò animarum amantissimus, modis omnibus prospiciens nostræ omnium salutis.*

§. An observâstis aliquando, quod probati Authores de sanguinatione cadaverum ad præsentiam homicidarum commemorant? Certè sanguis innocui Abelis, quem Cain in agro interfecit, absque ulla mora à Deo, justissimo omnium malorum Vindice contra impium suum interfectorem vindictam expetiit: *Quid fecisti? vox sanguinis fratris tui clamat ad me de terra?* imò & ossa arida per ejusmodi sanguinationem sæpe visa sunt contra suos persecutores vindictam postulare. Ita refertur de Reliquiis & aridir ossibus Tho-

In Apol. pro Thaulero. c. 6.

Pf. 59, 5.

S. Antiochus Abbas hom. 77.

Gen. 4, 8.

mæ Herofordiensis in Anglia quondam Episcopi sanctitate celeberrimi, quæ Reliquiæ, postquam longo post mortem ejus intervallo in conspectum Comitis Gloverniæ, prius hunc pium Antistitem ob Catholicæ fidei constantiam extremè persequentis, venissent, subito copiosum cruorem effuderunt.

Non absimilem casum recenset Beyerlinck in Theatro Vitæ Humanæ quòd Faber quidã cultrarius non procul à civitate Viennensi in Austria turpis lucri gratiâ peregrinationis suæ socium interfecerit, & in densa sylva occisi cadaver sepeliverit. Accidit, ut post 20. annos Nobilis quidam Austriacus in venatione secretiora nemoris illius antra lustraret, & canes cuncta dumeta, sylvæque latebras pervestigarent, qui tandem ad hujus interfecti cadaver penetrantes, illud insolito cum latratu è terra pedibus eruerunt: & quia hæcarida ossa nive candidiora erant, dictus Vir Nobilis aliqua sibi in usus manubriorum reservare voluit. Et ecce! dum ea Viennam reversus ad prædictum Cultrarium defert, sine mora ad attractionem, & contactum homicidæ largissimum sanguinem effuderunt, & publicè latronem prodiderunt, qui conscientiæ stimulis agiturus, ultrò patratum scelus confessus, & justò magistratûs judiciò ad condignam mortis poenam condemnatus est.

Consideremus nunc homicidium innocentis Uriæ, Davidis quodam jussu in acia derelicti, & occisi: *Posuit Uriam in loco, ubi sciebat, viros esse fortissimos, egressique viri de civitate bellabant adversum Joab, & ceciderunt de populo servorum David, & mortuus est etiam Urias Hethæus.* Cæterum nihil hîc in Scriptura insinuatur, quòd sanguis hujus viri innocentissimi à Deo justissimo omnium Arbitro contra Davidem vindictam expetierit. Res notatu & admiratione digna! cur unius interfecti sanguis, & non pariter alterius à Deo ultionem de homicida exegit? Respondet S. Ambros. *Quia Cain non confitebatur, David autem confessus est: Dixi, confitebor adversum me injustitiam meam Domino.* Nec nudè hoc suum delictum confessus est, sed Corde contrito & humiliato, atque in imbre lacrymarum ob offensum Deum, & gravitatem delicti lar-

2. Reg. 11
16.

S. Ambr.

sit. à

Vega.

Psf. 31, 5.

largissimè effuso, unde ait: *Exitus aquarum deduxerunt oculi mei, quia non custodierunt legem tuam.* Has lacrymas) Cordis contriti indices ac testes) tanquam pretiosas margaritas & gemmas benignus Deus in conspectu suo posuit, unde sanguis Uriæ, licet innocenter effusus, vindictam clamare non potuit. Econtra, quia Cain nec unicam lacrymulam pro delictis suis effudit, imò per omnem vitam impoenitens corde permansit, idcirco iusto Dei iudicio à sanguine Abelis accusatus, & condemnatus fuit. Disce ex hoc, quàm gratum apud Deum sit Sacrificium Cor contritum & humiliatum!

Pf. 118, 136.

Pf. 55, 9.

4. Nondum recedo à Davide. Revocate, obsecro, in memoriam miserandam stragem, quam quondam civitas Hierosolymitana spectavit, dum vindex Divinæ Justitiæ gladius intra paucas horas septuaginta hominum millia per vehementissimam pestem devoravit. Et ecce, dum fuit vindicta, David Rex videns Angelum truci vultu, & stricto mucrone horridum, mox cum suis supplex in terram procidit. Et quid sequitur? *Misertus est Dominus, & ait Angelo percutienti populum: sufficit.* Unde, & quam ob causam tam subita Divinæ Justitiæ mutatio? O mortales omnes! videte hîc, & considerate, quàm benignum, ac misericors sit COR Divinum his, qui contrito sunt corde! David vix culpam suam agnoverat, & confessionem suam ex animo contrito publicè inchoaverat: *Ego sum qui peccavi, ego iniquè egi.* Et ecce! mox Angelus furem gladium in vaginam recludit. *Et propitiatus est Dominus terræ.* O quàm igitur salutare verbum: *Ego sum, qui peccavi,* si ex intimo CORDIS dolentis sinu ad DEUM progreditur! O salutaris contritio! O beata *De gradipœnitentia,* exclamat S. Laurentius Justinianus, *tu es refugium humilium, contritorum levamen, veniæ porta, spes indulgentiæ, propriæ agnoscendæ infirmitatis magistra, terror demonum, virtutum nutritrix, gratiarum custos, orationis incentivum, lacrymarum origo, consequendæ misericordiæ præcursor, amica Angelorum, & spiritualis disciplinæ norma præcipua.*

2. Reg. 24 16.

De gradipœnitentia, bus per- fest. c. 3.

5. Dicite, quid Ninivitas, cum jam ultimum civitati instaret excidium, adhuc servavit incolumes? Nonne Cor eorum contritum,

- Jona.* 3, 10. & humiliatum? *Vidit DEUS opera eorum, quia conversi sunt de via sua mala, & misertus est:* etiam ringente Jonâ, qui noluit Prophe-
ta mendax haberi. O quàm satiùs est confugere ad Dei, quàm ho-
minum tribunal! Quid impium Manassen cum Deo reconciliavit?
2. *Paral.* 33, 11. nōne COR illius contritum, atque humiliatum? *Egit pœnitentiam valde coram Deo Patrum suorum, & exaudivit orationem ejus: reduxitque eum in regnum.* Quid Samariam à fame, bello, & ulti-
mo excidio liberavit? nōne Cor contritum & humiliatum Regis
4. *Reg.* 6. & 7. ac populi? *Viditque omnis populus cilicium, quo vestitus erat ad carnem intrinsecus.* Quid ignitos serpentes, ne universum murmu-
rantem populum inficerent, in deserto sustulit? nōne Cor eorum
- Num.* 21, 7. contritum & humiliatum? *Venerunt ad Moysen, atque dixerunt: peccavimus, quia locuti sumus contra Dominum, & te, ora, ut tol-
lat à nobis serpentes.*

Quid Petrum in atrio, Paulum in campo, Matthæum in telonio; Magdalenam in convivio; Zachæum in Sycomoro, Publicanum in templo, Filium prodigum in agro, & latronem in crucis ligno divi-
næ gratiæ restituit? nōne Cor eorum contritum, & humiliatum?

- Et quid dico? Cor contritum non tantum homines, sed etiam ju-
menta salvat. Unde Vates Regius: *Homines & jumenta salvabis Domine.* Et quæ jumenta, ais? num & bruta in cœlum venient?
- Psf.* 48, 13. Audi bone vir, an non peccator jumentum est? Ita Psalter: *Com-
paratus est jumentis insipientibus, & similis factus est illis.* An
non superbus splendidum pavonem præ se fert? an non avarus ca-
nis naturam imitatur? An non libidinosus hircum olet? invidus
serpentem; gulosus porcum; iratus leonem; desidiosus asinum!
Et tamen, ô admirabilem Cordis contriti virtutem! & tamen, in-
quam, unica lacrymula de Corde verè contrito promanans, hæc
jumenta in homines, bruta in Angelos, & bestias in Dei amicos
transmutat. O stupendum prodigium!

Nondum credis, & dubiùs hæres? Regem Nabuchodonosorem
consule per peccatum in ferum bovem, seu bisontem mutatum:

- Dan.* 4, 13. *Cor ejus ab humano commutetur, & cor feræ detur ei.* In quo
statu,

statu, ut fera, nudus imbri & rori aliisque cœli injuriis obnoxius, & humi manibus ac pedibus reptans, comedensque fœnum, ut bestia, septem annos consumpsit, donec tandem ad se reversus, Altissimum cognoverit, à quo toto corde contritus, compunctus, & humiliatus veniam, & regnum, ipsamque denique salutem æternam consecutus est, ut apud & cum Cornel. à Lapid. censent multi. O quàm verum igitur est, quod in hanc rem S. Chrysostomus insinuat: *Nihil ita Cor Philosophicum facit, sicut tribulatio.* Et S. Bernardinus Senensis, ubi peccatum ut lethale animæ vulnus, & ut pestiferum apostema consideravit, tandem hanc saluberrimam medicinam nobis præscribit: *Contritio, inquit, apostema pungit, confessio aperit, & saniem emittit, satisfactio cataplasmata apponit; per hanc igitur punctiorem conteritur cor humanum, & tunc peccati delectatio totaliter effunditur.*

S. Chrys.
f. 24. in
Ep. ad
Ephes.
S. Bern.
Sen. tom.
1. serm.
12. a. 1.
c. 2.

7: Occurrit hîc mihi memorabile factum, quod Ferrariæ celeberrima Italiæ urbe contigit. Cùm adolescens quidam, viribus robustus vegetus ac sanus ibidem plateas animi gratiâ obambulet, accidit, ut humi prolapsus inopinata morte extingueretur. Mirantur omnes in homine juvene ac sano tam inexpectatam necem; advocantur Medici, cogunt consilium, rimantur, & scrutantur cum chirurgis omnia hominis membra, sed neque in pulmone, neque in jecore, neque in splene, aut in aliis intestinis aliquid lethale reperiunt. Tandem, cùm ad cor venissent, illudque medium cultra dissecuissent; ecce in imo cordis fonte vivum vermem inveniunt, qui adolescenti ima cordis rodendô tam inopinatam mortem attulit; quem malefactorem vermem cùm Medici nulla arte, liquore, aut medicinâ possent occidere, tandem illum in succo, ab illis, & cepis expresso, necârunt.

P. Zehender
de verme
mala
consc. f.
38.

O Christiane! si Cor tuum simili verme malefactore laborat, si nalæ conscientiæ stimulo à simili occulto latrone jugiter Cor tuum oditur atque compungitur, non certius remedium, aut salubriorem medicinam invenies, quàm similem succum ceparum, hoc est, acrymarum, quæ ex Corde contrito, compuncto, & humiliato exprimun-

S. Thom. primuntur, quibus amoris lacrymis solùm ille vermis infernalis potest necari:
 Villan. Peccavimus fratres, ait S. Thomas Villanovanus, aut poenitendum, aut arden-
 conc. 1. de dum (non datur hîc medium) quantò ergo melius est modicùm poenitere, quàm
 iudicio. perpetuò ardere. O quantò melius!

8. Neque adeò difficilis est, prout multi arbitrantur, contritio, cùm amor super omnia non habeat tantam in exercitio difficultatem, sed difficultas nostra potissimùm in ignorantia radicem figit, dum optimum DEUM, ac tam infinitam ejus majestatem, bonitatem, amabilitatem, sanctitatem &c. non, sicut oportet, æstimamus, sed sæpe sæpius, ô miseriam nostram sanguineis lacrymis non satis deplorandam! etiam rebus vilissimis postponimus; hoc, inquam, si peccator magis perpenderet, quantum Deum inter & cæteras res omnes discriminis intersit, sine dubio sæpius, & facilius, ad veram contritionem (quæ est filialis dolor, & detestatio peccati, proficiscens ex motivo sinceri amoris erga DEUM offensum) excitaretur.

Gen. 4, 8. Neque existimo, facilius motivum ad excitandam perfectam contritionem inveniri posse, quàm considerationem SS. amabilissimi, ac divinissimi CORDIS JESU Crucifixi. De Protoparentibus nostris referunt antiquæ Hebræorum traditiones, quòd tam seriò, & animo verè contrito, & humiliato poenituerint, amarisque lacrymis tam enorme scelus suum, olim in paradiso in Deum admissum, deplorârint, quando Abelem dilectum, & prius speciosissimum filium suum, nunc autem à fratre proprio tam perfidè vulneratum, occisum, sanguine conspersum, & in agro deformatum jacentem invenerunt, ex cujus deformitatis, & mortis per peccatum in orbem inductæ consideratione oculi amborum longè magis aperti sunt, quàm ex jactura paradisi, à quo fuerunt eliminati: hinc seriò peccatum suum detestati sunt, & quia animo contrito, & humiliato ad Christum JESUM, futurum Messiam in umbra jam tunc suspirabant, ideo ad veniam, & gratiam meruerunt pervenire. Age, quisquis es, ô mortalis homo! En ostendo tibi longè innocentioris vitæ Abelem, pariter occisum, vulneratum, deformatum, sanguine conspersum, & in cruce propter te suffixum, vis scire tam nefarium homicidam, qui Authorem vitæ innocentissimum JESUM interemit? ah quid circumspicis? quid miraris? tu es ille vir mortis, tua superbia caput JESU spinis coronavit, tua libido clavis illum affixit, tua gula illum felle & aceto potavit, tua invidia illum flagellavit &c. ac tua denique scelera SS. COR JESU tam crudeliter sauciârunt: sic scilicet sustinet DEUS, quod committit homo. Quid ergo consilii anima peccatrix? Ecce non habes aliud medium, quàm SS. Vulnera, quàm divinissimum COR JESU! huc, huc Corde contrito, & humiliato confuge, non deerit gratia, quamdiu COR ejus erit apertum. Dic proinde: O JESU, summum Bonum meum, super omnia amo te, ideoque ex animo doleo, quòd te unquam offenderim, propono seriam emendationem, confessionem, & satisfactionem &c.

CONSIDERATIO XXIII.

SS. COR JESU ex omnibus amabilissimum est, cujus immensa
charitas præsertim ex institutione SS. Eucharistiæ mirè relucet.



Cum dilexisset suos, qui erant in mundo, in finem dilexit eos.
Joann. 13., 1.

Egit quondam Sapientissimus Deus in Veteri Testamento, ut pictor quidam peritus agere solet, qui imaginem aliquam artificiosam posteritati consignaturus, non statim à principio operis ad vivos solet transire colores, sed priùs illam imaginem nigro carbone designat, & quasi in umbra describit, dein per picillum, sed adhuc rudem, adhibet; demum cum omnia juxta propositam sibi ideam adumbravit, primùm vivos adhibere colores solet, quibus imaginem mirè illustrat, ac tandem ad vivum pergit. Ita, inquam, à primordio creationis mundi, ac per totum Vetus

tus Testamentum egit benignissimus DEUS, dum divinam imaginem unigeniti Filii sui, aliquando in SS. Eucharistia, & in ara Crucis pro nostra omniumque salute immolandi, non statim à principio ad vivum, sed quasi in obscura adhuc umbra per varios typos ac figuras illi populo Hebraico voluit delineare, ubi tandem, cum venit plenitudo temporis, ad vivos colores progressus est, dum ex purissimo CORDE & Sanguine B. Virg. MARIAE, cooperante Spiritu S. hanc divinam imaginem (unigenitum Filium suum JESUM Christum) non tantum ad vivum produxit, sed & illius SS. COR, tanquam perfectissimam Divini in nos Amoris ac virtutum omnium ideam, tum in SS. Eucharistia, tum etiam in Cruce (quod idem Sacrificium est, solâ offerendi ratione diversâ) nobis proponere voluit ad amandum, colendum, & imitandum, imo etiam ad percipiendum, ac intimè cum corde nostro conjungendum.

2. Hanc SS. Eucharistiam ex Sacratissimo CORDE JESU principaliter promanantem adumbravit quondam illud salutiferum vitæ lignum in paradisi medio plantatum, quod vitam humanam (humido etiam radicali deperdito) adhuc longissimè protraxisset: *Produxitque Dominus lignum etiam vitæ in medio paradisi &c.* Hanc præsignavit Manna illud cœleste, populo quondam Israëlitico per quadraginta annos in deserto communicatum, per quem panem medicinale per omne illud tempus omnis populus etiam à corporis infirmitate servatus est immunis, hinc illud Regii Vatis: *Et non erat in tribubus eorum infirmus.* Hanc significârunt Panes Propositionis, Deo quondam in aurea mensa oblatis, qui solum à puris & sanctificatis mentibus poterant manducari: *Et pones super mensam Panes Propositionis in conspectu meo semper, &c.* Hanc præfiguravit Agnus ille Paschalis, & Agnus Matutinus, ac Vespertinus, quotidie pro salute populi in templo oblatus: *Hoc est, quod facies in Altari: Agnos anniculos duos per singulos dies jugiter, unum agnum manè, & alterum vespere, &c.* Hanc expressit in umbra Panis ille subcinericius, in cujus fortitudine quondam Elias Prophetæ ambulavit usque ad Montem Dei Horeb: *Et ecce ad caput suum sub-*
- Gen. 2, 9.*
Pf. 104.
37.
Exod. 25,
30.
Exod. 29,
38.
3. Reg. 19
6.

subcinericius panis &c. Item farina Elisæi, quæ omnem amaritudinem in olla mortis sustulit: *Et non fuit amplius quidquam amaritudinis in olla.* Item pulmentum Habacuc, in quod panem intriverrat, quo Daniele in lacu à morte liberavit: *Dixitque Angelus Domini ad Habacuc: Fer prandium, quod habes, in Babylonem Danieli, &c.*

4. Reg. 4.

41.

Dan. 14.

33.

Mitto plures alias figuras & umbras, quibus infinitus DEUS imaginem unigeniti Filii sui Eucharistici quondam illi populo Israëlitico quasi adhuc in umbra descripsit, sed postquam Verbum incarnatum fuit, & denuò, explanatâ lege Evangelicâ ad Patrem, unde exierat, redire cupiens quid fecit? O ingeniosus amor Sacratissimi CORDIS JESU! Ecce in signum ac tesseram summæ charitatis suæ, quâ usque in finem nos constantissimè dilexit, seipsum non in umbra amplius, sed in ipsa veritate, in SS. scilicet Eucharistiæ Sacramento, tanquam vivam imaginem proposuit sumendam adorandam, & amandam, per quam admirandam hujus SS. & augustissimi Sacramenti institutionem omnes umbræ cessârunt, proinde pro Lemmate ejusmodi superiùs designatis figuris impones:

Umbram fugat veritas.

3. Fateor, magnus fuit ille amor in Corde Jonathæ Principis er-
a Davidem humili loco natum, quo eum in omni periculo, ac vi-
e discrimine semper constantissimè usque ad finem vitæ dilexit,
deo ad contestandum hunc suum amorem propriâ etiam tunicâ
exuit, & quodammodo sic dignitatem personæ suæ exinanivit,
t amicum suum optimum ac maximum contegeret, atque à Patris
â, modo quo posset, protegeret: *Inierunt autem David & Jo-* 1. Reg. 18
athas fœdus: diligebat enim eum quasi animam suam, nam expo-
avit se Jonathas tunicâ, quâ erat indutus, & dedit eam David. 4.

Cessent umbræ! Major fuit ille amor SS. CORDIS JESU erga a-
nimam tuam & Cor tuum, O Christiane! quando eo ipso tempore,
uo Crucem tu illi parabas, non tantum tunicam suam, sed & se-
ipsum tibi in SS. Eucharistia tradidit sumendum. Perpende, si po-

teris, divinæ hujus charitatis amplitudinem, quâ SS. COR JESU te indignum amavit, & etiamnum non cessat amare, dum toties ad te dignatur venire, quoties tu cupis ad hunc gratiæ thronū accedere.

Iſa. 5, 4. O amor! quid est, quod debui ultra facere vineæ meæ, & non feci ei?

4. Elias in coelum per turbinem ascensurus Elisæo discipulo suam pellotem seu pallium candidum in singularem stueri amoris tesseram reliquit, quo ille mox mira patravit prodigia, dum aquas Jordanis per illius contactum divisit, & viam sibi ab una ad alteram fluminis ripam paravit: *Et levavit pallium Eliæ, quod ceciderat ei.*
 13. Plus Dominus noster in SS. Sacramento, quàm Elias in plaustro: cum enim per turbinem Passionis jam iter in coelum pararet, non pallium suum; sed seipsum & SS. COR suum sub candido pallio specierum panis & vini in SS. Eucharistia in singulare animarum nostrarum solatium & futuræ gloriæ pignus reliquit.

O anima Christiana! perpende hîc mirandam divini amoris abyssum. Mari quondam DEUS suos terminos posuit: *Usque huc venies, & non procedes amplius*, sed amor SS. CORDIS JESU in SS. Eucharistia nullum novit habere modum: *Verè*, infert hîc S. Chrysostomus, *in finem dilexit eos, hoc est, ad finem amoris, quia quid amplius pro amore nostro præstare potuit, quàm ut seipsum traderet nobis?*
Job. 38.
 11.
S. Chrys.
hom. 6. in
Joan.

Multum amavit Joseph fratres suos, licet perfidos proditores, omnique amore indignissimos, quos non tantum tempore sumæ egestatis benigno vultu & cum lacrymis excepit: *Osculatusque est Joseph omnes fratres suos, & ploravit super singulos*, sed & illos ad regalem suam mensam admisit: *Ponite panes, &c.* Vide hîc & considera in Josepho Cor planè regium, ac plus quàm humanum, quod non solum omnium injuriam obliviscebatur, sed & pessimos hostes suos, nunc amicos optimos ultro pane & vino abundè refecit, frumentoque pro viatico in abundantia stabilivit: *Ubique gratiosus Joseph*, inquit Petrus Cellensis, *sed in convivio magis; in convivio etiam venditus non negat negatam sibi germanitatem &c.* Sed quid hæc umbra respectu illius immensi amoris, quo divinissimum COR JESU in SS. Eucharistiæ Sacramento & Discipulos suos & nos omnes

licet

licet omni amore indignissimos, etiam cum inimici essemus, dilexit, & necdum hodie amare cessat: *Quis loquetur potentias Domini*, exclamat præ admiratione Os illud Aureum, & *quis pastor oves proprio pascit cruore!* S. Chrys.
loc. cit.

5. Aman supremus Aulæ Persicæ Minister magno sibi quondam honori ac gloriæ duxit, vel unicâ vice in Regis mensa esse convivam, unde ad amicos dixit: *Cras cum Rege pransurus sum*. Prande tu cum Rege tuo, & cras suspenderis in patibulo, hic mundi favor est, & simul interitus. Nos alium Regem habemus: qui non ad regiam duntaxat, imò divinam suam mensam affectu planè plus quam paterno nos invitat, sed & seipsum dulcissimùmque COR suum nobis apponit, atque in cibum potumque tradit, ac sic quodammodo COR unum facit. O bone JESU! *Quid est homo, quia magnificas eum? aut quid apponis erga eum Cor tuum?* O extasin amoris? & quid non cogis facer amor? DEum ipsum extra se rapis, ut planè in hoc sanctiss. amoris Sacramento nobiscum intimè uniatur: *Sicuti*, Joh. 7,
17. sunt verba S. Cyrilli Alexandrini, *si quis liquefactæ ceræ aliam ceram infuderit, alteram cum altera per totum commisceat necesse est. Sic qui carnem & sanguinem Domini recipit, cum ipso ita conjungitur, ut Christus in ipso, & ipse in Christo inveniat. O felix unio SS. CORDIS JESU cum Corde nostro! Et quin aliquando Cor nostrum amore liquecet erga hoc amabiliss. COR JESU, præsertim in SS. Eucharistiæ Sacramento?* *O dulcissime & benignissime JESU!* S. Cyrill.
Alex. cit.
à P. Leone
à S. Laur.
f. 557. exclamat devotissimus Kempensis, *quanta tibi reverentia & gratiarum actio cum perpetua laude pro susceptione Sacri Corporis tui debetur, cujus dignitatē nullus hominū explicare potens invenitur?* Thom. à
Kemp. l.
4. de Imit.
Chr. c. 2.

6. Ad roborandam magis hanc veritatem, occurrit mihi, quod scriptura de Elisæo commemorat. Venerant eo temporis intervallo in Samariam milites Regis Syriæ, in hunc finem ab eo in illam regionem ablegati, ut Elisæum Prophetam aut vivum caperent, aut mortuum Regi suo adducerent. Quid agit optimus Elisæus? Cum Rex Israël nunc per accommodam occasionem nactus, de hostibus suis à DEO coecitate percussis, vindicare se vellet: *Nunquid percu-*

tiam eos Pater mi? Non permisit Propheta, ut vel unus illorum militum occideretur, sed ultionis loco eos ex longo itinere famelicos
 4. Reg. 6, abundantiam pane, magnoque ciborum apparatu refecit: *At ille ait:*
 22. *non percuties, neque enim cepisti eos gladio & arcu tuo, ut percutias, sed pono panem & aquam coram eis, & comedant & bibant, & vadant ad Dominum suum. Et sequitur: Appositaque est eis ciborum magna præparatio, & comederunt & biberunt, & dimisit eos, abieruntque ad Dominum suum, & ultra non venerunt latrones Syriae in terram Israël.* Quis hinc non obstupescat ingentem Elisæi amorem erga latrones? Verumenimverò infinities major fuit SS. CORDIS Jesu amor erga te, ô anima ingrata; cum enim ipsi lignum crucis pro pane præparares: *Mittamus lignum in panem ejus;* cum ei acetum & fel amarissimum in potum propinares: *Fel draconum vinum eorum, & venenum aspidum insanabile;* cum instanter hunc innocentissimum Agnum ad mortem crucis postulares: *Morte turpissimâ condemnemus eum.* Ecce mitissimum COR Jesu harum omnium oblitus injuriarum, non gladio justitiæ te percussit, sed apposuit tibi panem & vinum, imò propriam carnem & sanguinem in cibum & potum in SS. Eucharistia toties, quoties tibi placet, sumendum. O pulcherrimum vindictæ genus! ô amor nullis unquam sæculis auditus! *Aspicite & videte, admiramini & obstupescite, quia opus factum est in diebus vestris, quod nemo credet, cum narrabitur.* O mi Jesu! leo ille à Samfone occisus in ore suo favum mellis proprio suo interfectori subministravit: *Ecce in ore leonis favus mellis!* Tu ô mi Redemptor, tanquam leo de tribu Juda pro immensa tua benignitate etiam infensissimis inimicis, imò & interfectores tuis divinissimum manna SS. Corporis & Sanguinis tui in cibum & potum subministras, quid dulcius hoc Eucharistico melle? & quid fortius hoc leone? O quàm magna est multitudo dulcedinis Sacratissimi CORDIS tui? O animæ Christianæ gustate & videte, quàm suavis sit Dominus, & quàm dulce divinissimum COR Jesu: *Cujus vel ferreum pectus, exclamat S. Laurentius Justinianus, aut adamantina mens non liquecat præ devotione, cum Deum sibi & se Deo*
 S. Laur. Just. de discip. Monast. cap. 9.

senferit corporaliter unitum? non capit cor, lingua deficit, humanus sopitur sensus ad investigandum tanti arcana mysterii. O quantæ ibi deliciae, quantus ardor, qualia verba, quam casti amplexus gustantur &c.

7. Num aliquando considerâsti prudens Lector illam benedictionem, quam Isaac Patriarcha morti vicinus filio suo Jacobo natu minori impertiit? Miserat hic optimus Senex Esau filium majorem in sylvam, ut de venatione sibi cibum pararet, & sic supremam patris benedictionem acciperet. Audiit hoc Rebecca mater, & filiū, quem diligebat, Jacobum vestimentis optimis fratris sui Esau indutum, pellibusque hoedinis circa colli nuda contextum ad patrem in cubiculum amandat, cui mox pater, cū ab eo cibum recepisset, vinūque propinatum delibâsset, largissimam benedictionem impertiit: *Det tibi DEus de rore cæli & de pinguedine terræ abundantiam frumenti & vini.* Tandem & Esau de sylva domum redit, ac præparatis cibis, sicut velle patrem suum noverat, supremam ab eo benedictionem exposcit: *Surge pater mi, & comede de venatione filii tui, ut benedicat mihi anima tua.* Quid ad hoc optimus parens? *Expavit*, ait scriptura, *stupore vehementi*, & Esau clamore magno quasi leo in sylva de erepta præda irrugiit: & cū vehementiùs saltem pro aliqua paterna benedictione instaret, ad eum pater conversus dixit: *frumento & vino stabilivi eum: & tibi post hæc, fili mi, ultra quid faciam?* quasi diceret: nihil ampliùs habeo pro te, dedi fratri tuo omnia. Bone Deus, quis hîc non obstupescat? quis non miretur tam inexpectatam boni hujus Senis responsionem? Et nunquid mi Pater similem quoque benedictionem filio tuo Esau potuisses impertire? minimè, reponit Isaac, jam *frumento & vino stabilivi eum*, pro Esau autem nil ampliùs occurrit: *At tibi post hæc, fili mi, ultra quid faciam?* Respondet ad rem appositè Abbas Paschasius, quòd per illud frumentum & vinum, quo Isaac discessus nunc ex hoc mundo filium suum Jacob stabilivit, optimè SS. & Angustissimum Eucharistiæ Sacramentum intelligatur: *Hoc est*, inquit, *apertè dicere: firmavi eum pane Corporis Christi, vino sanguinis;*

Gen. 27.

Paschas.
de Corp.

& sang.

Chr.c.21.

guinis; tibi autem filio ultra quid faciam? Hic non amplius datur: *Plus ultra* quia inter omnia opera divina ac mirabilia, quæ unquam patavit, aut patrare poterat divina potentia, hoc longè maximum est, dum diviniss. COR JESU quodammodo seipsum exinanivit, exhausit, atque evisceraverit, ut se nobis in cibum ac potum præberet: *Ultimus gradus amoris est*, ait S. Bernardinus, *cum se dedit nobis in cibum, quia dedit se nobis ad omnimodam unionem & transformationem, sicut cibus & cibans invicem uniantur; sic dignè illum recipiens in ipsum per ardentissimum amorem totaliter transformatur.*

S. Bern.
cit. à
Mansi
tom. 2.
disc. 47.

8. Magnus, fateor, fuit amor illius viri pauperis in unicam oviculam suam, quam tam tenerè amabat, ut de mensa propria participaret, & ex eodem calice cum ipso biberet, quam parabolam quondam Nathan Propheta Regi Davidi peccanti, ut illum ad frugem reduceret, in faciem objecit: *De pane illius comedens, & de calice ejus bibens.* Sed ad quid hæc enarro? Plus & infinities plus te amavit. O Anima Christiana! SS. COR JESU: *In finem dilexit eos;* & ut jugem hujus immensi amoris haberes memoriam, ecce quotidie in SS. Eucharistiæ Sacramento tibi COR suum tradit in pignus futuræ gloriæ: *Qui est pignus hereditatis nostræ in redemptionem acquisitionis.*

2. Reg. 12
3.
Joan. 13,
1.
Ephes. 1,
14.

9. Quid igitur superest, quàm ut debitum cultum ac dignam venerationem huic Divinissimo CORDI JESU in SS. Sacramento deferamus? Si olim Hebræi umbram & figuram hujus sacrosancti Mysterii, hoc est, Arcam fœderis tanto profecuti sunt honore, ut David mandaverit, coram illa victimas & sacrificia solenniter immolari: *Et introduxerunt Arcam Domini, & imposuerunt eam in loco suo, in medio tabernaculi, quod tetenderat ei David: & obtulit David holocausta & pacifica coram Domino.* Si Rex Salomon eidem Arcæ fœderis templum magnificentissimum immensis propemodum sumptibus curavit ædificari, pro qua Arca ob peculiarem illius dignitatem singulare ac pretiosissimum tabernaculum extrui jussit, quod Sanctum Sanctorum voluit appellari: *Et intulerunt Sacerdotes Arcam Fœderis Domini in locum suum, in Oraculum templi, in Sanctum Sanctorum.* Quali igitur honore & adoratione dignum erit ipsum vivum ac Divinissimum COR JESU in SS. Sacramento, ubi diu noctûque præsens tibi. O Anima! pro omni tempore paratum se exhibet, ut in rebus adversis tibi solamen, in dubiis consilium, & in periculis optatum ferat auxilium? *Et erunt oculi mei & COR meum ibi cunctis diebus.*

3. Reg. 8,
6.
3. Reg. 9,
3.

Accede igitur cum omni fiducia ad hunc thronum gratiæ, memor semper, quod etiam Petri umbra plures à suis curaverit infirmitatibus: *Ut in platea ejicerent infirmos, & ponerent in lectulis ac grabatis, ut veniente Petro saltem umbra illius obumbraret quenquam illorum, & liberarentur ab infirmitatibus suis.* Quicquid igitur non faciet mitissimum ac diviniss. COR JESU in SS. Eucharistia, si illud debito cultu & adoratione ac in animo contrito & humiliato visitaveris?

CONSIDERATIO XXIV.

SS. CORDIS JESU singularis effectus fuit institutio SS. Sacrificii Altaris, quod prorsus idem est cum Sacrificio Aræ Crucis.



Vespere autem factō discumbebat cum duodecim Discipulis suis. Matth. 26, 20.

Quod Sol est inter sidera, hoc SS. COR JESU est inter cætera humana & omnium prædestinatorum Corda. Sol ideo situs est in medio planetarum, ut eis non præsit tantum, sed & singulis lumen suum impertiat. Sol, inquit S. Ambrosius, est *S. Ambr. oculus mundi, jucunditas diei, pulchritudo cæli, mensura tempo- in Hex. rum, & vigor omnium stellarum*; quo surgente omnia vivifican- *die 4.* ur, quo abeunte omnis natura languescit. Verbo: universus terrarum orbis participat de beneficio Solis, sine quo omnia sunt mortua, infructifera, cæca, & atra tecta caligine. Proinde haud imèritò

A a

huic

huic serenissimo astrorum Regi, post illustratum orbem terrarum paulatim ad occasum properanti illud S. Petri pro Lemate inscribe

Pertransiit benefaciendo.

Per hunc Solem omnibus in suo cursu diurno beneficientem, tandem magnis passibus ad vitæ occasum properantem non incongruè Sacratiss. COR Jesu intelliges, de quo S. Petrus commemorat quòd pertransiit benefaciendo, & sanando omnes oppressos à diabolo. O quis poterit enumerare omnia ac singula beneficia, quæ miferis mortalibus hoc diviniss. COR Jesu per omnem vitam contulit ac etiamnum nobis confert? quæ si connotarentur, arbitratur?

Actor. 10, 38. Joaões, nec ipsum mundum capere posse eos, qui scribendi sunt, libro.

Joan. 21, 25. Et ecce! ut tandem epilogum suæ omnipotentiae demonstrare & affectum infiniti amoris sui pleno impetu in nos effunderet, quid fecit? *Vespere autem facto*, inquit S. Matthæus, *discumbebat cum duodecim Discipulis suis, &c.* Et S. Paulus: *In qua nocte tradebatur, accepit panem, & dixit: Hoc est Corpus meum, quod pro vobis tradetur &c.* Ubi ingens ac planè stupendum amoris certamen in hoc amabilissimo CORDE Jesu exortum est: Duo amore ait Didacus Stella, *ad invicem oppositi COR Christi expugnabant unus eorum abire hortabatur, alter manere. Maximus amor quem erga nos habebat, abire accumbentem agitabat, quandoquidem mors ejus in nostram vitam & redemptionem cedebat, & sibi Discipulis dixit: Expedit vobis, ut ego vadam, necessarius enim erat nobis ejus transitus. Itaque unus amor dicebat, ut abiret, & redimeret nos, sed alius erat amor maximus, quo nos prosequeretur, qui suadebat manere, cum enim nos maximo prosequeretur amore, à nobis abesse renuebat, nam qui multum diligit, semper re sibi amatam præsentem esse, & in conspectum dari maximè desiderat. Utrique amoris sapientissimè Christus satisfecit, nam adiit & nobiscum mansit. Abiit videlicet ad passionem, Crucem, & mortem, & nobiscum mansit in SS. Eucharistiæ Sacramento, in quo prout loquitur Sacra Synodus Tridentina, divitias sui erga homines amoris velut effudit.*

Concil. Trid. sess. 13. c. 2.

2. Placuit autem SS. CORDI JESU hoc amoris Sacramentum instituire, ac primum incruentum Missæ Sacrificium Deo Patri suo offerre circa vesperum, ubi Sol aut jam occubuit, aut certè ad occasum properabat: *Vespere autem facto.* Et cur vespere ad Solis occasum dulcissimum COR JESU hoc divinum Epulum & incruentum Sacrificium instituit? cur non manè, aut in meridie? Observa, studens Lector, quòd mitissimus Redemptor tuus non venerit solvere legem, sed adimplere; non enim voluit, ut jota unum, aut unus apex de lege præteriret, donec omnia adimplerentur. Hujus item SS. Sacrificii perfectissimum typum quondam gessit Agnus Paschalis, vespertino quoque tempore ante transitum maris rubri à Patribus immolatus: *Tollat unusquisque agnum per familiam ... Et edent carnes nocte illâ assas igni, & azymos panes cum fœtucis agrestibus;* quòd manducato, mox populus se ad iter per mare rubrum in Palestinam paravit.

Exod. 12.

3.

Patrem typum gestavit Agnus ille vespertinus, quotidie ad Solis occasum pro peccatis totius populi, tanquam jure Sacrificium immolatus: *Alterum verò Agnum offeres ad vesperam juxta ritum institutionis, & juxta ea, quæ diximus, in odorem suavitatis.* De eodem Agno legali singulis diebus ad Solis occasum in templo oblato etiam mentionem facit Daniel Propheta, dum illi tunc pro salute populi oranti Gabriel Archangelus circa vesperum, & durante adhuc illo Sacrificio vespertino apparuit, eumque clarescè edocuit, quomodo ex hac figura figuratum deberet cognoscere, & quomodo post hebdomades sexaginta duas Christus esset occidendus: *Tetigit me in tempore Sacrificii vespertini &c.*

Exod. 29,

41.

Daniel. 9,

21.

Vide hîc, & admirare, quomodo SS. COR JESU Patri per omnia seculum sit obediens usque ad mortem, & quàm exactè similes de se prædictas figuras impleverit. Et hæc causa est, quòd non manè aut in meridie, sed vespere hoc SS. Sacrificium Altaris, ut verum propitiatoriumque holocaustum, & hostiam pacificam voluerit instituire. Alludebat nimirum hoc benigniss. COR JESU ad illud cruciatum Sacrificium, quod sequenti die in Ara Crucis pro omnium

Sess. 22.
cap. 2.

salute, etiam circa vesperam ad Solis occasum esset completurum, demonstrans per hoc universo orbi, idem planè esse Sacrificium & Altaris & Crucis, atque unam eandemque esse hostiam sub hoc solo discrimine, prout insinuat Sacra Synodus: *In hoc divino Sacrificio, inquit, incruentè immolatur, qui in Ara Crucis semel seipsum cruentè obtulit.*

Jeremia
11, 19.

3. Ex adductis hætenus rationibus capio, quod usque huc capere non potui, quod scilicet impii illi ac scelerati Judæi amantissimo Servatori nostro lignum in panem voluerint miscere: *Mittamus lignum in panem ejus, & eradamus eum de terra viventium.* Et quid lignum ad panem, & panis ad lignum? quomodo hæc possunt convenire? Desine mirari, Anima Christiana! cùm hæc & plura alia illis contingerent in figura, nobis autem ad correptionem. Lignum Crucem Dominicam & panis in lignum missus SS. Eucharistiam præsignavit, qui Panis Eucharisticus semper ligno Crucis esse conjungendus, vix enim amantiss. Jesus hunc Panem in ultima cœ-

Luc. 22,
19.

na consecravit, & Apostolis suis præcepit: *Hoc facite in meam commemorationem.* Ecce mox & impii Judæi hunc Panem vitæ qui de cœlo descendit, comprehenderunt, & in Crucis ligno confixerunt: *Panis*, subintrat hîc Hugo Cardinalis, *quem ego dabo caro mea est, quam ego dabo pro mundi vita; Panem hunc ligno confixerunt, qui putabant, se memoriam illius extincturos.* Ergo SS. Sacrificium Missæ vera Dominicæ Passionis commemoratio, non tantùm in repræsentando, sed etiam, prout Scholæ loquuntur, in essendo.

Joan. 6.
Hugo
Card. ibi-
dem

4. At verò de fornace etiam inquires, in qua hîc panis vitæ coctus & paratus sit, & de mensa, seu Altari, in quo pretiosissimus Servator Orbis hoc SS. Sactamentum instituerit? Quod mensam concernit, videbis illam Romæ in Templo Lateranensi S. Joannis religiosè asservatam, quàm singulis annis in die Cœnæ venerationi fidelium exponunt. Verùm non de materiali hac mensa, aut de illa

P. Rup.
Ludovig.
in apothec.
spirit. p. 4.
6. 5. §. 3.

fornace mihi sermo est, sed aliam ac mysticam mensam & fornacem inquirō. Ad hanc cogitationem magis enucleandam apprimam

mihi interviret, quod de S. Luciano Antiochenæ Ecclesiæ Episcopo ac Martyre gloriosissimo Sanctorum referunt Fasti: qui, cum præclarissima sui ingenii reliquisset monumenta, in persecutione Maximi Nicomediæ nobile Martyrii genus consummavit, dum post varia exantlata tormenta tandem in carcere duodecim diebus inediâ afflictus, & supra acutissimas testas extensus, imminente jam morte adhuc ante finem vitæ SS. Missæ Sacrificium celebrare voluit, ut salutifero Viatico se, suosque Discipulos communiret, & ad ultimum Martyrii agonem fortiter sustinendum animaret. Verum non aderat in squalido illo carcere aut mensa aut altare, in quo Sanctus Episcopus divina hæc mysteria consecraret: quid igitur fecit? Audi, & admirare. Pedes ejus gravi catenâ erant constricti, ille verò jacebat supinus in terra supra testas & vitrorum fragmina, manibus tamen liber pectus suum denudare cœpit, mox conversus ad coeteros Christi Martyres concaptivos: *Hoc*, inquit, *COR meum, ô fortes Christi Martyres, erit altare, & vos Templum Dei: in hoc CORDE DEO sacrificabo Hostiam laudis.* Dixit, missam inchoavit, & SS. Eucharistiam super altare CORDIS sui consecravat, quâ non tantum se sed & reliquos SS Martyres refecit, ac paulò post, consummato feliciter martyrio gloriosus in cœlum migravit, cujus festum septimo Januarii ab Ecclesia in Martyrologio celebratur: ejus etiam laudes mirè celebrat S. Chrysostomus. Ex hoc colligo, quodnam altare fuerit, in quo Christus Sacrificium missæ Deo Patri obtulit. Aderat jam decretoria & fatalis illa dies, quâ JESUS traderetur in manus peccatorum. Quid fecit? O prodigium summi amoris! *Accepit JESUS panem, & benedixit, ac fre-* *Matth.*
git, deditque Discipulis suis, & ait: accipite, & comedite: Hoc *26, 26.*
est Corpus meum. Quod ergo altare adhibuit? Ecce sacratissimum COR JESU! hoc, inquam, erat altare, in quo panem illum Angelicum consecravat. Erat & fornax, in qua vehementissimo amoris igne hic Panis Eucharisticus erat excoctus, sed ubi lignum? Aspice crucem in SS. & ardente CORDE JESU, quibus mediantibus lignis hic Divinus Panis coctus, & præparatus fuit. O mortales omnes

videte, & considerate, quæ posuit prodigia Dominus super terram!

5. Placuit autem huic summo animarum nostrarum Episcopo Christo Jesu sub specibus panis & vini hoc Augustissimum Sacrificium peragere & instituere. Et cur sub speciebus panis & vini? Utrumque bene, prudens Lector; panis enim confirmat, & vinum

Pf. 103, lætificat COR hominis. Solet autem panis ex tritico flagellato molæque contrito fieri. Quis verò *contritus est propter scelera nostra,*

Is. 53. 5. nisi Christus DEus noster? De vino notum est, quod in torculari ex

Cant. 1, maturis botris exprimatur. An non *Botrus cypri dilectus meus mihi in vineis Engaddi?* Accedunt & vestimenta Sacerdotis & ceremoniæ omnes, quæ in Missa ab Ecclesia adhiberi solent, nunquid hæc omnia in memoriam tibi revocant, quod reverà SS. Sacrificium missæ sit perpetuum memoriale vitæ passionis & mortis Domini?

1. Cor. 11, Hinc illud Apostoli: *Quotiescunque manducabitis Panem hunc, & calicem bibetis, mortem Domini annuntiabitis.* Quod in visione quadam clarissimè conspexit S. Elzearius, qui cùm in missa, quæ de S. Cruce cantabatur, introitum audiret: *Nos autem gloriari oportet in Cruce Domini nostri Jesu Christi, in quo est salus, vita, & resurrectio nostra,* mox à principio hujus Sacrificii totam Dominicam passionem renovari, & ad vivum in Corde suo representari advertit: hinc factum est, ut Cor ejus erga Christum Jesum & hunc Crucifixum, præsertim sub missa, miris affectibus inflammaretur; unde ab eo tempore nil aliud petiit, quàm unicè habitare in aperto latere & SS. CORDE Christi Jesu Crucifixi. Eandem gratiam à SS. CORDE Jesu impetravit B. Elisabetha Schonaugiensis, de qua Hadrianus Cyræus recenset, quod durante Sacrificio missæ in Coena Domini totam Christi passionem ad vivum de novo representari conspexerit, & dum sacerdos calicem exaltavit, vidit supra illum Christum Dominum in cruce diris clavis confixum, de cujus perforato latere & sacratissimo CORD Edivinus sanguis in calicem defluebat. O quis dicet, quanto animi cum solatio, amore & mixto dolore hujus pientissimæ Matronæ? Et si quondam Sacrificium Abrahamæ,

Abrahæ,

brahæ, ubi DEO T. O. M. unigenitum filium suum imolare statuit, tanti valoris extitit, ut de eo dictum sit: *Quia non pepercisti unigenito filio tuo propter me, benedicentur in semine tuo omnes gentes terræ.* *Gen. 22, 18.* Quid non efficiet ipse Dei Filius ac SS. COR ejus, si Patri æterno in missa offertur? Eundem SS. CORDIS sui amorem *Idem Lyraus fol. 403.* in SS. Missæ Sacrificio, tum in sacra comunione repræsentavit Crucifixus JEsus dilectæ suæ sponsæ Gertrudi, cui pientissimæ Virgini, sumpto S. Epulo, Christus Dominus in forma amantissimi Pellicani, rostro sanguinem è Corde suo prolicientis, apparuit: *Vide, inquiebat, quàm excellenter anima tua hoc pharmaco vivificatur in vitam æternam, quemadmodum pullus Pellicani vivificatur in sanguine cordis paterni.*

6. Ex his collige anima Christiana immensam dignitatem hujus divinissimi Sacrificii & communionis tum actualis, tum spiritualis. Proinde si huic Mysterio per Manus Sacerdotum quotidie offerri solito præsens cum devotione assistis, idem est, ac si cum B. Virgine & Matre dolorosa aliisque Crucifixi amatoribus in Calvario Monte stares, participans de SS. CORDE & Sanguine Christi. Et si tunc in cruento illo Sacrificio mansuetissimum COR JEsu tam benignum, ac clemens fuit, ut etiam pro transgressoribus, suisque Crucifixoribus, imò & pro ingratissimis peccatoribus Patrem exoraret, & *Hebr. 5, 7. exauditus est pro sua reverentia:* quid, obsecro, non sperandum per SS. missæ sacrificium, ubi eadem passionis memoria recolitur, mens repletur gratiâ, & futuræ gloriæ nobis pingus datur? Et quid majus dici, imò verò quid excellentius potest excogitari, quàm quòd DEus ille, qui jam semel introivit in Sancta Sanctorum, atque pro omnium salute in Cruce mori dignatus est, denuo de novo pro te in missa offeratur? Et si sanguis hircorum, ait Apostolus, & *Hebr. 9, 13. taurorum, & cinis vitulæ aspersus inquinatos sanctificat ad emundationem carnis, quantò magis sanguis Christi, qui per Spiritum Sanctum semetipsum obtulit immaculatum Deo, emundabit conscientiam nostram ab operibus mortuis?*

Segneri in
Homine
Christia-
no. dis. 12.

7. Et ut magis adhuc capere possis hujus divini mysterii dignitatem ac valorem, imaginare tibi, ac si per cœlum apertum videret ipsam Dei Matrem, augustissimam illam cœlorum Reginam, universâ Angelorum multitudine stipatam, ac Beatorum omnium cœtu comitatam, ad Thronum SS. Trinitatis accedere, eique ad augendum cultum & amorem omnia sua & cunctorum Sanctorum merita offerre. Ex altera parte tibi pauperculum Sacerdotem statue, in Sacratissimo missæ Sacrificio Agnum illum immaculatum SS. Triadi offerentem: talis, inquam, etiam pauperculus Sacerdos plus gloriæ & honoris per hoc SS. Sacrificium DEO tribuet, quàm universa Beatorum curia licet collectivè sumpta. Ratio est, quia ipse Christus est principalis offerens, verus DEus & homo, major cunctis creaturis ab eo infinite differentibus &c. Hic sta, & considera, an aliquid majus dici possit? Et tu ô mortalis homo, quomodo æstimas hoc Sacrosanctum nimisque tremendum Sacrificium? quomodo (si Sacerdos DEI es) ad illud peragendum ritè te paras? Nunquid maledictus ille, qui facit opus Dei negligenter aut fraudulenter? O quàm multi hic sunt imbecilles, & dormiunt multi? Plura Viro sapienti non addo. Si verò laicus es, qua devotione huic tremendo mysterio assistis? Heu! quàm malè timeo, ne etiam SS. COR JESU tibi possit objicere, sicut quondam ingratis Judæis in faciem improperavit: *Po- pulus hic labiis me honorat, Cor autem eorum longè est à me.*

Jerem.

48, 10.

1. Cor. 11,

30.

Matth.

15, 8.

8. Quid ergo in re tanti momenti consilii? Imitare, quisquis es, pauperem illam Ruth Moabitidem, in agro divitis Booz deciduas spicas colligentem, cui Booz in æstu ad sedandam sitim, & Cor lassum confortandum præcepit, ut pa- nem suum in aceto intingeret: *Comede panem, & intinge buccellam tuam in aceto.* Sic, inquam, & tu fac anima Christiana, cum tempus est, ut in agro divitis Booz Christi JESU, ac præsertim de SS. CORDE ejus in SS. Sacrificio missæ deciduas gratiarum spicas colligas. Ecce cum Pane Eucharistico simul & acetum amarissimæ Passionis Domini conjunge, est enim memoriale mortis Domini: *Hæc quotiescunque feceritis, mortem Domini annuntiabitis.* Imitare & Sponsam, uni-

Cant. 1,

12.

cè ac ex toto Corde Dilecti sui amores exposcentem: *Fasciculus myrrhæ Dilectus meus mihi, inter ubera mea commorabitur.* Et vis videre, Anima devota, hunc myrrhæ fasciculum? leva in circuitu oculos tuos. En, in SS. Eucharistia est JESUS CRUCIFIXUS adinstar unius fasciculi omnium amaritudinum passionis ejus. Hunc, inquam, fasciculum ac Dilectum tuum intra Cor tuum porta jugiter, ac præsertim dum Missam audis, aut ad Sacram Synaxin te disponis, C quàm dulcis erit Cordi tuo hic licet amarissimus fasciculus! Si modicum fari- næ quondam ollam mortis potuit indulcorare: *Mors in olla:* quid non faciet divinissimum ac vivum COR JESU in SS. Eucharistia, & in SS. Sacrificio Missæ Panis ille Angelicus, & Manna esurientibus?

4. Reg. 4,

39.

CON-

CONSIDERATIO XXV.

S. COR Jesu ex omnibus purissimum, purum quoque Cor à nobis requirit, præsertim in administratione & susceptione SS. Eucharistiæ.



Lava à malitia Cor tuum. Jerem. 4, 14.

R Ecce Seraphicus Doctor & S. R. E. Cardinalis S. Bonaventura ingentem hominum mundanorum stultitiam, mi- S. Bonav. serm. 2.
 seriamque jam suo ævo admiratus est, cum eos observa- fer. 2.
 t magis de munditia corporis quàm Cordis esse sollicitos: hinc stu- post Pasc.
 ore plenus exclamavit: *O stultitia mirabilis! mundat homo faciem,*
manus, pedes, imò etiam calceos, & miserum Cor non mundat? O
quàm mundum esse Cor illud oportet, quod Deum suum suscipit!
quàm mundum! O quàm mundum!
 Justus ille ac magnus Patriarcharum Princeps Abrahamus, ubi
 B b tres

tres coelestes hospites de longinquo ad se properantes vidit, eis non tantum in occursum venit, sed & amicissimè ad suum hospitium invitavit, quibus, antequam ad convivium sese accingerent, rarum Gen. 18. humilitatis exemplo pedes lavit: *Afferam pauxillum aquæ, & laventur pedes vestri.* Quod olim Abraham suis hospitibus, hoc mitissimus JESUS suis Discipulis fecit, qui, antequam eos ad coenam illam magnam, in qua propriâ suâ Carne & Sanguine hospites suos vel novus Pelicanus amoris erat refecturus, admitteret, prius ipse illorum pedes à sordibus abluere voluit: *Misit aquam in pelvim, & coepit lavare pedes Discipulorum.*

O bone JESU quid agis? An omnino oblitus es dignitatis tuæ? O coeli obstupecite! En Creator vester ante pedes Discipulorum suorum jacet prostratus, lutum eorum abluit, pedes linteo tergit, & deum affectuosissimo osculo dignatur omnes! Ad quid, obsecro O mi Redemptor, hæc pedum lotio? Nunquam solitus eras hæc nus Discipulorum tuorum lavare pedes, quando eos in Montem Thaboræum ad gloriam, vel in Montem Olivarium ad meditationem, vel in templum ad orationem duxisti. Nunc verò in hac Coena suprema post Agnum Paschalem oblatum & comestum de mensa surgis, & ipse non abhorres eorum mundare sordes? O coeli obstupecite!

Causam hujus Mysterii communiter assignant SS. Patres, ut per istam pedum lotionem mitissimum COR JESU orbi universo innuaret, quàm eximia & exquisita ad dignam SS. Corporis & Sanguinis sui perceptionem requiratur Cordis puritas, ut non solum anima recipientis ab omni peccato mortali sit libera, sed etiam peccati venialis affectu, ac præsertim ab omni amore sensuali in-

munis existat: *O quàm munde debent esse manus illæ, ait devotissimus Kempensis, quàm purum os, quàm sanctum corpus, quàm immaculatum erit Cor Sacerdotis, ad quem ingreditur Author pietatis &c.* Ecce cor parandum, cor prius mundandum erit: *Præparate corda vestra Domino.*

2. In hunc finem pro Symbolo Reverendissimus Aresius Episcopus

pus Tortonenſis Cygnum ſibi pingi curavit, inter cryſtallina aquarum ſalientium fluentia ſe ſe lavantem, cum Lemmate ex hoc Evangelio de lotione pedum mutuato: *Mundus totus*. Alius Recentior ejusmodi cygno ante comestionem, ut ſolet, ſe in fonte mergenti, & ab omni ſorde ſe abulenti, pro Lemmate inſcripſit illud Jobi:

Joa. 4. 13.
10.

Antequam comedam.

Job. 32
34.

Utrumque bene & mundum Cor illud eſſe debet, quod ad hoc tremendum diviniffimumque Eucharistiæ Sacramentum accedit, & antequam comedat, oportet illud pariter cum Jobo ob præterita delicta ſuſpirare: *Antequam comedam, ſuſpiro, & tanquam inundantes aquæ, ſic rugitus meus*. Hoc eſt, ad quod alluſit quondam Gentium Doctor Paulus: *Probet autem ſeipſum homo, & ſic de pane illo edat & de calice bibat*. Probet, inquam, ſe homo per veram prius contritionem, integram noxarum confeſſionem, firmum emendationis propositum, humilitatem ſinceram, vivam fidem, ſpem ſolidam, & quàm maximè per ardentem erga SS. COR JEſu charitatem, quæ eſt vinculum perfectionis: *In Chriſti Corpore*, ait S. Auguſtinus, *vita noſtra conſiſtit; mutet ergo vitam, qui vult accipere vitam*.

1. Cor. 11.
28.

S. Aug.
ſerm. 1.
- de temp.

3. Si olim in Veteri Lege Sacerdotes, cùm in Tabernaculum ingredi vellent, ut ibidem in Altari Deo ſuaviſſimum thymiama offerrent, prius in labro æneo manus ac pedes lavare debuerunt, ut ſic legaliter purificati, digni coram Deo apparerent: *Et miſſâ aquâ lavabunt in ea Aaron & filii ejus manus ac pedes*. Quanto magis Cor oportet eſſe mundum & Sacerdotum, hoc Diviniſſimum Myſterium offerentium, & Laicorum illud recipientium? Quo ſignatur ſolari radio, ait S. Chryſoſtomus, non puriorem ac ſplendidior em eſſe oportet manum, carnem hanc dividenter? linguam, quæ tremendo nimis ſanguine rubescit? Si quondam Arca Teſtimonii ex ignis Setim incomputribilibus magnâ prorsus & accuratiſſimâ diligentia fabricari, auróque puriſſimo ac ſplendidiffimo foris & inus veſtiri debuit, ut ibidem Manna ex nubibus coeli delapſum, & quæ Tabulæ Moſaicæ condignè reponerentur: *Arcam ex lignis*

Exod. 30.
18.

S. Chryſ.
hom 83.
in Matth.

Exod. 25.
10.

Setim compingite & deaurabis eam auro mundissimo intus & foris &c. Quàm longè majore studio Arca Cordis nostri paranda purissimòque charitatis auro ac virtutum omnium splendore ac ornanda erit, dum in ea non coeleste Manna, sed ipse Panis vivus qui de cœlo descendit, nec duæ legis tabulæ, sed ipse supremus Legislator DEUS & HOMO CHRISTIUS divertere desiderat?

4. De Davide recensent Sacri Regum Annales, quòd jam omnibus necessarius ad ædificationem Templi Solymæi paratis, universos Regni Principes paulò ante obitum suum ad se vocaverit, eique in unum congregatis totum cor suum de ædificando in honorem Summi Dei magnificentissimo Templo aperuerit, in hæc ecc.

1. Paral. 22, 1. *verba allocutus: Salomonem filium meum unum elegit Deus adbu-
puerum & tenellum: Opus enim grande est, neque enim homini præparatur habitatio, sed DEO, ego autem totis viribus mei præparavi impensas Domûs Dei mei &c.* Audis hoc prudens Lector? Hoc tibi applica, quoties ad sacratissimam Communionem te accingis hîc prius paulisper in corde tuo subsiste, & computa sumptus, qui necessarii sunt: Opus enim grande est, neque enim homini præparatur habitatio, sed DEO: *Cogitemus*, subinfert hîc iterum Os auctorem, quòd illius Corpus & Sanguinem gustamus, qui in cœlestibus sedet, qui ab Angelis adoratur, qui proximè assistit immortalis Dei potentia &c. O quanta hîc requiritur præparatio! quanta mentis probatio! ac Cordis nostri dispositio! *Puritas cordis*, ait S. Bonaventura, *via est regia, per quam ad Sponsi amplexus, per quam tandem ad patriam pervenitur, &c.*

3. Chrys. hom. 3. ad pop. S. Bonav. in spec. discipl. p. 2. c. 6.

5. De Nabuchodonosore potentissimo Babyloniorum Rege & expugnatore Jerosolymæ refert Daniel Propheta, quòd ex omnibus captivis filiis Israël, quos cum Joachim Rege eorum in Persidem indurissimam servitutem abduxerat, solum illos ad sua obsequia delegit, in quibus nulla erat macula, quique præ cæteris & raræ formæ elegantia, & mentis sapientiâ eminebant; hos regio cibo ac vine enutrirî jussit, ut expeditiores in palatio ac vivaciores ad regalem suam mensam ministrarent: *Et constituit eis Rex annonam per singulos*

Dan. 1, 5.

gulos dies de cibis suis & de vino, unde bibebat ipse. Adverte & perpende. Plus hîc in altari est, quàm olim in palatio Nabuchodonosoris, Rex Regum videlicet & Dominus univerforum, qui, cùm sit potentissimus, sapientissimus, justissimus juxtà ac purissimus, nihil magis, quàm à fordibus Cordis tui abhorrere solet: proinde speciosas formâ ac decoras animas desiderat, quæ ad mensam Eucharisticam non tam sibi inserviant, quàm & de cibo ac vino regio, hoc est, de SS. carne ac cruore suo nutriantur. Esther neptis Mardochæi, priusquam in sponsam regiam à potentissimo Persarum Monarcha Assuero admitteretur, per integrum annum adornari debuit, dum sex mensibus oleo myrrhino, & aliis sex mensibus aliis quibusdam pretiosis pigmentis & aromatibus inuncta fuit, sic *formosa valde* *Esther. 2,*
& incredibili pulchritudine omnium oculis gratiosa & amabilis vi- 12.
lebatur. O anima mea tu es illa Esther, à summo Rege Christo Jesu non tantùm amata, ut te unicè SS. CORDIS sui Sponsam desideret:
Et sponsabo te mihi in sempiternum: & sponsabo te mihi in justitia *Osee. 2,*
& iudicio & in misericordia & in miserationibus: & sponsabo te 19.
nibi in fide, & scies, quia ego Dominus sum. Quantâ igitur præparatione omniumque virtutum ornatu opus erit, ut ad COR Jesu & Eucharisticas nuptias digna admitti queas?

6. Centurio Evangelicus, vir in paucis egregius omnino indignum se reputabat, ut in domum suam pretiosissimus Salvaror diceretur; hinc humiliter se excusans, & indignitatem suam ingenuè profitens, dixit: *Domine non sum dignus &c.* Joannes Magnus ille *Matth. 8,*
Præcursor Domini, quo major inter natos mulierum non surrexit, 8.
 rorsus indignum se pensabat, ut Christo Redemptori vel solùm corrigiam calceamentorum solveret; proinde missis ad se ex urbe Hierosolymitana Sacerdotibus respondit, & hoc illustre de Christo testimonium tulit: *Ipse est, qui post me venturus est, qui ante me fa-* *Joan. 1,*
tus est: cujus ego non sum dignus, ut solvam ejus corrigiam calcea- 27.
menti. Elisabeth Sancta Præcursoris Mater, cùm B. Virginem ac Matrem Domini per montana ad se properantem conspexit, præ admiratione se ipsam non capiens, exclamavit: *Unde hoc mihi, ut ve-* *Luc. 1,*
iat Mater Domini mei ad me? Ange- 43.

Angellus ille, quem quondam Isaïas aperto cœlo ad altare De-
volantem viderat, non ausus est pretiosum calculum (SS. Eucha-
ristiæ typum) nudis manibus de altari tollere, sed ob peculiarem
reverentiam aureâ eum forcipe tulit, quo poluta Isaïæ Propheta
Isa. 6, 6. labia mundaret: *Et volavit ad me unus de Seraphim, & in manu
ejus calculus, quem forcipe tulerat de altari.*

David, cùm arcam foederis insigni pompâ in urbem regiam cu-
peret invehere, & Ozam ob levem irreverentiam, eidem arcæ illa-
tam, percussum audiret, non solum vehementer extimuit, sed ne-
quidem ausus est ulterius cum arca progredi: unde eam in domo
2. Reg. 6, Obededom deposuit: *Quomodo ad me ingreditur arca Domini?*

9.

O anima mea! quomodo tu digna eris, ut ad Cortuum non arca
Domini, sed ipse Dominus univerforum divertat? quomodo tu an-
gustiis pectoris tui concludere poteris, quem cœli & terra capere
non possunt? An non ille omnipotens Creator est, & tu vilissima
creatura, quos infinita distantia distinguit? An non ille DEUS est
infinîtè perfectus, id est, omnes omnium rerum existentium &
possibilium perfectiones formaliter & eminenter in se continens?
Et tu plasma imperfectissimum infinitis repletum miseriis, cœnum
lutum, esca vermium, & filius putredinis? An non ille ipsa Bonitas &
Sanctitas est; & tu abyssus omnium miserationum, ipso nihilo vilior &
abjectior? Et præsumis ad tam immensum Bonum accedere? Et
etiam in Angelis reperit pravitatem, quomodo tu stabis dignus in
conspectu Dei?

7. Quid ergo consilii in re tanti momenti? Audi, quid dives ille
& verè nobilis decurio Josephus ab Arimathæa fecerit. Cùm obser-
vâset Christum in cruce mortuum, solémque ad occasum decli-
nantem, seposito omni metu, audacè introivit ad Pilatum, & petiit
ab eo Corpus Jesu, quod & ultro ei Judex concessit. Unde abruptâ
omni morâ, mercatus est sindonem mundissimam, in qua veneran-
dum Corpus ejus de ligno depositum involvit: *Tunc Pilatus jussit
reddi corpus, & accepto corpore Joseph involvit illud in sindone
munda.* Nota hîc prudens Lector mysterium & doctrinam mora-

Matth.

27. 59.

lem:

sem: Joseph involvit SS. Corpus JESU in sindone munda; mundum COR Sponsus coelestis, qui inter ilia pascitur, à te requirit: *Foris* *Apos. 22,*
canes & impudici, & immundi corde. *Foris,* *foris!* *15.*

Idem Joseph decurio studiosè curavit, ut Sacratissimum Corpus JESU jam sepulturæ mandandum, optimis aromatibus, ac præcipuè pretiosâ myrrhâ condiretur: *Acceperunt ergo Corpus JESU, & li-* *Joan. 19,*
gaverunt illud linteis cum aromatibus &c. *40.* Cæterum myrrha poenitentiam denotat, & seriam peccatorum detestationem, aromata autem suavem virtutum odorem designant. Hâc igitur mysticâ myrrhâ & his aromatibus unge COR JESU, dum ad SS. hanc mentem te confers, atque simul in spem magnam consurge, te ab illo in gratiam recipiendum, qui pro te nec infame patibulum crucis aspernatus est. Dic ergo cum omni fiducia & in Corde contrito: *Domine qui latronem exaudisti, mihi quoque spem dedisti &c.*

8. Deinde offer purissimo CORDI JESU ex integro Cor tuum in novum & vivum sepulchrum, & non aliter ad illum accede, ac si ex sacris Salvatoris tui vulneribus, præsertim ex Divinissimo CORDE, apertoque ejus latere manantem adhuc sanguinem delibares: dic proin animæ tuæ illud Isaïæ: *Amodò hauries aquas in gaudio de* *Isaïa. 12,*
fontibus Salvatoris &c. *3.*

Imitare denique exemplum illius Filii Prodigii, denuo ad frugem edeuntis, qui, dum famelicus, lacrymans, ac poenitens in brachia dulcissimi Patris sui convolat, ipse vicissim *miser cordiâ motus, cecidit super collum ejus, & osculatus est eum.* Ubi observandum, quòd poenitens Filius præcipuè ad COR Patris sui accessum quæfieri, à quo veniam sperabat & gratiam. Siste hîc parumper prudens Lector, & considera filium in terram prostratum, gementem, & dulce COR Patris sui cum lacrymis osculantem; econtra patrem expansis modum crucis brachiis filium benignè amplexantem, & in pristinam gratiam eum recipientem. Hoc, inquam, & tu imitare exemplum, si ad Mensam Eucharisticam accedis, ubi ad ipsum COR JESU penetrandum erit.

Eja igitur, surge fidelis anima, & magna cum fiducia ad hoc SS.
 COR

COR JESU accede: Si esuris? *Panis vita* est, qui manducat hunc panem, vivet in æternum. Si sitis? *Fons vita* est, qui bibit ex hoc fonte, non amplius sitiet. Si ægrotas? *Medicamentum* est ad sanandas omnes infirmitates tuas. Si vulnerata est? *Balsamum vita* est, depellens omnes tuos languores, & sanans omnia vulnera. Si tristis es? Ecce *vinum*, quod lætificat cor hominis! Si debilis es? Ecce *mensam*, quam paravit Deus adversus eos, qui tribulant te. Si cæca es? Ecce candidam *columenam* nubis & ignis, securissimam viæ tuæ ducem: Si demum moribunda es? En *Viaticum*, ex cuius virtute transibis usque ad montem Horeb, & terram illam promissionis, perpetuo melle & lacte manantem. *Surge igitur, & comede, grandis enim tibi restat via.* non equidem ad montem Horeb, in cuius demum fastigium subcinerici panis alimoniâ saginatus Vates Elias evasit, Deumque in sibilo *aura tenuis* videre est commeritus: sed ad consummata virtutis apicem, & ad illos denique montes, ad quos terrena nausæans toties auxilia petiturus oculos mentemque levavit Rex Solymæus: *Levavi oculos meos in montes, unde veniet auxilium mihi.* Quò haud gravatè pervenies, si in vita sæpius contendas montem Sion, unde divinum hoc amoris Epulum nobis allatum est, per frequentem devotamque Communionem: uti & montem Golgothæum per compassivam Crucifixi JESU contemplationem. Si hæc præstiteris, obtinget tibi fortè similis favor ex COR-DE divino, quem expertus est Ven. P. Joannes Cardim e Societate JESU, qui Anno Christi 1615. die 18. Febr. sanctè obiit. De hoc magno servo & amico Dei refertur, quòd Cor ejus, dum viveret, ingenti charitatis flammâ in Deum exarserit. Hinc pro viribus allaboravit, ut se se amabilissimo CORDI JESU Crucifixi penitus conformaret, totòque in illud affectu se transferret. Unde accidit ipsi aliquando, ut sub ardentissimis ad Deum precibus sublimis à terra quasi in aëre pendulus à Collegii Rectore conspiceretur. Tandem cum suprema obitûs ejus instaret hora, Sacro Viatico ad beatæ æternitatis iter jam optimè instructus, totum Cor suum, omnesque, quæ moriturienti adhuc supererant, animi corporisque vires in Crucifixum Amorem convertit, eique intensissimis inflammati amoris actibus animam suam séque ipsum totum exasse consignavit. Et ecce ingens prodigium! veneranda Crucifixi Imago manus suas de crucis ligno resolvens fidelem hunc famulum suum benignè amplexus est: ipse verò in hoc suavissimo mutui amoris complexu felicem animam in SS. COR JESU expiravit, cujus corpus etiam post mortem cœlesti luce colustratum apparuit. Sequere hunc præeuntem anima Christiana. En expectat te COR JESU, ut se cum corde tuo conjungat. O vis amoris! O prodigium Divinæ Bonitatis!

CONSIDERATIO XXVI.

SS. COR JESU prævidit omnes injurias sibi in SS. Eucharistia inferendas; & tamen Amor vicit, & instituit.

Inanis impetus.



Charitas omnia suffert, omnia sustinet. 1. Cor. 13, 7.

ANtequam Moyſes Dux ac Legifer virgâ ſuâ, ingentium prodigiorum operatrice, ſibi & omni populo Iſraëlitico viam per mare rubrum in Palæſtinam adaperiret, priùs ipſe & populus univerſus Agnum Paſchalem cum panibus azymis & lactucis agreſtibus manducavit, cujus cibi typici virtute robora- tus, ipſe & populus lætus hoc iter, licèt remotiſſimum ac periculis plenum ingreſſus eſt, ac tandem ſuperatis difficultatibus omnibus, & fruſtra allatrantibus canibus Ægyptiis, tunc in mari ſubmerſis, ad locum optatum pervenit, quam terram deſiderabilem exinde Joſue omni populo in funiculo distributionis diviſit: *Et eâdem die eduxit* *Exod. 12, 51.*
Dominus filios Iſraël de terra Ægypti &c.

Non Moyſes, ſed qui per Moyſen in typo præſignatus eſt, tibi hæc exhibetur, Anima Chriſtiana, hoc eſt, Chriſtus JEſus, Dei hominisque Filius, Dux ac Legifer noſter, qui, cùm ex hoc mundo ad Patrem tranſiturus virgâ SS. Crucis (quam ſemper hætenus non ſicut Moyſes in manu, ſed in SS. CORDE ſuo geſtavit) viam per mare rubrum amariffimæ paſſionis ſibi & nobis ad cœleſtem Palæſtinam vellet reſerare, priùs Agnum Paſchalem ſimili ritu imòlatum cum Diſcipulis ſuis manducavit : *Et paraverunt Paſcha.*

Matth.
26, 19.

Cornel. in
Matth. c.
26. v. 19.

2. Nunc conſidera, & intimiùs inſpice SS. COR JEſu, quo affectu & animi teneritudine hunc Agnum Paſchalem, veru ligneo affixum, igne aſſatum, & juxta S. Juſtinum M. per bacillos in modum Crucis expanſum (ſui ipſius typum) contemplatus fuerit. Audi in hanc rem Cornelium à Lapide: *In eo, inquit, quaſi in viva ſui imagine intuebatur ſuam crucifixionem, in qua ipſe ſimili modo diſtendendus, clavis affigendus, & igne tum doloris tum magis amoris poſtero die aſſandus erat in Cruce &c.* Hunc igitur Agnum ſtans JEſus, & cum Diſcipulis ſuis baculum tenens in manu, renibùsque accinctus quaſi peregrinus cum panibus azymis & lactucis agreſtibus feſtinanter comedit: ubi poſt lotos Diſcipulorum pedes de novo mitiſſimus Salvator menſam in coenaculo repetens, accepit panem in manus ſuas, & elevatis in cœlum oculis, *benedixit ac fregit deditque Diſcipulis ſuis, & ait: Accipite, & comedite: HOC &c.*

Job. 7.
17.

O Domine JEſu! ſiſte, quid agis? *Quid eſt homo, quia magnificas eum, aut quid apponis erga eum COR tuum?* Ad quid te totum & omnem potentiam tuam (dando nimirum te ipſum in SS. Eucharistia) vis exinanire, & ut ita dicam, eviſcerare? Quid boni aut beneficiorum unquam tibi præſtitit Mundus? Cùm natus eſſes in Bethlehem, pro palatio tibi fordidum ſtabulum præbuit. Cùm pertransires regiones benefaciendo omnibùs, & ſanando oppreſſos à diabolo, tibi injurias ac millenas paravit inſidias, nunc in egreſſu tuo tibi Crucem fabricat, infame illud, contemptibile ac patibularium lignum: *Morte turpiſſima condemnemus eum.* Et tu, O mi JEſu! huic ingratiſſimo mundo teipſum & carnem tuam Deifica-

Sap. 2, 20

tam

tam in perpetuam Passionis tuæ memoriam, & in pignus æternæ salutis relinques? O amabilissimum COR Jesu quid cogitas? quid penfas? An non prævides injurias tibi in SS. Eucharistia à diversis hominum statibus inferendas, qui hoc summum donum ac beneficiorum omnium maximum ne quidem agnoscent? Et quid dico, agnoscent? imò & persequentur, & millenis afficient opprobriis, blasphemis, contumeliis: & tu hoc sanctum vis dare canibus?

3. Verùm nihil evinco, Animæ Christianæ! nihil evinco per objectionem meam; pergit Amor SS. CORDIS Jesu, & pronunciat: O coeli obstupefcite! quid? *HOC EST CORPUS MEUM.* *Matth. 26, 26.* Postea ad Discipulos, quos unà secum hâc divinâ escâ refecerat, conversus ait: *Hoc facite in meam commemorationem.* O Pelagus *Luc. 22, 19.* Divini Amoris! quantumvis latrent canes impudici & immundi (prout Emblema exhibet) evomat orcus omnem furorem suum in SS. COR Jesu in SS. Altaris Sacramento verè præsentissimum, pergit tamen hæc mystica luna in suo cursu, contemptis omnium adversariorum dictis, opprobriis, & maledictis. Proinde ejusmodi furioso cani lunam in suo cursu frustra de nocte allatranti pro Lemmate pones:

Inanis impetus.

Ita est: *Inanis impetus*: Vicit Amor SS. CORDIS Jesu: *Super omnia autem vincit Veritas, & prævalet.* Et sicut olim Petra illa, virgâ Mosaicâ bis, hoc est, per modum Crucis percussa, etiam populo ingrato, murmuranti, & totâ die contradicenti abundantes ex suo referato corde subministravit aquas, qui fons vivus inde emanans populum per desertum in omni itinere usque in terram Chanaan secutus est: *Bibebant autem de spiritali* (hoc est, typicâ) *1. Cor. 10, 4.* *consequente eos petrâ; Petra autem erat Christus.* Sic amabilissimum COR Jesu in SS. Eucharistia semper ad inserviendum nobis præsto est, imò etiam nos sequitur, dum nunc prodit ad ægrotos etiam per vilissima tuguria; nunc per vicos & plateas civitatis in publicis defertur supplicationibus; nunc in prælio faucibus medicina est,

est, nec ullam spernit mortalium conditionem. O infinita bonitas hujus SS. CORDIS JESU! quod neque Magdalenam peccatricem à se rejecit, nec leprosum repulit, nec mulierem cum sanguinis fluxu contempsit, nec claudos ac cœcos, nec debiles & infirmos à se *Pf. 22, 6.* exclusit. Verè Domine *Misericordia tua subsequetur me omnibus diebus vite meæ*, dum gratiarum fontem singulis diebus ex SS. CORDE tuo per hoc Divinum Mysterium nobis subministras.

4. Revocate hîc in memoriam Animæ Christianæ splendidissimum illud convivium, quod Assuerus Rex ad ostentationem potentiae ac gloriæ suæ omnibus provinciarum suarum Optimatibus ac Satrapis toto semestri exhibuit, ad quod cum perhumanè etiam Reginam Vasthi accersisset, ut coram universa nobilitate regio ornata amictu, & diademate coronata appareret, recusavit ipsa venire. Unde meritò ex consilio Sapientum repudiata, & loco illius formosa Esther in Reginam electa est: *Quæ renuit, & ad Regis imperium, quod præ eunuchos mandaverat, venire contempsit.* *Esther. 1, 12.*

Quid per hanc Reginam Vasthi melius intelliges quàm superbam Synagogam Judaicam? Hanc quidem pretiosissimum COR JESU ad Convivium Eucharisticum inter omnes nationes primò invitavit; sed renuit illa venire: *Durus est hic sermo, & quis potest eum audire?* Et sicut eadem Synagoga jam olim cœleste illud ac sapidissimum Manna, quod omnem ciborum suavitatem in se continebat, protervè contempsit: *Anima nostra arida est, nihil aliud respiciunt oculi nostri nisi Man:* Sic & hoc divinissimum Epulum ex SS. CORDE JESU immediatè promanans, impiè aspernata est; imò verò omnibus allaboravit modis, & adhuc allaborat, ut hoc Sacrosanctum Mysterium extinctum eat. Hinc proh dolor! tot tragicæ historiæ (prout in SS. Hostiis Deggendorffii in Bavaria, Passavii, Budorgi, & plurimis aliis in locis videre est) integros libros complerunt, ex quibus abundè patet, quàm capitales inimici hujus augustissimi Sacramenti etiamnum existant Judæi: *Odio iniquo oderunt me.* Et tamen his non obstantibus pergit SS. COR JESU in institutione hujus ac tanti Mysterii, & seipsum nobis in cibum

ac potum præbet? O amor! O amor! *Quis pastor oves proprio pascit cruore? &c.* S. Chrys.
Hom. 6.
in Joan.

5. Orbi decantatum est, quod de filio prodigo enarrant Sacrae Litteræ, qui, postquam lautissimam optimi parentis mensam nau-
seare ac contemnere coepit, acceptâ bonorum suorum substantiâ in
regionem longinquam abiit, ubi brevi temporis intervallo eò mi-
seriarum redactus est, ut tempore famis vix inter porcos paucas si-
liquas reperiret, quibus malesuadam famem satiare? *Et cupiebat* Luc. 15,
implere ventrem suum de siliquis, quas porci manducabant. 16. En
optima & justa retributio. Ille, qui priùs magnificam Patris men-
sam ejusque delicias in Corde suo aspernatus est, nunc ut canis fa-
nem patitur. O notate hoc voluptuosi, gulosi, luxuriosi, mundani,
quibus hæc Divina Mensa Eucharistica pariter fastidio est, ut eò li-
beriùs in coeno voluptatum vitam possitis transigere. Sed veniet
profectò tempus, quando cum prodigo famem patiemiini ut canes:
Dico autem vobis, quòd nemo virorum illorum, qui vocati sunt, gu- Luc. 14,
stabit cœnam meam. 24.

Sed etiam ad vos, ô hæretici, ô sectarii, ô tepidi Christiani, hic
pertinet sermo meus; dicite, quæ origo vestrarum sectarum aut
depravatæ vitæ extitit, nòne hujus Divinæ Mensæ & deliciarum
Eucharisticarum vilipensio? dum enim paulatim de veritate hujus
SS. Sacramenti ambigere, & rarius ad id accedere coepistis, tandem
eò devenistis miseriarum, ut nunc cum prodigo vix aliquas siliquas
habeatis, quibus ventrem & mentem inaniter soletis implere, cum
in vestra secta nec sit Sacerdos, & consequenter nec verum ibidem
Sacramentum altaris existat. O quàm longè recessistis à SS. COR-
DE JESU!

6. Et quid dubitatis miseri de illo, quod os Domini locutum est?
An non ipse dixit, & facta sunt omnia? an non ipse mandavit, &
creata sunt omnia? Et ipse pariter dixit: *Hoc est Corpus meum*,
non dixit: hoc significat Corpus meum, vel hic panis figuratè est
Corpus meum, prout volunt Calvinistæ. Nec dixit: hic panis est
simul panis, & erit Corpus meum primùm in sumptione & in usu,

prout opinantur Lutherani, sed hoc est Corpus meum de præsent
per transubstantiationem videlicet & conversionem substantiæ pa
nis & vini in substantiam Corporis & Sanguinis Christi, solis acci
Exod. 4. dentibus panis & vini remanentibus sine subjecto; qui enim virgan
3. Moysis potuit mutare in serpentem, aquas Ægyptiorum in sangui
Exod. 4. nem, & aquas in Cana Galilææ in optimum vinum, ipse quoque in
9. ultima cœna mutavit substantiam panis in carnem suam & vinum
Joan. 2. in sanguinem suum, dum dixit: *Hoc est Corpus meum, quod pro*
9. *vobis tradetur: Et hic est sanguis meus, qui pro vobis effundetur*
sed non nuda figura Corporis Christi pro nobis in cruce tradita est
sed verum Christi Corpus, verusque sanguis illius pro salute mun
di effusus est. Ergo &c.

Collige ex hoc rursus prudens Lector infiniti amoris argumen
tum in Sacratissimo CORDE Jesu, quod non in cruce duntaxat, sed
etiam in SS. Sacramento altaris positum est in signum, cui ubique
ab hæreticis contradicatur, & in quod tot adversantium tela & blas
phemiæ etiamnum hodie emittuntur. O quanta tulit hoc Divi
nissimum COR optimi Redemptoris nostri in SS. Eucharistia ha
tenuis ab infania Judæorum, à perfidia hæreticorum, à furore pa
ganorum, & ab impietate malorum Christianorum? Quoties im
mundis canibus, imò dæmonibus à sagis fuit objectum, à sacrile
gis raptoribus in fornaces & cloacas immissum, pugionibus & cul
tris usque ad sanguinem confossum, pedibus proculcatum, à spur
cis Sacerdotum Sacrilegorum manibus tractatum, & ab indignis
communicantibus in foetulentissimum sterquilinum injectum.
Horresco plura enarrare: hæc, inquam, & innumera alia oppro
bria & indignitates optimè in primæva institutione prævidit SS.
COR Jesu, vicit tamen immensus amor, dum etiamnum in SS. Eu
charistia & usque ad finem mundi desiderat manere. O bone Jesu

S. Chrys. *Quis loquetur potentias Domini, auditas faciet omnes laudes ejus,*
hom. 60. ac præsertim SS. CORDIS illius?

ad pop. 7. Ex quibus clarè & evidenter patet, quàm submisso, & humili
Antioch. latræ cultu à nobis sit colendum & adorandum SS. COR Jesu in
SS.

SS. Eucharistia, quantò magis ab aliis ingratis homuncionibus blasphematur & vilipenditur: *Dominum DEum tuum*, inquit Veritas, *Matth. 4; 10.*
adorabis, & illi soli servies. Si ergo Christus in SS. Eucharistia non minùs DEUS est, quàm qui est in cœlo, ergo non minùs ibidem adorandus erit. In hunc finem SS. COR JESU inflammatum supra Tabernaculum Dei, ubi in Templo habitare solet cum hominibus, jam in pluribus locis Augustanæ Diœceseos erectum cernitur, ut sic Corda Sacerdotum offerentium & laicorum in divinis præsentium eò fortiùs ad DEum verum & vivum, ibi in spiritu & veritate adorandum attrahantur, cui pro lemmate illud Apocalypseos inscribes: *Hic DEum adora.* Vel illud Patriarchæ Jacobi: *Verè Dominus est in loco isto, & ego nesciebam:* Aut illud Sapientis: *In simplicitate cordis quærite illum.* Vel denique illud Regii Vasis: *Sperate in eo omnis congregatio populi: Effundite coram illo cor- la vestra: DEus adjutor noster in æternum.*

8. O Christiane, ô Catholice! quid adhuc stas otiosus? *Interroga jumenta*, ait Job, *& docebunt te, & volatilia cœli & indicant tibi.* Vis aliqua & luculenta de hac veritate exempla?

Interroga agnellum S. Francisci Seraphici, quem hic Sanctus Pater ex tenero affectu erga Divinum illum Agnum pro nostra salute in cruce immolatum, prece & pretio à macello liberavit: hic, inquam, agnus, quoties cum liberatore suo ad rem Divinam aut in Ecclesiam se contulit, toties SS. Sacramentum humili inclinatione adoravit.

Interroga equum, de quo refert Pepinus, quòd SS. Hostiam, Sacerdote in pyxide ad ægrotum per vicum deportatam poplite exo in confusionem sui infessoris submissè veneratus sit, qui im- ius eques miraculo commotus, mox ab infidelitate ad DEum conversus est.

Interroga tauros & vaccas, quæ jumenta pariter ad S. Salvatorem prope Ingolstadium in Bavaria augustissimum altaris Sacramentum, quod pastor quidam simplex tempore paschali in baculo suo pastorali pro sua privata devotione incluserat, flexis genibus

Matth.

4; 10.

Apoc. 22,

9.

Gen. 28,

16.

Sap. 1, 1.

Pf. 61, 9.

Job. 12, 7

In vita

S. Franc.

Seraph.

Pepin.

serm 2. de

Ven. Sac.

Ex altis

& pictur.

illius Ec-

clesie.

nibus per circuitum humiliter adorârunt, in quo loco postea Ecclesia ad Salvatorem dicta, variis in miseros mortales beneficiis illustris, erecta est.

Bagatta
tom. 2.
fol. 103.

Interroga oves & capras prope Gandavium in Flandria SS. Hostias in ciborio à furibus ex templo PP. Augustinianorum asportatas, & in agro defossas, lugubri balatu ac positis genibus honorantes, quas Sacrosanctas Hostias in sanguine purpureo natantes Venerabilis Clerus anno 1354. cum solennissima processione in dictum Templum intulit, in quo loco in memoriam hujus ac tanti prodigii celeberrima quædam Sodalitas sub titulo SS. Sanguinis JESU erecta est.

In vita S.
Anton.
Paduan.

Interroga asinum Bonovilli hæretici Bononiæ in Italia SS. Hostiam à Divo Antonio Paduano monstratam, humiliter & prociduo genu adorantem, quod miraculo Divus Thaumaturgus illum hæreticum, qui prius SS. Eucharistia omnem cultum negaverat, ad saniolem mentem revocavit, & ad orthodoxam fidem convertit.


Stengel.
in lib. de
spe & fiducia in
Deum.

Interroga denique canem, Ulissipone semper ad primum campanæ signum dum SS. Eucharistia ad ægros deportanda erat, in Ecclesia apparentem, & cum gaudio SS. Hostiam usque ad destinatum locum comitantem, & si fortè contigit, ut ingrati quidam homines huic divinissimo mysterio debitum cultum non exhiberent, illos vi & dente mordaci in terram attraxit, ut sese coram tantum Domino humiliarent.

Lyræus
lib. 7. c. 1.


9. En anima Christiana! Etiam stupida animalia docente, quo cultu adoranda sit SS. Eucharistia, & in ea primario SS. COR JESU supremo semper dignum honore. Quid igitur nunc restat, quàm ut talibus provocata exempli eò allabores, quomodo imposterum honorem SS. CORDIS JESU Eucharistia & Crucifixi pro viribus, tum comprimis in te, tum etiam in aliis promoveas. Imitare illustre exemplum S. Bonaventuræ, qui cupiebat loco illius lanceæ fuisse se, quo miles Sacratissimum COR JESU transfixit, de quo divino CORDE non luisset amplius exire, sed perpetuum ibi figere domicilium. Tandem cum viribus destitutus ad agonem devenisset, & ob vomitum ac stomachi debilitatem, quâ vehementer affligebatur, SS. Viaticum sumere non posset, instante petiit, ut saltem Corpus Domini in Ciborio ad se deferretur, cujus divinâ præsentia roboratus felicem sortem & mortem inveniret. Factum id ex voto est & ecce cum Sacrosancta Hostia pyxidi inclusa lateri ejus admoveretur, non sine ingenti miraculo illa pars pectoris, quæ Cor solet tegere, in formam purpureæ rosæ referata est, per quam SS. Corpus Domini è pyxide in illius Cordis intimum sese ultro immisit; sic lætus & solamine plenus illud Simeonis decantans: *Nunc dimittis servum tuum Domine &c.* beatam animam in dulcissimum COR JESU expiravit. Si vis similem beatam obire mortem, ama SS. COR JESU, & invenies.

CON.



CONSIDERATIO XXVII.

SS. COR JESU Eucharistici indignè cum Juda communicantes summâ injuriâ afficiunt, & de novo in mortem tradunt.



Et post buccellam introivit in eum Satanas. Joann. 13, 27.

QUàm ardenti desiderio pientissimum ac Sanctissimum COR JESU ante amarissimam passionem suam desideraverit cum Discipulis suis Sacrum Pascha manducare, in quo seipsum tanquam verum Agnum edendum in mensa apponeret, patet ex ipsis benignissimi Redemptoris verbis, quibus jam ad mensam confidens duodecim Apostolos est allocutus: *Desiderio* *Luc. 22,*
desideravi hoc Pascha manducare vobiscum, antequam patiar. *15.* Et
 ecce paulò post, cum Sacro Epulo Discipulos suos jam refecisset, ex
 timo Corde ingemiscere, ac publicè coram omnibus suspirare
 cepit: *Cum hæc dixisset, turbatus est spiritu.* Quid, obsecro, O mi *Jo. 13,*
Re- 21.

Redemptor! adeò in suprema illa coena Cor tuum turbavit? priùs ingenti desiderio ad hanc divinam mensam, in qua vitale nobis epulum parares, memoriámque mirabilium tuorum relinqueres, sæpius in vita tua anhelâsti. Nunc cùm optatum illud tempus advenit, conturbaris spiritu, doles, & ingemiscis Corde?

Causam insoliti hujus mœroris Sacri Scriptores assignant, quia tunc in Mensa Eucharistica præsentem convivam habuit Judam Iscariothem, impiissimum proditorem suum, quem pariter hoc divino Pabulo ac vitæ Ferculo refecit, hinc illa suspiria: *Turbatus est spiritu, & protestatus est, & dixit: Amen, amen dico vobis: quia unus ex vobis tradet me:* de novo enim ille Christum in mortem tradit, qui Corde inquinato ac conscientia pollutâ, velut alter proditor,

I. Cor. II 1. tor, præsumit ad hanc divinam Mensam accedere: *Itaque quicumque manducaverit panem hunc, vel biberit calicem Domini indignè reus erit Corporis & Sanguinis Domini*, quod idem est, interprete

S. Chrys. S. Chrysostomo: *Ita reus erit Corporis & Sanguinis Domini, ac si Christum occidisset, & ejus Sanguinem effudisset.* Quod idem O. Aureum in alio loco affirmat. *Multò igitur dæmoniaco peior est, qui peccati sibi conscius accedit, quoniam æternis tradetur tormentis. Nullus igitur communicet, nisi ex Discipulis sit, nullus impuro animo, sicut Judas, panem cœlestem assumat, ne similia patiatur.*

2. Hanc veritatem per aliquod Emblema vobis ob oculos ponimus, ubi in horto ex una parte apiculam adumbrari curavimus quæ ex corde liliorum, rosarum, flosculorum & herbarum dulcissimum sibi mel exsugit. Ex altera verò parte sordidum scarabæum collocavimus, qui ex iisdem fragrantibus flosculis & viridantibus in gramine gemmis non dulce mel, sed lethiferum venenum, nec longiorem vitam, sed mortem præproperam sibi haurit. Simile quid narratur de aranea, quæ dulcem flosculorum succum in toxicum & mortiferum venenum convertit: Hinc Lemma:

Hæc mel, ille venenum.

2. Reg. 6, Vel ponamus pro Symbolo Arcam Dei, ab impuro Oza non impunè attactam, cum Lemmate Ecclesiæ:

Mors malis: Vita bonis.

Vel

Sancta sanctè.

En hîc genuinum typum illorum, qui benè & conscientiâ purâ cum cæteris Christi Discipulis, & qui malè cum Juda sordido ac impuro corde ad hoc divinissimum Epulum & Cibus Angelorum accedunt: Hinc Ecclesia: *Vide paris sumptionis, quàm sit dispar exitus!*

3. Sic candida illa columna nubis & ignis Israëlitis in omni periculo certæ salutis, Ægyptiis verò sequentibus ruinæ extitit: *Respi- Exod. 14,*
ciens Dominus supra castra Ægyptiorum per columnam nubis & 24.
ignis interfecit exercitum eorum. Sic Arca fœderis domui Obedom omnem benedictionem, Philistæis verò incredibilem stragem tulit: *Fiebat enim pavor mortis in singulis urbibus, & gravissima* 1. Reg. 5,
valde manus Dei. Sic panis ille subcinericius Gedeonis ex hordeo 11.
devolutus, & in castra hostilia descendens, Madianitis infallibilem interitum, Israëlitis verò insignem victoriam annuntiavit: *Cumque* Judic 7,
pervenisset ad tabernaculum, percussit illud, atque subvertit, & ter- 3.
ra funditus coæquavit. Sic fornax Babylonica tribus pueris suavissimo rori similis videbatur, econtra Chaldæos flamma ex illa erumpens momento temporis consumpsit: *Porro viros illos, qui mje-* Dan. 3,
rant Sidrach, Misach, & Abdenago, interfecit flamma ignis. Sic per 22.
calam illam admirandam, quam olim Jacob conspexerat, aliqui Angelorum in coelum saliebant, alii verò ad terram descendebant: *Vidit Angelos quoque Dei ascendentes & descendentes per eam.* Gen. 28,
Collige ex his figuris figuratum. Similis facies illorum est, qui dignè 12.
aut indignè communicant, ubi piis ac ritè dispositis Sacratissima Eucharistia est Panis Vitæ, certa salus, medicina cœlestis, & futuræ gloriæ pignus; impiis verò ac tepidis, & sine dispositione sumentibus ruina & judicium, imò ipse infernus. Audi rursus S. Chrysostomum: *Nolimus, obsecro, fratres, nolimus impudenter nos ipsos interimere,* S. Chrys.
sed cum omni honore & munditia ad Deum nostrum accedamus, ut in 1. Cor.
sic immortalem vitam, Angelorum sedem, & Christi consuetudinem hom. 24.
acquiramus.

4. In hunc finem non sine singulari Myſterio pretioſiſſimus Salvator in eadem ſuprema coena duos gladios ad latus parietis ſu-
Luc. 22, ſpenſos ſecum habere voluit: *Domine, ecce, duo gladii hîc.* Ita
 38. quondam in figura Abimelech Sacerdos gladium illum, quò David
 Goliæ caput in valle Terebinthi amputaverat, juxta auream men-
 ſam, in qua panes propoſitionis Deo offerebantur, involutum pallic-
 1. *Reg.* poſt Ephod ſuſpēdit: *Ecce hîc gladius Goliath Philîſtæi.* Ita S. Jo-
 21, 9. annes, dilectus ille Diſcipulus Chriſtum, Dei hominisque Filium
Apoc. 1, conſpexit acutiſſimo gladio inſtructum: *Et de ore ejus gladius*
 16. *utraque parte acutus exhibit.* Ad quid, obſecro, hi gladii?

O tepidi Chriſtiani! O fratres Judæ! O Deicidæ! qui cum hoc
 traditore, antefignano veſtro non horretis ad diviniſſimum COR
 JEſu ſordido animo accedere. Vos, vos, inquam, eſtis, quos uter-
 que ille gladius in ultima coena præſens concernit, dum per in-
 dignam communionem non tam poenam Eccleſiaſticam, quàm
 civilem, non tam temporaneam, quàm æternam incurritis. Ita
 Marcellinus de Piſis: *Hos duos gladios moraliter expendo de du-*
plici modo vindice temporalis & æternæ poenæ, qui indignè ſurgen-
tes ab hac coena in utrumque gladium incurrunt.

5. Indignamur, dum audimus, aut legimus horrendum illud
 ſcens, quo ſe à mundi primordio impiſſimus Cain contra unicū
 fratrem ſuum Abelem contaminavit, dum ſine ulla cauſa invidus
 fratricida illum è medio ſuſtulit, cujus innocuus ſanguis ſupra ter-
 ram effuſus mox à coelo de tam ſclerato capite vindictam expoſtu-
 lavit: *Quid feciſti? vox ſanguinis fratris tui clamat ad me de terra.*
Gen. 4, Et quid dico? An non multò magis indignemur illis impiis & exe-
 10. crandis Chriſtianis, qui impuris manibus, ſordido ore & corde non
 verentur iſſis Angelicis Spiritibus veneranda Sacramenta indignè
 reſipere ac contrectare? an non tales tigrides innocentiffimum
 ſanguinem veri & juſti Abelis Chriſti JEſu de novo profundunt, &
 SS. COR ejus pedibus proculcant? Audite Venerabilem Bedam
Ven. Be- *In ſempiternum vœ homini illi, qui ad menſam Domini indignè acce-*
da hîc. *dit, ille enim in exemplum Judæ Filium hominis tradit.*

Iraſcimur Joabo, dum in memoriam nobis revocatur, quàm falſo ac ſubdolo Corde hic perfidus ſiccarius cum innocente Amaſa egerit, dum eum blandè apprehenſum, ſuòque pectori adſtrictum, & quaſi amicum optimum oſculo honoratum, interim gladio in cor ejus adaſto interemit, omniàque ejus inteſtina in terram effudit: *Porro Amaſa non obſervavit gladium, quem habebat Joab, qui percuffit eum in latere.* Et quid aliud facit indignè communicans, ſive Sacerdos ille ſit, ſive laicus, quàm ut pariter COR JEſu de novo proditorio modo occidat, mactet, & perdat? An non hoc grande nefas eſt morte æternâ piandum? *Dic, ait S. Hieronymus, quisquis fueris, qui Sacramenta ſumis, qualiter cum eis labiis Filium Dei oſcularis, quibus oſculatus es labia meretricis? O Juda! Filium hominis tradis!*

2. Reg.
20, 10.

S. Hier.
in qua-
dam epi-
ſtola ad
Sacer.

6. Cæterùm ſuccenſemus Pilato, quando in mentem nobis venit, quòd abominandus hic Deicida, ſententiam mortis in Chriſtum Dei Filium fulminaturus, priùs ſacrilegas manus ſuas coram omni populo abluerit, per quam actionem & ritum cor ſuum omnino voluit probare innocuùm: *Acceptâ aquâ lavit manus coram populo, dicens: innocens ego ſum à ſanguine juſti hujus: vos videritis.* O impiiſſimum ſycophantam!

Matth.
27, 24.

O Miniſtri & Myſtæ ſummi Dei! qui offertis ſuper altare Domini panem pollutum, ad vos pariter hic pertinet ſermo meus. Dicitur, ſi in mortali conſtituti, nec ſatis contriti, aut per ſeriam poenitentiam cum DEO reconciliati, ad Sancta Sanctorum & ad hoc auguſtiſſimum nimisque tremendum Altaris Sacramentum præſumitis accedere, an non cum impio Pilato noxias manus veſtras coram cuncto populo Chriſtiano lavatis, & interim de novo Chriſtum immaculatum illum Agnum ad mortem crucis condemnatis? *Et quidem Judei, ait Madridius, ſi Regem gloriæ cognoviſſent, nunquam utique crucifixiſſent. Tu verò quoties indignè ſumis hoc ſalutare Sacramentum, quantum in te eſt, & ſciens & volens toties Chriſtum cruci affigis.* Ah abſit à vobis! abſit, obſecro, Cordis iſta perversitas: priùs contingat mille

Malack.
1, 7.

Madrid.
de Ven.
Sacram.

subire necesse, quàm ita reum fieri SS. Corporis & Sanguinis Domini.

7. Olim in Lege Veteri severissimè cautum ac præceptum erat, ut, qui de carne pacificorum, aut de adipe illius, qui DEO in incensum offerri debebat, aliquid comedisset, non solum indignationem Summi Numinis, sed & temporalem mortem incurreret; *Levit. 7. Si quis adipem, qui offerri debet in incensum Domini, comederit, peribit de populo suo.* O Bone DEus! quantò magis ille Christianus omni supplicio dignus erit, qui in graviori noxa, quam ex verecundia inani in sacro tribunali abscondit, sciens & advertens de Pacifica Hostia Sacratissimæ Carnis ac Sanguinis Unigeniti Filii Dei & Mariæ Virginis participat? An non hoc est SS. COR JESU projicere canibus, & gemmam pretiosissimam porcis? Cogita, *S. Chrys. hom. 83. in Matt.* subintrat hîc iterum Divus Chrysostomus: *Quantum adversus proditorem indigneris, & contra eos, qui illum crucifixerunt; itaque considera, ne tu quoque sis reus Corporis & Sanguinis Christi: illi Sanctissimum Corpus occiderunt, tu autem polluta suscipis animâ post tot beneficia?*

8. De Josepho ab Arimathæa nobilissimo illo Decurione, viro justo ac pio, qui nunquam concenserat consilio & actibus Judæorum, recensent Sacri Scriptores, quòd cordatè & sine ulla formidine in die parasceves ad Pilatum Romanum Judicem fuerit ingressus, à quo Corpus JESU in cruce mortui instantè expetiit: *Marc. 15, 43.* *Audacter introivit ad Pilatum, & petiit Corpus JESU: Pilatus autem mirabatur, si jam obiisset: & accersito centurione interrogavit eum, si jam mortuus esset, & cùm cognovisset à centurione, donavit Corpus Joseph.* Quid agis mi Joseph, vir clarissime? summo hîc odio & certæ vitæ periculo apud perfidam gentem tuam te expones? Edic nobis, in quem finem exangue & inanime Corpus Christi à Pilato tanto cordis ardore & zelo postulâsti? Respondent nonnulli Sacri Interpretes, ideo Josephum Corpus JESU tanto desiderio expetiisse, ne hoc SANCTUM à Sacrilegis Judæis in turpem cloacam, aut in foetidum sterquilinum (prout cæteris duorum

*Italus
quidam
recentior
in medit.
de pass.
Dom.*

rum latronum cadaveribus accidit) denuo indignissimè projiceretur. Hinc posthabito omni vitæ, aut famæ perdendæ periculo, solícite curavit, ut idem Sacratissimum Corpus Domini honestæ sepulturæ mandaretur. Et quid, inquit S. Bernardus, ille Christianus aliud agit, qui mortiferi sceleris sibi conscius ad SS. COR Jesu accedit: An non *præstantissimum sæculi pretium in conscientie suæ foetidum sterquilinum projicit?* O væ homini illi, melius enim esset, si natus nunquam fuisset. S. Bern. decl. de bonis deser.

9. Recordor hîc illius impudentis convivæ, qui olim sine veste nuptiali, solum suis consuetis centonibus contectus ad regias illas nuptias, quas æternus Pater Filio suo paraverat, penetrare, & inter cæteros ornatissimos convivas Regiæ mensæ assidere non erubuit, quem ubi Rex conspexit, absque mora eum tortoribus tradidit cruciandum: *Tunc dixit Rex ministris: ligatis manibus & pedibus ejus mittite eum in tenebras exteriores.* Et quid, obsecro mi Domine, hic miser peccavit? An quia non habuit vestem nuptialem? Sed pauper erat, & indigus, & tu æquè pauperem quàm divitem respicis, quia apud te non est respectus personarum? Advertite: per carentiam hujus vestis nuptialis defectus debitæ dispositionis denotatur. Non erat ergo hic impudentissimus homuncio dignus, ut de hac Regia & Eucharistica Mensa participaret, quia peccator erat, pluribusque pravis habitibus deditus. Proinde optimè in hanc rem Magnus ille Augustinus: *Ecce, inquit, qualem sententiam merebitur audisse, qui ad convivium nuptiale, id est, ad altare Domini aut ebriosus, aut in corde suo odium retinens, præsumit accedere?* Addo ego: & qui in amore sensuali & impudiciis vivens, ait injustè acquisita non restituens, aut blasphemias, perjuriis, & detractationibus deditus (cùm ejusmodi peccatores non facilè ad cor redire soleant) non veretur ad Divinissimum COR Jesu accedere? Heu! quàm formidabilem sententiam isti indigni non merebuntur? Matth. 22, 13. S. Aug. serm. 1. de dedic. Eccles.

10. De Christo denique habemus, quòd post mensam mox ad coelum gloriosus migraverit: *Et convescens præcepit eis &c.* Act. 1, 4.
Econ-

- Dan.* 5, Econtra Rex Balthasar & dives epulo cum hoc conviva Evangelico rectà post
 30. mensam ad infernum descenderunt. Hæc est facies illorum, qui dignè aut
Luc. 16, indignè communicant. Cave, quisquis es, si imparato corde aliquando ad
 22. hanc tremendam & Eucharisticam Mensam accessisti, ne similiter illud audire
 debeas: *Amice, quomodo huc intrâsti*: crimen enim hoc summæ læsæ Majestatis
 est, nec majori injuriâ SS. COR JESU poteris afficere, quàm si purissimum
 2. *Cor.* 6, hoc COR cum impurissimo Corde tuo conjungis; *quæ enim conventio Christi*
 15. *ad Belial?*

- Quid igitur consilii in re tanti momenti? Audi, quid Petrus fecerit; de hoc
 refert Evangelium, quòd post gloriosam Christi resurrectionem ad mare Ti-
 beriadis cum sociis suis se contulerit, ut ibidem copiosam piscium multitudi-
 nem concluderet. Et ecce, cùm per totam noctem nihil prehensisset, manè
 factò, stetit JESUS in littore, quem omnium primus Joannes agnovit, dicens
Joan. 21, Petro in aurem: *Dominus est.* Quod cùm audisset Petrus, sine mora *tunicâ*
 7. *succinxit se (erat enim nudus) & misit se in mare.* - Quid agis me Petre? an non
 vestes te magis in natando impediunt? & quid tunica in aquis? nunquid sic
 melius per mare ad Christum poteris venire? Non, inquit Petrus, non, non:
 neutiquam enim decet, ut sic nudus coram tanto cœli & terræ Domino com-
 paream. Respectus, respectus hîc habendus est &c. Audis hoc Sacerdos te-
 pide, qui nec calidus nec frigidus es? Audis & tu laice? antequam ad SS.
 COR Eucharisticum accedendum est, oportet prius tunicam, vestemque
Levit. 11 nuptialem, hoc est, primam innocentiam induere: *Sancti estote, quia ego Sanctus*
 45. *sum, ne polluatis animas vestras.*

- Vidit aliquando Zacharias Propheta JESUM Sacerdotem stantem coram An-
 gelo Domini: hoc bene, sed quale monstrum stipabat latus ejus, & quidem
Zach. 3, dextrum? *Et Satan stabat à dextris ejus*, inquit Propheta: hoc malum omen:
 1. pessimum verò, quod sequitur: *Et JESUS erat indutus vestibus sordidis.* Has
 v. 3. non potuit tolerare cœlestis Genius. Hinc cum indignatione circumstantibus
 v. 4. dixit: *Auferte vestimenta sordida ab eo.* Qualia autem hæc vestimenta fuerint,
 indicant verba protinus subjecta: *Ecce abstuli à te iniquitatem tuam.* Sacer-
 dos Christianus ad aram faciens stat & ipse sine dubio coram Angelo Domini:
 imo non uno tantum, ut scribit, & vidit S. Chrysostomus, sed coram mul-
 titudine Angelorum, cum summâ reverentiâ altare ambientium. Væ illi, si
 cum vestibus sordidis accedat, hoc est, conscientiam impurâ, graviûmque
 scelerum, quin & levium culparum maculis sordidatâ, quæ faciunt, ut
 & dæmonem sacrificaturus comitem habeat & stipatorem. Absit hoc
 probum à te, Sacerdos sancte, vel Laice Eucharistico Epulo
 saginande! Absit, absit!

CONSIDERATIO XXVIII.

SS. COR JESU Eucharistici est verus ille Cypri Botrus, in torculari Crucis in salutem omnium sitientium animarum expressus.



Botrus Cypri Dilectus meus. Cant. 1, 13.

Non sine singulari mysterio SS. COR JESU à dilecta illa Sponsa suavissimo Cypri Botro assimilatum est: *Botrus Cypri Dilectus meus*; sicut enim Botrus Cypri cæteras errarum uvas & dulcedine & magnitudine longè antecellit, & dum in torculari exprimitur, mirum quendam odorem, quasi flos odoratissimus per aëra spargere solet; sic SS. COR JESU in torculari Crucis expressum, tanquam Botrus Cypri suavissimus & odoratissimus per universum terrarum orbem odoris sui suavitatem & passionis dulcedinem longè latèque diffudit, & etiamnum in SS. Eucharistia, (quod prorsus idem Sacrificium cum Cruce est) per omnem

Cornel. à
Lap. in
Isaiam
hic.

Isa. 63, 3.

Ecclesiam in cunctas fidelium animas benignissimè diffundit. Proelium seu torcular, in quo hic Botrus mysticus (SS. COR Jesu) ad supremam usque sanguinis stillam pro salute mundi expressus est, juxta mentem SS. Patrum Crux Dominica extitit, de qua Isaias in persona Christi Crucifixi ait: *Torcular calcavi solus, & de gentibus non est vir mecum*, quam cruentissimam vindemiam ac pressuram cum Angeli pacis attoniti spectassent, præ compassione in hac voces soluti sunt: *Quis est iste, qui venit de Edom tinctis vestibus de Bosra? Et quare rubrum est indumentum tuum, & vestimenta tua sicut calcantium iu torculari?*

O Sionidæ! O Animæ Christianæ! invito vos omnes hodie ad hanc cruentam, & nullis unquam sæculis auditam vindemiam, heu! quis hanc considerans pressuram non contremiscat? quis non animatus huic SS. CORDI condoleat? cui sub proelo gementi pro Lemmate affigo:

Premitur, ut exprimat.

2. Ita est: *Premitur*, heu! nostris gravissimis peccatis, quæ quasi onus grave super hoc SS. COR Jesu gravata sunt, *ut exprimat* suavissimum illud Manna ac dulcissimum falernum, quod nunc quotidie in SS. Eucharistiæ Sacramento suis fidelibus propinat. O immensus Amor! O inæstimabilis dignatio charitatis!

Lyr. de
imit. Jes.
pat. fol.
276.

Et hoc est, quod Ven. P. Hieronymus Petruccius è Societate Jesu de hoc Sanctissimo ac Divinissimo CORDE Jesu Romæ in sacro Palatio coram Urbano VIII. Pontifice Maximo, & in præsentia Purpuratorum Patrum in publica oratione ingenti zelo prædicavit, dum præsentem Pontificem, antequam Jubilæum universo orbi aperiret, hisce verbis allocutus est: *Mucro ille diræ lanceæ Pontificalem mutatus in clavem, ad apertum vitæ ostium* (SS. COR JESU CRUCIFIXI) *nos invitat, & ideo miles ille latus aperuit, ut tu largâ potentique manu, superfusus in subiectos populos indulgentiæ divinæ donis, exulanti mortalitati cælum aperires.* Vide hic, obsecro, Anima Christiana! & perpende, quàm infinita, quàm im-

immensa, quàm inenarrabilia bona ex hoc CORDE Jesu (mystico Cypri Botro in torculari Crucis presso) profluxerint, à quo omnis potestas Clavium Ecclesiæ, indulgentiæ omnes, & tota remissio peccatorum suam trahunt vim & originem: *Et sine sanguinis effusione non fit remissio.* Et licet Christus Dominus hoc SS. CORDIS vulnus primùm post mortem acceperit, illud tamen à prima conceptionis hora prævidit, liberè acceptavit, & pro peccatis omnium æterno suo Patri in lytrum Redemptionis nostræ obtulit. O animæ peccatrices! annuntio vobis gaudium magnum, adhuc vestræ superest spes salutis; ite, ite animo contrito & humiliato ad SS. COR Jesu Eucharistici & Crucifixi, *Et si fuerint peccata vestra sicut cocinum, quasi nix dealbabuntur, Et si fuerint rubra, quasi vermiculus, velut lana munda erunt.* Hebr. 9. 22. Isa. I, 18.

3. Recordor hîc illius prægrandis & suavissimi Botri, quem quondam duo Viri Israëlita, cùm Chanaan terram illam desiderabilem, à fructu frumenti, vini, & olei ubertim à Deo stabilitam, explorarent, in abitu cum racemo absciderunt, & ex veste suspensum ad castra, tunc in solitudine Arabiæ locata, deportârunt: *Pergentesque usque ad torrentem botri, absciderunt palmitem cum uva sua, quem portaverunt in veste duo viri.* Celeberrima est hæc figura, multisque referta mysteriis. Num. 13. 24.

Per Botrum illum suavissimum ex terra promissa, hoc est, ex purissimo CORDE B. Virginis progerminantem, haud immeritò SS. ac divinissimum COR Jesu intelliges, per vestem autem, in quo Botrus ille pependit, Crucem Dominicam, & per racemum, quem simul cum Botro absciderunt, racemum spinarum SS. COR Jesu cingentium accipies. Per duos autem viros hunc Botrum portantes, duo testamenta, vel populus Judaicus & Christianus intelligitur, ubi Judæi quidem in fide in Christum Messiam præibant, sed in Crucifixum credere noluerunt; Christiani verò Botrum illum Mysticum secuti, salutem & vitam obtinuerunt; ubi in expositione hujus elegantis figuræ subintrat S. Augustinus: *Laboremus ergo, ne à cervicibus nostris tam sanctam sarcinam deponamus.* Quin imò S. Aug. serm. 100 de temp.

Nadaſ.
an. cœl.
die 30.
April.

laboremus, ut hanc sacram farcinam (SS. COR Jesu) in ipso Cordi nostro portemus, ut sic COR Jesu & Cor nostrum unum Cor fiat juxta exemplar S. Catharinæ Senensis, quæ Cor suum in apertum Christi latus intrare, atq; ibidem cum SS. CORDE Jesu in unum confluere vidit. O quàm felix es, Anima Christiana! si in SS. Eucharistia quam percipis, Cor tuum cum SS. CORDE Jesu in unum coalescat.

4. O quàm felix fuit Pincerna ille Regius cum Josepho quondam in Ægypto incarceratus, dum in somno divinitus immisso vitem quandam fertilissimam vidit, de qua maturas uvas collegit, & in calicem Regis expressit: *Videbam coram me vitem, in qua erant tres propagines, crescere paulatim in gemmas, & post flores uvas maturecere, calicemque Pharaonis in manu mea: Tuli ergo uvas, & expressi in calicem, quem tenebam, & tradidi poculum Pharaoni.* Placete videre, Anima Christiana! hanc figuram ad amussim expлетam? Converte oculos tum corporis tum mentis ad SS. Cor Jesu supra Tabernaculum Sanctissimi ac Divinissimi Sacramenti publicæ devotioni expositum. En, hîc habes vitem, tres propagines & uvam! Vitis Crux est, dum quasi vitis in medio CORDIS Jesu plantata fructificat suavitatem odoris. Tres propagines ejus sunt cruci illi & rigidi spinarum racemi, quibus afflictissimum COR Jesu per omnem vitam perfodiebatur. Uva, quæ ex hac vite pendet, SS. COR Jesu est. O uva suavissima! quid dulcius hac uvâ Eucharistica? Per gemmas autem & flores inde progerminantes, non incongruè divini illius cruoris & aquæ stillas, ab imo CORDE Jesu profluentes, intelliges. O pretiosæ gemmæ! quæ pretium solverunt totius sæculi! quòd denique Pincerna hanc uvam in calicem expresserit, & poculum Regi suo in mensa tradiderit, quid aliud præsignavit, quàm idem SS. COR Jesu, in Mensâ Eucharisticâ nobis in cibum & potum præbendum? Botrus enim non tantum ad edendum, sed etiam ad bibendum accommodatus est; & sicut vinum, quod est sanguis terræ, lætificat cor hominis, eumque inebriat, ac confortat: sic Caro & Sanguis SS. CORDIS Jesu totam Ecclesiam, & Cor fidelium mire exhilarat, confortat, & Divino Amore ebrios facit.

His consideratis non miror amplius, quòd Pincerna ille regius in pristinum dignitatis gradum restitutus, atque in Regis gratiam receptus sit. *Et restituet te in gradum pristinum, dabisque ei calicem juxta officium tuum:* quia totam suam spem & vitæ fiduciam, licet in umbra tantum in hoc mystico Botro, Crucifixo & Eucharistico JEsu, videtur collocasse. O animæ amantes venite & vos ad Divinas has Epulas! Venite ad SS. COR JEsu Eucharistici. In Sapiencia hîc ædificavit sibi domum, posuit mensam, miscuit vinum: Venite, venite &c.

5. Et hoc est, quod in Spiritu Prophetico quondam prævidit Jacob Patriarcha, qui moriturus omnes filios suos convocavit, qui non paternam duntaxat ac supremam benedictionem suam imertiit, sed & singulis præsentibus ac eorum posteris, quæ bona aut mala illis essent eventura, annuntiavit. Cùm igitur ad Judam devenisset, illi non tam adventum, quàm etiam Regnum Christi, quod in cruce erat erigendum, sub symbolo uvæ seu botri declaravit, atque jam tunc clarissimis verbis ad SS. COR JEsu Redemptoris nostri allusit. Audiamus illius verba: *Non auferetur, inquit, sceptrum de Juda, & dux de femore ejus, donec veniat, qui mittendus est, & ipse erit expectatio gentium,* ubi mox ad passionem Christi transit: *Ligans ad vineam pullum suum, & ad vitem, ô fili mi, asinam suam: lavabit in vino stolam suam, & in sanguine uvæ pallium suum.* Et quid hoc est, dices, nondum capio hujus vaticinii mysterium? Audi, rem paucis dilucidabo:

Ex hoc vaticinio comprimis Judæi clarissimè convincuntur, quòd Messias jam pridem in mundum venerit, isque non alius, quàm Christus Dominus fuerit, qui tempore Herodis à Virgine natus, ubi sceptrum de Juda defecit, & regale eorum imperium exstiravit. Convincuntur similiter & de Christi passione ac morte crucis, quam hîc Jacob moriturus filiis suis non obscurè sub typo linguinis uvæ adumbravit: *ligans, inquit, ad vineam pullum suum, & ad vitem asinam suam.* Per quam vineam Patres Ecclesiam intelligunt, ad quam Christus pullum suum, id est, populum gentium,

tium, qui jugum legis nondum tulerat, per passionem suam alligavit; per vitem verò SS. Crucem subaudiunt, ad quam Christus animam, hoc est, populum Judæorum jugo legis assuetum & attritum adstrinxit, quas duas gentes exinde in unam conjunxit & adunavit Ecclesiam.

Et sequitur: *Lavabit in vino stolam suam, & in sanguine uvæ pallium suum.* Per hanc stolam Tertullianus, S. Ambrosius, communiter alii carnem Christi innocentissimam & candidissimam accipiunt, in vino sanguinis sui, in vite crucis effusi, rubricatam & lavatam: per pallium verò in sanguine uvæ dealbatum lotum rursus Ecclesia adumbrata est, per uvam SS. COR JESU;

S. Ambr. Divus Ambrosius. *Et bene, inquit, uvam dixit, quia sicut uva pendit in ligno. Ipse est vitis, ipse est uva; vitis ligno adhærens uva, quia lanceâ militis apertum latus* (hoc est, SS. COR JESU) *emisit aquam & sanguinem, aqua ad lavacrum, sanguis ad prætium: aqua nos abluit, sanguis nos redemit.* O Sacratissimum COR JESU quid ulterius dicam de te?

6. Occurrit hîc mihi, & quidem ad propositum meum, quod libro Machabæorum refertur, ubi gravissimum bellum inter fortissimos Machabæos, & Regem Antiochum Eupatorem exortum fuit, in quo duo supra triginta robustissimi Elephantum applicabantur, quorum quilibet turrim ligneam cum 32. armatis milibus in dorso portabat. Verum quia elephantes ex sua natura miti sunt atque misericordes, nec facilè irasci solent, nisi viso sanguine ad iracundiam & vindictam proritentur, idcirco milites, ut ad generosum certamen dicti elephantes accenderentur, in conspectum illorum uvas ac moros expresserunt, quo viso botri sanguine, laquei elephantes atque feroces ad fundendum hostium sanguinem inter arma & enses, inter tela & hastas decurrebant: *Et elephantis ostenderunt sanguinem uvæ & mori ad acuendos eos in prælium, unde Lemma: Acrior in prælia: Vel: Sanguis robur adauget.*

O animæ Christi sanguine redemptæ! Desideratisne similem expressum intueri botrum, ad cujus conspectum velut generosi elephantes

hantes ad pugnam spiritualement contra omnes animæ vestræ hostes
 roritemini? Ecce SS. COR Jesu supra Tabernaculum Altissimi
 Luminis hîc ad venerationem & sequelam vestram expositum, &
 uid amabò aliud denotat hoc Divinissimum COR Jesu, nisi ut ex
 onspectu illius ad paria audenda generosè accendimini: Si enim, *Cornel. à*
 it Cornelius à Lapide, *sanguis uræ accendit elephantem, ut memor* *Lap. hîc.*
eneficii & curationis per illum ab hero acceptæ, pro eo depugnet,
& in gladios hastasque proruat: quid nos facere oportet intuen-
s Christum, qui pro nobis omnem suum sanguinem, vitamque in
cruce profudit? Hinc juxta mentem S. Chrysostomi ab illa Mensa *S. Chrys.*
 ucharistica non aliter, quàm *leones ignem spirantes recedamus,* *hom. 61.*
cti diabolo terribiles, & caput nostrum (addo & ego SS. COR Jesu) *ad pop.*
ente revolventes, & charitatem, quam erga nos ostendit &c. *Antioch.*

7. Ad Sponsam venio, quam Sponsus sanguinum aliquando pe-
 micè ad cellam suam vinariam invitavit: *Introduxit me in cellam* *Cant. 2, 4.*
vinariam: ordinavit in me charitatem. Quænam, obsecro, ô
 onsa, hæc tua cella vinaria fuit, in qua tam generoso falerno po-
 ta es? Sunt, qui per hanc cellam vinariam Mysterium Incarnatio-
 nis Divini Verbi intelligunt, ita Theodoretus &c. Sunt, qui per *Theod.*
 ndem cellam vinariam congregationem primorum fidelium in *hîc.*
 onte Sion subaudiunt, cui plenitudo Spiritûs Sancti in die Pen-
 costes de cœlo data est; hinc Apostoli quasi divino musto ebrii
 nt opere magnalia Dei tunc coeperunt eructare. Ita S. Bernardus: *S. Bern.*
 nt insuper, qui per dictam cellam vinariam altare accipiunt, in *serm. 49.*
 io Sacerdotes Dei consecrant, hauriunt, & vinum Eucharisticum, *& serm. 3.*
 ce est, Carnem & Sanguinem Christi distribuunt. Ita Nyssen. *Pentec.*
 Verùm cum bona pace & summa veneratione dictorum Patrum *Nyssen.*
 timâ suffultus ratione, audeo dicere, quod per hanc cellam vi- *hom. 4.*
 riam clarissimè præfiguratum fuerit SS. COR Jesu & Eucharisti-
 & Crucifixi, sub cujus umbra tunc Sponsa sedebat, & fructus Cru-
 degustabat: cum ferreâ Longini clave hæc mystica cella vinaria
 latere Christi aperta fuit, & rubrum ac candidum vinum, hoc est,
 guis & aqua, velut novus vitæ fons de hoc saucio CORDE Jesu
 abundè


abundè profluxit, memorata Sponsa ad hanc divinam cellam & suavissimum Divinitatis vinum exinde delibandum admissa est, ubi Sponsus sinceram in ea ordinavit charitatem. Hinc Guarricus Abbas: *Ideo, inquit, latus suum pius* *Guarri-* *cus ferm.* *& misericors aperuit, ut cruor te vulneris vivificet, calor corporis refocillet, Spi-*
4. in Ram. *ritus CORDIS quasi patenti & libero meatu aspires.*
palm. 8. O quot piæ animæ ab hac divina cella vinaria SS. CORDIS JESU omnem

Ex fasc. suam & temporalem & æternam hausere salutem? Sanctum Edmundum Ar-
Myrrh. chiepiscopum Cantuariensem perpendite, qui, postquam supremum vitæ suæ
P. Vinc. diem & ultimum jam agonem adesse cognovit, Crucifixi JESU pientissimi Re-
Caraffa. demptoris sui effigiem fortiter apprehendit, quam ori & pectori suo devotissi-
S. J. Gen. simè appressit, & cum Sacratissimum COR JESU, in quo unice postulabat
 animam suam efflare, devotissimo osculo veneraretur cum Sponsa ingemi-
Cant. I, I. nans: *Osculetur me osculo oris sui*, subitò cœlesti solamine plenus & insolite
Is. I 2, 3. gaudio superfusus, exclamare cœpit: *Amodo haurietis aquas in gaudio de fon-*
tibus Salvatoris: quibus dictis inter brachia Crucifixi sui Amoris placidè ani-
 mam suam in SS. COR JESU efflavit. O beatam, ô felicem sortem! sic alii
 quando posse obire mortem!

Paul Bar- Recentius illud est, quod Paulus Barry de pio quodam Sacerdote, qui an-
ry. tom. 1. no à Christo nato 1636. Romæ vivere desiit, commemorat. Hic qualis a-
anni Sacri quantus fuerit SS. CORDIS JESU amator & cultor, satis luculenter demon-
6. 8. strant, quæ post beatum ejus obitum acciderunt; cum enim illius exanime corpus
 amicorum jussu & operâ chirurgorum & anatomicorū incideretur, ut exempti
 intestinis illud balsamo condiretur, perlustratis sedulò membris omnibus, Co-
 nullum reppererunt. Tandem cum adstantium quidam oculos ad vicinam Cruci-
 fixi JESU imaginem conjiceret, ad pedes illius Cor hujus defuncti Sacerdotis, quat-
 rosam purpuream jacere advertit. Accurrunt omnes in domo ad tam insolitu-
 tum prodigium: *Miraculum, miraculum!* exclamantes. Quo prodigio sine
 dubio DEUS magnam hujus Servi sui sanctitatem & amorem, quò erga SS.
 COR Crucifixi Filii sui in vita ferebatur, declarare voluit, ut, qui in vita cum
 CORDE JESU unum Cor habuit, neque post mortem ab illius amore sepa-
 raretur. Audi pro fine S. Bernardum: *Ideo, inquit, Sanctissimi CORDIS in*
S. Bern. *tract. de* *tima furoris lancea perforavit, & vulneratum est latus tuum, ut nobis pateat in*
pass. c. 3. *troitus: vulneratum est COR tuum, ut in illo & in te ab exterioribus perturba-*
tionibus liberati, habitare possimus: vulneratum est, ut per vulnus visibile vul-
nus invisibile videamus. O charæ animæ! Venite, venite ad

hanc cellam vinariam, gustate &
 videte &c.





CONSIDERATIO XXIX.

S. COR JESU Eucharistici est verus Thesaurus absconditus omnium gratiarum & benedictionum.



Ubi enim est thesaurus tuus, ibi est & Cor tuum. Matth. 6, 21.

Non equidem miror, quòd aurum per jocum poëticum pallidum dicatur, dum in continuo angore versari, sibi-que semper timere debet, ne modò ab hoc, modò ab alio patiatur insidias. Vidimus hætenus per experientiam in moderno bello, quomodo aurum nec in ipsis terræ visceribus reconditum à rapacibus milvis satis tutum fuerit. O auri sacra fames, quid non mortalia cogis pectora? *Nolite, inquit Veritas, thesaurizare vobis thesauros in terra, ubi ærugo & tinea corrumpit, & ubi fures effodiunt, & furantur. Matth. 6, 19.* Ergo si verè divites esse cupitis, veras divitias amate, ac pretiosissimum animarum thesaurum

quærite, qui non alius est, quàm Sanctissimum ac divinissimum
Matth. COR JESU, quod est ille thesaurus Evangelicus, in mystico agro
 13, 44. Corporis Christi Eucharistici & Crucifixi absconditus, ex quo tan-
 quam ex divite vena optimum aurum omnium spiritualium bono-
 rum, gratiarum, ac benedictionum eruere possumus. Et si verum
 illud est, prout verissimum est, quòd inveniens amicum fidelem
Eccli. 6, thesaurum sibi effodiat, ita Ecclesiasticus: *Amicus fidelis protectio*
 14. *fortis, qui autem invenit illum, invenit thesaurum.* Et quis, obse-
 cro, fidelior Amicus nobis esse potest, quàm JESUS Eucharisticus &
 Crucifixus, ubi totum SS. COR suum nobis præbet in pignus æter-
 næ gloriæ, omnesque potentiae suæ thesauros in animæ nostræ
 commodum explicat?

Matth. 2. Et pergit Veritas: *Ubi enim est thesaurus tuus, ibi est & Cor*
 6, 21. *tuum.* Sic gulosus Cor suum in ventre & in epulis habet, ibi quo-
Luc. 16, que est thesaurus ejus: divitem Epulonem consule, qui *epulabatur*
 10. *quotidie splendide.* Sic immundus & lascivus Cor suum in obscœ-
 nis & spurcissimis carnis voluptatibus ponit, & illic quoque est the-
Judith. saurus ejus: Holofernem militiæ Ducem interroga, cujus cor &
 16, 11. oculos rapuerunt sandalia Judithæ. Sic avarus Cor suum inter pe-
 cunias, prædia, ac bona temporalia recondit, ubi pariter est thesau-
 rus ejus: Achab Regem Israhel considerate, dum ob negatam vine-
3. Reg. 21 am Naboth virum innocuum lapidibus obrui jussit. Notum est
 13. orbi, quod diviti illi usurario in Italia accidit, cui S. Antonius Pa-
 duanus ab amicis ejus rogatus, concionem funebrem fecit, in qua
Cornel. in præfixum nostrum thema applicavit: *Ubi enim est thesaurus tuus,*
Matth. *ibi est & Cor tuum:* & si vultis amici, subjungebat hic Divus Thau-
 6, 21. maturgus, habere hujus Evangelicæ Veritatis clarissimam experi-
 entiam? ite ad thesaurum ejus, & inter medias pecunias reperietis
 Cor ejus adhuc calidum: quod ita in veritate accidit.

Ecce ibi magis est Cor tuum, ubi amat, quàm ubi animat: si ergo
 Cor tuum magis amat immunda, vana, terrena, ac transitoria, si-
 gnum evidentissimum est, quòd Cor tuum non sit rectum cum SS.
 CORDE JESU, qui totum COR à te requirit. Remper elegans Sym-
 bolum clariùs exponimus.

3. Videtur mihi hoc divinissimum COR Jesu ut malum quoddam punicum, seu nobile granatum, quod non tantum intra se crucem includit, sed insuper rigidam coronam gestat, & si paulatim maturescit, sponte sua latus referat, ubi totum thesaurum, imò & Cor suum pandit, dum purpurea grana, velut totidem pretiosos rubinos nobis exhibet carpendos, sicque seipsum, ac Cor suum nobis in cibum ac potum tradit, unde Lemma Italorum:

Quanto posso donar', tutto vi dono.

Vel, si magis arridet.

Vulneribus profundit opes.

O bone Jesu! O Amor Eucharistice & Crucifixe! nunquid sacratissimum COR tuum ejusmodi granato seu malo punico assimilare possumus: *Sicut fragmen mali punici*: in quo pariter Crux medio ejus implantata, & corona spinea ac rigidissima cum laterali vulnere spectatur? Cant. 4, 3.

Et hoc est, quod in Epithalamio Sponsus ait: *Sub arbore malo* Cant. 8, 5.
uscitavi te, non designans, qualis speciatim hæc malus fuerit: per quam tamen Lyranus & alii ex voce Hebræa malum granatum intelligunt, cujus fructus Crucifixi & Eucharistici Amoris sunt Symbola, dum expressè Crucem, Coronam spineam, ac Vulnus laterale, seu SS. CORDIS Jesu ad vivum præ se ferunt, & hominem non cibare, quàm & potare assolent. Hinc ipse Christus dilecto servo suo Beato Joanni à DEO, hospitalitatis Fratrum misericordiæ fundatori, simile pulcherrimum & apertum malum granatum seu unicum porrexit, in cujus visceribus Crux spectabilis erat dicens: *Granada farà la tua Croce.*

4. De Tiberio Imperatore Christiano, Viro magnæ Religionis Mansi in
c in pauperes liberalissimo referunt Authores, quòd, cùm ærarium suum in publicos, ac præsertim in egenorum usus, ferè penitus fest. Inv.
exhaustisset, deambulans posthæc in palatio suo, crucem quandam S. Crucis
in lapide pavimenti efformatam adverterit. Hæret attonitus ad disc. 6.
hoc salutis signum pientissimus Imperator. Et nunquid, *Domine*,
F f 2 inquit,

inquit, *Cruce tuâ frontem nostram munimus & pectora? Et ecce crucem sub pedibus conculcamus?* Igitur mox lapidem istum tolli & in alium decentiorem locum transferri jubet. Et ecce rem admiratione dignam! mox illo lapide submoto, alium similem lapidem cruce signatum offendit, quo iterum in honestiorem locum transportato, tertium similem lapidem cruce insignitum reperit sub quo ingentem ac pretiosissimum thesaurum latentem invenit quo effosso pius Imperator non suæ duntaxat, sed & subditorum necessitati ac temporum calamitati abundè providit. En sub Cruce quantus lateat thesaurus?

Gaudete, Animæ Christianæ, desertæ ac pauperes! iterum dico gaudete, modestia vestra nota sit omnibus hominibus, scio, & vobis deo, in quantam egestatem per iniquam fortunam hoc ærumnosæ belli tempore redacti sitis; sed vos, O charæ animæ! ne cedite malis, ecce Crucem in SS. CORDE JESU, veluti in lapide illo angulari plantatam, & quid aliud hæc Crux Dominica denotat, quàm intus latere immensum thesaurum omnium bonorum, gratiarum ac benedictionum? hîc quærite, hîc fodite, hîc eruite, & invenietis præsentissimum calamitati vestræ remedium: *Qui me habet*, dicebat quondam potentissimus ille ac ditissimus Rex Galliæ Henricus VII. *nullius eget.* O quantò veriùs de SS. CORDE JESU hoc dicitur *Qui me habet, nullius eget:*

Hunc thesaurum absconditum impii Judæi per varia quæsierunt instrumenta. In hunc finem Christi JESU foderunt manus & pedes durissimis ac ferreis clavis, & non invenerunt: dilacerârunt insuper innocentissimum Corpus JESU in flagellatione usque ad costas, & dinumeraverunt in crucifixione omnia ossa ejus, & illum non invenerunt. Applicârunt quoque pungentissimas spinas, quibus sacrum ejus caput feriebant, crucem, quâ innocuum onerabant & sed neque hîc reconditum thesaurum poterant investigare. Et ecce! tandem post mortem JESU accurrit crudelis quidam miles lanceam vibrat, & SS. COR JESU referat; O Bone DEUS! hîc inventus est thesaurus totius universi, ex quo Ecclesia Triumphantis

Militans, & Purgans abundantissimè ditata est: Audite Daniele Mallonium: *Occultum thesaurum*, inquit, *in morte nondum invenit impius persecutor, accurrit ergo miles, lanceâ latus ejus aperuit, & continuo exivit sanguis & aqua. Egreditur thesaurus absconditus, panditur cœlestis ærarium, funditur sanguis, consecratur Ecclesia, &c.* O infinitus, ô immensus thesaurus!

Dan.

Mallon.

de S. Sindon. c. 20.

5. Et hoc est, quod S. Joannes insinuavit. Cùm impii ac scelerati Christicidæ tot ac tanta in morte Crucifixi JESU portenta vidissent, ob pudorem tanti sceleris commoti statuerunt, crucifixorum corpora adhuc ante solis occasum de infami ligno deponere, in hunc finem novam militum catervam ex urbe in montem Golgotheum amandârunt, ut fractis crucifixorum cruribus eorum cadavera ad radicem Calvarii sepelirent. Et primi quidem & alterius patronis fregerunt crura, ad JESUM autem cùm venissent, eumque jam mortuum observassent, non ampliùs illius crura fregerunt, sed *Joan. 19, unus militum lanceâ latus ejus aperuit.* 34.

Observe hîc prudens Lector singularia Evangelistæ verba, non dixit: Transfodit, transfixit, transverberavit, trajecit, transpuxit latus ejus, sed *aperuit*. Ad quid, obsecro, *aperuit*? Janua, fenestra, arca, porta, ostium, & similia aperiuntur, non autem Cor hominis crudeli lanceâ aperitur, quod prorsus insolitum est, sed transfigitur. Cur ergo dicit Evangelista, *aperuit*?

Rationem assignat S. Chrysostomus, quia summus thesaurus noster & pretium totius sæculi SS. ac divinissimum COR JESU adnatum in latere velut in arca quadam reconditum erat, in hunc finem miles applicat lanceam tanquam clavem, arcam divinam reseat, & thesaurum totius mundi & Sanctorum omnium feliciter, licet emicœcus, pandit: *Lanceâ*, ait citatus S. Chrysostomus, *tanquam S. Chrys. clave in arcam injectâ, dedisti pretium ex paterno thesauro.* O in Ps. 14. immensum pretium! O thesaurum pretiosum, cujus una stilla saluum facere totum mundum potest ab omni scelere!

6. Ad petram Mosaicam venio. Laborabat quondam populus in deserto gravissimâ aquarum penuriâ, & erant putei & fontes in

Cades penitus exsiccati, idcirco non leve murmur & contradictio contra Moysen exorta est, nec multum abfuit, quin tota populi multitudo in seditionem versa fuisset. In hoc periculoso tumultu *Num. 20.* Moyses ad Oraculum Divinum se confert: *Domine DEUS*, inquit, *audi clamorem hujus populi, & aperi eis thesaurum tuum, fontem aquæ vivæ.* Quid expectatis? mox universa populi multitudo, jubente DEO, ad prægrandem quandam petram, præ cæteris in deserto eminentem, congregatur, quam cum Moyses binâ vice & per modum Crucis virgâ suâ percussisset, mox *egressæ sunt aquæ largissimæ, ita ut populus biberet & jumenta &c.* Unum est, quod in celeberrima figura hac in admirationem me rapit, quod Moyses vivas has aquas ex petra promanantes thesaurum Dei appellaverit: *Aperi eis thesaurum tuum, fontem aquæ vivæ.* Cur quæso profluentes aquas thesaurum DEI hic Propheta vocavit?

Observe: per hanc petram Christus JESU & hic Crucifixus intelligitur: *Petra autem erat Christus*; per thesaurum verò in hac mystica petra latentem meritò SS. COR JESU subaudimus, quod miles virgâ lanceæ percutiens, simul & thesaurum omnium sæculorum aperuit, ex quo continuo exivit sanguis & aqua, iste qui redimat hæc quæ diluat: *Dei thesaurum*, ait B. Petrus Damianus, *aquam illam procul dubio nominavit, quæ è latere JESU lanceâ transfixa cum sanguine continuo exivit, junxitque se manuum ac pedum perforatorum fontibus.* O immensus, ô inexhaustus thesaurus SS. COR JESU, ex quo juxta S. Augustinum *Sacramenta Ecclesiæ manarunt, sine quibus ad veram vitam non intratur.*

Ex hoc ergo perforato SS. CORDE JESU prodiit imprimis Baptismus, per quem nata est Ecclesia; prodiit Confirmatio, per quam in fide confortata est; prodiit SS. Eucharistia, per quam nutrita & educata est; prodiit poenitentia, per quam ab infirmitate animæ sanata est; prodiit extrema unctio, per quam contra hostes infernales in supremo agone defensa est; prodiit Ordo, per quem hætenus gubernata est; prodiit denique Matrimonium, per quod in toto terrarum orbe propagata est. O anima Christiana

vide

vide & considera, quàm immensi gratiarum thesauri ex SS. CORDE JESU sint orti!

7. De Virga Corylacea, quæ naturaliter ad fontes subterraneos & ad metalla se inclinare dicitur, ac latentes sub humo prodere thesauros, multi multa enarrant. Scinditur hæc virga bifurcata de coelo, quæ supra aliquam venam fontanam aut metallicam crevit, in duos bacillos, quæ deinde utrique manui imponitur, ita ut igitur nec nimis leviter, nec nimis fortiter compressi cœlum spectent. Sic Metallici per montes & rupes alpium discurrentes, reconditas metallorum venas ac latebras, latentésque sub terra thesauros, aut etiam fontes non infelicitè indagant, quos tunc invenisse se credunt, cùm virga versari, & versus terram inclinare incipit, hanc autem inclinationem Metallici linguâ vernaculâ *percussionem* appellant, & dum inclinatur, dicunt eam *percutere*, vel non *percutere*.

Hunc virgarum usum superioribus annis experta est, cum gravissima jactura nostra Germania, dum Sueci milites ac Livones per hujusmodi virgas divinatorias in occupatis à se civitatibus, pagis, templis & ædibus magnam opum vim corraferunt, dum videlicet, ubi levis suspicio latentis thesauri aderat, ejusmodi virgas applicarunt, quarum beneficio sæpius aureos, argenteosque calices, ac pretiosam suppellectilem, sub terra aut intra privatos patres absconditam, in lucem & in apricum produxerunt; unde versus ille promanavit: *Suecus, Lycum penetrans, magnam pervertit opum vim.*

Aliam hîc tibi, ô anima Christiana, monstro virgam, illâ Corylaceâ, quam metallici usurpant, longe feliciorè; virga hæc bifurcata & in duos bacillos divisa CRUX est, stans in SS. CORDE JESU, hîc indefinenter *percutit*, & quid indicat? Quære, & indaga; invenies thesaurum omnium pretiosissimum, per quem omnia tua debita, imò & totius mundi poteris exsolvere. O quàm bene hoc SS. CORDE JESU illud Jeremiæ applicari potest: *Aperuit Dominus thesaurum suum!*


Jerem.

50, 25.

8. O amabilissimum ac Divinissimum COR Jesu! tu es illa gemma & margarita pretiosa, pro qua Evangelicus Negotiator omnia dedit, & comparavit eam: *Simile est regnum coelorum homini negotiatori quarenti bonas margaritas, inventâ autem unâ pretiosâ margaritâ, abiit, & vendidit omnia, quæ habuit, & emit eam.* O pretiosa: ô inæstimabilis margarita, omnibus mundi divitiis ac Regum opibus longè & infinitè præstantior! Ah miseri! ad quid ita temporalibus bonis & fugacibus inhiamus divitiis? Nunquid etiamnum verum est, quod Psalter Regius decantat: *Et relinquent alienis divitias suas & sepulchra eorum domus eorum in æternum?* Ergo potius quæramus unum Bonum, quod est omne Bonum, hoc est, SS. COR Jesu. O quàm dives est illa anima, quæ hunc Divinum Thesaurum possidet! Audi Doctorem Mellifluum: *Quia semel, inquit, venimus ad COR dulcissimum Jesu, & bonum tract. de est nos hic esse, nec sinamus nos facile ab eo avelli. O quàm bonum & quàm passione jucundum habitare in CORDE hoc? Bonus thesaurus, bona margarita COR tuum Dom. c. 3. Bone Jesu, quam fosso agro tui Corporis invenimus.*

- Eja Animæ Christianæ, relinquamus huic mundo divitias; relinquamus & Cleopatraræ Reginæ suas Margaritas, quarum una, quam in aceto liquefecit & in amorem Antonii potando hausit, plus quàm centum millibus aureorum constitit. Sufficiat nobis una Margarita Sanctissimum COR Jesu, de qua pro coronide S. Franciscus Salesius: *COR Salvatoris, inquit, verus orientalis unio; unicè unicus & pretii inæstimabilis, jactum in mare incomparabilium amaritudinum, diebus ejus passionis seipsum in seipso liquefecit, & resolvit in dolorem, vi & vehementia angustiarum mortalium undique prementium.* O SS. COR Jesu! quis te non amet? Et tu, O Anima! si SS. COR Jesu est thesaurus tuus, ergo & ibidem sit COR tuum: *non in comensationibus & ebrietatibus, non in cubilibus & impudiciis, non in contentione & emulatione & ubi quondam Cor suum fuisse S. Augustinus lamentatur: non in magnis & mirabilibus super se, nec in venenato calice meretricis Babylonicæ, aut opulentis aurifodinis Reginæ Ægyptiacæ: sed in divite Sinu CORDIS Dominici*
- Beatius vir, cujus est Nomen (& COR) Domini spes ejus, & non respexit in vanitates & insanias falsas. O filii hominum, usquequò gravi corde? ut qui diligitis vanitatem, & queritis mendacium? quærite veritatem: verumque Thesaurum in CORDE Jesu: qui me invenerit, inquit ipsum, inveniet vitam, & hauriet salutem à Domino.*





CONSIDERATIO XXX.

Ad SS. COR JESU Eucharistici & Patientis, tanquam ad ideam
propositam omnis nostra actio & intentio dirigatur.



Porro unum est necessarium. Luc. 10, 42.

REferunt de Jonatha Regum fasti, cum tam peritum extitisse sagittarium, ut sagitta ab illo directa nunquam incassum vibraretur, quin validis lacertis agitata hostium coram, imò & scuta eorum perfoderet, thoraces penetraret, & adipem sanguine ac intima viscera scrutaretur: unde de hac sagitta Jonathæ David amicus ejus intimus, cùm immaturam hujus inclyti herois mortem amaris deplorasset lacrymis, cantare consuevit: *A sanguine interfectorum, ab adipe fortium sagitta Jonathæ nunquam rediit retrorsum.*

*2. Reg. 1.
22.*

Anima Christiana! si Cor tuum arcus est, amor sagitta fit; neces-

se enim est, ut amor Cordis in aliquod objectum feratur, dum aut mundum, aut carnem, aut dæmonem, vel Christum debet diligere. Sed quid, obsecro, tibi prodest amor ille insanus sine Jesu! Cur non hoc Sacratissimum COR pientissimi Redemptoris tui in signum & metam tibi proponis, ad quod omnis amor & affectus tuus tanquam ad finem ultimum feratur?

Imitare generosos Lacedæmones, qui quondam parvulis suis panem aut alias cupedias in sublimi pyramide, aut in summis arborum ramis, vel in ipso domûs tecto solebant collocare, quibus unà simul arcum & sagittam in manus porrigebant, ut, si vellent panem & similes cupedias, sagittam illuc mitterent, & dejicerent, alioquin famem ut canes passuros. Ex quo factum est, ut Lacedæmones atque ejusmodi sagitarum exercitio ex omnibus populis in optimos evaderent sagittarios.

En, pie Lector! proponitur & tibi hîc in Ecclesia SS. COR Jesu ut Panis vivus & Eucharisticus, quò pariter sagittas amoris tui dirigas, omnesque cogitationes, verba, & opera, velut ad finem tuum & ad propositam ideam disponas, nec amplius ab hac sagittatione desistas, donec cum illo genio, qui tibi in Symbolo & schemate exhibetur, hoc SS. COR Jesu, velut supremum tuum scopum contingas, unde Lemma:

Donec attingam.

Luc. 10, 42. 2. Et hoc est, quod Veritas insinuavit, dum Marthæ ob nimias temporales curas perturbatæ, & in varias partes distractæ, hoc unum cum remedium suggessit: *Porro unum est necessarium.* Et quod nam illud unum est, O mi Jesu?

*Cornel. à
Lap. hîc
Cass. coll.*

1. c. 8.

S. Greg.

l. 1. in. 1.

Reg. c. 4.

S. Bern.

serm de

hum. mis.

Hoc unum, respondet Cornelius, & unicus DEI ac æternæ salutis cognitio. Hoc unum, ait Cassianus, est unicus DEI intuitus & contemplatio. Hoc unum, inquit S. Gregorius Magnus, est ultimum finis, & summum hominis bonum, ad quod Cor nostrum est dirigendum. Hoc unum, subintrat Mellifluus, est ipse DEus: *Vides* inquit, *miser homo, quia totum est vanitas, totum stultitia, quia* qui

quid facis in hoc mundo, præter id solum, quod in DEum, & propter DEum, & ad honorem DEI facis? Audi & Epictetum: Oportet, *Epictetus*
 inquit, ut omnia principia, quasi converso orbe, redeant ad unum *ad Arrianum.*
 principium, omnia pulchra ad unum pulchrum, omnia divina ad
 unum DEum, omnia una ad unum Ter Unum. Ergo pariter oportet, ut omnia hominum prædestinatorum Corda redeant ad suum principium & finem, hoc est, ad Sanctissimum ac divinissimum COR JEsu, quod primum esse debet in intentione, & ultimum in executione.

Hoc ergo est illud unum necessarium, ut per hoc Sanctissimum COR JEsu quæramus ipsum DEum, & unicum illius in omnibus sanctissimum beneplacitum. Sic, O Christiane! quietè ac suaviter tuas perages functiones, & facile cæteras à te rescindes superfluas. Assuesce igitur imposterum in eadem intentione DEO T. D. M. tuas offerre actiones, quemadmodum hoc amabilissimum COR JEsu in his terris cum hominibus conversatum similes actiones DEO Patri suo Omnipotenti præsentavit. Proinde dic ante orationem, imò ante quamlibet actionem: *Domine, in unione illius divinæ intentionis, quâ Sanctissimum COR JEsu in terris tibi laudes persolvit, ita quoque, O mi DEus! tibi hanc vel illam actionem persolvam.*

3. Talis Cordis tui intentio similis est illi virgulæ fumi, ex aromatibus myrrhæ & thuris & universi pulveris pigmentarii paratæ, quæ ob miram fragrantiam usque in coelum super omnes Angelorum choros ad ipsum SS. COR JEsu ascendit, & ibidem terminatur. *Cant. 3, 6.*

Talis intentio similis est aureæ illi virgulæ Mydæ, quæ omnes actiones tuas etiam indifferentes, quæ ex se non essent meritoriae, in optimum aurum solet commutare.

Talis intentio similis est oculo puro & simplici, semper ad Sanctissimum COR JEsu directo, unde David dicere solebat: *Oculi tui semper ad Dominum.* *Pf. 24, 15* Et mox addit hujus suæ intentionis finiteræ effectum: *Quoniam ipse evellet de laqueo pedes meos.*

Talis intentio similis est Virgæ Mosaicæ, quæ, cum in terram

Exod. 4, projecta fuit, sine mora *versa est in colubrum*; sed cum à Moyse
2. elevata est, rediit in florentem virgam ac tantorum operum mirabilium operatricem, cujus ope mare rubrum divisit, & populum electum DEI in Palæstinam felicissimè traduxit.

Talis denique intentio similis est numero primo, seu I. scribantur, 0000000000, & dic, quid faciant? Repones: *Nihil*, quia omnia vana, nulla sunt. Verùm adde his nullis unicum & primum numerum seu cifram I. & ecce! mox numerum habebis longè maximum: Unde Lemma Bovii: *Addito minimo maximum 10000000000*. Ecce! talis rerum facies est cum tua Cordis intentione! Omnia in mundo ex se nihil sunt: *Ad nihilum*, ait Psalter Regius, *redactus sum, & nescivi*: Et in alio loco: *Ad nihilum deducet omnes gentes*. Et rursus: *Substantia mea tanquam nihilum ante te te*. Audi & Doctorem Gentium: *Verumtamen existimo, omnia detrimenta esse, propter eminentem scientiam JESU Christi Domini mei, propter quem omnia detrimentum feci, & arbitror ut stercora ut Christum lucrifaciam, & inveniar in illo*; hoc est, in Sanctissimo CORDE JESU, in quo omnes suos fideles unà secum animum optat inhabitare: *Testis enim mihi est DEUS, quomodo cupiam omnes vos in visceribus JESU CHRISTI*. Et hoc solum aliquid est, ex quo puncto unica tua salus dependet, tendere ad Sanctissimum COR JESU. O quàm benè igitur memoratus Psalter de ejusmodi cordibus pronuntiavit: *Letetur Cor quærentium Dominum*. E contra væ illis, quorum Cor à sanctissimo CORDE JESU divisum est, de quibus Sapiens: *In Cordis egestate morientur*.

21. 4. Causam non immeritò inquirunt Sacri Doctores, quare in
Exod. 13, Veteri Lege asinus ab omni Sacrificio fuerit rejectus: *Primogenitum asini mutabis ove: quòd si non redemeris, interficies?* Cur, obsecro DEUS hoc animal indignum censuit, ut sibi immolaretur? Et quid peccavit asinus? Nunquid dignus æstimatus est, qui Christi recens nati præsepio adstaret? Et nunquid obsequium illi suum exhibuit, cùm à facie & gladio Herodis fugeret in Ægyptum? Nonne ipse orbis Salvator Christus ut Rex Sionis asino vectus, Jerosolymam ingressus

gressus est? His tamen non obstantibus repudiatur à Sacrificio asinus, & econtra bos admittitur, imo verò jubetur à DEO in gratum *Levit. I.* sibi & acceptabile Sacrificium litari? 2.

Adverte pro solutione argumenti Isaiaë vaticinium: *Cognovit, Isa. 1, 8.* inquit, *bos possessorem suum, & asinus præsepe Domini sui.* Nota: *Cognovit* bos possessorem suum, Dominum ac DEum suum, fixè nimirum eum in præsepio intuendo, illi se inclinando, halitu calefaciendo, & fœno tegendo: *Cognovit* & innocentissimum COR Jesu Creatoris sui pro suo brutali modo ut beneficentissimum, unde se ei perlibenter in Sacrificium & holocaustum submisit. Econtra asinus, stupidum animal solùm *cognovit præsepe Domini sui*, tantùm pabuli & commodi sui curam gerens; ideo meritò à sacrificio ejectus est. Audi in hanc rem Sanctum Basilium: *Bos, ait, Dominum suum novit, nec præter illum aliud quidquam spectat: asinus* S. Basil. citatus à *verò non Domini, sed præsepis, sed pabuli & commodi sui rationem* Didaco *habet &c.* O mortales omnes! vel ab ipso bove stante ad Domini Niss. dom. *præsepe discite, ad quid in hac vita quàm maximè debeatis mentis* 4. quadr. *oculos dirigere, ut nimirum Dominum ac DEum nostrum, & quem* §. 3. *misit Filium suum Jesum Christum agnoscatis, honoretis, ei que servientes tandem salvi fiatis. Hic, inquam, rerum cardo volvitur, et præter SS. COR Jesu nil aliud quidquam spectetis, sed omnia ad unum supremum finem referatis: Cor humanum, ait S. Bernardus, S. Bern.* *adhoc factum est, ut videat suum Creatorem.* Et Divus Basilius: *serm. 16.* *Omnis actio, inquit, sermoneque Servatoris nostri Jesu Christi, pietatis ac virtutis norma quædam nobis est. Nec ob aliam causam* S. Basil. serm. quomodo Deus orandus. *omo ad imaginem DEI altissimi factus est, quàm ut aliquid gestus in eum tanquam archetypum exemplarque aspiciens, modum* *iamque virtutis imitari conaretur.*

5. Occurrit hîc mihi ad propositum pulcherrima illa quæstio, quam quondam Psaltes Jessæus mundo proposuit, in quonam tantem centro vera hominis felicitas ac beatitudo consisteret?

Arbitrabantur aliqui, veram hominis beatitudinem, dum hac mortali aurâ vescitur, in illo consistere, si cum Amano ad summos

exaltaretur honores, & suprema conscenderet dignitatum culmina: Sed vulgi hæc sententia est, non penetrantis, quod omnis honor mundanus gravem quoque post se trahat servitutem. Blandum quidem nomen est honos, ait Divus Paulinus, sed, si res melius per-

Philol. lib. de Joseph. pendatur, misera profecto servitus est. Cogitet, inquit Philo, qui honorem affectat, tempestatem se affectare. O quot ex summi

honoribus in hanc tempestatem delapsi sunt, qui, si in humili statu suâ sorte contenti vixissent, sine dubio in æternum salvati fuissent. Hinc merito David DEO gratias agit, non quia ab illo ad regiam dignitatem summósque honores exaltatus, sed quia ab ipso humili-

Psal. 118 liatus fuit: *Bonum mihi Domine, quia humiliasti me.*

71.

Alii censebant, summam hominis felicitatem in hac terra obtineri, si genio indulgeret, & foedis corporis voluptatibus innatare. Sed pestilens hic avernus est, Holofernem, Balthasarem, divitem epulonem, & alios de grege Epicuri porcos consule, qui in hoc nomine *felicitas* statim in prima syllaba *fel* invenerunt. Vide, ut voluptuosa sit illa Jezabel, quæ nutriebatur in croceis, oculos & fa-

4. Reg. 9, ciem pingens stybio & cerussâ ornans caput suum, & sequitur: *No-*
35. *invenerunt nisi calvariam, & pedes, & summas manus &c.*

Erant, qui hominis felicitatem in terrenis istis bonis, magnis divitiis, & prædiis terræ collocabant; si nimirum *promptuaria eorum essent plena, eructantia ex hoc in illud: si oves eorum foetosa abundantes in egressibus suis: Si boves eorum crassæ, & nulla ruina macerie in vineis &c.* Hunc, inquit David, dicebat mundus

Psal. 143 beatum: *Beatum dixerunt populum, cui hæc sunt.* Sed ego longe

15.

aliter respondeo, subintrat citatus Vates Regius: *Beatus populus cujus Dominus Deus ejus;* in hoc enim unico posita est vera, solida, ac tota hominis felicitas, DEUM ac SS. COR Jesu pro fine

Psal. 72, 28 scopo suarum actionum præfigere: *Mihi autem DEO adhære-*
bonum est, & ponere in Domino Deo spem meam.

6. Vis anima Christiana, ut per exempla tibi adhuc platiorem viam ad hoc SS. COR Jesu demonstrem? De B. Jacobo Mevanensi ex ordine S. Dominici, insigni SS. CORDIS Jesu amatore culto:

cultore recenset Bzovius, quomodo coram imagine Crucifixi Redemptoris sui aliquando DEum enixius precatus sit, ut ab illo in numerum prædestinatorum & electorum reciperetur. Et ecce! cum ita in terram prostratus ferventes ad DEum preces fundit, audit ab ore Crucifixi JESU hanc vivam, omnique consolatione plenissimam vocem: *Sanguis*, inquit, *sit tibi in signum*. Ubi mox (ô rem stupendam) ad hanc Christi vocem copiosus fons de latere & CORDE JESU profiliit, qui non tantum hujus Servi DEI faciem, sed & vestes rubentibus guttis abundè consperfit; cumque Sacrosanctus Cruor in labia quoque ejus deflueret, tantâ dulcedine Cor ejus perfusum est, ut ab eo tempore nil aliud optârit, quàm citò hoc mortali corpore dissolvi, & in æternum esse cum Christo.

Nec absimile illud est, de quo refert Cæsarius, & ex eo Quaresmius de quodam Juvene Religioso, qui quotidie totam Christi passionem legendo & meditando percurrerebat; cum hic aliquando citre vehementer discuperet, an SS. CORDI JESU grata hæc esset sua devotio, JESUM in altari quasi Crucifixum præsentem advertit, cui piissima brachia sua de Cruce revellens, hunc dilectum servum suum mirâ suavitate amplexatus est, & *tanquam*, prout loquitur Quaresmius, *præcordialcm sibi in signum mutue familiaritatis eum ad Pectus suum attrahendo strinxit*. O quantâ cum animi dulcedine hujus devotissimi Juvenis! Certè ex illa hora nil ampliùs cogitabat, quàm SS. COR JESU, pro quo millies sanguinem optabat profundere. Similem gratiam habuit Religiosissimus quidam Pater è Societate JESU, de quo refert Le Blanc, quòd Christus Dominus visibiliter in Cor ejus ingressus sit, ac miro Divini amoris ardore illud succenderit. Idipsum Beatæ Angelæ contigit, quæ etiam extra SS. Synaxin Christum Cordi suo illabentem insit. Vide ex his anima Christiana, quanti meriti sit, amare & colere SS. COR JESU, illudque sibi pro meta & scopo suæ devotionis proponere. Et tu quid agis?

7. Ex his forma tibi argumentum, quanta debeat esse felicitas hujus Cordis humani, si cum SS. & amabilissimo CORDE JESU prorsus

Eccl. an.

1301.

num. 11.

Quares.

Tom. 5.

cap. 8.

exempl. 4.

Le Blanc

in Ps. 117

vers. 20.

f. 1503.


prorsus ad DEum Patrem eundem finem habeat, & quasi unum Cor cum illo Divinissimo CORDE efficiatur? O summa beatitudo! Et nunquid quotidie videmus, quomodo omnes creaturæ tendant ad suum finem, ad quem à DEO creatæ & ordinatæ sunt? *Creavit* DEUS luminare majus, ut præesset diei, & divideret annum ac tempora &c. Et ecce hoc facit. *Creavit* DEUS luminare minus, ut præesset nocti, & hoc facit. *Creavit* DEUS stellas, & posuit eas in firmamento, ut lucerent super terram, & hoc faciunt. *Creavit* DEUS terram, ut germinaret herbam virentem, & hoc facit. *Creavit* DEUS cæteras creaturas, hanc ad illum, alteram ad alium finem, & ecce! *obediunt ei.* Vide, quàm citò lapis ad suum centrum tendat! Vide, quomodo jumenta ad laborem suum exeant, & revertantur. Vide & considera, quomodo omnia faciant verbum ejus, & ordinatione illius perseveret dies, & quomodo omnia serviant ei. Et tu solus, ô homo inanis & vanus, qui ad imaginem DEI creatus es, cujus Cor sigillatim finxit DEus ad normam & ideam Unigeniti sui, cujus finis tandem est ipse DEUS, & tu, inquam, solus homo DEO tuo non inservias? non quæras? non ames? non obedias? ubi ergo est Cor tuum, si illud non referas ad SS. COR JEsu? nunquid ipse *Possessor est Cordis*?

32. Nauta in mari ante omnia sibi portum statuit ac figit, quò securè cursum suum cum navi dirigat. Si ergo hic mundus mare magnum ac spatiosum est, cur miseri non pro portu nobis præfigimus SS. ac Divinissimum COR JEsu, ne æternum patiamur naufragium?



CONSIDERATIO XXXI.

SS. COR JESU hortum sibi eligit, in quo in oratione ad DEUM effunditur, & ob peccata nostra usque ad mortem tristatur.



Egressus est cum Discipulis suis trans torrentem Cedron, ubi erat hortus, in quem introiit. Joann. 18, 1.

IN hortum te invito, Anima Christiana! Non in illum hortum, ubi diabolus habitum serpentis indutus, Cor primi hominis seduxit, ac per unicum heu! nimum fatalem pomi morsum in summam animi corporisque perniciem totam mortalium progeniem præcipitavit: *Tulit ergo Dominus Deus hominem, & posuit eum in paradiso voluptatis. Cui horto pro Lemmate inscribimus: Gen. 2, 15.*
in faustis infaustus.

Neque in illum hortum te invito, in quo formosa illa, sed incauta Bethsabea, Uriæ Hethæi viri fortissimi conjux se quondam lavare

2. Reg. 11
2. consueverat, ubi vagos Regis Solymæi oculos, imò & cor ejus, qui tamen vir prius erat secundum Cor Dei, miserè abstulit: *Vidit mulierem se lavantem ex adverso super solarium suum.* Unde Lemma: *Ut vidit, periit.*

Dan. 13,
8. Nec in illum hortum te voco, in quo cor duorum pessimorum Senum in concupiscentia honestissimæ illius Susannæ turpissimè exarsit: *Et videbant eam Senes quotidie ingredientem, & deambulantem, & exarserunt in concupiscentia ejus:* quibus duobus aridis titionibus, igne lascivo adhuc turpiter fumantibus, pro Lemmate feres: *Etiam ex arido?*

3. Reg.
21, 2: Nec denique in illum feracissimum hortum te invito, propter quem innocens Naboth ab impio Rege Achab tam crudeliter & injustè lapidibus obrutus est: *Da mihi vineam tuam, ut faciam mihi hortum olerum:* Cui fecundissimo horto hanc Epigraphen inscribes: *Nocet esse feracem.*

Cant. 5, 1. Sed in illum hortum te invito, ad quem salutis tuæ Author & Sanguinum Sponsus jam olim te invitavit: *Veni in hortum meum. Soror mea Sponsa, messui myrrham meam cum aromatibus meis.* Et qualis iste hortus omnibus patens, nullamque hominum conditionem excludens? cui pro Lemmate illud affigimus, quod olim Eminentissimus S. R. E. Cardinalis Camertes, ut liberalem & benevolum animum suum erga omnes monstraret, suo excultissimo horto inscribi voluit:

Præbet, non prohibet.

2. Videsis, Anima Christiana! hortum hic habes patentem; sacratissimum ac divinissimum COR Jesu, in cujus medio arbor vitæ, id est, Crux plantata cernitur, de qua S. Mater Ecclesia cantat: *Hæc est arbor dignissima, in paradisi medio situata, in qua salutis Autho propriâ morte mortem omnium superavit.* Loco myrrhæ & aromatum, florum ac fructuum reliqua circumstant passionis instrumenta; sepi vicem corona spinea adimplet, & in medio hujus saluberrimi horti fons salit in vitam æternam. O fortunatissimum hortum De horto Burghesiano norunt illi, qui Romæ fuerunt, qui nob

Brev. R.

3. Maij.

nobilissimum hortum, omnes externos tum ob amœnissima viridaria, tum ob elegantissimas florum gemmas, tum ob diversos salientes lucidissimorum fontium meatus in summam admirationem rapientem, Scipio Cardinalis Burghesius, Pauli V. nepos, magnis impensis erexit: in cujus foribus, ut demonstraret orbi, quòd non suo, sed aliorum commodo hunc cultissimum hortum extruxerit, hæc verba inscribi voluit: *Ito, quòd voles, carpito, quæ voles.*

O Anima Christiana! Veni nunc unà mecum in hortum Gethsemani, quod idem est, ac *vallis pinguedinis*, & carpito ibidem, quæ voles, de fructibus & floribus amarissimæ passionis Christi JEsu, dulcissimi Sponsi tui. En tibi patet liberrimus ingressus: *præbet, non prohibet.*

3. Sed dic, obsecro, O mi JEsu! cur SS. CORDI tuo placuit in horto illo adeò tædere, pavere, & in manus tradi nocentium, eandemque acerbissimam passionem in horto finire? *Egressus est trans torrentem Cedron, ubi erat hortus, in quem introivit: Et post consummatam passionem subjungit idem Evangelista: Erat autem in loco, ubi crucifixus est, hortus, & in horto monumentum novum, ibi posuerunt JEsu.* Quid hoc est, O mi JEsu! quare passionem cruentam in horto exordiris, & eandem in horto terminas?

De Bajazete Turcarum Imperatore referunt, quòd hortum sibi construxerit, in quo diversas arbusculas ipse propriis manibus animi gratiâ plantavit, quarum curam pretiosus hic hortulanus in seipsum suscepit. Accidit, ut plantæ istæ primos progerminarent fructus, inter illas & arbor erat conspicua, odoratis referta pomis, de qua Imperator legem sanxit, ne quis mortalium sub poena capitis ex hac malo fructum decerperet. Transiit fortè Ephebus quidam nobilis, & specie pomorum illectus, unum de ramusculo decerpfit, ac comedit. Advertit Bajazetes post meridiem in horto deambulans, unum deesse pomum, & mox omnes Ephebos in quæstionem vocat; cùmque nullus furtum fateretur, eorum ventres cultro disse-

*Joan. 18, 1.
Jo. 19, 41.*

*Manicor
de filio
prodigo
& alii.*

maxima erat suspicio, reliquæ hujus infelicis comestipomi inveni-
rentur. En quantum malum ex uno malo.

Altiùs nunc erige oculos, Anima Christiana! hortumque illum
voluptatis considera, in quo Deus unicam sibi arborem scientiæ
boni & mali reservavit, ne ex illius fructu protoparentes nostri sub
comminatione mortis fructum comederent: sed quia miseri, calli-
di serpentis astu, & dulcedine fructûs inescati, legem Dei prævaricati
sunt, ideo gratiâ divinâ excidentibus, cum posteris omnibus mortem
animæ & corporis incurrerunt. Nemo hîc aut Angelorum aut
Gen. 3, 8. hominum tantis malis opem ferre poterat. Et ecce mitissimum ac
planè misericordissimum Dominum! ille ipse, qui quondam in pa-
radisi horto ad auram post meridiem deambulabat, ut tanquam
districtus judex sententiam in protoplastos ferret, nunc eorum me-
dicus & advocatus factus est; & ut culpam poenâque æternam ab
illis commertam expiaret, ipse in assumpta carne passibili in hor-
tum Gethsemani se contulit, ut reperiret, quod in horto amissum
Cant. 5, 1. est, pomum: *Veniat Dilectus meus in hortum suum, & comedat*
Jerem. fructum pomorum suorum. O pomum infaustum! de quo filio-
rum dentes adhuc obstupescunt. O pomum non aureum, sed fer-
reum, quia sæcula ferrea in mundum intulit: pomum putridum,
quia ex eo tota natura nostra corrupta & putrefacta est: Unde
Lemma: *A malo omne malum.*

Venit igitur Jesus in hortum, ut comederet fructum pomorum
suorum, tristitiam scilicet, dolorem, sanguineum sudorem, flagra-
3. Cyrill. spinas, crucem, ipsamque mortem: *Venit in hortum*, ait S. Cyrillus,
Alex. ut, ubi hominum ruina cœperat, ibi ejusdem reparatio exordium su-
meret. Venit in hortum, ut, ubi Adam Deo bellum indixerat, ibi
Joan. c. Adam secundus rursus pacem Deum inter & hominem repararet.
31. Venit in hortum, ut, ubi primus homo per inobedientiam Deum
offenderat, Christus Patri obediens fieret usque ad mortem. Venit
in hortum, ut, ubi malus Angelus sub specie colubri Evam seduxit,
in altero bonus Angelus Christo appareret, eumque ad imminentē
luctam confortaret. Venit in hortum, ut, ubi protoparentes nostri
manus

manus ad vetitum fructum extenderant, Christus in oratione manus in coelum ad Patrem & ad oblatam Crucem porrigeret. Venit in hortum, ut, ubi Adam sub medio paradisi ligno se absconderat, alter palam & voluntariè pro salute hominum se in manus offerret inimicorum. Venit denique in hortum, in quo passionem suam & inchoaret, & finiret, *ut unde mors oriebatur, inde vita resurgeret.* Ecce mirabilem Divinissimi CORDIS Jesu dispositionem: *ad pristinum enim*, ait S. Cyrillus, *omnia recurrere oportebat.* Et hæc sunt omnia Jesu! *illa poma nova & vetera*, quæ tibi Sponsa tua, ah ingrata anima, servavit in hoc fatali olivarum horto degustanda: *Vetera poma*, inquam, quæ Patres nostri tibi reliquerunt peccata in hoc horto expianda, & *nova* sunt cheu! nostra delicta, quibus Sacratissimum COR tuum incessanter affligimus. O dura poma!

Cant. 7,
13.

4. Sed progrediamur ulterius: *Et cœpit Jesus pavere, & tædere*, & ait illis: *Tristis est anima mea usque ad mortem.* Ita quoque contristatus est corde fortissimus Judas Machabæus, cum in prælio advertit, vires suas tam valido hostium exercitui esse longè impares: *Et vidit Judas, quod defluxit exercitus suus, & bellum* 1. Mach. 9, 7. *erurgebat eum, & confractus est corde.* Ita Cor Jacob vehementi errore perculsum est, cum intellexisset, quod Esau quasi rabidus lupus cum quadringentis viris sibi in occursum properaret: *Timuit* Gen. 32, 7. *Jacob valde, & perterritus divisit populum.* Ita Cor Ezechiae cœpit expavescere, cum ab Isaia hoc fatale nuntium audivit: *Præcipe domini tui tuæ, morieris enim tu &c.* Ita Cor fortissimi Samsonis, cum à Dalila importunitate nimia torqueretur, ut mentis suæ arcana panderet, usque ad mortem lassatum est: *Defecit anima ejus, & ad mortem usque lassata est.* Ita Cor Davidis vehementi pavore contremuit, cum Angelum Domini stricto gladio super Hierosolyam vidit, sibi & populo interitum minitantem, unde exclamavit: *Angustia me premunt &c.* Ita Cor Eliæ timere & palpitare cœpit, cum ab impia Jezabele ad necem quæreretur: hinc unicum suum refugium sub Junipero quæsivit, ubi à DEO petivit animæ suæ, ut

1. Mach.
9, 7.

Gen. 32,
7.

4. Reg.
20, 1.

Judic.
16, 16.

1. Par.
21, 13.

3. Reg.
19, 4.

Dan. 13, 22. *moretur.* Ita Cor Susannæ, cum injustissimè ad mortem condemnaretur, ingemuit: *Angustiae sunt mihi undique &c.*

Et quid dico de amabilissimo CORDE Jesu in montem olivarum se conferentis? *Matth. 26, 37.* *Cœpit contristari & mœstus esse.* Unde hæc insolita tristitia amantissime Jesu? si bellorum Princeps trepidat, quid cæteri agent milites? si contristatur lætitia Angelorum, & gaudium universæ terræ, quid nos miselli agemus? si solatium omnium afflictorum est sine solatio, quid agent in hoc exilio animæ afflictæ? si pavet ad mortis nuntium ipsa Virtus, & contremiscit Fortitudo, quid nos imbecilles agemus in agone? *Prov. 12, 21.* *si non contristabit Justum, quidquid ei acciderit:* cur ergo timet & mœrore conficitur *Fer. 23, 6.* *Dominus Justus noster?*

5. Verùm non obstante hac vestrâ interpellatione, afflictum & mœrore plenum est COR Jesu, & quidem usque ad mortem. *Job. 37, 1.* hinc apud Jobum ait: *Super hoc expavit Cor meum, & emotum est de loco suo.* Erâtque tantus pavor & mœstitia Sacratissimæ CORDIS Jesu in horto Olivario morantis, quem omnium mortalium corda, si in unum conflarentur, portare non possent, sed subito horroris & doloris vehementiâ extinguerentur. Proinde et hoc insolito CORDIS Jesu mœrore & cætera corporis membra in Christo cœperunt contremiscere, genua ad invicem collidi, vultus expallescere, & ipsa ossa trepidare, ita Jeremiâ attestante: *Fer. 23, 9.* *Contritum est cor meum in medio mei, contremuerunt omnia ossa mea.* Pro Deum immortalem, ad quid iste inauditus pavor in CORDE Jesu *Tristis est anima mea usque ad mortem!*

Et nunquid ô mi Jesu! ô mi Redemptor! plerique Sanctorum Martyrum læto & intrepido animo ad martyrium, ad agonem, a summos cruciatus properabant? Nunquid Apostoli *ibant gaudentes à conspectu concilii, quoniam digni habiti sunt pro nomine tu contumeliam pati?* Sic SS. Marcus & Marcellianus fratres Romani cum maximis afficerentur tormentis, & pedibus clavis confixi ad stipitem alligati, telis peterentur, læti exclamârunt: *Nunquam tam jucundè epulati sumus.*

Sic S. Theodorus miles, cùm ad supplicium traheretur, & denu- Brev. Ro.
9. Nov.
latis costis, ferreis ungulis toto corpore dilaceraretur, lætus inter
 tormenta canebat: *Benedicam Domino in omni tempore.*

Sic S. Laurentius in ipsis mediis & exquisitissimis tormentis in Brev. Ro.
10. Aug.
gne semitostus ad impiissimum Tyrannum jucundo & alacri ani-
 mo exclamavit: *Assatum est jam, versa & manduca.*

Sic S. Ignatius Martyr & Ecclesiæ Antiochenæ tertius post D. Brev. Ro.
1. Febr.
 Petrum Episcopus, cùm Romæ in amphitheatro ad bestias damna-
 retur, gaudio & solatio plenus coram omni spectante populo ex-
 clamavit: *Frumentum Christi sum, dentibus bestiarum molar, ut
 anis mundus inveniar.*

Sic S. Barlaam Martyr Cæsareæ, cùm thus idolo in manu super Martyr.
Rom. 19.
Nov. &
alii.
Ps. 143,
1.
gnem deberet adolere, & si vel unica thuris mica de manu in i-
 nem subjectum caderet, fidem Christi negasse videretur, non tan-
 tùm fortissimè dextram immotam super ardentes prunas tenuit, sed
 & lætus illud Davidis decantavit: *Benedictus Dominus Deus meus,
 qui docet manus meas ad prælium, & digitos meos ad bellum.*

Sic Edmundus Campianus ex Societate Jesu gloriosissimus fi- Max.
Sandens
in Stan-
roph &
alii.
 dei defensor, cùm Londini in Anglia ob fidem Orthodoxam strigo-
 veclus equo, de carcere ad ultimum supplicium duceretur, & ab
 pia Calvinii turba cachinnis sibilisque exciperetur, quòd in pileo
 mortis suæ sententiam hisce majoribus scriptam characteribus:
 Campianus Jesuita seditiosus, gestaret, ipse solus in tumultu stetit
 immobilis, & lætus stans in patibulario ligno illud Ecclesiæ decanta-
 vit: *Hæc dies, quam fecit Dominus, exultemus, & lætemur in ea.*

Et tu ô amantissime Jesu! Rex Martyrum, & omnium desolato-
 rum Solamen maximum, cùm nunc in horto calix passionis biben-
 tus offertur, doles, tristaris, ac penè mœrore conficeris? *super hoc* Job. 37,
1.
 expavit cor meum, & emotum est de loco suo?

6. Respondet S. Augustinus non abs re esse, quòd *multi Marty-* S. Aug. in
Ps. 63.
 res, talia passi sunt, sed nihil sic elucet, quomodo Caput Martyrum:
 ubi melius intueamur, quod illi experti sunt. Quia ergo Christus
 Caput erat omnium, & proprium capitis est condolere corpori, &
 com-

compati infirmitati membrorum, sic Christus prævidens in hoc horto & suam amarissimam & omnium Martyrum ac Christianorum passionem, Ecclesiæ Sponsæ suæ acerrimas persecutiones, Apostolorum dispersionem, proditionem Judæ, Templi devastationem, Patris iram, Matris compassionem, super omnia autem tot ac tanta mortalium peccata, quorum singula distinctissimè SS. COR Jesu cum suo authore cognoscebat, & in se onus satisfaciendi susceperat. Insuper cum prævideret tot millionum animarum æternam ruinam, & quòd ipsa passio, mors crucis, ac Sanguis Divinus tam copiosè effusus in tot ingratis peccatorum millibus foret frustaneus &c. &c. Hæc, inquam, & similia SS. COR Jesu vivaci repræsentatione præsentiens, tanto mærore, ac insolitâ tristitiâ repleverunt, ut ipsam mortem jam ante mortem crucis in ipso horti ingressu sentiret. Hinc ad Discipulos dixit: *Tristis est anima mea usque ad mortem.* & apud Psaltem: *factum est COR meum tanquam ceras liquefscens in medio ventris mei.*

Et tu interim quid agis Cor meum? quid cogitas? fierine potest, ut, sic hoc afflictissimum COR Jesu Salvatoris tui in horto illo fatali ob peccata tua agonizans consideras, non pariter illi ex toto corde & in animo contrito condoleas? Heu! quid erit, si similis agonia Cor tuum aliquando occupabit? Tunc enim verò aliter de hac vita tua, quam modò degis, tam tepidâ, tam indevotâ, tam dissolutâ incipies sentire. Tunc tibi tuæ voluptates ac deliciæ *fel draconum*, erunt, & *venenum aspidum insanabile*. Et quid erit, si denique imminens judicium & poena æterna peccatis tuis debita agonizanti cordi tuo repræsentabuntur? *O si cognovisses & tempus visitationis tuæ, & quidem in hac die tua qua ad pacem tibi?*

Deut. 32,

33.

Luc. 19,

24.

P. Fineti
de pass. c.

13. num.

11.

Imitare pulcherrimum Theodori adolescentis exemplum. Hic nobilissimi parentibus in Ægypto natus, & inter mundanas delicias educatus, cum semel in parentum aula simulacrum Christi ad montem Oliveti agonizantis, vidisset, mox de convivio surgens, ad illud se cubile retraxit, ubi coram hac imagine in genua provolutus, multis profusis lacrymis Deum rogavit, quatenus se veram salutem viam edoceret, se quidem omnino cum Christo paratum ad crucem constante portandam, timere autem, ne inferiori homini & passionibus suis succumberet. Diu inter lacrymas hæc interior cordis pugna duravit. Interim in aula quæratur Theodorus, & à Matre ibidem in terra prostratus invenitur, quæ modis, quibus potuit, cor ejus conabatur avertere, sed gratiâ divinâ & Christi sanguinis sudantis exemplo confortatus statuit aut Deo servire, aut non amplius vivere. Unde seipso superior mundo, parentibus, divitiis, carnisque illecebris valedicens sine mora in vastissimam eremum secessit, in qua multis annis Deo ex toto corde serviens, & mortificationem crucis jugiter in corpore suo portans, tandem vitam cum beatissima morte mutavit. Tantùm illi profuit, vel semel afflictissimum COR Jesu in horto agonizantis, considerasse! Et tu quid agis, qui hujus

Job. 10,
20.

tristitiæ causa fuisti? cur non dicis cum Job. *Dimitte me, ut plangam paululum dolorem meum &c.*

CON

CONSIDERATIO XXXII.

SS. COR JESU cum divina voluntate conjunctissimum unicè cœlestis Patris sui voluntatem in omnibus fieri desiderat.



Usque ad Occasum

Verumtamen non sicut ego volo, sed sicut tu. Matth. 26, 19.

Cùm cor Regis Davidis in summis versaretur angustiis, & impius ille parricida, rebellisque filius Absalon ubique locorum patri necem machinaretur, aliud refugium optimus Rex invenire non potuit, quàm ut in montem olivarum se conferret, ubi sub condensis & virentibus olivis nocte intempesta inter lacrymas redundantes Cor suum totum in DEum effudit. O quoties tunc suspirare, & in cœlum hanc ingeminare vocem ausus est: *Cor meum conturbatum est in me, & formido mortis cecidit super me! Timor & tremor venerunt super me, & contexerunt me tenebræ.*

Ps. 54. 5.

2. Reg. 15
30.

Porro David, ait Scriptura, *ascendebat clivum olivarum, scandens & flens, nudis pedibus incedens, & operto capite: quem afflictissimum Regem inter paucos alios servos fideles comitatus est Ethai, constantem exilii socium sese illi adjungens: Vivit Dominus, inquit, & vivit Dominus meus Rex, quoniam in quocumque loco fueris, Domine mi Rex, sive in morte, sive in vita, ibi erit servus tuus.*

Luc. 22,
39.

En elegantem typum sacratissimi & afflictissimi CORDIS Jesu! qui cum ab ingratisimo Ischariothe & impiis Deicidis ad necem quæreretur, pari modo ad eundem olivarum montem cum Davide se conferre voluit: *Et egressus ibat secundum consuetudinem in montem olivarum; ubi prius toties in oratione Dei pernoctavit: ubi duodecim Apostolos elegit; ubi descendens omnes agros sanavit, & paulò antè civitatem Hierosolymam amaris deplorabat lacrymis, ibi & calicem passionis haurire, in cruentas peccatorum manus tradi, & divinissimum COR suum erga Deum Patrem suum effundere placuit. Imitemur nos fidelem Ethai, & comitemur Jesum per fidelem cordis nostri oblationem, ac devotam amarissimæ passionis ejus meditationem, dicamúsque Salvatori & Regi nostro: Vivit Dominus, & vivit Dominus meus Rex, quoniam in quocumque loco fueris, Domine mi Rex, sive in morte, sive in vita, ibi erit servus tuus.*

2. Reg. 15
21.

2. In hunc finem pro Symbolo nostro heliotropium seu solsequium statuimus, qui flos regius non tantum coelo sereno, sed etiam nubilo ac turbido solem suum ubique sequitur; imò & de nocte cum sol in suo hamispherio etiam infra nos cursum suum accelerat & ab Intelligentiis cœlestibus circumagitur, Cor suum juxta solis cursum intorquet, ac demum eundem astrorum principem de purpureo thalamo suo resurgentem cum gaudio salutat. Proinde hoc Lemna tulit: *Quò se cunque movet. Vel illud Joannis Feri: Et abeuntes quoque. Vel quod magis ad nostrum propositum servit illud Davidi*

Pf. 42, 2.

Usque ad Occasum.

En perfectissimum Symbolum SS. CORDIS Jesu, Patri suo coelesti per omnia usque ad Occasum, hoc est, ad mortem usque Cru-

cis obedientissimum, & ad voluntatem ejus faciendam promptissimum. Hinc non obstantibus infinitis difficultatibus, cum nunc calix amarissimæ passionis ad fæces usque esset exhauriendus, cum omni tamen resignatione ad Patrem oravit: *Pater mi, si possibile Math. est, transeat à me calix iste: Verumtamen non sicut ego volo, sed* ^{26, 39.} *sicut tu.* Ex quo S. Chrysostomus hoc pulcherrimum eruit argumentum: *Eo, inquit, quod dixit, transeat, si possibile est, humanitatem suam ostendit; eo verò, quod, non ut ego volo, sed ut tu, sublimem admirabilis philosophiæ virtutem tradidit, cum exemplo nos doceat, etiam naturâ abhorrente ac renitente, DEum esse sequendum.* Attende hîc, Anima Christiana, in quo vera ac solida oratio consistat, nimirum in hoc, si Cor tuum paratum est; ut in te per omnia impleatur divina voluntas ac cœleste beneplacitum. Hîc totius rei cardo vertitur, ut in omnibus, & per omnia SS. Dei voluntas perficiatur. Rem per insignem figuram adhuc magis dilucidamus.

3. Cùm David à facie irati Saulis profugus ad saxosos montes & speluncam Engaddi se contulisset, ut ibidem contra hostes insequentes in obscuro antro vitam tueretur, unâ secum dulcissimam suam citharam (unicum etiam in rebus desperatissimis solatium) tulit, quam ibidem in hoc tenebroso & faxeo carcere constitutus, inter summa vitæ pericula, cùm undique ab inimicis suis cingebatur, confidenter solebat arripere, & in ea sæpius de die illud divinum Canticum lætâ voce decantare: *Paratum Cor meum DEus: Ps. 56, 11 paratum Cor meum.* Quid agis, David? an non musica in luctu importuna narratio? per hanc citharam tuam adversitates, & persecutiones tuas non tolles, multò minùs iratum hostem placabis?

Verumenimverò aliud hîc latet mysterium. Per hanc Davidicam citharam S. Augustinus orationem & conformitatem Cordis nostri cum Corde divino pulcherrimè interpretatur, hæc est enim suavissima illa cithara, quæ tam in prosperis, quàm in adversis Deum semper laudat, ei que gratias in omnibus agit, seque penitus ejus voluntati subicit. Ita David in summis angustiis facere

confuevit, lætus semper decantans: *Paratum Cor meum DEUS*: Paratum ad ferendam persecutionem, famem, sitim, infamiam, egestatem, morbos, ipsamque mortem. Fiat, mi Domine, in omnibus sanctissima voluntas tua. Ecce, quàm benè David in cithara sua mystica, hoc est, in Corde suo citharizaverit: Audi nunc memoratum S. Augustinum: *Confitere*, inquit, *Domino in cithara, sive cibi abundet aliquid, gratias age illi, qui dedit; sive tibi defit, sive fortè damno tibi auferatur aliquid, cithariza securus: non est enim ille tibi ablatuſ, qui dedit. Etiam sic, inquam, cithariza securus, certus in DEO tuo, tange chordas in Corde tuo, & dic tanquam in cithara in inferiore parte benè sonante: DOMINUS DEDIT, DOMINUS ABSTULIT: SICUT DOMINO PLACUIT, ITA FACTUM EST: SIT NO-MEN DOMINI BENEDICTUM*. O quàm benè ad modernum tempus! ubi ædes nostræ ab hoste combustæ, aut expoliatæ, pecora abacta, &c.

4. Nunc à Davide ad Davidis Filium, Christum JESUM in monte olivario ad Patrem in summo Cordis dolore & nacerore orantem transeamus. Qui, cùm jam sæpius ad mortem fuisset quæsitus: *Joan. 5, Et quærebant eum Judæi interficere, & nunc tempus passionis instaret, ubi propriâ morte mortem omnium deleret, pariter ad montes saxosos & speluncas, non Engaddi sed Oliveti se contulit, ubi in concava petra versùs coelum apertâ SS. COR JESU, divina illa ac luëtuoſa cithara, ad voluntatem Patris semper intensa & perfectissimè concordans, de novo illud Davidicum tertia vice decantavit: Paratum Cor meum DEUS: Fiat voluntas tua! quasi diceret:*

Si vis, O Pater! ut tanquam innocens Joseph triginta argenteis jam in mortem venditus, nunc tradar in manus peccatorum: Ex-
Gen. 37, trahentes eum de cisterna, vendiderunt eum Ismaëlitis viginti ar-
genteis, qui duxerunt eum in Ægyptum: Fiat voluntas tua.

Si vis, O Pater! ut falso osculo perfidi Ischariôthis nunc prodar militibus, & velut Amasa à Joab proditoriâ ficcâ interficiar: Dixit itaque Joab ad Amasam: Salve, mi frater! & tenuit manu dextra mentum Amasæ, quasi osculans eum &c. Fiat voluntas tua.

Si vis, O Pater! ut tanquam alter innocuus Daniel à principibus falsò accuser, & ad lacum crudelium leonum condemner, ibidem velut agnus immaculatus impiorum dentibus devorandus: *Tunc respondentes dixerunt coram Rege: Daniel de filiis captivitas Juda, non curavit de lege tua & de edicto, quod constituisti, &c.* Dan. 6. 13. fiat voluntas tua.

Si vis ô Pater! ut velut cœcus Samson à Philistæis illudar, & obducto super faciem velamine colaphizer, conspuar, & vilipendar: *Quem cum apprehendissent Philistiim, statim eruerunt oculos ejus, & duxerunt Gazam vinctum catenis, & clausum in carcere morere fecerunt:* Fiat voluntas tua. Judic. 16, 21.

Si vis ô Pater! ut velut insanus ac fanaticus albâ veste induar, & cut olim David in aula Achis ut stultus ejiciar, contemnar, & irritear: *Ait Achis ad servos suos: Vidistis hominem insanum, quare adduxistis eum ad me?* Fiat voluntas tua. 1. Reg. 21. 14.

Si vis ô Pater! ut toto corpore flagris, catenis, & loris immater cædar, ut quondam patientissimus Job à Satana ulcere pessimo erat percussus: *Percussit Job ulcere pessimo à planta pedis usque ad verticem ejus:* Fiat voluntas tua. Job. 2, 7.

Si vis ô Pater! ut cruentis vepribus cingar, & ut victima coronata in ara crucis, ut quondam aries Abrahami in holocaustum peccatorum tibi offerar: *Levavit Abraham oculos suos, viditque post tergum inter vepres arietem hærentem cornibus, quem assuens obtulit holocaustum pro filio:* Fiat voluntas tua. Gen. 22, 13.

Si vis ô Pater! ut bajulans mihi crucem, exeam in eum, qui dicitur, Calvariæ locum, sicut quondam Isaac ligna holocausti propriis humeris ad montem Moria deportavit, ibidem paternis manibus immolandus: *Tulit quoque ligna holocausti, & imposuit super Isaac Filium suum:* Fiat voluntas tua. Gen. 22, 6.

Si vis ô Pater! ut maledictum pro omnibus fiam, & ut suspensar in cruce velut olim serpens à Moyse in palo suffixus, ut in me aspicientes ab animæ vulneribus sanentur, & vivant: *Fecit Moyses serpentem æneum, & posuit eum pro signo, quem cum percussi aspicerent, sanabantur:* Fiat voluntas tua. Num. 21, 9.

Si vis ô Pater! ut in arbore crucis COR meum, velut Cor Absalom in quercu pendentis, tribus lanceis, amoris scilicet, doloris & furoris transfigatur: *Tulit ergo tres lanceas in manu sua, & infixit eas in Corde Absalom*: Fiat voluntas tua.

2. Reg. 18
14.

Si vis denique ô Pater! ut post mortem exantlatam de ligno deponar, & per triduum corpus meum in corde terræ quiescat, & in sepulchrum inferatur, ut quondam Jonas in cor maris projectus, in ventre piscis per triduum fuit sepultus: *Erat Jonas in ventre piscis tribus diebus & tribus noctibus*: Fiat voluntas tua. Ecce paratum Cor meum DEUS! paratum Cor meum.

Jonæ. 2,
11.

5. O anima Christiana! disce à SS. CORDE JESU, quomodo in posterum adversa omnia divinæ voluntatis dispositioni ex integro committas; si enim homo medico suam solet committere salutem lites & jura suo procuratori, & quandoque ipsam vitam, si oculorum lumine orbatus est, domestico suo cani, ut ab illo in via securus deducatur. Et cur, obsecro, homo Christianus DEO Creatori suæ qui ipsa Bonitas est, nec illi malum velle potest, non totum Cor a voluntatem suam in omnibus subiciat: Fiat voluntas tua! *Hæc vox Capitis*, ait S. Leo, *salus est totius corporis, hæc vox omnes fideles instruxit, omnes Confessores accendit, omnes Martyres coronavit. Nam quis mundi odia, quis tentationum turbines, quis posset persecutorum superare terrores, nisi Christus in omnibus & pro omnibus patiens, Patri diceret: Fiat voluntas tua.*

S. Leo
serm. 7.
de pass.

In exemplum adduco, relictis mille aliis, purissimum COR Dolorosæ Virginis & Matris DEI MARIAE, de qua refert Dilectus Christi Discipulus: *Stabat autem juxta crucem JESU Mater ejus*. Quid dicis Evangelista? *Stabat?* cum totus ferè terrarum orbis in passione Christi susque deque verteretur, MARIA immobilis stabat sub cruce? Cum elementa dissoluta sunt, petrae scissæ, sol obscuratus, velum Templi disruptum, sepulchra aperta, mortui resurrexerunt, & Vita ipsa cum morte duello conflixit mirando, & interim MARIA stabat? Et sub cruce stabat? Et sub JESU moriente stabat? Ah quomodo hoc possibile fuit, quod purissimu

Joan. 19,
25.

illud & afflictissimum COR MARIÆ non in mille partes fuerit disruptum?

Audi anima Christiana hujus Sacrosanctæ Virginis ac Dolorosæ Matris responsum: *Fiat mihi*, ita inquebat ad Archangelum *secundum verbum tuum*. Hæc verba: *Fiat voluntas tua Domine!* semper in ore, semper in corde, illius versabantur, nec aliud unquam exoptabat, quàm ut in omnibus expleretur voluntas DEI; hinc dum omnia in morte JESU cadere videbantur, hæc tamen *stabat*, plenissimè cum SS. CORDE JESU Crucifixi in voluntatem Patris resignata: *Beata Virgo*, ait Gerson, *juxta crucem stans, altissimum actum obedientiæ habuit, offerendo Patri Filium, & conformando se in omnibus cum divina voluntate*. O mortales omnes! discite à SS. CORDE JESU & MARIÆ, quomodo in omni difficultate & afflictione Cor vestrum divinæ voluntati submittat. *Discite habere in Corde*, ait S. Augustinus, *quod habet omnis homo in lingua: Quod vult DEUS, hoc agat*.

Luc. 1, 58

Gerson in Magnificat.

S. Aug. in Ps. 32.

6. Subjungamus huic pulcherrimo Christi & Mariæ exemplo historiam planè mirandam. S. Epictetus Sacerdos jam propè septagenarius, & S. Aftion Vir religiosissimus, imperante Diocletiano Imperatore, à Latroniano Almiridensium Duce ut Christiani capti, & in vincula conjecti sunt. De nocte ineunt consilium, quid Tyranno respondere velint, si postero die ad quæstionem & judicium essent rapiendi; concluduntque, quòd in tormentis nil aliud velint dicere, quàm: *Christiani sumus, fiat voluntas Dei in nobis*. Sequenti die ad tribunal trahuntur, & à Judice, populo universo inspeccante, interrogantur, de qua domo, gente aut patria? *Christiani*, respondent, *sumus, JESUM adoramus, fiat voluntas Dei in nobis*. Quibus auditis, Judex excandescens SS. Martyres vestimentis spoliari, & virgis crudeliter cædi imperat. Illi verò sublevatis in cælum oculis nil aliud in tormentis ingeminârunt, quàm: *O Domine JESU! tua voluntas fiat in nobis*. In equum exinde attolluntur, & ferreis ungulis immaniter cruciantur, & quasi in frustra diserpuntur. Quid hîc iterum fortissimi Martyres? *Christiani sumus, fiat voluntas Dei in nobis*. Quibus

Vide le Blanc in Ps. 56. v. 9.

gene-

generoso Corde exantlatis tormentis, denuo in vincula & in carcerem re-
ducuntur.

Cæterum audiit hoc fortè Vigilantius in illo judicio affessor, & hæc verb-
miræ virtutis incantamentum ratus, quæ omnem dolorem in tormentis ene-
varent, illa semper stans, aut sedens, aut ambulans secum repetebat: *Chri-*
stiani sumus, fiat voluntas Dei in nobis. Triduum taliter exegit, quartâ luc-
vi supernâ motus ad SS. Martyres in carcere detentos properat, & Sacrum
Baptisma cum orthodoxa fide ab illis recipit. Tum tyrannus velut efferatus
Leo de novo in rabiem actus, SS. Martyres iterum in judicium vocari jubet
illorumque vulnera aceto & sale conspergi, ora saxis contundi, & virgis fr-
xineis crudelissimè toto corpore cædi. Quid ad hæc omnia isti fortissimi ath-
letæ? Nihil aliud inclamant, quam assiduò ingeminando, *Christiani sumus*
fiat voluntas Dei in nobis. Demum ubi vidit Latronianus, quòd nihil prof-
ceret, SS. Martyres securi plectendos denuntiat, quâ auditâ sententiâ læ-
decantârunt: *Laudate nomen Domini, quia facta est voluntas Dei nostri in no-*
bis per omnia. Ubi ad locum supplicii perventum est, nobile inter utrumque
certamen ortum est, quisnam prior gladium exciperet? quam piam litem
Epictetus ob auctoritatem senii & sacerdotii diremit, cupere se, inquit, præ-
mitteri Astionem. Nec diu iste moratus: *O mi Pater, inquit, O Sacerdos Dei*
venerande, fiat voluntas Dei & tua. Dixit, & caput amputandum licto-
præbuit, quod ubi vidit S. Epictetus, in Astionis cadaver prorum se abjecit
& illud amicissimè amplexatus, pari constantiâ caput suum præbuit licto-
amputandum, quæ Sacra Corpora Vigilantius honorificè terræ mandavit.

Quid ad hæc pie Lector? Nunquid etiam tu impostertum pro tua tessera
militari, cum adversus animæ hostes ac præsertim contra rebellem voluntatem
tuam erit pugnandum, illud usurpabis: *Christianus sum, fiat voluntas*
Dei in me! Ità quondam dixit Heli, cum ei interitus, & totius domus rui-

1. Reg. 3, indicaretur: *Dominus est: quod bonum est in oculis suis, faciat.* Ita Job a
18. omnes casus adversos ingeminavit: *Sicut Domino placuit. ita factum est.* I
Job. 1, 21 Ezechias Rex, cum ab Isaia Propheta ei clades totius Regiæ Familiæ, &
4. Reg. 20 omnium bonorum jactura prædiceretur: *Ecce dies venit, & auferentur omnia*
17. *que sunt in domo tua:* generoso animo respondit: *Bonus sermo Domini, quem*
locutus est. Hoc fac & tu, & vives. Dic ergo sæpius cum S. Philippo Nereo
Sicut tu scis ac vis, ita fac mecum Domine, & tu ô SS. ac divinissimum CO-

Jesu, cui Cor meum ex omni parte resigno, fac mecum in omni-
bus, sicut tibi placuerit.



CONSIDERATIO XXXIII.

SS. COR JESU in horto in sanguineum imbrem se se diffundit,
ut tuorum eluat peccatorum maculas.



*Et factus est sudor ejus sicut guttæ sanguinis decurrenti sin-
teram. Luc. 22, 44.*

CUm quondam tempore Eliæ Prophetæ iratum coelum tri-
bus annis ac sex mensibus non daret pluvias, & terra ob
tam diuturnam siccitatem exusta, propemodum in pe-
am induruiſſet, tandem ad preces ejusdem Eliæ nubecula quæ-
am parva super Mare Mediterraneum apparuit, quæ exiguo tem-
ore in aëris regione dilatata, largiſſimum imbrem miſeris morta-
bus profudit, univerſumque terrarum orbem mirè fœcundavit:
Ecce, nubecula parva quaſi veſtigium hominis aſcendebat de mari: 3. Reg.
quid ſequitur? Coeli contenebrati ſunt, & nubes, & ventus, & 18, 44.
facta

facta est pluvia grandis. Cui foecundissimæ nubeculæ pro Lemmate eleganter inscribes:

Tandem resoluta venit.

Vel, si magis arridet:

Sese diffundit ubique.

Vel denique illud S. Pauli ad Romanos:

Dives in omnes.

Rom. 10,

12.

S. Aug.

ser. 201.

de temp.

Per hanc nubeculam parvam, tanquam pluviarum fontem merito SS. COR Jesu intelliges, in monte Olivario ob immensum peccatorum nostrorum pondus ad eas luctæ & mœroris angustias redactum, ut, licet non adesset tortor qui sanguinem ejus per flagella, spinas, clavos, crucem, & lanceam exprimeret, ultrò tamen hoc divinissimum COR Jesu præ nimio amore & pavore adeò sese diffuderit, ut sanguis, qui prius ex vehementi concepto mortis timore ad hoc SS. COR corroborandum confluxerat, nunc ab eî ingenti amoris vi repulsus, patefactis ubique poris per omnia corporis membra, velut imber ferotinus copiosè difflueret, terramque aridam ubertim sub se irrigaret: *Et factus est sudor ejus, sicut gutta sanguinis decurrentis in terram.* O gratiosa nubecula! O pluvia salutaris! verè *Dives in omnes*, dum per eam terra nostra arida

Lucc. 22,

44.

Pf. 142,

6.

Apoc. 1,5.

hoc est, anima (de qua Regius Vates: *Anima mea sicut terra sine aqua tibi.*) non tantum irrigata & foecundata, sed etiam à peccatorum sordibus abluta est: *Lavit nos à peccatis nostris in sanguine suo*

2. O pientissime Jesu! ex hoc colligo, qualis ille fuerit baptizatus, ad quem antea tot ardentibus votis sacratissimum COR tuum

Lucc. 12,

50.

anhelavit: *Baptismo autem habeo baptizari, & quomodo coarctatusque dum perficiatur.* Hic nimirum sanguineus imber in Monte Olivarum illud exoptatum baptisma fuit, in quo COR dolorosissimi Jesu, tanquam inter duos prægrandes lapides molares positum, & amore & dolore, ac præsertim peccatorum nostrorum pondere adeo coarctatum fuit, ut, nisi Deus illud sustentasset, mille sub tanto pondere periisset, unde tandem præ amoris & dolori

magn.

magnitudine COR ejus lacrymatum est: *Et cataractæ cœli apertæ* Gen. 7.
sunt, & facta est pluvia super terram. 11.

Hoc idem insinuare voluit Jeremias Propheta, cùm de hac
 cruenta Sacratissimi CORDIS JESU agonia in horto ita vaticinatus
 est: *Effusum est in terra jecur meum*, seu COR meum, quod fons
 vitæ & officina sanguinis est, atque amoris & affectuum recepta-
 culum. Hoc ergo suavissimum & amabilissimum COR JESU, cùm
 nunc Pater *posuit in eo iniquitates omnium nostrum*, ob tam im- Isa. 53, 6.
 mensum peccatorum pondus non tantum in terram prostratum,
 sed & in sanguineum imbrem solutum est.

Repræsentabantur nimirum tunc huic SS. CORDI JESU omnia
 peccata ab Adamo & Cain perpetrata, & usque ad finem mundi
 perpetranda, de quibus apud Regium Prophetam: *Et sicut onus* Ps. 37, 5.
grave gravata sunt super me. Videbat insuper abominandam
 plurimum mortalium ingratitudinem, pro quibus divinus ille ac
 pretiosissimus Sanguis incassum & inutiliter profunderetur: *Sicut* Ps. 21,
aqua effusus sum. Cernebat insuper corda humana ipso adaman- 15.
 te duriora, quæ neque per hunc calidissimum purissimi Agni San-
 guinem emollescerent, sed in contemptum hujus divini cruoris
 audacter peccata peccatis accumularent. *Et super dolorem vulne-* Ps. 68,
rum meorum addiderunt. Hæc, inquam, & similia SS. COR JESU 27.
 adeo in horto illo fatali gravabant, ut, antequam tortores & carnifi-
 ces adventarent, jam in sanguineas pluvias profunderetur.

3. Collige ex hoc, Anima Christiana! quàm grave pondus &
 onus intolerabile debeat esse peccatum, quod SS. COR JESU in illo S. Ambr.
 horto adeo depressit, ac tandem in Cruce atrocissimâ morte occi- epist. ad
 dit: *Nullum gravius est onus*, sunt verba S. Ambrosii, *quam pec-* Simpli-
atorum sarcina, & pondus flagitiorum deprimit ad terram, ne se S. Chrys.
rigere possit. Et S. Joannes Chrysostomus: *Nullo pondere gravius* hom. 39,
remittitur anima, quàm peccati. Interroga robustissimos Angelos, *In Matt.*
 quid illos dehiscitibus cœlis adeo in inum inferni barathrum de- Jude v.
 refferit, nisi immane illud pondus peccati? Consule Core, Dathan, 6.
 & Abiron, cur in conspectu totius populi à terræ hiato fuerint ab- Num. 26.
 sorpti, 10.

forpti, atque in ipso inferni centro vivi sepulti, an non horrendum peccati pondus illos adeo depressit? Considera Jonam, quomodo ob peccati pondus usque in profundum maris fuerit præcipitatus:

Jon. 2, 4. Et projecisti me in profundum in corde maris?

Ecce! omnia elementa, coelum, terra, ignis, aër, mare, & ipse Deus & Homo Christus testantur, quàm intolerabile pondus sit peccatum, sub cuius mole ipse mundi Conditor & Salvator JESUS in horto pavet, contremiscit, in terram procidit, & ad mortem usque SS. COR ejus agonizat. Et tu sordide ac inveterate peccator, adhuc imposterum in ipso conspectu Summi Dei & Judicis tu audeas peccare? Si adeo Pater æternus in dulcissimo CORDE JESU aliena peccata corripuit, quid erit de te, anima misera, tantâ peccatorum mole gravata? Heu! ergone etiam de te illud verificabitur quod jam pridem Ezechiel de hoc sanguineo sudore JESU prædixit

Ezech.

24, 12.

Multo calore sudatum est, & non exivit de ea nimia rubigo ejus neque per ignem: immunditia tua execrabilis est, quia mundare te volui, & non es mundata à sordibus?

Exod. 7,

20.

4. Recordor hîc illius virgæ planè admirandæ, quâ Moyses quondam tot ac tanta prodigia patravit, inter quæ non minimum illud est, quòd ope ejusdem virgæ omnes aquas in Ægypto, imò & ipsum celeberrimum ac septemfluum Nilum in sanguineum commutaverit: *Et elevans virgam, percussit aquam fluminis coram Pharaone & servis ejus, & versa est in sanguinem.* O portentum inauditum!

Et quid dico? placétne videre anima Christiana hanc virgam tanti prodigii operatricem? Leva in circuitu oculos tuos, & inspic SS. COR JESU, ut apparuit Ven. Margarithæ, effigiatum. Et qui cernis in hoc divinissimo CORDE? Ecce virgam crucis & salutis jam à primo conceptionis momento eidem implantatam. Hanc ergo virgam cum nunc Pater æternus in monte Olivarum levare humerisque Unigeniti Filii imponderet ferendam, mirabile dictum mox aqueus sudor JESU versus est in sanguinem, in quo cruenti profluvio juxta mentem Doctorum benignissimus Redemptor

plus, quàm nonaginta septem millia guttarum emisit, donec tandem post complures sanguinum effusiones ipsa ultima cruoris stilla ex hoc Sacratissimo CORDE virga lanceæ percusso, pro salute nostra profunderetur. O extasin amoris! videte DEUM cruentum, & super faciem terræ in proprio sanguine natantem! Et quis, obsecro, crederet auditui nostro, nisi veritas Domini hoc revelasset? O Dolorosissime JESU! *Quare rubrum est indumentum tuum, & vestimenta tua, sicut calcantium in torculari? quis est iste, qui venit de Edom, tinctis vestibus de Bosra?* O anima mea, quid moraris, *Quid stas* inquit S. Anselmus, *recurre, & suavissimas illas guttas lambe* &c. *If. 63, 1. S. Ansel. in spec. Evang.*

5. In mentem hîc mihi venit sanguinea illa pluvia, quæ anno salutis nostræ 778. orbi universo ingentem terrorem incussit; cum enim tunc temporis universalis Synodus, quæ fuit Nicæna Secunda, per 350. Episcopos celebraretur, subitò in meridie Sol mundi oculus altâ caligine obduci, & insolitis tenebris obfcurari coepit, ad quam obtenebrationem mox sanguineus imber de cœlo descendit, ubi & variæ crucis figuræ in vestimentis hominum apparuerunt. Quod insolitum portentum omnium mortalium corda gravissimo metu percussit, dum paulò pòst cruenta bella, fames, ac pestilentia plures orbis provincias pervagata, eas ferè penitus devastârunt. *Alphonf. Ciacom. de sig. Cruc. c. 17.*

Verùm non sic imber ille sanguineus in horto Olivario è SS. CORDE JESU promanans, ac per omnia ejus membra exinde se diffundens, orbi Christiano fatalis fuit, de quo imbre saluberrimo Ezechiel illud vaticinium tulit: *Et deducam imbrem in tempore suo, & pluvie benedictionis erunt.* Et Vates Regius: *Pluviam voluntariam segregabis hæreditati tuæ.* Item & Dilectus ille Discipulus: *Hic est, qui venit per aquam & sanguinem JESUS Christus: non in aqua solum, sed in aqua & sanguine.* O salutare pluvie! ubi de plenitudine CORDIS JESU omnes accepimus. O pientissime JESU! O mi Redemptor! Ah si vel unica stilla de hoc imbre divino etiam in animam meam caderet! O felix illa terra, quæ *Ezech. 34, 26. Ps. 67, 10. 1. Jo. 5, 6. 1. Jo. 2, 2.*

tam pretiosum Salvatoris nostri cruorem absorbuiſti, nunc in veritate non ampliùs maledicta, ſed benedicta tu eris à Domino.

6. O anima Chriſtiana veni, vide, & conſidera, quouſque devenit tui cauſa SS. COR JEſu! veni, inquam, in Oliveti hortum, & vide, quomodo ibidem Novus Adam & melioris vitæ origo Chriſtus nunc in multo labore & ſudore vultûs ſui terram illam ſpinis ac tribulis peccatorum refertam, incipiat purgare, excolere. *Joh. 15, 2.* & proprio cruore ſuo foecundare, *ut fructum plus afferat.*

Vide, & conſidera unicum illum ac dilectiſſimum ſummi Patris familias Filium, quomodo nunc in ſterilem vineam, ſpinas & labruſcas ferentem, mittatur, ut eam ligone crucis excolat, & *Iſa. 5, 1.* proprio ſuo ſanguine irriget: *Vinea facta eſt dilecto in cornu filio olei, & ſepivit eam &c.*

Vide, & conſidera, quomodo Botrus ille Cypri dilectus, antequam torculari crucis ſubjiciatur, jam ſponte à ſe ipſo purpureum liquorem ac pretioſiſſimum vinum germinans virgines, emittat. *Gen. 49, 11.* *Lavans in vino ſtolam ſuam, & in ſanguine uvæ pallium ſuum.*

Vide, & conſidera Roſam illam myſticam ac Jerichuntinam, quomodo in furno campano & in igne amoris intus in SS. CORDE JEſu agente, in pretioſas lacrymas diſtillet, & in odoriferum liquorem diſſolvatur, Patri Cœleſti pro ſalute totius mundi in odore ſuavitatis offerendum: *Quaſi flos roſarum in diebus vernis &c.* Proinde ejusmodi fornaculæ chymicæ ad propoſitum noſtrum pro lemmate adjicies: *Interno ſudor ab igne.*

Vide denique, & conſidera hîc optimum Samaritanum, ideo montem Oliveti pro primitiis cruentæ paſſionis ſuæ eligentem, ut ibidem oleum & vinum in vulnera animæ tuæ, à latronibus Tartareis tam crudeliter ſauciatæ infundat, eamque ab infirmitate curet, & à perpetua morte liberet: *Et livore ejus ſanati ſumus.* *Iſa. 53, 5.*

O Sacratiffimum, ô amabiliſſimum COR JEſu! quis has conſiderans veritates, non tecum doleat? non præ compaſſione deficiat? Ecquid eſt ô mi JEſu! ô mi Amor! cur non pari modo præ dolore & amore

more rumpitur, & effunditur Cor meum in terram, quia huius
 ui mœroris immensi & sanguinei sudoris auctor sum? Ego, ego
 um, qui peccavi, ego, ego sum reus mortis, filius iræ, & hæres
 ehennæ, & tu innocens pro me plecteris? Sic scilicet, quod de-
 quit servus, luit Dominus. Ah fluite lacrymæ, Cor meum
 ilrumpere, & præ dolore ac pœnitundine peccatorum anima mea
 ontabesce: *Non feriebant*, ait Eminentissimus Cardinalis Bellar *Bellar.*
 minus, *Dominicum Corpus in horto gladii impiorum, ut erant conc. in*
 agella, vel spinæ, quæ sanguinem elicerent, sed scelera mea, hæc *pass. Do-*
 rant spinæ, quæ cerebrum ejus crudelissimè penetrabant: hæc erant *mini.*
 arcina illa gravis, quæ Domium premibat, & quam sine sudore
 sanguineo portare non poterat. O pientissime Iesu! petra illa, in
 ua ad Patrem in horto orans, & agonizans sanguinem sudâsti,
 ræ teneritudine liquefacta, genuum tuorum figuram, quasi cera
 quescens in se suscepisse dicitur. Et cor meum ipsis saxis & petris
 dhuc durius sit? Ah fluite lacrymæ! fluite!

7. Cùm idem dilectissimus Redemptor meus Lazarum amicum
 um de sepulchro à morte ad vitam revocare vellet, testatur
 riptura, quòd SS. COR ejus pariter in copiosas lacrymas sese
 fuderit: *Et lacrymatus est Iesus.* Hoc cùm Judæi monumen- *Jo. 11,*
 um Lazari circumstantes adverterent, Christumque lacrymantem *35.*
 atuerentur, mox invicem hoc argumentum & quidem non in-
 congruè fecerunt: *Ecce quomodo amabat eum?*


Ergo lacrymæ sunt signum veri & cordialis amoris? Nunc col-
 lege anima mea, quantum te amaverit Divinissimum COR Iesu,
 um non externis duntaxat oculis, sed & omnibus membris,
 orporisque poris tua peccata in horto deploravit: *Ibi quidem, S. Bern.*
 unt verba Melliflui Bernardi, *non solis oculis, sed quasi membris serm. 3.*
 evisse omnibus videtur, ut totum corpus ejus, quod est Ecclesia, *in Dom.*
 otius lacrymis corporis purgaretur. Et Taulerus: *Flevitque Palm.*
 marissime non aquam tantum, sed & sanguineas lacrymas. Et *Tauler.*
 i fordide peccator, ingratiissime & miserrime homuncio, quid *in exer.*
 gis? adhuc ludes & deludes lacrymas Iesu? *Compatitur, subin- & pass.*
 trat *Christ.*

trat hîc rursus S. Bernardus, *Filius Dei*, & plorat, & homo ridebit?

O suavissime JESU! nunc tandem intelligo, quod jam olim in ty-
Cant. 5, 2. po Sponsæ tuæ Dilectæ ad ostium cordis locutus es: *Aperi mihi
 foror mea, amica mea, columba mea, immaculata mea, quia
 caput meum plenum est rore, & cincinnati mei guttis nocturnis.*
 Qualis, obsecro, amantissime JESU, est hic ros, quo caput tuum
 & cincinnati (hoc est, crines tui intorti & calamistrati) pleni
 sunt?

Observa anima Christiana! Ros est vapor noctis frigore con-
 cretus, & in guttas resolutus, qui tempore sereno in corda flo-
 rum, herbarum ac plantarum suaviter distillat, illasque hume-
Mallon. dat, irrigat & mirè foecundat: *Ita*, inquit Daniel Mallonius,
c. 11. *Christi Sanguis nocturno persecutionis tempore ad nos fluxit*, dum
apud me. in monte Oliveti aridum Cor nostrum mirè irrigavit &c. O ani-
fol. 127. ma, quæ ista legis, aperi & tu Sponso sanguinem, Christo JESU,
 pro te sanguinem sudanti, juxta exemplum Seraphicæ Matris
Ribera in Theresiæ ostium Cordis tui, quæ de se ipsa fatetur, quòd ex con-
vita S. sideratione hujus sanguinei sudoris JESU omnem profectum spiri-
Theres. tualem consecuta sit. Aperi, inquam, tu ei Cor tuum, & vi-
 debis, & miraberis & dilatabitur Cor tuum &c.





CONSIDERATIO. XXXIV.

SS. COR JESU nil magis averfatur, quàm propriam Cordis nostri voluntatem: unde eam acerbè in Petro castigat.



Converte gladium in locum suum, omnes enim, qui acceperunt gladium, gladio peribunt. Matth 26, 52.

Narrant historiæ de Mario generoso quondam milite Romano, quòd, antequam bello nomen consecraret, artem fabri cultrarii exercuerit, gladiósque pro militia confecerat. Accidit, ut extincto Imperatore idem Marius, ob præclara quædam facinora, à militibus primo impetu in Ducem & Imperatorem Romani exercitûs proclamaretur, in qua summa dignitate nâ die regnavit, & alterâ luce à gregario quodam milite proprio, quem ipse prius ut faber cultrarius confecerat, gladio occisus est, cum dicto: *Hic est gladius, quem ipse fecisti.*

Et quid, obsecro, aliud est propria cordis nostri voluntas, quàm similis gladius, quo ipsemet nobis vitam animæ adimimus? Petrum consule, ob propriam cordis voluntatem à Christo sæpius increpatum, & durè castigatum; primò dum sese futuræ opposuit passioni & morti Crucis: *Absit à te Domine, non erit tibi hoc*: ubi tantumquam adversarius & inimicus Crucis à Christo vix non repudiatus est: *Vade post me Satana, scandalum mihi es*. Secundò in lotione pedum, ubi, cùm de novo voluntati divinæ resisteret: *Non lavabis mihi pedes in æternum*, rursus à Christo acerbè correptus est: *Si non laveris te, non habebis partem mecum*. Ac tunc præsertim propria cordis voluntas in Petro reprehensa fuit, dum in horto, velut alter zelosus Phinees, gladium arripuit, quo se solus tantæ armatorum multitudini opponeret: *Exemit gladium suum, & percutiens servum Principis Sacerdotum, amputavit auriculum ejus*. Cui Petrino gladio meâ quidem opinione non incongruè pro Lemmate feres:

Cædo, non cedo.

Verùm quàm emphaticis verbis hîc denuo Petrus à Christo castigatus sit, ex illa patet invectiva: *Converte gladium in locum suum, omnes enim, qui acceperint gladium, gladio peribunt*. Stat hîc attonitus Magnus ille Hipponensium Antistes: *Mi Domine, inquit, si prohibes ferire gladio, cur emere præcepisti, qui non habet, vendat tunicam, & emat gladium*. Et nunquid Petrus ex singulari amore & zelo hanc strenuam & justissimam Christi defensionem in se fulceperat?

S. Aug. l. 22. cont. Faust. Audi ejusdem Divi Augustini præclarum responsum: *Dominus jussèrat, ait, ut ferrum Discipuli ejus ferrent, sed non jussèrat, ut ferirent. Exemit gladium auctoritate propriâ extendens manum non voluntate divinâ*. Ecce, Petrus tunc non erat rectus corde. Et juxta Cornelium hîc dupliciter peccavit, non conformando Cor suum cum SS. CORDE JESU, sed propriam quærendo Cordis suam voluntatem, & quòd hæc percussio Petri per gladium potius temeritas & vindicta, quàm justa defensio fuerit: *Erat ergo, sunt hujus illu.*

Illustris Interpretis verba, hîc geminum Petri peccatum: primum, quod percuteret contra voluntatem Christi; secundum, quod percussio hæc non tam erat defensio, quam vindicta, quâ Christum tantæ turbæ militum eripere non poterat, sed potius illam acrius in Christum concitabat, sêque evidenti mortis periculo temerè exponebat. Discant hîc mortales omnes, quàm nociva sit ac periculosa propria Cordis voluntas.

2. Et quid aliud est propria voluntas Cordis humani, quàm Echeis seu remora, admodum parvus in mari pisciculus, sed magna exaltans, dum integræ navis mercibus onustæ medium & velocissimum cursum in æquore sistit, hinc Lemâ: *A modico non modicum?*

Quid aliud est propria Cordis voluntas; quàm lepra damnosa, quæ corpus & animam hominis inficit, & Cor illius, licèt aliis bonis operibus abundans, Deo tamen, qui scrutatur corda & renes, exosum & abominabile reddit? Sororem Moysis consule ejusmodi leprâ percussam: *Ecce jam medium carnis ejus devoratum est à leprâ* &c. *Num. 12.*

Quid aliud est propria Cordis voluntas, quàm dux coeca, quæ se sequentem in foveam æternæ damnationis præcipitat: *Cæcus autem*, sunt Æternæ Veritatis verba, *si cæco ducatum præstet, nonneambo in foveam cadunt?*

Quid insuper est propria Cordis voluntas, quàm pruina nociva, teneros virtutum flores & plantulas unâ nocte comburens? quàm grando infestus, omnes bonorum operum fructus unâ vice & tractu devastans? quàm vermis sordidus, ipsum Cor hominis, & si quid aliàs boni in eo latet, corrodens, atque corrumpens? O grande malum propria voluntas!

De lasciva illa filia Herodiadis constat, quòd posthabito dimidio regni solum caput S. Joannis Baptistæ petierit: *Volo, ut protinus les mihi in disco caput Joannis Baptistæ.* O perversum Volo! Heu! quàm innumera mala hæc unica vox, *Volo*, pessima illa fera, rapacissima lupa & læna sævissima hætenus non in orbem invexit? hinc bella, hinc jurgia, hinc lites, & omnis generis mala in regna & provincias, in communitates & domos, quasi pleno im-

petu solent effundi, dum propria Cordis voluntas iudex est & consiliaria cœca: *Sic volo, sic jubeo.*

Sueton.
6. 25.

De Augusto Imperatore recenset Suetonius, quòd aliquando ad Senatum Romanum, diu in aliqua re permagni momenti consultantem, ferocem quendam ac temerarium legatum submiserit, qui ut citò cathegoricam resolutionem à dicto Senatu ad Cæsarem deferendam extorqueret, in publico Patrum confessu fulminantem gladium de vagina extraxit, quem in aëre stringens exclamavit: *Hic faciet, si vos non feceritis.* En similem rerum modernarum faciem: *Sic volo, sic jubeo: Cesset, inquit S. Bernardus, voluntas propria, & infernus non erit, in quem enim ignis ille deserviet, nisi in propriam voluntatem?* Audiant, & timeant servi propriæ voluntatis.

S. Bern.
serm. 3. de
Resurr.

3. Cur formosa illa Rachel in partu filii sui Benjamin tam luctuosum in modum periit? Causa est propria Cordis illius voluntas, quam cum Corde divino non voluit conformare: *Da mihi, inquit, quiebat, liberos, alioquin moriar.* Porro exaudivit eam DEus, sed in fine experta est, quàm nociva fit potentia propria cordis voluntas.

Gen. 35.
18.
Gen 30, 1.

Cur Judæi tempore Isaïæ Prophetæ in gravissima & publica necessitate à Deo non fuerunt exauditi, cum tamen rigido jejunio, cineribus & cinere corpus suum humiliârint: *Jejunavimus, & non aspexisti: humiliavimus animas nostras, & nescisti?* Causam idem Prophetæ assignat, quia Judæi tunc propriam Cordis sui voluntatem secuti sunt: *Ecce, in die jejunii vestri invenitur voluntas vestra.* O grande malum voluntas propria in Corde: *quâ fit, ait S. Bernardus, ut bona tua tibi bona non sint.*

Isa. 58, 3.

Cur in navigatione Jonæ Prophetæ tam periculosa tempestas in mari Mediterraneo exorta est, & omnia elementa in illius perniciem conspirârunt? Causa est, quia Cor Jonæ non erat rectum cum Corde Dei, dum illi propriam ac tortuosam voluntatem suam non voluit penitus submittere: *Et surrexit Jonas, ut fugeret in Tharsis à facie Domini, contra expressam Numinis voluntatem, quæ voluit, ut Ninivitis poenitentiam prædicaret: Quid tam superbum*

Jonæ, 3.

ait S. Hieronymus, *quid tam ingratum, quàm adversus ejus vivere voluntatem, qui ideo aliquid imperat, ut occasionem habeat remunerandi? neque enim obsequiis nostris Deus indiget, sed nos illius indigemus imperio.* S. Hier. ep. ad Celerantiam.

Cur Saul Israëuitarum Rex à DEO tam citò rejectus est: *Pœnitete me, quòd constituerim Saul Regem?* Causa est, quia voluntatem divinam in destruendo Amalec neglexit, & propriam Cordis sui voluntatem secutus est, ideo audire debuit: *Pro eo, quòd abjecisti sermonem Domini, abjecit te Dominus, ne sis Rex.* En anima Christiana justissimam refractariæ voluntatis vindictam! quia Dei voluntati subesse noluit, & regno & vitâ spoliatus, & æternum reprobatus est. 1. Reg. 15. 11.

Cur Christus Dominus aliàs mansuetissimus olim Scribis & Phariseis, signum aliquod à se petentibus, tam severè respondit: *Generatio mala & adultera signum querit, & signum non dabitur ei, nisi signum Jonæ Prophetæ?* Causa est propria & obstinata Cordis eorum voluntas: *Magister, inquit, volumus à te signum videre.* O execrandum, ô abominandum volumus! O volumus! tu causas omnium malorum in hoc mundo, & tandem æterna animæ perditio. Audiamus Paulum de Palatio: *O si nunquam hæc vox volumus à nobis prodiret! O si nunquam voluntas nostra, nostra esset! O si solum vellemus, quod vult Deus: hæc nostra voluntas est, quæ nos in infernum præcipitat.* Matth. 12, 38. Paul. à Palatio in c. 12. Matth. c. 3.

4. Non sic laudatissimus ille Ægyptiorum Prorex Josephus, qui optimè noverat non propriam Cordis voluntatem, sed semper in omnibus divinam sequi, unde cuncta adversa & prospera pari vultu sustinuit, Deique voluntati in omnibus se conformavit. Hinc & fratribus suis, veniam à se ob commissum scelus precantibus dixit: *Nolite timere, num Dei possumus resistere voluntati?* O quàm bene! Talis fuit & David, qui, cum à Semei contumeliis imò & lapidibus peteretur, nullo tamen modo illi rebeli homuncioni indignatus est, sed in arcanam Dei voluntatem hæc & similia adversa omnia transmisit. Unde & Abisai, qui jam paratus erat, ad caput huic

2 Reg. 16, rebelli calumniatori amputandum, præcepit, ne feriret: *Dimitte*
 10. *eum, ut maledicat, Dominus enim præcepit ei, ut malediceret Da-*
vid: & quis est, qui audeat dicere, quare sic fecerit? O virum
 Act. 13, ineffabilem! de quo DEUS per os Apostoli attestatur: *Inveni Da-*
 22. *vid Filium Jesse, virum secundum cor meum, qui faciet omnes*
voluntates meas. O utinam & nos!

Talis fuit & Jephthas, quæ, cùm à Patre ex prælio domum rede-
 unte audiisset, quòd DEO in victimam ex voto esset destinata, sine
 mora in re tam ardua Cor suum voluntati ac dispositioni divinæ
 commisit: *Cui illa respondit: Pater mi, si aperuisti os tuum ad*
 Judic. 11, 30. *Dominum, fac mihi, quodcunque pollicitus es, concessâ tibi ultione*
atque victoriâ de hostibus tuis.

Vide hîc, obsecro, prudens Lector! quàm virili animo hæc te-
 nera filia se voluntati divinæ tradiderit. Poterat hæc sine dubio Pa-
 tri in contrarium objicere. Ego nullum votum feci, quod DEO
 me vellem in holocaustum consecrare, neque teneor tuis sic factis
 promissis ô Pater! quæ prorsus inconsultis arbitris fecisti, neque
 vitæ meæ tu es Dominus, sic jure merito votum tuum irritum red-
 dere possum. Verùm nihil horum replicabat prudentissima Jeph-
 thas, sed generoso animo divinam amplexa voluntatem, constanter
 necem in flore juventutis subiit, ubi gladio jugulata DEO, vitæ
 necisque Domino in acceptissimum holocaustum oblata est. O
 mortales omnes! hîc discite, quàm grata sit DEO victima COR
 divinæ voluntati se submittens: *sicut nihil ditius, sunt verba S. An-*
selmi, aut melius offertur DEO, bonâ voluntate, ita nihil exe-
crabilius possidetur propriâ voluntate.


5. Quid dico de Tobia seniore? Cùm de sepultura mortuorum
 fatigatus, domum rediens, juxta parietem se jactâisset, & præ mem-
 brorum lassitudine obdormisset, ex nido hirundinum calida ster-
 cora in oculos ejus deciderunt, ex quibus cæcus effectus, tristem
 & derelictam vitam vivere cœpit. Sed quid ad hæc & plura alia
 adversa Cor Tobix? *Domine, inquebat, secundum voluntatem*
 Tob. 2. *tuam fac mecum.* Ecce! quàm bene in utraque fortuna cor To-
 & 3. *bia*

piæ cum divina voluntate se potuerit conjungere? O quàm bene S. Augustinus tales *Recticordes* appellat, qui semper satagunt divinam voluntatem in omnibus explere. Audiamus illius verba, quæ digna sunt, ut intimis Cordis nostri medullis imprimamus: *Quod sæpe, inquit, diximus, illi sunt recticordes, qui sequuntur S. Aug. in hac vita voluntatem Dei. Voluntas Dei est aliquando, ut Psal. 36. sanus sis, aliquando ut egrotas. Si, quando sanus es, dulcis est voluntas DEI, non recto corde es, quare? quia non vis voluntatem tuam dirigere ad voluntatem Dei, sed Dei vis curvare ad tuam: illa recta est, sed tu es curvus: voluntas tua corrigenda est ad illam, non illa curvanda est ad tuam, & rectum habebis cor &c.*

6. Percipiamus in hanc rem memorabile exemplum: B. Blondæ ex Ordine Servitarum prius in matrimonio honestam ac piam vitam duxerat, in omni fortuna cum voluntate divina Cor suum conformans. Accidit, ut maritus immaturâ morte decederet, *P. Paul. de Barry* & paulò post unicus ejus filius à ficcariis proditorio modo inter- *S. I. in anno Mar. 2. sept.* ceretur; ex cujus occisi cadavere dicti ficcarii Cor avulserunt, & matri Blondæ, per speciem singularis amicitiae ad convivium invitatae, inter reliquas epulas comedendum apposuerunt, cui igno-
ranti quid comederet, post cor filii jam penitus absumptum significârunt, quòd non communes cibos sed propriam suam carnem & cor unigeniti sui manducâisset. Quid ad hanc barbaram crudelitatem B. Blondæ? Num vindictam de cœlo petiit, ut quoniam Elias, ut ignis de cœlo descenderet, & nefarios istos homines devoraret? An fortasse in mille maledictiones & in rabiem mortuæ aliarum mulierum in hoc luctuoso casu effusa est? Minimè entium. Quid ergo fecit? Audi & obstupefce, juxta exemplar Divinissimi CORDIS JESU Crucifixi non tantum nefariis istis hominibus ex animo ignovit, sed & Cor suum in divinam ejus voluntatem penitus resignavit. Hinc se ipsâ fortior, relicto sæculo, quo tam malè habitata fuit, rectâ ad SS. Deiparam & Matrem Dorotheam, quæ in Ordine Servitarum peculiari religione colitur, avola-

avolavit, ubi benignè acceptata, per reliquam vitam DEO & MARIE fideliter usque in finem deservit. Tantùm profuit B. Blondæ, Cor suum cum SS. CORDE JESU & MARIE conformasse. O Christiani discite, ut pari Ratione tum in adversis tum in prosperis voluntatem Cordis vestri ad Divinissimum COR Jesu tanquam heliotropium ad Divinum Justitiæ Solem dirigatis: *Benedicam Dominum*, inquit David, *in omni tempore*, non solum dum mihi bene est, dum sanus, dum dives, dum in honoribus sum, sed etiam dum Deo derelictus sum, dum *tribulationes cordis mei multiplicatae sunt*, dum flagellor & millenis obruor adversitatibus: *In omni tempore.*

Pf. 33. 2. *Pf. 24. 17.* *Euseb. l. 4. histor. Eccl. c. 4. Le Blanc. in Pf. 56.* 7. Hanc nostram considerationem claudat S. Polycarpus Apostolorum Discipulus & Episcopus Smyrnensis. Hic, cum immanis Gentilium persecutio in selectissima Christianorum capita in Ecclesia Dei, ac præsertim tunc Smyrnæ defæviret, amicorum consilio ex civitate sua Smyrnenfi in quandam villam se recepit, ubi triduo, antequam pro fide in vincula raperetur, hanc visionem habuit. Videbatur ipsi, tunc quietem carpenti, cervical, subitâ flammâ succendi & consumi, ex quo non obscurè agnovit, post triduum se pariter pro Christi fide igne consumendum. Interim fit rumor de adventantibus Imperatoris satellitibus, ipsum ad necem ubique locorum quærantibus. Rogant amici, ut saltem ob aliorum salutem se in fugam proriperet, aut saltem in aliam domum se conferret, quid ad hoc S. Polycarpus? *Fiat voluntas Dei*, inquit, *sicut fuerit voluntas in cælo, sic fiat.* Paulò post cum milites jam adesse intellexisset, proprio motu à superiori domus parte descendens, eos humano ac placido vultu suscepit, mensamque actutum apponi mandavit, in qua proprios tortores suos lautè ac pro viribus tractavit, solum ab illis flagitans, quatenus unicam sibi horam concederent, in qua Deo agonem suum commendaret, quod & facilè ab illis impetravit. Sic strigoso asino impositus ad amphitheatrum Smyrnense deductus est, ubi à Proconsule rogatus, ut Christum defereret, ac mores gentium sectaretur, intrepidè respondit: Octoginta sex annis hætenus Christo *servivi*, qui nunquam me læsit, quomodo ergo hunc Regem ac Dominum meum possum offendere? *Sicut fuerit voluntas in cælo, sic fiat.* Itaque igni traditus est, & cum ab eo non læderetur, ab impio milite gladio per Cor transfixus, palòque velut cruci alligatus generoso certamine cursum Martyrii feliciter consumavit sub Imperatore Marco Antonio, quartâ post Neronem persecutione. Ecce, quid sit voluntatem Dei facere. Tu, si sapiens es, super hanc petram ædifica.



CONSIDERATIO XXXV.

Consideratur patientissimum COR JESU, in cruenta flagella, ut nos ab æternis illis flagellis redimeret, paratissimum.



Ego in flagella paratus sum. Ps. 37, 18.

Inter alias olim Gentis Hebrææ Leges atque statuta etiam hoc erat consignatum, ut, si quis ob delicta dignus flagellis censeretur, non stans ad palum vel ad columnam alligatus, sed pronus & humi prostratus virgis in dorso tantum caderetur: *Sin Deut. 25, 3.* *Et coram se facient verberari.* Causam subjungit Scriptura: *Ne scedè laceratus ante oculos tuos abeat frater tuus.* Venerabilissimus Iesus non Lege Judaicâ, sed Romanâ, & à Romano Iudice atque à militibus Romanis flagellatus est, ubi in prætorio illati non pronus aut humi prostratus, sed ad columnam marmoream,

ream, albis nigrisque conspersam maculis, triûmque palmorum altitudinem non excedentem (in cuius vertice annulus fixus erat, cui reorum manibus insertis corpora in omnem partem versari, & velut canis virgis ac scuticis circumagi poterant) crudelissimè, & supra omnem humanum modum casus est, in qua cruentissima
Pf. 128,3 flagellatione non tantùm *supra dorsum ejus*, velut supra incudem, *fabricaverunt peccatores*, sed & sacratissimum PECTUS JESU juxta
S. Hier. S. Hieronymum, acerbissimè est flagellatum: *Et illud sacratissi-*
in Matt. mum Corpus, **PECTUSQUE DEI** capax flagella secuerunt, &c.

O quis dicet, quantam tunc SS. COR JESU passum sit amaritudinem, & corpus quot dolores ac cruciatus? dum velut incus fortissima impiis serviebat fabricatoribus, supra quam omnia peccata sua exonerarent, crebrisque ac validis flagellorum ictibus percuterent, quæ tamen tormenta omnia pretiosissimum COR JESU invictâ patientiâ, velut incus validissima sustinuit, unde pro Lemmate tulit illud Picinelli:

Ferendo, non feriendo.

2. O Anima Christiana! considera hîc DEum tuum ad columnam nudum ac inermem, velut reum loris alligatum! Olin in candido illo & simplici ævo Reges & terrarum Principes se invicem ad tonsiones suarum ovium solebant invitare: *Ecce*, inquit
2. Reg. 13 *24.* Absalom ad Davidem, *tondentur oves servi tui, venit, oro Rex cum servis suis ad servum tuum.* Verùm ego te hodie a longè acriorem tonsionem invito, ubi in prætorio Pilati ipsi Agnus Divino & incontaminato, qui peccatum non fecit, nec inventus est dolus in ore ejus, non lana duntaxat & vestis ab efferatis lupis exuetur, sed & ipsa pellis & caro usque ad costas & ossa per horrendam & inauditam flagellationem detondebitur. Heu! quanta probrosa fuit SS. CORDI JESU illa denudatio, quam coram tanta hominum multitudine oportuit sustinere!

3. Vide hîc Arcam illam Fœderis à Bethsamitis impudentibus igno

ignominiosè nudatam, vilipensam, & curiosiùs inspectam: *Et elevantes oculos viderunt Arcam, &c.* 1. Reg. 6, 13.

Vide hîc novum Jerichuntinum Viatorem, qui in latrones incidens, omnibus vestibus spoliatus, plurimisque vulneribus affectus est: *Incidit in latrones, qui etiam despoliaverunt eum, & plagis impositis abierunt, semivivo relicto.* Luc. 10, 30.

Vide hîc innocuum Josephum, à propriis fratribus tunicâ talari nudatum, & in cisternam veterem missum: *Confestim igitur ut pervenit ad fratres suos, nudaverunt eum tunicâ talari.* Gen. 37, 23.

Vide hîc novum Noëmum in vinea sua recens plantata ignominiosè nudatum, & à Cham impio & ingratisimo filio protervè illusum: *Quod cum vidisset Cham, &c.* Gen. 9, 22.

Vide hîc Davidem, chlamyde suâ regiâ exutum, & ob nuditatem à Michol (quæ typus Synagogæ fuit) turpiter irrisum: *Quâm gloriosus fuit bodie Rex Israël, discooperiens se, & nudatus est, quasi si nudetur unus de scurris.* 2. Reg. 6, 20.

Vide hîc denique novum Adamum ob nuditatem suam rubore confusum, licet tunc temporis ferè nemo in mundo fuerit; hinc in paradiso se abscondit, faciens sibi perizomata ex foliis ficûs, quibus suam nuditatem tegeret: *Timui, eò quòd nudus essem.* Gen. 3, 10.

4. Ex his perpende, Anima Christiana! quàm probrosa fuerit SS. CORDI JESU, Virginis Filii ac pretiosissimi Redemptoris tui hæc denudatio, dum coram tanta hominum & militum turba ignominiosissimè vestibus suis privatus, ac columnæ alligatus est; hîc reverà dicere poterat: *Operuit confusio faciem meam.* Et in Ps. 68, 8. alio loco: *Tota die verecundia mea contra me est.* Atque in Ps. 34, 16 hunc finem ipse apud Psalten ait: *Congregata sunt super me flagella, & ignoravi.* O pientissime JESU! O mi Salvator! quomodo possibile fuit, ut hanc lanienam ignoraveris, cum omnia nuda & aperta sint oculis tuis? *Sciens omnia, inquit dilectus Discipulus tuus, quæ ventura erant super eum?* Jo. 18, 4.

Ita est, exponit Divus Anselmus: *Congregata sunt super me flagella, & ignoravi præ verecundia scilicet CORDIS mei, & præ* S. Anselm tract. de ni-pass.

nimia confusione nuditatis, vix illos immanissimos flagellorum
 ictus persensi. Audi & SS. Deiparam ita ad B. Birgittam loquen-
 tem: *Ad columnam alligatus nihil omnino operimenti habebat, se-*
sicut natus est, sic stabat, & patiebatur erubescerentiam nuditati
sue. O verecundissimum COR! quis tuam hic explicet amari-
 tudinem, confusionem, & ignominiam? *Aspice*, ait devotissimus
 Tauler. Taulerus, ut Rex gloria, qui cuncta vestit, ac tegit cœlum nubi-
 bus, arbores foliis, terram herbis & floribus, ipse ad cutem usque
 totis despoliatur vestibus! O Sol, quid agis? cur non in obsequium
 Conditoris tui subducâ luce illam velas nuditatem? Heu! Sidera
 qui vestit lumine, veste caret! O superbi! O delicatuli! O impu-
 dici & lascivi! quid, quæso, vos ad hoc spectaculum? En, quo-
 modo luit Dominus, quod vos per lascivias vestras deliquistis?
 Jo. 19, 1. 5. Tunc ergo apprehendit Pilatus Jesum, & flagellavit. Cùm
 enim cerneret huc usque justus, sed nunc injustus Præses Roma-
 nus, quòd populus ex sola liberatione Barrabæ non vellet acqui-
 escere, sed constanter Christum ad crucis supplicium postularet
 ut tumultuanti plebi aliquam satisfactionem præstaret, sententiam
 tulit, ut Jesus flagellaretur: *Jesum Nazarenum, virum seditio-*
sum, & Mosaicæ Legis contemptorem, per Pontifices & Prin-
cipes suæ gentis accusatum, expoliare, ligare, & virgis cedere
i lictor, expedi virgas. Quâ latâ sententiâ, milites & plebs ab aula
 judiciaria certatim ad supplicii locum concurrunt, expediuntur
 virgæ, flagra & catenæ, denudatur optimus Jesus, & columna
 tam fortiter alligatur, ut, teste Taulero, sanguis ex digitorum
 unguibus copiosè erumperet. Tum accedunt, prout refert S.
 Hieronymus, sex carnifices, à quibus virginis spineis, loris nodo-
 sis & catenis ferreis tam horrendum in modum flagellatur mitissi-
 mus Agnus, ut in toto corpore, prout asserit Divus Anselmus,
 nec una remanserit portiuncula illæsa, quantum acus pungere pos-
 set, ubi millies mortuus fuisset, nisi divinitas ejus humanitatem su-
 stentâset. O afflictissimum COR Jesu, quomodo possibile fuit
 ut non in mille partes disrumpereris!

6. Juvat hîc audire Dolorosam Christi Matrem, hanc cruentissimam flagellationem Unigeniti Filii sui S. Birgittæ hisce verbis referentem: *Flagellabant*, inquit E. Virgo, *corpus ejus ab omni macula mundum.* *Ad primum ictum ego, quæstabam propinqua, cecidi quasi mortua, & resumpto spiritu vidi corpus ejus verberatum & flagellatum usque ad costas, ita ut costæ ejus viderentur; & quod amarius erat, cum retraherentur flagella, carnes ipsis flagellis sulcabantur.* Cumque Filius meus totus sanguinolentus, totus sic lauratus staret, ut in eo non inveniretur sanitas, nec quid flagellaretur, tunc unus concitato in se spiritu quæsiit: *Nunquid interficietis eum sic injudicatum?* Et statim secuit vincula ejus. *Inde Filius meus induit se vestibis suis; tunc locum, ubi stabant pedes Filii mei, totum repletum vidi sanguine, & ex his vestigiis Filii mei cognoscebam incessum ejus.*

Eadem SS. Deipara in alio loco refert, dilectissimum Filium suum tam diu ac tam atrociter à carnificibus in flagellatione fuisse cæsum, donec tandem omnibus viribus exhaustus, cum amplius insistere pedibus non posset, in proprium cruorem columnæ marmoreæ circumfluum prolapsus decubuerit. O anima Christiana! quis unquam suum canem tam crudeliter tractavit, prout hîc tractatur Veritas? Heu! si brutum videres tot millenis excoriatum plagis, & fustibus usque ad costas fauciatum, aliquâ saltem commiseratione tangereris. Et Agnus ille innocentissimus usque ad ossa excarnificatus non te ad commiserationem, ac seriam peccatorum præsertim sensualium detestationem commoveat? O brutum & non homo! SS. COR JESU præ summo dolore & mœrore propemodum in flagellatione expirat, & Cor tuum præ illius amore non suspirat? Fluit undique purpureus cruor ex cunctis membris ejus, & tu nullam lacrymulam ob amorem JESU pro te flagellati fundis ex oculis? O cautes! O rupes!

7. Jobum virum illum patientissimum Satanas in toto corpore & à plantâ pedis usque ad verticem capitis crudeliter flagellavit: *Percussus est Job ulcere pessimo à planta pedis usque ad verticem.* Job. 2, 7.

2. Mach. 3, 26. Heliodorum duo juvenes ex utraque parte flagellabant, sine intermissione multis plagis verberantes. Paulus ter virgis cæsus fuit, & à Judæis quinquies, quadragenas unâ minus accepit, &c.

2. Cor. 11, 24. Sed quid hæc fustigatio ad cruentam illam flagellationem, quæ tenerrimum corpus Virginei JESU dilaniatum est? Si juxta Scripturam Dent. 25, 2. ræ effatum pro mensura delicti erit & plagarum modus, hinc revera nullum oportet fuisse modum, quia propter scelus populi mei percussisti eum. Fuerunt autem scelera ac peccata nostra innumera, ergo subinfert Didacus de Stella, innumerabiles fuerunt plagæ ejus nam Christus flagellatus fuit pro peccatis nostris, quæ fuerunt innumerabilia. Hinc Isaias ait: posuit Dominus in eo iniquitatem omnium nostrum. Verbo, hæc cruenta & inaudita flagellatio JESU à Romanis militibus per Judæos pecuniis animatis ita peracta est, ut toto corpore unum esset vulnus, exceptis labiis, quibus in cruce pro peccatoribus ad Patrem oraret.

Hinc collige anima Christiana! quantum te SS. COR JESU amaverit, pro te per omnem vitam in flagella paratum. Sed ubi econtra est amor Cordis tui reciprocus? ubi patientia tua, dum non verbera, sed nec unum verbum minùs tuo respectu dignum potes tolerare? ubi mortificatio tuorum sensuum, dum corpus tuum tam delicatè, tam molliter, ne dicam, examinatè tractas? ubi verecundia in quinque sensibus? David cum Angelum flagello armatum vidit, dolens ex intimo corde de peccatis suis, publicè exclamavit: Ego sum, qui peccavi, ego iniquè egi; vertatur, obsecro, manus tua contra me: Et quare tu non facis similiter, cum ob tui causam vides hinc JESUM tam indignè flagellari? Ingredere COR Domini, ait Spinola, vide sitim fundendi pro te sanguinem, vide amorem, quò vult satisfacere pro tuis voluptatibus. Amare erubescere, dolo, gratias age! offer te &c.

Pf. 20, 3. 8. Hinc in veritate adimpletum fuit illud Regii Vatis: Desiderium CORDIS ejus tribuisti ei. Et quale, obsecro ô mi JESU! hoc SS. CORDIS tui fuit desiderium?

Luc. 22, 15. Audi ipsum loquentem: Desiderio, inquit, desideravi hoc Patrem scilicet

cha manducare vobiscum, & pro salute humani generis, non tantum flagella, sed & crucem subire: *Ego autem in flagella paratus sum.* Et hoc, ait Cassiodorus, erat CORDIS JESU desiderium pro animæ tuæ salute tam indigne pati, ac tam acerbè flagellari, ut ab æternis flagellis te redimeret: & quia multa in hoc mundo sunt, flagella peccatoris, ut ea tibi alleviaret: *Hoc factum est*, subintrat S. Hieronymus, ut quia scriptum erat: *Multa flagella peccatorum*, illo flagellato nos à verberibus liberaremur &c.

Ps. 37, 18

Cassiod.

in Ps. 20.

S. Hier.

in Ps. 31,

10.

O anima Christiana! quomodo possibile est, ut tam horrenda lamina, in qua mansuetissimus Agnus usque ad ossa excarnificatur, Cor tuum non ad pietatem ac commiserationem flectat? Petra illa Mosaica in Horeb bis virgâ percussa est, & sine mora largissimas omni populo & jumento subministravit aquas: *Percussit petram, & fluxerunt aquæ.* Et ecce Petra vera, quæ Christus est non binos sed 6666. ictus in cruenta illa flagellatione, virgis, loris & catenis pro te accipit, ex cujus plagis undique divinus profluit cruor, & tu ingratissima etiamnum pergas millies ac millies peccando has plagas repetere? O cor durum! Ecce, inquit S. Augustinus, pro impio Pietas flagellatur: pro stulto sapientia illuditur: pro mendace veritas necatur: damnatur justitia pro iniquo: Misericordia affligitur pro crudeli, pro misero: repletur Sinceritas aceto: inveniatur felle Dulcedo: addicitur Innocentia pro reo: moritur Vita pro mortuo. Et hæc omnia Cor tuum non moveant ad sincerè & fideliter amandum SS. COR JESU?

Ps. 77, 20

S. Aug.

ser. 114.

de temp.

9. O mi JESU! quis hanc cruentam lamienam tuam attentiori mente considerans, non cum Habacuc Propheta inclamet: *Aspicite in Gentibus, & videte: admiramini, & obstupescite, quia opus factum est in diebus vestris, quod nemo credet, cum narratur.* O spectaculum grande mundo, Angelis, & hominibus, videre DEUM ac Dominum universorum à vilissimis servis peccati tum servilibus modis cædi, & cane pejùs tractari. O grande spectaculum! Quis crederet auditui nostro, nisi Veritas Domini hoc revelâset? O anima mea! vide, ac perpende, quomodo frumen-

Habac. 1,

5.

men-

mentum Electorum propter scelera tua horrifonis atteratur flagellis & scuticis: *Attritus est propter scelera nostra.* Vide & considera, quomodo suavissimus Cypri Botrus in hoc stridente torculari usque ad pretiosum Sanguinem prematur & impiorum pedibus proculcetur! *Sicut enim, ait Sylveira, è calcata uva sub torculari exprimitur vinum, sic ex calcato Christo expressus Sanguis pretiosus, quo mundus redemptus.*

Sylveira
in Jo. 15.
s. 9. 1.

Vide insuper, quomodo tunica illa polymita castissimi Josephi, hoc est, Humanitas Christi, dilaceretur, & in proprio sanguine ac purpurâ intingatur: *Tulerunt autem tunicam ejus, & in sanguinem bædi, quem occiderant, tinxerunt.*

Gen. 37,
31.

Vide Columnam ignis & nubis, quomodo intus in Sanctissimo CORDE ardeat flammâ charitatis indeficiente, & foris ut nubes foecundissima in sanguineum imbrem largissimè in omnes profundatur!

Exod. 14,
24.


Vide Sponsum tuum, verè candidum & rubicundum, candidum in palatio Herodis: *Et illudit indutum veste albâ: rubicundum verò in Prætorio Pilati: Tunc ergo apprehendit Pilatus JESUM, & flagellavit.* O mi JESU! quomodo indutus es vestibus sordidis, ut nos vestias stolâ jucunditatis?

Luc. 23,
11.
Jo. 19, 1.
Zach. 3,
3.

Vide denique fidelissimum Fidejussorem tuum, loco tui percussus, ut solveret debitum, quod tu per demerita tua contraxisti. Audi denique, quid tibi hoc afflictissimum COR JESU etiam sine voce ad Cor tuum durissimum loquatur.

*En homo, quæ pro te patior tormenta Redemptor!
Et potes Authoris non meminisse tui?*





CONSIDERATIO XXXVI.

Perpenditur Spinea Corona, quâ SS. COR Jesu per omnem vitam
& nunc in passione sacrum quoque Caput ejus redimitum fuit.



Milites plectentes coronam de spinis, imposuerunt capiti ejus.

Joan. 19, 2.

Olim non tam apud Romanos, quàm etiam apud Hebræos moris erat, ut DEO O. M. victimas coronatas immolarent, quas in solemnioribus festivitatibus viridi sermo in capite redimitas usque ad altare deducebant, ubi per manus Sacerdotum & Levitarum mactatæ, supremo Numini in suave holocaustum, vel in gratiarum actionem ob reportatam a hoste victoriam, vel in peccatorum expiationem, aut pro rebus communi populi necessitate offerebantur. Ita Iphigenia *Cornel. in*
Agamemnonis, cum ad Sacrificium immolanda duce- *act. Ap.*

N n

retur, 14, 12.

retur, prius in signum gloriæ & victoriæ viridi ferto coronata est.

Exod. 12,
6.

In hunc finem etiam Agnus ille Paschalis à Patribus quondam in plenilunio circa vesperam in memoriam Ægyptiacæ redemptionis quotannis oblatus, prius florenti ferto cinctus erat, ubi statuto tempore mactatus, ac veru ligneo affixus, lento igne cremabatur. Ita quoque Abraham Patriarcharum decus Agnum illum masculum in implexu veprium ac ramorum cornibus hærentem, spinis que coronatum DEO, loco filii sui, in gratissimum holocaustum in

Gen. 22,
13.

Monte Moria sacrificavit: *Levavit Abraham oculos suos, viditque post tergum arietem inter vepres hærentem cornibus, quem assumpsit obtulit holocaustum pro filio, &c.* Cui meâ quidem opinioni non incongruè pro Lemmate inscribes:

Victima coronata.

O Bénignissime JESU! quid Sacratissimum COR tuum jam primo conceptionis tuæ instanti aliud fuit, quàm talis *Victima coronata*, jam tunc in utero materno peccatorum sentibus sauciaturum cinctum, & ad mortem Crucis destinatum? David Rex de corde suo palam fatetur, quòd toties spinarum aculeis punctum fuerit quoties in ærumna sua memor suorum delictorum in aliam partem se versavit: *Conversus sum in ærumna mea, dum configitur spina.*

Pf. 31, 4.

Verùm longè major fuit ille dolor Sacratissimi CORDIS JESU, dum spinarum & peccatorum nostrorum pungentes aculei non tunc demum, ubi actu spineâ coronâ Sacrum Caput ejus roditum fuit, in se persensit, sed dolor ille ac mœror ex viva & perfectissima apprehensione per omnem vitam continuatus est. *Debent nos commovere*, ait P. Joannes Eusebius Nierenbergius

Nierenb.

l. 2 c. 5 de
adorat. in
spir. & ve-
rit. Sal-
mer. 10.
10. tr. 30.

Regia Academia Madritenſi Sacrarum Litterarum Professor, qui passus est per totam vitam in uno membro, sanctiss. suo CORDI cum dolor immensus fuit à primo instanti conceptionis, & duravit quàm diù vixit. Audi & Doctissimum Salmeronem: *Acceptavit, inquit, coronam, quia moris erat apud Romanos, & etiam apud Judeos, victimas coronatas immolari.* Erat autem juxta eundem Sa-

merc

meronem hæc corona in modū pilei contexta, venerandum Caput JESU ex omni parte contingens, & acutissimis aculeis mille puncturis perfodiens, ita, ut Sanguis copiosissimus per faciem & genas ejus delueret. O afflictissime JESU! quis hîc non cum Poëta illo exclamet:

Indignum diadema geris Rex maxime Regum:

Debetur meritis ista corona meis?

2. Hîc adimpletum fuit illud, quod de spinoso rhamno Sacerdotes literæ perhibent, qui in comitiis arborum solus inter omnes plantas etiam relictis vite, olivâ, ficu, cedro, &c. in Regem unanimes consensu electus, & proclamatus est: *Dixerunt omnia ligna ad Rhamnum: Veni, & impera super nos.* Causam mysticam subjungunt Patres, quia solus Rhamnus inter cætera arborum genera ac species dignus inventus est, qui Regem sæculorum coronaret.

De Moyse refert Liber Exodi, quantum admiratus sit, cum Dominum vel potius Angelum quendam inter medias pungentes & ardentes spinas conspexit, unde præ admiratione rei tam insolitæ exclamavit: *Vadam, & videbo visionem hanc magnam.*

O Moyse! quid adeo obstupescis Angelum inter inflammatas spinas consistentem? Quid, quæso, dixisses, si Verbum Incarnatum, infinitam Patris Sapientiam, si ipsum DEUM & Hominem Christum toto corpore plagatum, & nunc durissimis spinis ac cruentis epribus coronatum spectâsses? Plus dico: si ipsa interiora Sacramentissimi ac Divinissimi CORDIS JESU introspectâsses, non spinis duntaxat circumdati, ferro crudeli perforati, cruce onerati, sed & divio igne immensi in nos amoris jugiter ardentis? O visio magna SS. COR JESU spinis per omnem vitam redinitum, ardens & incombustum! O visio magna!

Miratur orbis Christianus, quòd in corde B. Claræ de monte Machio post mortem ejus corona spinea cum pluribus aliis Dominicæ Passionis instrumentis fuerit prodigiosè reperta. Vide, & introspecte SS. COR JESU, & in illo non auream aut carneam, sed rididissimam, & mille spinis armatam coronam reperiēs: *Quid Deus in carne,* ait S. Thomas Villanovanus, *nisi ignis in rubo? An non ru-*

S. Thom.

Vill. f. 2.

in die

Nat. D.

*bus spinosa caro, quam assumpsit, plena doloribus, plena puncti-
bus, plena poenaliatibus?*

*Quares.
de SS.*

*Vul. to. 1.
c. 13. sect.
7.*

O Anima Christiana! Ecce, quomodo amaverit te Pastor ille Bo-
nus, & quanto labore ac dolore te perditam oviculam in deserto
hujus mundi etiam inter medias pungentes sentes ac durissimas spi-
nas quæsierit? Ita ex S. Augustino pereleganter Quaresmius, dum
in persona Christi spinis coronati sic te alloquitur: *Cum inter sylvas
& montes errares, quæsiui te, laboravi, sudavi, caput meum spi-
nis opposui, laceratus sum, humeris meis portavi te, Patri meo
reddidi te, &c.*

*Psf. 117,
12.*

3. Hanc spineam coronationem & contumeliam nunquam à
sæculis auditam Jessæus Vates in spiritu prævidens, ita descripsit
Circumdederunt me sicut apes, & exarserunt sicut ignis in spinis
Cur, obsecro, hic Propheta Regius Judæos & milites Christum co-
ronantes, apibus assimilavit? Adverte: apes, dum circumdant &
libant flores, eos subinde aculeis suis sædè perforant, depascuntur
& decore suo expoliant. En mitissimum COR & Caput JESU, ve-
rum illum *Campi florem, & libum convallium* nunc undique à cir-
cumvolitantibus, pungentibus, & aculeatis apibus obfessum: *Judæi*
inquit Le Blanc, *velut apes in Christum Nazarenum, id est, floridum*
*involarunt, eumque pupugerunt, sed inde mel non sibi, sed gen-
tilibus expresserunt.*

*Le Blanc
in hunc
Psal.*

*Hugo
Card. in
Psf. 117.*

Et exarserunt sicut ignis in spinis. Ignis spinarum citissimus
acerrimus juxta ac vehementissimus est, mirè stridèt, & resonat
Ignis in spinis, ait Hugo Cardinalis, *strepitum & crepitum facit*
Sic Judæi contra Christum invidiâ & irâ succensi illum deridebant
eò quòd regnum eorum affectâssent. In hunc finem totâ diabolicâ
cohorte ad prætorium Pilati convocatâ, coram ea pretiosissimum
Orbis Redemptorem, chlamyde coccineâ, seu sordidâ & attritu
militari veste indutum super lapidem sedere fecerunt, ei que diade-
ma regium de horridis ac pungentibus spinis plexum non leviter
sed fortiter imposuerunt, cannis ac fustibus, ne contactu læderen-
tur in caput ejus adactum. Heu! quanto cum dolore innocentil

simi JESU? *Quis satis cogitare potest*, ait S. Vincentius Ferrerius: *S. Vinc. quantus dolor venerandum illud caput, tot aculeis confixum affe-* Ferr. hic
cerit, cum nos vel ad unius spinæ puncturam intolerabili dolore ve- de Coro-
xemur? O immensus amor crucifixi CORDIS! nat.

4. O Bone JESU! *quare sic attenuaris macie Fili Regis?* Quid commisisti amantissime Redemptor, ut sic tractareris? Non sufficit tibi, spineam istam coronam à puncto conceptionis tuæ jugiter in SS. CORDE tuo portare, quin nunc eam quoque feras in capite?

Audi ab illo responsum: *Dixitque ei Amnon--Amo.* O 2. Reg.
amo! ô immensus amor! ô novus & antiquus amor divinissimi 13, 4.
CORDIS! Ergo amas ô Sanctissimum COR JESU? Et quid amas?
O nos felices! Amat corda nostra SS. COR JESU, ideo pro nobis
etiam spineam coronam non recusat. O mi JESU! fac me intelli-
gere istam veritatem, ut amor amore respondeam, & nullas ad-
versitatum spinas amore tui recusari: *Hic maximè*, inquit S. Bo- S. Bonav.
naventura, *apparet charitas ejus, quæ corda nostra totaliter debe-* medit. vi-
ret concremare. ta Chr. c.

O terra! quæ sanguinem tam copiosum ab hoc innocentissimo
Abele hausisti! O terra! non amplius eris maledicta in opere tuo,
neque amplius *spinas & tribulos germinabis.* Non, inquam, am- Gen. 3,
plius maledicta eris, quia coronatus est de tribulis tuis ipse Rex tri- 18.
bulatorum CHRISTUS JESUS, qui nunc tibi pro maledictio-
ne rependet omnem benedictionem. *Propterea*, ait S. Cyrillus S. Cyrill.
Jerosolymitanus, *JESUS accepit spinas, ut solvat hanc maledi-* Jerosol.
ctionem. O felix terra sic à SS. CORDE JESU benedicta! catech.

O felix Vinea Ecclesia! quam ille coelestis Agricola Filius Chri- 13.
stus JESUS triginta & amplius annis in sudore vultûs sui indefessè
excoluit, & nunc quoque sepe eam circumdedit, ut sic eam con-
tra omnes hostiles incurlus muniret, fructumque redderet tempo- Matth.
ribus suis: *Plantavit vineam, & sepem circumdedit ei.* 21, 23.

5. O mi JESU! an non ipsemet dixisti: *Nunquid colligunt de spi-* Matth. 7,
nis uvas, aut de tribulis ficus? Ecce hîc uvam suavissimam inter 16.
medias pendentem spinas, & ficum dulcissimam de tribulis

progerminantem intueor. Et quænam hæc uva aut ficus?

O anima Christiana! converte oculos tuos ad SS. ac Divinissimum COR JESU horridis spinis cinctum, sentibus & crudeli lancea cruentatum! En hîc in veritate uvam purpuream de spinis & de tribulis dulcem ficum poteris colligere.

Imitare exemplum illius Novitii Capucini, etiam dum cibum sumeret Christum JESUM coronâ spineâ redimitum meditantis, accidit, ut Parens hujus Tyronis in conventu Mediolanensi cum P. Isaia Novitiorum Magistro & cæteris Patribus mense accumberet, ubi ad Patrem Isaïam conversus: *Videre se, inquit, quòd suus filius Novitius vesceretur spinis.* Negat id Novitiorum Præfectus, juvenem spinis vesci, sed aliis apposis cibis, quibus & cæteri in triclinio vescerentur. Finitâ mensâ remotis arbitris solus Novitius interrogatur, num reverâ spinas manducâsset? Minimè, reponit Novitius, sed cibos se prout alii comedisse. Quid autem subintrat de novo P. Isaïas, inter vescendum in Corde tuo tractâsti? Spineam coronam, inquit, quæ tot cruentis puncturis Sacratissimum Caput JESU perforavit. Ex quibus facilè agnovit Parens, quanto pere placeret unica pia de spinea corona JESU meditatio.

O quàm rari sunt modò, qui de hac spinea corona JESU, quam semper in SS. CORDE suo portavit, seriò meditantur! Vide, qualis sit nunc abusus capillamentorum, & galerorum in viris effæminatis? Vide, quàm mirabiles turres Babylonicas sibi nunc in capite struant mulieres, quomodo crines mulceant, ornent, dealbent, in varios meandros & in cippum contorqueant? Ah miseræ animæ! Considerate SS. COR & venerandum Caput JESU spinis acutissimis compunctum, arundine percussum & omni ludibrio expositum! Sic videlicet luit Justus, quod peccat ini-

Prov. 24. 30. Per agrum hominis pigri transivi, ait Sapiens, & ecce totum repleverant urticae, & operuerant superficiem ejus spinæ. Ager hic neglectus cor vestrum est, plenum peccatorum spinis, quibus de novo SS. COR JESU sauciatis: in morem spinarum, ait S. Athanasius

nafius pupugerunt eum peccata mundi. Heu! quomodo non VERBUM DEI hîc cecidit inter spinas & exorta spinæ suffocaverunt illud! O spinæ crudeles! O peccata! ficcine tractatis Regem Glorix? qui vos coronat in misericordia & in mille miserationibus, ficcine illum tractatis? ah ficcine?

S. Athanas. q.
136. ad
Antioch.
Luc. 8, 7.
Ps. 102, 4

6. De Rege Antiocho perhibent Machabæorum fasti, quòd Jonathanæ Hebræorum Duci vestem purpuream & coronam auream per legatos submiserit cum epistola, in qua illum ad suam amicitiam & amorem peramicè invitavit: *Et misit ei purpuram & coronam auream.*

1. Mach.
10, 20.

O anima Christiana! En transmittit tibi dolorosissimum COR Jesu coronam suam, non auream sed spineam, ut tecum faciat amicitiam, & tu illam non vis amplecti? *Ostenditur*, inquit S. Bernardus, *nobis caput nostrum spinis circumdatum non floribus, ut illud imitemur &c.* Et tu refugis ab eo? *Coronemus nos rosis*, dices cum istis mundi sectatoribus, *antequam marcescant*, corporis sectemur voluptates, & indulgeamus genio, dum tempus est. Sed audi iterum Doctorem Mellifluum: *Pudeat*, inquit, *sub capite spinoso membrum esse delicatum*, conforma te Capiti tuo, aut non habebis partem cum illo.

S. Bern.
ser. 5. de
omn. SS.
Sap. 2, 8.

Hinc S. Catharina Senensis, cum à Christo aureâ & spineâ coronâ donaretur, ut unam ex his sibi seligeret, sine cunctatione spineam sibi reservavit, & capiti suo imposuit, non ignorans, quantum in hoc sæculo nobis prodesse soleant tribulationum spinæ, dum æternæ vitæ ac gloriæ pondus in nobis operantur. Unde Poëta: *Spinæ fert præsens, vita futura rosas.*

7. Recordor hîc illius miraculosi Crucifixi, qui in civitate Burgos in Templo PP. Augustinianorum piè asservatur & colitur, cui nobilis quidam Eques ob singulare ab eo receptum beneficium coronam auream donavit, quam loco coronæ spineæ sacro Christi vertici imposuit, coronam autem spineam Patres conventûs tribus clavibus arcæ inclusam sollicitè custodiebant. Quid hîc expectas pie Lector? Ecce mox altero die Crucifixus Dominus auream coronam

Bonherb.
apud me
fol. 623.

ronam à se abjecit, & econtra coronam spineam licèt arctè inclusam, prodigiosè tertiâ vice reâssumpfit. Mirabantur omnes, & dum boni Patres de aurea corona circumspiciunt, illam in clavo sacrorum pedum Crucifixi pendentem inveniunt. O Bone JEsu litane amara SS. CORtuum coronam spinis horridam, & flocci pendet coronam auream? O quàm alius est nunc mundi stylus? O anima Christiana! Regis ad exemplum discè, quàm indignum sit, sub tali ac tanto Rege spinis coronato, molle ac delicatum membrum fieri?

*Lyr. de
imit. Chr.
pat. fol.
148.*

8. Non sic Serenissimus Dux Godefridus Bullonius, non sic, qui, occupatâ & in libertatem assertâ Terrâ Sanctâ, juxta exemplar spinis coronati JEsu potiùs spineâ, quàm aureâ gemmisque corrumpente coronâ Hierosolymis à suis Christianis militibus coronari voluit.

*Ex actis
SS. MM.*

Non sic decem illa SS. Martyrum millia cum Sancto Duce suo Achatio, non sic, qui omnes jussu Maximini impii tyranni in monte Ararath propè Alexandriam in contemptum Christi JEsu spinis redimiti, pariter acutissimis spinis coronati, & lanceis præacutis in latere transfixi sunt, & sic nobile martyrii genus consummârunt.

*Ex Na-
das. in
anno cœ-
lesti 23.
Martii.*

Non sic Beatus ille Christophorus, parvulus octo annorum natus, non sic, qui, cùm fidem orthodoxam palam profiteretur, ab impiis juxta exemplar Christi JEsu non flagellatus duntaxat, sed & spineo ferto coronatus est; & cùm demùm in crucem ageretur, ac carnifex latus ejus dexterum lanceâ aperire pararet, generoso animo ad illum dixit: *Si cor quæris, alterum latus mihi effodias, & scruteris.* Quô tandem sinistro latere immiti ferro transverberato, & Corde ejus avulso, Sanctus Puerulus innocentissimam animam DEO suo reddidit. O grata victima pro JEsu flagellari, spinis coronari, ac tandem in cruce pro illius honore cor suum posse offerre! O grata victima! Ah Divinissimum COR JEsu spinis per omnem vitam coronatum! confige & COR meum spinâ salutis, ut discam magno animo te Regem meum amare, & tecum quascunque adversitatum spinas pati &c.

CONSIDERATIO XXXVII.

Consideratur SS. COR JESU, imposito funesto Crucis patibulo,
& nostro peccatorum pondere gravatum.



*Et bajulans sibi Crucem, exivit in eum, qui dicitur Calvariae
locum. Joan. 19, 17.*

Nunc tandem, O mi JESU! adest illa hora, tot ardentibus
votis hætenus à te desiderata, in qua Crucem humeris
ad Calvarium Montem feras, quam hætenus à primo
vitæ tuæ momento jugiter in Sacratissimo CORDE tuo portasti.
Terrentur quidem latrones, prout observat S. Bernardus, dum
patibulum, infame illud lignum primò intuentur, in quo ipsis præ
missis sceleribus luendum ac moriendum est. Verùm non sic
S. COR JESU, dum longè majori cum desiderio, quàm S. Andreas
Apostolus crucem suam amplexabatur, ut in ea nostra crimina ac
totius

totius mundi peccata ad locum deferret expiationis. Vix enim sententia mortis in hunc innocentissimum Redemptorem lata erat statim Crux illa prægrandis, tot figuris præsignata (quæ ad minimum quindecim palmos in longitudine, in octo in ligno transverso continebat) à ministris oblata est, ut eam, licet jam fractis humeris & corpore toto dilacerato, ad locum supplicii deportaret. Quid ad hoc mansuetissimus Agnus? Levat in cœlum ad Patrem oculos, crucem sibi oblatam peramanter, &, ut multi volunt, etiam genu flexo accipit, eamque Sacratissimo PECTORI suo non sine profusis lacrymis admovet, humerisque impositam admirabili hu-

Jo. 19, militate ac patientiâ ad locum supplicii deportat: *Et bajulans sibi*
17. crucem exivit in eum, qui dicitur Calvariæ locum. O amoris prodigium, videre JESUM cruce oneratum!

O Anima Christiana! vide, & considera, quomodo hîc verificatum sit illud Isaïæ: *Sicut ovis ad occisionem ducetur.* Cerne, quomodo peccata nostra ipse perferat in corpore suo super lignum.

2. Petr. 2, 4. O gravissimum pondus peccatum, quo onusti etiam fortissimi Angeli, coelis ipsis dehiscantibus, ad infimum inferni barathrum sunt detracti! Core, Dathan & Abiron immani terræ hiatu absorpti, &
Num. 16, 24. sub quo ipse curvatur, qui portat orbem: proinde nostro Emblemamati, in quô Agnus ille Divinus, septem peccatis mortalibus, quæ gravissima cruce onustus, spectatur, hanc Epigraphen præfigere placuit:

Oneratur, & exonerat.

Vel:

Quàm grave portat onus.

2. Ita, O mi JESU! quàm grave portas onus! Sed age amantissime Redemptor! Age, inquam: *Tolle nunc grabatum tuum, & ambula* super unum montium, quem Pater tuus monstrabit tibi. Grabatum illud & dulcissimus lectulus jam à primordio vitæ tuæ tibi aspera Crux, cervical autem suavissimum spinea corona extitit. Dormi jam, & indormi, O bone JESU, in hoc florido lectulo, quia
Cant. 1, Nazarenus es: *Lectulus noster floridus.*

Ad Adam quondam dictum est: *In sudore vultus tui vesceris pane*, qui à paradiso eliminatus, mox ligonem & aratrum apprehendit, quo terram foderet, eamque ad progerminandos fructus aptam redderet. *Gen. 3, 19*

En hic novum Adamum è civitate sua ejectum, qui ligonem & aratrum crucis ultro in humeros suos suscepit, quo terram universam repararet, atque à spinis & tribulis peccatorum purgatam, in vineam sibi electam converteret. Hic in veritate benignissimus Iesus in sudore vultus sui vescebatur pane suo, dum Judæi & Gentiles illi lignum mittebant in panem ejus: *Mittamus lignum in panem ejus, & eradamus eum de terra viventium.* *Fer. 11, 19.* O durus & arduus panis! sed tamen SS. COR Jesu confirmans, & per triginta quatuor annos sustentans.

O anima Christiana! observa hinc immensum pientissimi Redemptoris tui in te amorem; postquam jam copiosè pretiosissimum sanguinem per crudelissimam flagellationem & coronationem profuderat, suscepit tamen, licet cunctis destitutus viribus, in dianiatos humeros suos trabale illud, probrosum, & maledictum lignum, ut te ab æterno maledicto liberaret. O quàm grave hoc SS. CORDI Jesu tormentum fuit? quid dico tormentum? summa juunditas illi Crux fuit. Sed longè gravior poena sunt illi tua peccata, quibus hætenus tam impudenter, tam protervè, tam ingravè hoc afflictissimum COR Jesu offendisti. Et quid dico, O Anima Christiana! ergone de novo audeas aliquod peccatum committere, quod adeo affligit hoc Divinissimum COR Jesu? An ignoras, quòd omnis peccator toties crucifigat, & occidat quasi de novo Filium Dei, quoties voluntariè noxam lethalem perpetrat? Rationem hanc pulcherrimam assignat Cornelius, quia novo peccato novam dat causam Crucis & Mortis Christi; facit enim rursus id, propter quod Christus crucifixus est. Audi Apostolum: *Et propterea sunt, inquit, rursus renovari ad poenitentiam, rursus crucifigentes sibi metipsis Filium Dei, & ostentui habentes.* *Hebr. 6, 6*

3. Venit hinc mihi in mentem Abraham, insigne illud Patriarcharum

rum fidus, qui, ubi mandatum à Deo acceperat, ut filium suum unigenitum Isaac supremo Numini, tanquam Domino vitæ & necis in holocaustum immolaret, mox intempesta nocte surgens, omni studio se ad hoc grande opus paravit: in quem finem (quod prorsus mirabile est) dilectissimo filio suo funestam illam ac gravem lignorum struem debilibus humeris usque ad locum immolationis ferendam imposuit: *Tulit quoque ligna holocausti, & imposuit super Isaac filium suum, ipse verò portabat in manibus ignem & gladium.* O res stupenda! asino, quem stravit, parcit Abraham, nec illi hanc gravem lignorum sarcinam imponit, parcitque duobus suis vernaculis in hoc luctuoso itinere se comitantibus, & totum pondus dulcissimo ac tenello filio suo imponit ferendum. O crudelis Pater! quid peccavit in te hic innocens filius?

1. Cor. 10
11. Desine mirari, Anima Christiana! siquidem hæc omnia in figurâ continebant illis, scripta sunt autem ad correptionem nostram: per Isaac enim obedientissimum Abrahami filium, ipse Dei Filius propriis humeris crucem ad montem Calvariæ gestans, adumbratus fuit, per Abraham verò Pater cœlestis, qui proprio Filio suo non pepercit, sed pro nobis omnibus tradidit illum. Unde crucem non duobus latronibus, tanquam vernaculis, neque Asino commisit ferendam, sed ipsi proprio Filio suo unigenito velut lignum holocausti consignavit: *Ibi offeres eum in holocaustum.* Supra quod Hugo C. Cardinalis: *Ceteri Sancti, inquit, dicuntur Sacrificia, quia partim pro se passi sunt, sed Christus dicitur holocaustum, quia nihil pro se, sed pro nobis omnibus incensus est.* Et quomodo incensus? Inspice SS. COR Jesu, supra Tabernaculum Divinissimi Sacramenti expositum, & in eo videbis cum lignis holocausti ignem & gladium per ligna Crucem, per ignem charitatem, & per gladium lanceam ferream subaudi, quâ SS. COR Jesu transossus est. Nec desunt 13. spinæ ac vepres hoc amabilissimum COR cingentes: *Viditque S. Isidor. post tergum arietem inter vepres hærentem, quæ spinæ, juxta S. in Gen. c. Isidorum, iniquos & peccatores significant, qui suspenderunt Dominum in Cruce.* 18.

4. De Naboth optimo illo & innocuo Viro testantur Regum facti, quòd propter vineam suam à majoribus quondam hæreditate acceptam, dolo impiæ Jezabelis falsò accusatus, ad mortem condemnatus, ab urbe eliminatus, ac tandem palo alligatus, & lapidibus obrutus sit: *Quamobrem eduxerunt eum extra civitatem &c.*

3. Reg. 21
13.

En iterum pulcherrimum typum in Christo Jesu adimpletum, quem impia Synagoga dolo accusavit, & ad mortem damnato ponderosissimum crucis palum imposuit, ad quem alligatus, imò ferreis clavis affixus, omnium Judæorum linguis lapidatus est. Et certè cùm mitissimus Servator orbis ex urbe educeretur, attestante S. Anselmo, plures in eum lapides & lutum projiciebant: alii eum calcibus urgebant, alii innumeris convitiis eum onerabant, ut quondam Davidem Semei: *Egredere, egredere vir sanguinum & vir Belial &c.*

2. Reg. 16
7.

Hic considera humilitatem ac patientiam SS. CORDIS Jesu, qui, cùm malediceretur, non maledicebat, nec præ impatientia à se crucem abjecit, sed constanter cum ea & in ea usque in finem perseveravit, ut tu disceres in cœpta virtute constantiam, fortiter pati adversa, & crucem à DEO Patre humeris tuis non sine causa impositam, cum Salvatore tuo non in transversum NB. (sic ubique cum illa impinges) sed secundum rectum & longum, quamdiu ipsi placuerit, portare: *Semper mortificationem Jesu in corpore nostro circumferentes, ut & vita Jesu manifestetur in carne nostra mortali.*

2. Cor. 4,
10.

5. Recordor hîc illius Angeli pacifici, tempore Gedeonis in salutem populi pœnitentis à Deo submissi, qui, cùm Gedeon carnes & azy-mos panes in petra offerret, summitatem virgæ suæ extendit, ignemque ex calida collisione petrae ope hujus suæ virgæ excutens, sine mora holocaustum in petra accendit: *Extendit Angelus Domini summitatem virgæ, quam tenebat in manu, & tetigit carnes & panes azimos, ascenditque ignis de petra, & carnes azymosque panes consumpsit.* Quis, obsecro, hîc non obstupescat, quòd virga lignea petram percutiens, ignem ex ea excitaverit? Moyses ex petra durissima per virgam suam copiosam aquam produxit, sed hic

Judic. 6,
21.

Angelus mediante virgâ suâ ex petra ignem elicuit, & functus Sacerdotis officio, Deo acceptabile holocaustum obtulit, quo peracto in auras abiit, & in coelum rediit? O mirabile mysterium!

Per hunc Angelum Christum JESUM, illum magni consilii Angelum subaudi: per virgam crucem ejus intellige; per holocaustum attactu hujus virgæ accensum, non incongruè Divinissimum COR JESU nobis adumbratum est, de quo & Psaltes in typo: *Pf. 72, 21* *Inflammatum est Cor meum*, quod SS. COR JESU tunc quàm maximè & intensissimo amoris igne erga genus humanum inflammatum fuit, ubi crucem ascendit: *Jam tunc*, ait in hunc locum Divus Ambr. *S. Ambr. proëm. l. 1. de Spir. Sancto.* *brofius, in mysterio declaratum est, quia Dominus JESUS in carne sua totius mundi peccata Crucifixus aboleret.* O mi Redemptor! extende & nunc temporis hanc prodigiosam virgam tuam, & percutere Cor meum, ut ex hac petra durissima copiosi fluant lacrymarum fontes, qui te ô summum, ô infinitum, ô immensum meum Bonum, omnium bonorum fontem tot hæcenus offendi peccatis. Percute, inquam, Cor meum, ut simul veri ac sinceri in te amoris ex eo oriatur incendium, quod Cor meum totum in flammis, & in acceptabile tibi holocaustum redigat.

Nadasi
S. I. in ere-
mo divin.
amor. fol.
138.

6. Audi in hunc finem historiam planè mirandam, quam P. Nadasi de homine peccatore morti & desperationis abyssu jam vicino commemorat, cui pro ultimo salutis remedio amici imaginem quandam Christi JESU crucem bajulantis & spineâ corona redimiti ad lectum vicinam appenderunt, ad cujus sacræ iconis aspectum æger primò collacrymari, & mox animitus de peccatis suis conteri coepit. Et ecce rem admiratione dignam! cùm lacrymaretur æger, collacrymatus est & JESUS, eumque amanter consolatus, jussit, ut generalem ac plenam noxarum suarum confessionem perageret, quam ubi apud P. Julium Mancinellum Soc. JESU præstitit, plenam mentis tranquillitatem & æternam, uti speramus, salutem consecutus est. Tantùm huic inveterato peccatori profuit, vel semel Christum pro nobis crucem bajulantem considerâsse. Vide hîc immensam bonitatem ac clementiam SS. CORDIS JESU, quo-

quomodo nostris compatiatur mileriis ac lacrymis, neque mortem nostram & interitum, sed unicè salutem animarum nostrarum desideret, quis hîc non in novam se erigat spem & fiduciam erga hoc mitissimum juxtà ac dolorosissimum COR JESU, quod est peculiaris propitiatio peccatorum, munimen tentatorum, & ultimum solamen afflictorum?

7. Siste hîc paulisper anima Christiana, & inspicere pio quodam mentis affectu amabilissimum ac clementissimum COR JESU pro te spineam coronam & crucem bajulantis! Vide, quomodo is sub gravissimo crucis pondere inclinetur, qui tribus digitis appendit molem terræ? Vide, quomodo pretiosissimus Salvator tuus toto corpore sit dilaniatus, consputus, lacrymis rigatus, spinis cruentatus, signans ipsas platearum semitas roseo Sanguine, per quas trahebatur? &c.

Vide, quomodo innocentissimus Amasa conspersus proprio sanguine in media via prostratus jaceat, nec ullus sit, qui immensis ejus cruciatibus condoleat: *Amasa autem conspersus sanguine, jacebat in media via.* 2. Reg. 20, 12.

Vide, quomodo Sacerdos, Magnus ille Onias mole malorum prægravatus ante altare humi sit jactatus: *Jam verò qui videbat summi Sacerdotis vultum, mente vulnerabatur, facies enim & color immutatus declarabat internum animi dolorem.* 2. Mach. 3, 16.

Vide quomodo Jacob exitinere lassus, deficientibus viribus super lapides in terra jaceat, & scalam coeli (hoc est crucem) tibi paret, per quam, ô anima, ad æternam conscendas beatitudinem: *Tulit de lapidibus, qui jacebant & supponens capiti suo dormivit in eodem loco, viditque in somno scalam stantem super terram.* Gen. 28, 11.

Vide, quomodo ille Fabri Filius in sudore vultûs sui duo ligna humeris lassatis comportet, ut nobis novam salutis arcam construât, & Ecclesiam suam supra petram ædificet: *Nonne hic est Fabri Filius? Nonne Mater ejus dicitur Maria?* Matth. 13, 55.

Vide denique, quomodo Sacerdos secundum ordinem Melchisedech duobus stipatus latronibus, ipse ligneum altare ferat, in 3. P. q. 46. a. 4.

in quo ipse pro salute totius mundi in monte Golgothæo non tam erit sacrificans, quàm & cruentum Sacrificium. O Bone JESU! ô Divinissimum COR JESU! quis hanc perpendens veritatem, non tibi ex animo condeat? quis te non amet ô afflictissimum COR JESU! quis non doleat propter te ô summum Bonum toties offensum? ah mi JESU! quis non?

8. Ex his collige anima Christiana, si prudens es, quòd non sit alia in cœlum via, quàm via regia SS. Crucis: *Tota vita hominis Christiani*, ait

S. Max. S. Maximus, *si secundum Evangelium vivat, Crux est & Martyrium.* Audi, *hom. 2. de* & imitare, quid S. Symphoriano Christi Martyri acciderit.

SS. Mar. Cùm hic præclarissimus Juvenis Augustoduni in florentissima ætate post jam varia à Tyrannis exantlata tormenta denique ad ultimum supplicium traheretur, pia Mater in via ei occurrit, quæ hunc filium suum corde plùs quàm virili ad supremum certamen fortiter pro Christi JESU Crucifixi causa & amore perferendum, hisce verbis adhortata est: *Nate, nate, memento* *Martyrol.* *eterna vita: Cœlum suspice, & ibidem regnantem intueri.* Quâ pientissimæ *22. Aug.* Matris voce Sanctus Adolescens de novo animatus, fortiter pro fide Christi collum carnifici præbuit.

Hoc idem à te peto optime Lector: *Cœlum suspice, & ibidem Regnantem intueri.* Leva oculos tuos ad Orientem & Occidentem, & à Meridie ad Septentrionem, sic in amplissimo cœli campo oculis tuis NB. magnam crucem efformabis, & in veritate nec aliam ad cœlum viam, quàm crucem invenies. Observa insuper, quòd ille nunc regnet in cœlo, qui quondam pro nobis pependit in ligno, qui de se ipso ait: *Nonne ha-* *Luc. 24,* *oportuit pati Christum, & ita intrare in gloriam suam?* Ita nimirum ab *26.* æterno decrevit SS. Trinitas: ita præsignârunt tot in lege figuræ; ita vaticinati sunt omnes Prophetæ: Ita requirebat ipsum exemplum, quo SS. COR JESU tanquam perfectissimum omnium Electorum exemplar Apostolis, Martyribus, Confessoribus, Virginibus Sanctisque universis & omni statui Ecclesiæ præiret; Ita denique ex ipsa ratione decebat, ut tanta ac tam immensa gloria non alio, quàm crucis pretio compararetur; ideo etiamnum nobis proponitur SS. COR JESU cruce signatum &c.

Et tu delicate miles quid agis? qualem tibi viam DEUS in cœlum pinget? Ergo tu solus sine cruce, sine labore, sine tribulatione ad æternam illam requiem ac felicissimam cœli portam pervenies? Absit, *absit gloriari* *Gal. 6, 14* *nisi in cruce Domini nostri JESU Christi &c.* Absit, absit! Aman gloriabatur in honoribus, Salomon in voluptatibus, Nabuchodonosor in divitiis &c. Tu autem non aliam gloriam quæras quàm in cruce D.N. J. C.

CON.



CONSIDERATIO XXXVIII.

Cur in SS. CORDE JESU Crux plantata cernitur, & cur ad redimendum orbem non aliud remedium, quàm crucem elegit?



Ipse lignum tunc notavit, damna ligni ut solveret. Ecclesia in hymno de S. Cruce.

MIratur coelum, & orbis obstupescit universus, quòd DEus summæ Majestatis non aliud remedium ad salvandum deperditum mundum, quàm durissimam Crucem, infame illud & patibularium lignum elegerit? Inspice SS. ac divinissimum COR JESU, & etiamnum in medio ejus crucem plantatam cernes. Et cur, obsecro, hanc feralem arborem sibi elegit Sacratissimum COR JESU in Sponsam, ut eam in Calvario sibi duceret in uxorem, à qua non aliud loco dotis sperare poterat, quàm cruentissimam necem? Nunquid uno suspirio,

unâ lacrymulâ, aut unâ pretiosâ cruoris stillâ millenos ac millenos mundos à perditione potuisse redimere? Omnino: *sed quod sufficiebat redemptioni*, subintrat hîc S. Chrysostomus, *non satis erat amanti*. Plùs & infinities plùs hoc SS. COR JESU nos amavit, dum omnem sanguinem ad extremam usque guttulam pro nostra salute voluit profundere, ut sic copiosior apud eum esset redemptio: *Dedit redemptionem semetipsum pro omnibus*.

Quærebatur hoc SS. COR JESU jam in tenerrima vitæ ætate ab impiissimo Herode, ut gladio innocens victima caderet, & noluit per ejusmodi mortem mundum ab interitu salvare, proinde nocte intempesta fugit in Ægyptum. Irruebant aliquando Nazaræi, quasi impetu factò in eum, ut ipsum perderent, & è medio tollerent, ideo ejecerunt eum extra civitatem, & duxerunt illum usque ad supercilium montis, ut inde præcipitarent ipsum in profundum. Verùm noluit Diviniss. COR JESU hoc necis genus pro salute mundi eligere, quapropter *transiens per medium illorum ibat*. Tollebant aliâ vice sacrilegi Judæi lapides in atrio templi ut jacerent in eum, sed venerandum COR JESU neque hoc mortis genus voluit subire, idcirco *abscondit se JESUS & exivit de templo*. Multoties idem pientissimus Redemptor quærebatur ad mortem: *Et quærebant eum Judæi interficere*: sed noluit cum Joanne Baptista capite truncari, cum Isaia secari medius, cum Jeremia & Stephano impetu crepitantium saxorum obrui, &c.

Verùm postquam paratum fuit Crucis lignum, mortis genus longè crudelissimum, infame, probrosum, & universo mundo abominandum; ecce, sine ulla mora & tergiversatione hoc gravissimum pondus in se suscipit, & osculans ambabus manibus eam amplectitur: *Et bajulans sibi crucem exivit in eum, qui dicitur Cavarie locum*. O amantissime JESU! an non aliud divinissim. CORDI tuo superfuit remedium, mundo deperdito succurrendum. Inspice Schema præfixum, & solutionem habebis: *Mors per arborem* ait S. Ambrosius, *vita per Crucem*; in ligno enim scientiæ boni & mali per protoplastos mundus deperditus, in ligno ve-

vivificæ crucis à Secundo & Meliori Adamo recuperatus est. In *Eccles. in*
 hunc finem Emblematis illud Ecclesiæ inscripsimus: *Pref. in*
Missa de
S. Cruce.

Unde mors, inde vita.

2. Vides nunc, anima Christiana! cur mitissimum COR JESU, optimi Redemptoris tui lignum crucis, quod in hunc finem in medio illius plantatum cernitur, & non aliud mortis genus elegerit, quo orbem redimeret, *ut, unde mors oriebatur, inde vita resurgeret.* Et quia cor humanum scaturigo omnium malorum fuit: *Sensus enim & cogitatio humani cordis in malum prona sunt ab adolescentia sua.* Et in alio loco dicit Veritas: *De corde exeunt cogitationes malæ, homicidia, adulteria, fornicationes, furta, falsa testimonia, blasphemiae, &c.* Ideo jam à prima conceptionis hora benignissimus JESUS *tactus dolore Cordis intrinsecus*, Sacratissimum COR suum pro nobis tradidit in ligno Crucis dirissimâ lanceâ perforandum, *ut, ubi abundavit delictum, abundaret & gratia.* Hinc ipse clementissimus Dominus post lapsum Adami jam tunc in umbra dignatus est ad auram post meridiem in paradiso deambulare, & Adamum præ timore absconditum, velut oviculam à via salutis aberrantem quærere: *Adam ubi es?* ut sic eum non tantum in spem erigeret, sed & ad meliorem frugem reduceret, ac poenam æternæ damnationis, quam commertus erat, in temporaneam misericorditer commutaret; cætera luenda, & ut justitiæ divinæ copiosè satisfaceret, ipsum SS. COR JESU suo tempore in se suscepit, hinc Deus deambulans in paradiso jam tunc in typo vitæ arborem notavit, in qua suo tempore (hoc est, post quatuor millia annorum) mundum deperditum erigeret: *Ipsæ lignum tunc notavit, canit Ecclesia, damna ligni ut solveret.* Et quia per lignum scientiæ boni & mali mors in orbem venit, per lignum vivificum S. Crucis iterum nobis vita recuperata fuit: *Ut medelam ferret inde, hostis unde læserat.* O mitissimum, O suavissimum Numen! quis non miretur immensam tuam benignitatem? Potuisses Adamum Protoparentem nostrum, & nos omnes

cum Angelis apostaticis meritò in æternum perdere, & ecce, misericorditer eruiſti nos ab ipſo damnationis barathro per mortem, crucem, & paſſionem Unigeniti Filii tui Crucifixi. — O infinitam Bonitatem! quis te non amet? quis te non æſtimet ſuper omnia creata ſimul? O lugendam mortalium cœcitatē! Amant hi miſelli in corde ſuo divitias, honores, ac voluptates momento perituras, & cur non amatis DEUM, & SS. COR JESU, ſolum omni amore digniſſimum.

3. Aliam rationem, cur SS. ac diviniſſ. COR JESU pro redemptione mundi non aliud remedium aut mortis genus, quàm diſſiſſimam crucem elegerit, aſſignant SS. Patres & Interpretes, ut preſtiſſimus Redemptor ſe verum ac unicum Mediatorem Deum inter & homines demonſtraret; priùs enim quaſi continuo & acerrimo bello inter ſe cœlum & terra dimicabant, hæc vitiis, illud ſuppli-
Gen. 6, ciis. Conſidera ſtatum ante diluvium, ubi *omnis caro corruerat*
12. *viam ſuam.* Et quid hîc juſtiſſimus Dominus ſclerumque Vindex DEUS aliud facere poterat, quàm ut mundum in peccatis demerſum quadraginta dierum imbribus terrarumque omnium illuvione caſtigaret? Perpende inſuper impiam Pentapolim ſulphureo imbre ſubverſam, ſerpentes ignitos in peccantem populum immiſſos, Dathan, Core & Abiron vivos in inferno ſepultos, aliâſq; ſexcentas plagas, quibus olim Juſtitia Divina in peccatores animadvertit, &c. Verum enim verò ubi venit plenitudo temporis, & Chriſtus Homo factus eſt, tunc etiam inter Deum & Hominem peccatorem Mediator ac ſequeſter fieri voluit; proinde in cruce & in aëre (quod elementum omnibus commune eſt) inter cœlum & terram medius, ſe inter utrumq; interpoſuit, & pacem univerſalem tanquam ſummus & unicuſ in ordine redemptionis Mediator propriâ morte reconciliavit, in quem finem & SS. COR ſuum in pignus tradidit. Scio, quòd olim DEUS tot peccatis hominum offenſus, ſæpius virum juſtum ac perfectum quæſierit, qui indignationem divinam à mundo averteret, &
Ezech. virgam è manibus, ne peccatores hujus ſæculi pro meritis puniret,
22, 30. eriperet. *Quæſivi de eis virum, qui interponeret ſepem, & ſtaret op-*
poſitus

positus contra me pro terra, ut non dissiparem eam, & non inveni. Et apud Isaiam: *Vidit DEUS, quia non est vir, & aporiatus est, quia non est, qui occurrat.* Ubi nota tò *aporiatus est*; hoc est, ait Chaldaeus, quasi anxius, & quasi perplexus, dum justitia urgebat ad poenas, & e contra retrahebat misericordia. Sic Abner militiae Princeps optabat, ut mediator aliquis inter ipsum & Azaëlem, juveniliter exultantem, interveniret, ne ipsum cum impare congregientem, cogeretur interficere; sed quia nullus intervenit, qui certamen dirimeret, coactus est Abner, illum aversâ hastâ confodere: O quàm multi fuerunt, & etiamnum sunt, qui peccando stultissimum certamen contra DEum inierunt. Et ecce! cùm inter cuncta creaturarum corda nullum inveniretur dignum, quod se huic periculoso certamini exponeret, obtulit se SS. ac divinissimum COR Jesu, utrique parti (quod ad mediatorem pertinet) amicum, DEO, quia COR Filii DEI erat, & hominis studiosum, quia Filii Hominis COR erat, honorem & gloriam Dei & salutem hominum quærens: *Unus est Mediator Dei & hominum Homo Christus Jesus, qui dedit redemptionem semetipsum pro omnibus.* Et ideo crucem elegit, & in cruce præ magnitudine dolorum ac multitudine peccatorum crepuit COR Jesu: Tandem, sunt verba Christi ad S. Birgittam, *Cor crepuit præ violentia passionis, & anima egrediebatur.* Et in alio loco: *Pauci cogitant, quàm dolorosus stare in ligno crucis, quando COR meum crepuit &c.*

2. Reg. 2,
19.

1. Tim. 2,
5.

Lib. Ex-
travag.
Revel. 6.
51.

4. Crucem insuper hoc SS. ac divinissimum COR Jesu elegit, quia idem SS. COR Patri coelesti erat futurum sacrificium omnium maximum, gratissimum, & completivum cunctarum victimarum ac holocaustorum; hæc autem holocausta & victimæ DEO, supremo vitæ necisque Domino immolanda, & in odorem suavitatis offerenda, non nisi per ligna in modum crucis disposita concremabantur. Unde & Isaac in ejusmodi victimam destinatus, propriis humeris ligna holocausti ad montem Moria deportavit: *Tulit quoque ligna holocausti, & imposuit super Isaac Filium suum.* O anima Christiana vide nunc Isaacum lignis oneratum, sed ipsum

Gen. 22.

summè venerandum COR JESU ligno crucis gravatum. De Pontifice Maximo, Christique in his terris Vicario orbi notum est, quòd crucem auream in dextero suo pede gerat. Ratio est, quia hic Summus Sacerdos ut petra & fundamentum Ecclesiæ per crucem magis confirmatur, solidaturque, ne fortè offendat ad lapidem pedem suum, fiatque petra scandali; Crux enim est solidum & fidei & Ecclesiæ fundamentum.

Max.
Sand. S.
J. in suo
Staurop.
l. 39. tit.
13.

Imperator Romanorum crucem gerit in corona & globo suo imperiali, item in sceptro (prout Rudolphus I. Habsburg. sibi ejusmodi sceptrum fieri curavit) quam crucem etiam in gladio suo gestat, ut cognoscat, quòd crux sit gladius Domini & gladius Gedeonis, sceptrum regale, per quod Reges imperant, & corona, quæ magis verticem Imperatoris, quàm omnes gemmæ, condecorat: *A loco supplicii*, ait S. Augustinus, *crux fecit transitum ad frontem Imperatorum.*

5. Sed SS. COR JESU Crucem in medio sui plantatam portat, & cur in medio Cordis? Adverte. Cùm Adam serpentis astu & uxoris voce seductus, ac quàm maximè deitatis amore inescatus: *Eritis sicut Dii*, de arbore scientiæ boni & mali vetitum fructum degustâisset, mox conscientiæ remorsu, acerrimè animum stimulante, cognovit, in quam immensam miseriarum voraginem se, & universum genus humanum tam vilis escæ gratiâ præcipitâisset, itaque cum conjuge, ne à Divina Nemese ob tantum scelus uno momento adinstar apostatæ Luciferi ad inferni barathrū præcipitaretur, condignas ibidem per omnem æternitatem pœnas daturus, ad arborem quandam in medio paradisi situatam, tanquam ad ultimum calamitatis suæ asylum confugit: *Abcondit se Adam & uxor ejus à facie Domini Dei in medio ligni paradisi.* Observa: in medio ligni paradisi, per quem paradysum in sensu allegorico S. Bernardus appositè humanitatem Christi intelligit, quæ passim etiam ab aliis SS. Patribus paradysus omnium deliciarum & hortus voluptatis solet appellari: *Pro paradiso*, ait Mellifluus, *quem amisimus, Christus nobis datus est.* Fugit verò Adam ad medium ligni paradisi; ergò fugit

S. Bern. in
parvis
serm. 66.


fugit jam tunc in umbra ad SS. ac Divinissimum COR JESU, quod est centrum ac medium in ejus humanitate; *ut sic*, prout loquitur S. Leo, *quod cecidit in Adam primo, erigeretur in Secundo*. Vide S. Leo nunc, cur SS. COR JESU in medio sui crucem gestare soleat. Audi *serm. de Ecclesiam: Hæc est arbor dignissima in medio paradisi situata, in qua salutis Author propriâ morte mortem omnium superavit*. O *pass. D. Eccles. in officio de S. Cruce.* felix Adam! jam non miror amplius, quòd in medio ligni paradisi, ad quod olim confugisti, pro te & omni humano genere adhuc tantam gratiam ac misericordiam consecutus sis, ut pœna æterna in temporalem tantum fuerit cōmutata, age gratias SS. CORDI JESU, per cujus prævīsa merita passionis ab æterna damnatione tam misericorditer erutus es: *Impulsu quodam*, ait antiquissimus Origenes, *primi parentes ad arborem se contulerunt, ut significaretur, jam tunc unicum perfugium in arbore crucis esse constitutum*. Et *Orig. hom. 1. in Genes.* quod memoriâ, admirationēque dignum videtur, illud est, quod Adam in illo Calvariæ loco fuerit sepultus, ubi Christus post quatuor annorum mil'ia erat cruci affigendus. Hinc existimat Molanus illum morem in Ecclesia Dei provenire: quòd sub Crucifixi iconibus ac statuis quædam Calvaria appingi, vel sculpi soleat, quam calvariā seu cranium Adami S. Hieronymus asserit, per sanguinem stillantem de cruce Secundi Adami Christi JESU à peccatorum sordibus mundatam, unde & illud: *Sub arbore mali suscitavi te, &c.* *Molan. c. 78. de imagin. S. Hieron. epist. 27. ad Marcellam. Cant. 8, 5.*

6. Et si placet ulteriùs causam investigare, quare SS. COR JESU sibi crucem desponsaverit, respondet S. Augustinus, *ut Martyres S. Aug. in firmaret exemplo*, omnibûsque Christianis fortè præberet, ac relinqueret exemplar, omnia pro Deo, fide, veritate & justitia tolerandi: *Nihil enim*, pergit idem Sanctus Ecclesiæ Doctor, *sic elucet, quomodo Caput Martyrum, ubi meliùs intuemur, quod illi experti sunt*. Sic videmus in cervis, cùm primus & fortissimus in trajiciendo flumine præcedit, absque mora & cæteri longo ordine sequuntur, ubi unus alteri caput imponit, primus verò & cæterorum antesignanus, quasi solus totum onus & periculum sustinet, unde lemma: *Instruit exemplo*. Sic pariter in ovibus experientiam habemus, ubi prima

tor-

torrentem, a quo prius omnes abhorrebant, ingressa est, facile & reliquas suo exemplo secum trahet, ideo lemma: *Omnes pendemus ab una*. Sic & in gruibus, cum una quasi dux cæterarum per mare volatum tentat, mox cæteræ omnes pulchro & miro ordine præcedentis vestigia sequentur, proinde iterum lemma: *Unadirigit omnes*. Ita SS. ac Divinissimum COR JESU, postquam prævit exemplo, mare rubrum passionis ingrediens, ac tandem in cruce seipsum in hostiam Sanctam & immaculatam offerens, omnes SS. Martyres ad sui sequelam allexit, & fortissimo exemplo Electos omnes ad se attraxit, ut cum gaudio cuncta hujus mundi adversa, & immanissima tyrannorum supplicia generoso animo sustinerent: *Stat Martyr tripudians, & triumphans*, ait S. Bernardus, *licet lacero corpore, & rimante latera ferrò; non modo fortiter, sed alacriter sacrum è corpore suo circumspicit ebullire cruorem: Ubi ergo tunc anima Martyris? nempe in tuto, nempe in petra, nempe in visceribus, hoc est, in CORDE JESU, vulneribus nimirum patentibus ad introeundum*. Huc respexit, ut mittam millenos alios S. Orestes, nobilis miles Christianus & gloriosissimus Martyr, qui sub Diocletiano Imperatore militans, auream semper crucem in Pectore gestabat, ut totus ipsi figeretur in Corde, qui totus pro illo fixus erat in cruce. Accidit, ut, cum sese jaciendis missilibus cum cæteris suis commilitonibus ad scopum, ipso præsentè Lysia exercitûs Duce exerceret, crux illa è pectore pendula solutis nonnihil vestimentis ejus palam appareret. Miratur Lysias in milite fortissimo hoc insolitum crucis signum, cui Orestes intrepidè: *Christianus*, inquit, *sum, & servus Crucifixi Domini mei, & gesto hoc signum ad omnia mala avertenda, quæ mihi ingruunt*. Ad quam publicam fidei professionem ex mandato Lysia sine mora comprehensus, & in vincula conjectus est: & cum JESUM Crucifixum constanter prædicaret, post varia exantlata tormenta demum in candentem craticulam, velut in ferream crucem prostratus, lætus inter has voces martyrii cursum consummavit: *Domine JESU Christe, in manus tuas commendo spiritum meum*.

7. Crucem denique SS. COR JESU elegit, ut nos à maledicto legis, teste Apostolo, redimeret, quia scriptum est: *Maledictus omnis, qui pendet in ligno, ideo Christus nos redemit de maledicto legis, factus pro nobis maledictum*. Et quia hoc SS. COR JESU pro peccatoribus moriebatur, idcirco in monte Calvario, tanquam in loco publico malefactorum inter ipsos latrones expirare, & crudeli lanceâ transfigi voluit. Hunc infinitum amorem dulcissimi CORDIS JESU adeo nos diligentis, & adeo propter salutem nostram se in Cruce humiliantis, cum aliquando propensius in animo medicaretur S. Maria Magdalena de Pazzis, ita DEI amore absorpta fuit, ut nihil loqueretur, ac nihil ageret, nisi ex DEI amore: proinde obvios quosque & præsertim Sorores ad hunc Divinum Amorem amandum excitabat: *Amate hunc Amorem Sorores, amate hunc Amorem: Amate ô mortales omnes hunc amorem, amate!*



CONSIDERATIO XXXIX.

SS. COR JESU est balsamum deficientibus, neque vindictam, sed indulgentiam peccatoribus à Patre postulat.



JESUS autem dicebat: Pater, dimitte illis. Luc. 23, 34.

Res mira! quòd DEUS O. M. olim in lege nonnisi per sanguinem victimarum voluerit honorari, & placari. Per sanguinem Agni, super postes Hebræorum in exitu de Egypto per modum Crucis illitum, domus eorum ab Angelo transeunte & percutiente fuerunt servatæ immunes: *Et sument de sanguine ejus &c.* Per sanguinem Moyse foedus inter Deum & hominem sancivit; dum mandata DEI populo imposterum servanda, publicè explicasset, in testimonium hujus foederis sanguinem victimarum super populum asperfit: *Ille verò sumptum sanguinem re-*
perfit in populum &c. Idem mos erat in offerendis Deo holo-

*Exod. 12.
7.*

*Exod. 24.
8.*

caustis observatus, & in victimis pacificis, atque hostiis pro peccatis oblati, ubi semper sanguis victimarum per circuitum altaris & partim super populum, Sacrificio adstantem, effundebatur: Immo-
Lev. 1, 5. labitque vitulum coram Domino, & offerent filii Aaron Sacerdotes sanguinem ejus, fundentes per altaris circuitum, &c. Vide prudens Lector, in his & in pluribus aliis sacrificiis, quam mirabiliter Deus unigenitum suum Filium suo tempore in ara Crucis pro peccatis totius mundi offerendum, præsignaverit; tunc enim Christus vera victima pacifica in Altaris circuitu sanguinem suum fudit, cum in Cruce pendens Æterno Patri cruento modo in hostiam expiationis se obtulit, ac demum ipsum Sacratiss. COR suum pro nobis sacrificavit: *Sanguinem fudit in circuitu Altaris*, ait Cornelius à Lapide, *ut sciremus omnes orbis terræ nationes participes fore Crucis & Sanguinis Christi.*

*Cornel.
hic.*

2. Videtur mihi hic pientissimus IESUS Crucifixus, sacrosanct. Sanguinem ex quinque vulnerum canalibus, ac præsertim ex ipso fonte SS. CORDIS largissimè in salutem animarum deficientium profundens, ut Balsamum aromatizans, quod ferro incisum pretiosissimum liquorem & opobalsamum ex vulnere suo in salutem & medelam infirmorum, ac vulneratorum abunde stillare solet, cum nobilissimæ arbusculæ bona pro malis, & medelam pro vulnere reddenti, pro Lemmate rectè inscribes:

Vulnus vulnere curat.

Vel, si magis arridet:

Præbet quoque læsa medelam:

Aut brevius:

Et læsa medelam.

*S. Aug. Ita, inquit S. Augustinus, Christus Medicus accessit, medicamen-
 ser. 145. tum adhibuit, vulnera in cordibus videbat, & unde vulnera cor-
 de temp. dium curaret, in corpore cicatrices ferebat. Et in alio loco: Chri-
 c. 3. stus sic voluit mori, ut sanguine suo effusores ejusdem sanguinis redi-
 Idem in meret. O immensa clementia, quis unquam audivit, aut vidit ta-
 Pl. 48. li*

ia? Vere SS. COR Jesu est balsamum & opobalsamum pretiosissimum omnibus animabus deficientibus. Ita S. Bernardus: *Filius Dei altissimi jubetur occidi, ut vulneribus meis pretioso sanguinis illius balsamo medeatur* &c. S. Bern.
ser. 4. de
Nat. D.

3. De sanguine justis Abelis Sacrae testantur Paginae, quod sine mora post mortem ob perpetratum tam indignum & immane facinus contra perfidissimum fratrem vindictam clamaverit: *Quid fecisti*, ait Deus ad Cain, *vox sanguinis fratris tui clamat ad me de terra?* Sanguis Zachariae Prophetæ inter templum & altare à perduellibus quondam Judæis ob servatam ab illo justitiam & veritatem effusus, mox post necem hujus divini Vatis contra effusores suos ultionem à Deo petiit: *Ut veniat*, ait Christus, *super vos omnis sanguis justus, qui effusus est super terram, à sanguine Abel justis, usque ad sanguinem Zachariae, quem occidistis inter templum & altare.* Sanguis SS. Innocentium Martyrum, ab impiissimo Herode injustè occisorum, pariter à Deo justissimo, omniumque malorum Vindice contra interfectores suos vindictam clamavit: *Quare non defendis sanguinem nostrum? & acceperunt divinum responsum: adhuc sustinete modicum tempus, donec impleatur numerus fratrum vestrorum.* Sanguis S. Wenceslai Bohemiae Regis & Martyris ab impio Boleslao fratre suo, velut alterius Abelis ad templi fores profusus, pari modo vindictam clamavit, dum paries Ecclesiae cruore illius aspersus nullo modo amplius à scelerum sociis detergi, & ablui potuit, cujus notæ etiamnum hodie in testimonium ibidem apparent: *Sanguis per parietes aspersus adhuc conspicitur.* Mitto hinc plures alios admirandos eventus, ubi sanguis innocenter effusus plerumque contra interfectores suos è coelo vindictam expetiit, & impetravit. Verùm qualem ultionem innocentissimus Christi Sanguis, in passione ad ultimam usque stillam ex ipso intimo SS. CORDIS fonte effusus, clamavit? qualem ultionem à Deo Patre petiit? Audite coeli, quæ loquor, & audiat terra verba oris mei! Omnia elementa, cum SS. COR Jesu expiravit, stabant tunc parata ad condignam contra impios deicidas sumendam

Gen. 4, 8.

Matth.
23, 35.

Aeneas
Sylv. &
Brev. R.
28. Sept.

dam vindictam. Terra mota est, & à fundamentis concussa, ut omnes peccatores vivos, velut Core, Dathan, & Abiron deglutiret. Velum templi scissum est in detestationem tanti parricidii. Tenebræ factæ sunt, quia Sol, mundi oculus, indignos judicavit telluris incolas, quibus ulterius lumen & radios impertiret. Luna videbatur sanguinea, ut sic sanguinem pro sanguine reposceret. Monumenta aperta sunt ad devorandos impios Caini fratres. Verbo ut absolvam uno: Omnes creaturæ tunc in morte JEsu, dum crudelis lancea Sacratiss. COR ejus penetravit, ex intimis visceribus commotæ sunt ad sumendam de ingratisimo homine vindictam! *Et armabit creaturam ad ultionem inimicorum.* Et quid ab hæc omnia SS. COR JEsu? En verum vitæ Balsamum! *Misericordiam*, inquit, *volò, non Sacrificium*; O amoris prodigium! Sap. 4, 18. *O* quàm melius loquitur Sanguis justî hujus & innocentissimi Abelis: *Accessistis*, ait Apostolus, *ad montem Sion, & testamenti novi Mediatorem JEsu, & Sanguinis asperfusionem, melius loquentem, quam Abel.* Et quid hîc secundus Abel loquitur? Inspice Titulum super Caput JEsu affixum: I. N. R. I. quod idem est, ac Jesus Non Reminiscitur Injuriarum, proinde dicit: *Pater dimitte illis*, quæ verba mitissimus Redemptor, sanguinolentos & moribundos oculos suos ad cœlum convertens, non sine lacrymis & cum clamore valido de funesta crucis cathedra locutus est. En clamorem SS. CORDIS JEsu! O Anima Christiana adverte hîc! *Pater*, dicit JEsus, non Deus, non Dominus, non Judex, &c. ut sic dulcissimum COR JEsu magis Cor Patris sui, qui innocentissimi Filii sui pretiosissimum Sanguinem vindicaturus, jam paratus & accinctus erat, ad misericordiam flecteret: *Et impetravit*, ait S. Hieronymus, *quod petierat Christus, multaque statim de Judæis millia crediderunt, & usque ad quadragesimum secundum annum datum est tempus poenitentiae.* Matth. 9, 13.

S. Hier.
epist. ad
Hedib.

S. Bern.
serm. 4.
hebd.
Pent.

4. *Vide nunc opera Domini*, subintrat hîc Mellifluus Bernardus, quæ posuit prodigia super terram: flagellis cæsus est, spinis coronatus est, clavis confossus est, affixus patibulo, opprobriis saturatus.

*turatus: omnium tamen dolorum immemor, charitatis memor: Ignosce, ait, illis, quia nesciunt, quid faciunt. O infinitus amor! O mansuetudo omnibus retro sæculis inaudita SS. CORDIS JEsu! David quondam de suo mansuetissimo corde in oratione & in Psalmis coram Domino & universo mundo gloriatus est: Me- Ps. 131;
mento Domine David, & omnis mansuetudinis ejus. Verùm hæc 1.
mansuetudo non sine felle & cordis amaritudine fuit; cùm enim tempus mortis instaret, filium suum Salomonem ad se vocari jussit, cui injuriam, à Semei quondam in fuga sibi illatam, ante oculos posuit, ut datâ occasione de eo ultionem sumeret: Habes, ait David moriens, apud te Semei, filium Gera, filii Jemini de Bahurim, 3. Reg. 2;
qui maledixit mihi maledictione pessimâ... Tu noli eum pati esse 8.
innoxium. Vir autem sapiens es, ut scias, quæ facies ei, deducésque canos ejus cum sanguine ad inferos. Non sic Filius David, amantissimus JEsus ad Patrem suum Cœlestem, non, inquam, sic, sed pro omnibus etiam infensissimis inimicis, qui ipsum infami crucis patibulo affixerunt, sincero Cordis & amoris affectu rogavit: Pater ignosce. O Bone JEsu! non me capio amplius præ admiratione tantæ bonitatis Sacratissimi CORDIS tui! Quis, obsecro, ob amorem hujus tui mansuetissimi CORDIS non pariter ignoscat inimicis suis? an servus est major Domino suo?*

5. De Moyse refert Scriptura, quòd mansuetissimo Corde fuerit, cùm tot à populo illatas injurias animo planè invicto devoravit, & licèt parùm abfuerit, quin à seditioso illo populo vivus fuisset lapidatus, pro ingratis tamen Hebræis enixè Deum oravit, ut illis parceret, eisque injuriam condonaret. Imò quod plus est, etiam pro illorum salute seipsum Deo in victimam & anathema obtulit: Aut dimitte eis hanc noxam, aut si non facis, dele me Exod. 32,
de libro tuo, quem scripsisti. De Aarone fratre Moyfis perhibent 31.
sacræ paginæ, quòd, cùm Deus populum murmurantem igne cœlesti decrevisset delere, & ex eo jam 14700. ignis consumpsisset: in mediam plagam & ignem grassantem cum thuribulo thymiama-
tis irruerit, ut sic indignationem DEI à populo averteret, eum-

- Num. 16, 48. que cum Deo suo reconciliaret: *Et stans inter mortuos ac viventes, pro populo deprecatus est, & plaga cessavit.* Nec minori charitate ac mansuetudine Cor Pauli præditum fuit, qui non corpus duntaxat, sed & animam pro salute suorum Hebræorum devovit, optans pro fratribus suis esse anathema, ac loco illorum ex libro vitæ deleri, & in æternum affligi: *Optabam enim ego ipse anathema esse à Christo pro fratribus meis &c.* Et ideo S. Chrysostomus, Cor Pauli COR Christi appellat &c. Quis ignorat de S. Stephano glorioso illo Christi Protomartyre, quam illustre fortitudinis, patientiæ, mansuetudinis, innocentiae, charitatis ac cæterarum virtutum exemplum toto orbi dederit, tum in tormentis & in ipso mortis agone constitutus suis infensissimis inimicis ac persecutoribus bene precatus est: *Positis autem genibus clamavit voce magna, dicens: Domine, ne statuas illis hoc peccatum.* Mitto hîc S. Jacobum fratrem Domini, qui de pinna templi præcipitatus, fractis cruribus, manibus in cælum elevatis, semivivus pro inimicis suis orabat: *Domine ignosce illis.* Sic & S. Polycarpus Ep. qui antequam igni traderetur, suos interfectores, qui ipsum ad necem quærebant, benignè in hospitio suo excepit, cibavit, atque potavit &c. Verùm inter omnia creaturarum corda nihil sic elucet, quemadmodum SS. ac mansuetissimum COR JESU, quòd non solum optabat anathema esse pro salute gentis suæ, sed & pro omnibus hominibus re ipsâ factum est, audi Apostolum: *Christus nos redemit de maledicto legis, factus pro nobis maledictum.* Hinc in tota passione ad omnes contumelias semper tacuit. Verùm cùm jam de salute univèrforum ageretur, omnemque creaturam contra peccatorem armatam & justissimam Patris iram cerneret, seipsum in pacificum Sacrificium & in hostiam expiationis pro totius mundi peccatis obtulit: *Cum clamore valido & lacrymis offerens, exauditus est pro sua reverentia.* O stupenda, ô magna, ô immensa charitas SS. CORDIS JESU, quam nec flumina persecutionum obruerunt, nec ipsum profundissimum passionum mare potuit extinguere: *Nec flumina obruent illam.*
- Gal. 3, 13. *Christus nos redemit de maledicto legis, factus pro nobis maledictum.*
- Hebr. 5, 7. *Cum clamore valido & lacrymis offerens, exauditus est pro sua reverentia.*
- Cant. 8, 7. *Nec flumina obruent illam.*

6. Pro confirmatione dictorum audi mirabile factum. In Urbe Phariæ,

Phariæ, vulgò Lessina, ingens seditio plebem inter & nobiles civitatis exorta est, in qua cives unanimi consensu coram imagine Crucifixi Redemptoris sui sacrilego juramento sese devinxerunt, arma sese priùs non posituros, quàm omnes civitatis primarios sibi nimiùm austeros ac contrarios ad internecionem delevissent. Fit igitur tumultus, currunt per urbem armatâ manu furibundi incolæ, cæduntur in primo æstu aliqui de illustrioribus. Et ecce dum hæc fiunt, prædictus Crucifixus ex sacris quinque Vulneribus copiosum sanguinem effundere conspicitur; quod cruentum profluvium ubi in oculos quoque excœcata plebis incidit, tū inaudito hoc prodigio, tum conscientiae remorsu perculsi, è vestigio hanc parricidalem seditio- nem comprimunt, & contrito corde pœnitentes, multis profusis lacrymis Divinam Bonitatem ad tam immane scelus sibi condonandum implorant. Interim Episcopus illius loci solemnem processio- nem adornari jubet, in qua hæc Thaumaturga SS. Crucifixi imago insigni pompa ac veneratione per plateas ad Ecclesiam Cathedra- lem illius urbis deportatur, assistentibus ad utrumque Crucifixi la- tus duobus Presbyteris, qui suppositis calicibus fluentem de Vulne- ribus cruorem exciperent. Et pretiosus hic liquor in multas exinde provinciæ illius Ecclesias distributus pluribus salutem attulit. Cruci- fixus verò in hodiernum usque diem in memorata Ecclesia Cathe- drali Lessinenfi magnâ fidelium devotione colitur & aservatur.

O anima mea collige vel ex hoc, quomodo pientissimum COR JESU non ultionem, non perditionem, sed unicè salutem tuam de- sideret: *Cum JESUS*, inquit S. Bernardus, *in summa crucis esset a-* *maritudine, nihil exivit de ejus Corde, nisi dulcedo.* Vide, quàm dulciter & amicissimè suis inimicis responderit, cùm ipsum inter- rogarent: *Quid sunt plagæ istæ in medio manuum tuarum?* Audi & admirare suavissimum responsum: *His plagatus sum*, inquit, *in do-* *mo eorum, qui diligebant me.* Ecce suavissimum COR JESU, verè balsamum deficientibus.

Hoc tibi ô anima Christiana à Crucifixo & moriente JESU lacry- mosè dici existima. Ecce quomodo plagatus sim à te, qui tamen adeo,

Bagatta.

To. 2. l.

§. c. 2.

§. 6.

S. Bern. l.

de pass.

Dom. c.

12.

Zach. 13,

6.

Fer. 31,
3.

adeo, & quidem in charitate perpetua dilexite. Vide vulnera mea, tot luculenta amoris mei in te testimonia; vide manus ac pedes durissimis clavis perforatos; vide, quomodo superbia tua caput meum spinis cinxerit; vide, quomodo gula tua os meum felle & aceto potaverit; vide quomodo lascivia tua totum Corpus meum innumeris plagis repleverit. Nunc nil restat amplius, quàm ut COR quoque meum tibi tradam. Et ecce habes hoc etiam in pignus sinceri amoris mei! Veni Longine, quid moraris? aperi COR meum, ut exinde balsamum vitæ fluat in salutem non tam amicorum, quàm & meorum crucifixorum, omniumque inimicorum, pro quibus æquè veniam ac misericordiam flagito: *Pater ignosce, O Bone Jesu! ô amor Crucifixe! Quis hîc non exclamet cum Propheta: Obstupescite cœli super hoc, & portæ ejus desolamini vehementer!*

Fer. 2, 12

Levit. 9,
24.
Ezech.
40, 3.

7. His attentius consideratis, occurrit mihi, cur Angelus ille, qui in præsentia Ezechielis Prophetæ totam quondam templi fadricam cannâ mensoriâ dimensus est, non etiam ignem sacrum ac perpetuum in altari ibidem die ac nocte ardentem mensuraverit. Mensus quidem est cœlestis Genius longitudinem & latitudinem ædificii, altitudinem portarum, thalamorum, columnarum, fenestrarum, mensarum, vestibulorum, cubiculorum, ac graduum, & quidquid in templo erat, peracutè suâ cannâ mensoriâ perlustravit; non tamen ausus est prædictum sacrum ignem, cœlitus quondam in primo Sacrificio Aaronis submissum, mensurare, sed depositâ suâ cannâ mensoriâ, discessit: *Ecce vir, cujus erat species, quasi species aris, & funiculus lineus in manu ejus & calamus mensurae in manu ejus &c.* Et quare, obsecro non etiam hunc sacrum ignem dimensus est? an fortasse, quia ignis per suam agilitatem nimium inconstans est, nec certam mensuram admittit? Sed Angelus erat, cui non impossibile fuit etiam pondus ignis metiri.

Joan. 2,
19.

Theodore-
ret. in
hunc lo-
cum.

Adverte hîc ingens mysterium. Templum illud typus humanitatis Christi Jesu fuit juxta illud: *Solvite Templum hoc, &c.* Quod mysticum Templum tunc mensuratum est, quando in cruce dinumeraverunt omnia ossa ejus. Sed ignem sacrum ac perpetuum in altari SS. CORDIS Jesu jugiter ardentem nemo unquam ausus est dimetiri: *hic ignis*, ait Theodoretus, *fuit amor ardentissimus, quo homines (SS. COR Jesu) prosequitur*, quem ignem neque Oceanus omnium calamitatum, injuriarum, persecutionum, & omnium peccatorum potuit extinguere. *Igitur*, pergit Theodoretus, *immensus maneat, quia immensus est.* O portæ cœli obstupescite super hoc! Et tu, ô anima mea, exulta ob immensam bonitatem
SS. CORDIS JESU.

CON-

CONSIDERATIO XL.

SS. COR JESU Crucifixi fons est in horto paradisi, irrigans omnem terram, & lætificans Civitatem Dei.



Fons ascendebat de terra, irrigans universam superficiem terræ.
Gen. 2, 6.

1. **P**ostquam creavit DEus coelum & terram, omnemque ornatum eorum mirè complevit, placuit Divinæ Bonitati etiam fontem in horto paradisi producere, de quo terra (quia nondum pluvix descenderant) rigaretur, & ad fructus ferendos impinguaretur: *Fons ascendebat de terra, irrigans universam superficiem terræ.* Gen. 2, 6.

Præter hunc fontem benignus DEus etiam fluvium in eodem paradisi horto condidit, qui in quatuor capita sese dividens, longè latèque per sua flumina, hoc est, Phison, Gehon, Tigrim, & Euphra-

Gen. 2, 10 tem superficiem terræ foecundavit: *Et fluvius egrediebatur de loco voluptatis ad irrigandum paradysum, qui inde dividitur in quatuor capita.*

Hujus fontis & fluminis meminit etiam Ecclesia, dum Sacerdos fontem baptismatis Sabbato sancto benedicens, aquam ex eodem fonte lustrali in quatuor mundi partes dividit, dicens: *Qui te de paradisi fonte manare fecit, & in quatuor fluminibus dividens, totam terram rigare præcepit.* Pulcherrima est hæc figura, ac digna notatu, plurimisque referta mysteriis, cui interim fonti, in quatuor rivus sese dividenti, omnemque terram cum foecunditate irriganti, pro Lemmate inscribo:

Rigat, ut erigat.

Pf. 35, 10 Per hunc fontem & fluvium ex horto paradisi in salutem totius
Cant. 4, 12. universi promanantem, omnibusque copiosè foecundatis, atque re-
 fectis felicissimè progredientem, quid in umbra aliud præsignatum
 fuis, quàm SS. ac divinissimum COR Jesu in medio terræ seu pe-
 ctore Crucifixi? *Verus fons vitæ, fons signatus, & fons hortorum,*
 qui terram aridam, inanem, & vacuum, hoc est, animam nostram,
 per sanguinem & aquam, inde largissimè profluentem, de novo
 erexit, nec erexit tantum, sed & mirè foecundavit, & optatos pro-
 germinare fructus fecit.

Vincent. Caraph. in fasc. Myrrha. Quòd autem fluvius ille paradisi ex venis terræ jugiter manans,
 ac scaturiens tandem in quatuor alia flumina fuerit divisus, rectè
 quatuor alia Christi vulnera in manibus ac pedibus per illa fuerunt
 adumbrata: *Voluit Christus, sunt verba Ven. P. Vincentii Caraphæ,*
 quondam Societatis Jesu Præpositi Generalis meritissimi) *post mor-*
tem COR suum aperiri, & transfigi ad reserandum nobis quintum
fontē aquarum salientiū in vitam æternam, supra alios quatuor antè
reseratos, quibus ablueremur, refocillaremur, & nutrireremur, &c.

2 Hunc saluberrimum gratiarum fontem, SS. COR Jesu, cùm
 Propheta Regius in spiritu prævidisset, quòdve ex illo totum hoc
 universum esset restaurandum, & in integrum restituendum, flumi-

ni illud comparavit, læto ac perenni fluxu ex sacro Dei throno cum impetu decurrenti, & Beatorum civitatem mirè recreanti: *Fluminis impetus*, inquit, *lætificat civitatem Dei*. Et in veritate hic fons (SS. COR Jesu) lætificavit coelum, dum Angelorum ruinam per Electorum animas reparavit; lætificavit terram in peccatis deperditam, dum eam cum Patre coelesti reconciliavit, lætificavit limbum ac purgatorium, quorum animas misericorditer liberavit, earumque noxas abluit, atque æternæ hæreditati transcripsit; lætificavit & Ecclesiam Dei, quæ pariter per hanc civitatem Dei adumbrata est, dum hoc SS. COR Jesu in omnes quatuor orbis partes sese diffudit, ad quod etiam velut ad centrum suum omnes pii confluunt, & ad illud suas operationes referunt; lætificavit denique & animam nostram, dum eam super carbones denigratam non in sanguine duntaxat & aquâ mundavit, sed & impetu gratiarum, hoc est, Spiritu sancto abundè replevit. O quàm bene igitur S. Clemens *Le Blanc.* P. M. cum Divinum illum Agnum in excelsa monte stantem, & ex *tom. 3. in* eo fontem vivum in salutem Christianorum promanantem vidit, *Pf. 45, 5.* præ gaudio in medio exilii exclamavit: *Fluminis impetus lætificat* *Pf. 35, 10* *civitatem Dei*. O Anima chara! cur tristatur Cor tuum? Ecce! etiam hîc *apud te est fons vitæ*, qui in rupe Calvariæ quondam exortus, necdum hodie manare cessat. Accede igitur, & magna cum devotione suavissimas illas sanguinis stillas ex hoc SS. CORDE Jesu defluentes lambe, & experieris, quàm magna sit multitudo dulcelinis ejus.

3. De Ezechiele Propheta refert Scriptura, quòd ad portam Dominus Dei salutiferas aquas ex dextro templi latere copiosè in salutem hominum & animalium profluentes conspexerit, ex quibus tandem ingens torrens, qui transvadari non poterat, effectus est, qui omnia, id quæ pertinebat, mirabiliter sanavit, conservavitque: *Aquæ autem descendebant in latus templi dextrum ad meridiem Altaris*. Et *Ezech. 47, 1.* paulò post iterum: *Et ecce aquæ redundantes à latere dextro* *Ec.* Res mira! ad quid hæc aqua in templo, & quidem à dextro ejus latere in commodum tum hominum, tum animalium profluens?

Observe, Anima Christiana! per hoc templum Christus JESUS & hic Crucifixus designatus fuit, qui de se ipso coram Judæis testatus est: *Solvite templum hoc, & in tribus diebus excitabo illud*, de cujus dextro latere ex sacratissimo perforato CORDE in ara Crucis redundavit unda & cruor: *ut nos lavaret sordibus, manavit unda & sanguine*. O fons lucidissime! fons dulcissime! qui velut torrens juxta Ezechielem se effudit: *Et vivet omnia, ad quæ venerit torrens*.

4. Subnecto huic figuræ aliam non minore consideratione dignam. Obstruxerat quondam invidia incolarum Isaac obedientissimo Abrahami filio viventes puteos, quos prius Abraham Pater ejus pro familiæ suæ commodo effoderat. Verum Isaac nec labori, nec industriæ parcens, tandem post multas cum incolis contentiones alium fontem invenit, ac eruit, ex quo abundantes, & suaves aquarum rivuli pro conservanda familia & cunctis jumentis adaquandis profluxere: *Ecce autem venerunt in ipso die servi Isaac, annuntiantes ei de puteo, quem foderant, atque dicentes: Invenimus aquam, unde appellavit eum ABUNDANTIAM*. Verum neque hæc res caret mysterio; sicut enim Isaac typus Christi in Cruce immolandi fuit, sic & fons iste omnibus affluenter & in abundantia aquas salubres subministrans singulare quoddam præsignavit Sacramentum.

O bone JESU! O Amor Crucifixe! Tu es ille fons amoris, benedictionis, & omnium gratiarum, qui in ligno suffixus non unam duntaxat sanguinis guttam, (quæ tamen propter unionem ad verbum millenis orbibus redimendis suffecisset) sed omnem cruorem ex Sacratissimo CORDE, & quinque SS. Vulnerum canalibus, ceu gratiosis fontibus, tanquam irriguum profluvium abundantissime effudisti. O quàm melius SS. COR tuum vulneratum, & patens omnibus cum Isaac appellare possumus ABUNDANTIAM, quia in illo *habemus redemptionem per sanguinem ejus, remissionem peccatorum secundum divitiarum gratiæ ejus, quæ superabundavit in nobis*. Hic adimpletum fuit illud Zachariæ vaticinium. *In illa die erit fons patens domui David & habitantibus JERUSALEM in ablutionem*

tionem peccatoris. O peccatores, quid statis otiosi? quare miseri in peccatis vestris moriemini? Ecce patet fons, assiduò ex perforato Divinissimo CORDE Jesu Crucifixi manans, & vos siti vultis perire? Patet fons medicus ac summè salutaris, & vos non vultis à lepra animæ ac sordibus peccati mundari? *De latere Christi, sunt* S. Cypr. *de pass.* *Dom.* *verba S. Cypriani, egreditur fons in vitam æternam, & non in mortem.* *Ex hoc fonte perennes effluunt rivus misericordiarum, & totius pietatis effectus &c.*

5. Venit hîc mihi in mentem, quod Augustæ Vindelicorum vidi Anno post Christum Natum 1690. die 26. Januarii cùm ibidem JOSEPHUS Primus Ungariæ Rex, LEOPOLDI Primi, Magni Romanorum Imperatoris Filius à Serenissimis Imperii Romani Electoribus in templo Imperialis monasterii ad SS. Udalricum & Afram in Regem Romanorum unanimi voce electus, & mox solennissimâ pompâ in Ecclesia Cathedrali B. V. M. coronatus est, ante curiam in foro Berlacensi inter alia visu digna spectacula etiam fons præparatus erat, in cujus summitate aquila biceps prominebat, quæ à prandio tribus horis ex aperto CORDE rubro & albo vino liberalissimè in omnes fluxit. Cui Austriaco fonti pro lemmate impones: *Mea gloria spargi est.* Vel si magis placet illud S. Jacobis *omnibus asluenter.*

O anima Christiana! leva & hîc in circuitu oculos tuos, & intue-
re Crucifixum Redemptorem tuum, verè Aquilam bicipitem, quia
divinâ & humanâ naturâ constat: vide, inquam, hanc mysticam
Aquilam, quomodo in cruce SS. COR ejus duplici vino, rubro &
albo, hoc est, sanguine & aquâ in salutem totius generis humani
fluat: *Et continuò exivit sanguis & aqua.* Jo. 19, 34.

6. De Aquila recenset ulteriùs Moyses, quòd non tantùm pullos
suos è nido ad volandum provocare, sed & imbecillem prolem hu-
meris suis portare soleat: *Sicut aquila provocans ad volandum pul- Dent. 32,*
los suos, & super eos volitans, expandit alas suas, & assumpsit eum II.
atque portavit in humeris suis. Addit Job, quòd aquila in pectore
seipsam nostro fauciare, & pullis suis cruorem ad sorbendum pro-
pinare soleat: *Pulli ejus lambent sanguinem &c.* O Job. 39, 30.

O mi JESU Crucifixe! dixi, tu illa mystica Aquila es, in trabali ligno expandens alas tuas, atque ad volandum nos provocans, imò propriis nos humeris ad cœlos deportans. Et necdum hîc se fistit immensus amor tuus, dum insuper pientissimum COR tuum aperiri voluisti, ut nos pullos tuos ex hoc vivo Sacrosancti Sanguinis fonte non tam vivificares, quàm etiam in vitam æternam quotidie

1. Cor. 6, in SS. Eucharistia enutries: *Pulli ejus lambent sanguinem*. O pretium magnum! pretium imensum! Verè *empti estis pretio magno*,
 20.
 1. Petr. 1, *non corruptibilibus auro vel argento, sed pretioso sanguine, quasi*
 19. *Agni immaculati Christi & incontaminati*. Venite ergo animæ Christianæ! venite omnes peccatores terræ: *Omnes sitientes venite ad aquas, & qui non habetis argentum, properate, emite & comedite: venite, emite absque argento, & absque ulla commutatione vinum & lac de aperto & dulcissimo CORDE JESU Crucifixi.*

7. Dic anima Christiana! quare Dismas felicissimus ille latro à Christo in cruce patiente tam citò & quasi momento fuerit in gratiam receptus, vix enim dixerat: *Domine memento mei &c.* Et mitissimus orbis Redemptor sine mora annuit: ita, ita, *hodie mecum eris in paradiso?* Quid, quæso, boni fecit hic latro, quòd sine ullo purgatorio ad coelestem paradisum transierit? Nonne verum est, quod S. Paulus confirmat: *Uniuscujusque opus manifestum erit: Dies enim Domini declarabit, quia in igne revelabitur, & uniuscujusque opus, quale sit, ignis probabit?* quomodo ergo hic latro tam scelestus tam nefarius sine igne purgante ad æternam gloriam pervenit? S. Udalricum Episcopum Augustanum SS. Severinum & Annonem Archiepiscopos Colonienses & alios plurimos Sanctitate celebres ob levem culpam ignibus piacularibus ad breve tempus adjudicatos esse, ex probatissimis historiis non ignoramus. Et hic latro, totus quantus in sceleribus enutritus, sine ullo igne piaculari ad paradisum recipiatur? quæ causa mysterii?

Pf. 35, 7. Suspende judicium anima christiana: *Judicia Dei abyssus multa*. Latro hic primus fuit, qui ad vivificum gratiarum fontem, hoc est, ad SS. COR JESU, cùm in cruce crudeli militis lanceâ transfode-

oderetur, tanquam sitibundus cervus, veneno lethali infectus, per-
venit. Et ecce! cum sanguis & aqua ingenti impetu inde profili-
ret, corpus ejus unicâ stillâ aspersum fuit, quæ ab omni sorde illum
mundavit, & animam ab omni culpa & pœna tum temporali, tum
eterna misericorditer liberavit. Ita Hugo: *Sacratissimo Sanguine*
atro ille aspersus est, ideo in ictu oculi paradysum intravit.

*Hugolib.
de anim.
regress.
& alii.*

8. Nunc pro dictorum coronide historiam accipe. Anno 765. Cum Constantinus Junior & Irene Mater ejus feliciter regnare cœ-
pissent, accidit in civitate Beritho, quæ in finibus Tyri Antiochenfi
ditioni subjacet, sequens stupendum miraculum. Christianus qui-
dam non longè à Synagoga Judæorū conductum inhabitaverat do-
micilium, in quo venerandam quandam Christi in cruce patientis
maginem habebat, in pariete contra faciem lectuli sui affixam,
quam quondam Nicodemus vir integerrimus, qui cum Joseph ab
Arimathæa Dominum de ligno depositum magnificè sepelierat,
utpote artis sculptoriæ peritissimus elaboraverat: hanc, inquam,
antiquissimam Crucifixi statuam, quæ integram Redemptoris no-
stri effigiem exhibebat, cum Christianus domicilium suum cum
Judæo commutâset, per oblivionem, vel potius ex Divina Pro-
videntia, rem sic mirabiliter ad Crucifixi cultum & animarum sa-
lutem disponente, ibidem in cubiculo reliquit. Accidit ut He-
bræus quidam ingressus, S. Iconem adhuc in pariete affixam spe-
taret, quam mox variis injuriis & maledictis (prout hi impii dei-
cidæ etiamnum facere solent) affecit, incusans novum domûs in-
quilinum, quòd, cum Judæus esset, Jesu Nazareni Crucifixi effi-
giem in suis ædibus clam retineret. Hospes se purgare studens,
jurejurando constanter affirmabat, se hætenus memoratam ico-
nem nunquam conspiciatum esse. Quid hîc expectas optime Le-
stor? Mox Judæi in civitate certatim, quasi factò impetu domum
illam concurrunt, Hebræum, qui ignorans hæc fecerat, è Syna-
goga ejiciunt; tum in Crucifixi imaginem furore & plùs quàm ca-
pinâ rabie debachantur, quam millenis convitiis & opprobriis af-
fectam in tertam detrahunt, de Cruce deponunt, fœde conspuunt,
pedibus

*Macin.
S. J. de
pass. Dom.
l. 4. diff.
2. f. 387.*

pedibus proculcant, flagellis onerant, ac demum de novo ferreis & acutis clavis cruci affigunt; & ne quidquam opprobrii omitterent, postquam fel & acetum in sponsia ori illius apposuerunt, crudeli lanceâ SS. Latus ejus transodiunt, ex quo, O stupendum prodigium! sine mora fons geminus sanguinis & aquæ copiosissimè defluebat. Quo spectaculo Judæi variè affecti & attoniti ut rei exitum contemplantur, hydriâ laterali ejus vulnere appositâ, promanantem inde cruorem & aquam exceperunt, eandemque hoc sacro liquore repletam ad synagogam suam deportârunt.

Hæc inter in urbe ad prædictam Synagogam convocantur ægroti, languidi, cœci, claudi, paralytici, febriculosi, & diversis infirmitatibus affecti, qui omnes & singuli, cùm à Judæis hoc SS. Sanguine & aquâ perungerentur, confestim sanitati divinitus restituti sunt. Hinc tantus factus est populi concursus, ut locus, quamvis amplissimus, omnes capere non valeret, omnes tamen sanitate donati, magno exultantis animi jubilo, & unanimi voce Christum JESUM mundi Redemptorem deprædicantes, abibant. Exortus est subinde fletus magnus in populo & admiratio omnium. Hebræi cuncti utriusque sexûs perfidiam suam detestantes, sine mora Christo JESU Crucifixo sua nomina dederunt, & ad pedes Episcopi provoluti, scelera sua humiliter & cum lacrymis confessi sunt, qui post triduanum peractum jejunium in fide orthodoxa instructi, in aqua & Spiritu S. regenerati sunt. Et quia Venerab. Antistitem humiliter rogabant, ut Synagogam suam in Ecclesiam consecraret, acquiescens eorum petitioni Episcopus, eam solemnî ritu cum Clericis ad honorem Redemptoris mundi consecravît, dedicavîtque: Sanguinem verò & aquam, ex Petore Christi prodigiosè promanantem, quantum adhuc in hydria supererat vitreis ampullis exceptum, in diversas Ecclesias per Asiam, Africam, & Europam distribuit, festumque publicum institutum fuit, quod ad hujus stupendi miraculi memoriam 9. Nov. dignâ observatione & annuâ celebritate tam in Orientali, quàm in Occidentali Ecclesia imposterum recoleretur. De quo

*Barenius
in annot.
ad Mar-
tyrol. 9.
die Nov.*

insigni miraculo etiam Martyrologium Rom. hisce verbis attestatur: *Berythini Syria commemoratio Imaginis Salvatoris, quæ à Judæis crucifixa tam copiosum emisit sanguinem, ut Orientales & Occidentales Ecclesiæ ex eo ubertim acceperint.*

O bone JESU! quis non miretur SS. CORDIS tui bonitatem! O verè fons omnium bonorum! Sonant alapæ, sputa volant, armant se spinæ, flagra crepant, clavi intonant, cruci affigitur de novo à perfida gente optimus JESUS ejusque SS. COR immiti transfigitur lanceâ; & ille, O cœli obstupefcite! si Medicus, imò Pater omnium, bonumque pro malo reddit, ipsosque suos persecutores in gratiam ac paternos recipit amplexus? Quis unquam audivit talia

*S. Bern.
serm. 2.*

O duri, inquit S. Bernardus, & indurati filii Adam, quos non emollit tanta benignitas, tanta flamma, tam ingens ardor amoris? O duri! O duri!

CONSIDERATIO XLI.

SS. COR JESU vera Propitiatio peccatorum, ad quod amanduni & colendum omnes hominum status invitantur.



Redite prævaricatores ad Cor. Isaia. 46, 8.

TRadunt, qui naturæ abdita scrutantur, quòd aquila non aquam, ut aliæ volucres, sed sanguinem bibere solet; hinc nullus cibus illi magis in oculis, nulla esca magis in deliciis est, quàm cor, ad quod avidissima advolat, quia in eo aliquod vasculum cruore vivo redundans (quod est venarum fons & principium cæterorum motuum) invenit, ex quo purissimo hausto sanguine non sitim duntaxat extinguit, sed & solidâ ac sapidissimâ illius carne famem depellit.

Hoc idem ardentissimum desiderium erga cor in Falcone experimur, qui, licet volatu directo nullisque distorto ambagibus ad præ-

dam acceleret, ad unum tamen aucupis nutum, dum cor animalis illi de longinquo ostendit, sine mora relictâ prædâ ad ejusmodi cor redire solet, & sic ultro præ amore cordis ad sua vincula redit, cui pro lemmate inscribes illud Aresii: *Ostendere sufficit*; vel potius ad propositum:

Redibit ad Dominum.

Agite Animæ Christianæ! Exhibet & nobis dulcissimus Jesus in SS. Eucharistia, & in Cruce SS. COR suum amore nostri, & lanceâ militis fauciu, tanquam veram propitiationem pro peccatis nostris: *Et*

1. Jo. 2, 2 *ipse est propitiatio pro peccatis nostris, non pro nostris autem tantum, sed etiam pro totius mundi.* Et in alio loco habet idem dilectus Chri-

1. Jo. 14, 1 *sti Discipulus: Misit Filium suum propitiationem pro peccatis nostris.*

10. Imitemur igitur Aquilam & Falconem, & ad amabiliss. ac diviniss.

COR Jesu, relictis omnibus temporalibus rebus ac curis, magno animi affectu, zelo ac devotione contendamus, hîc enim omnes in hoc SS. CORDE Jesu habemus veniam, gratiam ac misericordiam. S.

Jo. 20, Thomam Apostolum consulite, & nunquid propter incredulitatem

20. suam ferè ut præda in laqueos diaboli incidisset? Verùm ubi SS. ac

pretiosiss. COR Jesu intuitus est, mox in se reversus, & in alterum virum mutatus est; unde amore divino penitus colliquefscens, corde intimè contrito & humiliato exclamavit: *Dominus meus, & Deus meus!* O peccatores omnes, si hæctenus secuti estis Thomam erran-

tem, sequimini & pœnitentem: *Redite prævaricatores ad COR.*

2. Communissima apud Theologos sententia est, quod pro salute mundi, eoque cum Patre cœlesti reconciliando, atq; ad satisfaciendum ex condigno Justitiæ Divinæ, omnibusque hominibus gratiam & gloriam promerendam unicus virtuosus actus SS. CORDIS Jesu, v. g. unicus gemitus, unicum suspirium, &c. suffecisset. Ratio est, quia quælibet actio SS. CORDIS Jesu *Theandrica* erat, sive *Hominis Dei*, & idcirco infiniti meriti ac valoris. Ad quid ergo tam abundans redemptionis nostræ pretium?

An observâstis aliquando, Animæ Christianæ! quod in morte hujus SS. CORDIS Jesu Crucifixi præ doloris & amoris vehementia

disrupti.

disrupti, universa terræ machina adeo contremuerit, ut totus terræ globus è centro suo convulsus videretur: *Terra mota est*, inquit *Matth.* S. Matthæus. Et cur mota est? an fortasse, quia terra compatiiebatur *27, 51.* Creatori suo nunc in ligno extincto? an, quia impios & execrandos deicidas in tartarum vivos voluit præcipitare? aut, quia non potuit amplius tantum ac tam immensum peccatorum pondus sustinere? Omnia bene & rectè, sed alia adhuc & majori digna admiratione latet causa. Audite, quæso, pulcherrimam rationem Didaci deCastillo, quam, rogo, ut omnes intimis sui cordis penetralibus imprimant: *Didac. de Castillo*
Emanârat, inquit hic Vir & doctrinâ & pietate insignis, *largiter per Illat. 46.*
*Vulnera sanguis, & forsân aliqua ejus portio ob gravitatem nativam in ima parte PECTORIS remanebat, unde exire non poterat, nisi excuteretur artificiosè: ideo inusitato fragore terra concutitur, ut illo etiam crux moveatur, & sanguinis illud reliquum in pectore agitato per Vultus Lateris forâs proflueret, quia si vel guttula remaneret, conquereretur amor, vel minimam sanguinis guttulam pro humana salute non oblatam & effusam. O bone JESU! O amor! O totus amor! dum enim COR tuum nobis præbuiisti, omnia simul tribuisti, nec suffecit amor tuo etiam COR præbuisse, si non etiam minima ejus sanguinis stillula per terræ motum excuteretur. O abyssus divinæ charitatis! O prodigium amoris omnium maximum! utpote qui unicâ & primâ sanguinis guttulâ in Circumcisione potuisses millenos ac millenos mundos redimere, tandè in cruce dedisti ultimam? O amor! O amor! contremiscit manus, dum hæc scribit, mens præ stupore tantæ bonitatis stat attonita, nec se ipsam amplius potest capere ob tantam bonitatem. Hoc solùm cum B. Jacopono potest dicere: O amor! O amor! quàm parùm te cognoscunt mortales! *ab amor non amatur! ab amor non amatur!* O amantissimum COR JESU verè non agnoscunt te homines, ah non agnoscunt: *Pf. 4, 3.*
*O filii hominum usquequò gravi corde?**

3. En efficacissimum medium, apud patrem æternum impetrandi, quidquid cor vestrum desiderat, si illi SS. COR Unigeniti Filii sui in condignam satisfactionem pro vestris demeritis offeratis. Et

nunquid potest esse Orator facundior & efficacior in cœlo, quàm apertum, faucium, & amabiliss. COR Jesu! quod vobis non tantùm per viam misericordiæ, sed etiam per viam justitiæ (observate me bene) poterit impetrare veniam ac salutem; per viam justitiæ dico, quia SS. CORDI Jesu & Sanguini ejus debitum est, hoc enim illud promeruit, & per viam gratiæ, & hanc SS. COR Jesu nobis impetravit. Quis igitur peccatorum desperet? Certè ego non, etiamsi ambulavero in medio umbræ mortis, non timebo mala, si SS. COR Jesu mecum est, quia propitiatio est pro peccatis meis.

*Joseph. l.
3. de bello
Jud. c. 8.*

Occurrit hîc mihi generosus ille Antipater, qui, cùm injustè apud Julium Cæsarem accusatus fuisset, quòd partes Pompeji secutus contra Imperatorem conjurationem adornasset, Romam ex cruenta pugna rediens, pectus suum cicatricibus ac vulneribus plenum publice ostendit: *Hæc inquebat, O Imperator! non perduellionis sed summæ in te fidelitatis sunt indicia. Aspice in generoso pectore vulnera adhuc sanguine stillantia, quæ ob tui causam ac defensionem accepi.* Quibus verbis & ostenso pectore vulnerato commotus & placatus Imperator, Antipatrum utpote innocuum non modò à falsa accusatione absolvit, sed & procuratorem illum universæ Judææ constituit. O Animæ Christianæ! non Antipatrum, sed ipsum pienssimum Salvatorem vestrum Jesum, nunc ut gloriosissimum de morte Triumphatorem vobis propono, quomodo in cœlo post cruentum in Calvario conflictum nunc patri æterno non tantùm sua SS. Vulnera in manibus ac pedibus, sed principaliter ac primariò etiam Sacratiss. ac Diviniss. COR suum crudeli quondam ferro perfossus, exhibeat. Et quomodo potest esse repulsa, si hæc literæ nostræ credentiales, hoc est, SS. COR Jesu pro nobis & loco nostri ad Patrem æternum loquuntur? sine dubio, quidquid ad salutem nostram necessarium ac conducens est, per illas consequemur. Petite ergo, O Mortales, petite, & per Nomen ac COR Jesu petite, & accipietis *propitiationem per fidem in Sanguine ipsius &c.*

*Rom. 3,
25.*

4. O pretiosissimum COR Jesu, cui ulterius te possum assimilare? *Æthna amoris es, sub niveo & candido tegmine in SS. Eucharistia*

immensum charitatis tuæ ignem tegens, animamque sanctam inflammans, ac omnia nostra peccata comburens atque consumens. S. Gertrudem Virg. honoris erga SS. COR JESU zelosissimam consulite, quæ, cùm aliquando post sacram Synaxin receptam coram Crucifixi imagine ardentius oraret, & ob tam imensum beneficium Deo suo gratias persolveret, derepente ex aperto hoc divini amoris Vulnere, hoc est, de SS. CORDE JESU splendorẽ quendã mirabilem ac planè divinum egredi conspexit, quo quasi telo ignito COR ejus percussum est: unde tota in amorem Redemptoris sui Eucharistici & Crucifixi exarsit, nec ullis unquam tentationibus ac difficultatibus ab ejus amore avulsa est. Ad quod subjungit devotissimus Abbas Ludovicus Blosius: *O beatos illos, qui hujus sunt Vulneris participes, quorum corda sic configit amoris Christi lancea ac sagitta, ut deniceps perenni charitatis ardore fervescent!*

Blos. in
marg. sp.
c. 9.

Quis ignorat de S. Philippo Nerio, cujus Cor hæc divini amoris flamma adeo dilatavit, ut aliquæ costæ illius tanto ardori ferendo omnino impares, è statione fuerint dimotæ, ut locum amplio-rem cordi ejus pararent ad SS. COR JESU totâ cordis latitudine amandũ.

Nec minori admiratione dignum est, quod in vita S. Thomæ Villanovani de piissimo quodam Asceta Ordinis S. Augustini Eremitarum Religioso refertur, quòd singulis ferè noctibus Sacratissimum laterale Vulnus Crucifixi JESU ad instar lampadis lucidissimæ totum ejus cubile illuminaverit, ad quam divinam lucem Ascetes ille studebat, orabat, meditabatur & c, ô quanto animi cum ardore & amore erga SS. COR JESU! *Pronum autem cogitare est*, adjungit hîc doctissimus Hadrianus Lyræus, *lucem hanc, uti aliàs ex ardore pronasci solet, ita & hîc Cor boni Ascetæ flammis suis fortiter, suaviterque ustulasse.* O peccatores omnes! ad hanc quoque divinam lucem & vos accedite, *accedite*, inquam, *& illuminamini, & facies vestræ non confundentur.*

Lyr. de
Imit. Jes.
pat. l. 5.
c. 6.

5. Sed attendite, majora referam. Et nunquid aberrabo à scopo, si hoc Sacratissimum & Divinissimum COR JESU cum Calvariæ monte comparavero? Et quid est mons Calvariæ? An non locus & theatrum omnium tormentorum, ubi rei torquebantur, cruciabantur,

tur, occidebantur, & ipse Dei Filius crudelissimam mortem subire voluit? O verè locus tormentorum? Sed & locus omnium gratiarum ac misericordiarum fuit, & etiamnum est idem Calvariæ mons, ubi Isaac quondam, jam jam super struem lignorum immolandus, benignè ab Angelo liberatus fuit, Adam ibidem sepultus, Redemptoris sanguine de cruce stillante ad gratiæ vitam revocatus, ubi tot milleni ac milleni alii salutem suam & propitiationem delictorum invenerunt, totusque terrarum orbis per mortem Filii Dei cum Patre æterno misericorditer reconciliatus est.

O pientissimum COR JESU, tu, inquam, non ab simile fuisti huic Calvariæ monti, quia locus & theatrum pariter eras omnium tormentorum, quia in medio tui per omnem vitam crux plantata fuit, *Isa. 53, 6.* & quia Pater *in te posuit iniquitates omnium nostrum*, per tam infamem crucis necem expiandas. O verè locus tormentorum! sed & locus ac fons simul es omnium gratiarum, beneficiorum, & benedictionum, per quod credentibus datur virtus de infirmitate, gloria de opprobrio, vita de morte; ex te omnis salus totius Ecclesiæ omniumque fidelium unicè promanavit; ex te omnia merita Sanctorum suum hausere, & hauriunt valorem; ex te spongiam habemus, per quam chirographum damnationis æternæ, mortisque characteres possumus delere & extinguere; ex te denique omnia habemus in uno cumulo congregata: *Totum præbetur in uno.*

O quàm bene igitur optavit, millièsque desideravit Seraphicus *S. Bonav.* ille Doctor, & amator SS. CORDIS JESU zelantissimus *S. Bonaventura*, ut loco illius lanceæ fuisset, quò per latus JESU Crucifixi usque ad *p. 1. stim.* intima SS. CORDIS ejus penetraret! Invidebat nimirum hic tantus *c. 1.* Pater sacrâ quadam invidiâ lanceæ illi crudeli tantam felicitatem, proinde, proinde admirabundus exclamavit: *O beata lancea, ac beati clavi, qui apertionem hujusmodi facere meruerunt. O si fuisset loco illius lanceæ, exire de Christi latere noluissem, sed dixissem: Hæc requies mea in sæculum sæculi, quoniam elegi eam.*

S. Antonin. 6. Desideratis fortasse, ut per exempla hanc veritatem magis vobis demonstrem, quàm pronum sit SS. COR JESU ad condonandos *3. p. tit. 24. c. 9. §. 7.* errores, & ad nostram promovendam salutem? Audite rem admir-

ratione dignam. Ordinem Seraphicum S. P. Francisci Juvenis quidam doctissimus ingressus fuerat, ut in illo ab hominum turba semotus felicius Crucifixo Redemptori suo in paupertate suæ abnegatione serviret. Audiit hoc mater ejus, quæ egestatis suæ titulum prætendens, & injustitiæ RR. PP. Franciscanos accusans, à superioribus illius Sacri Ordinis instanter petiit, quatenus filium suum, unicum senectutis solamen & baculum sibi restituerent. Flexus tandem matris lacrymis hic Novitiûs, cum jam jam abitum è sacris claustris in mundum hunc imundum pararet, prius ad Crucifixi Redemptoris sui effigiẽ contendit, ubi in genua procumbens, atque speciosum illum titulum maternæ inopiæ sublevandæ prætendens, à Christo Domino discedendi veniam postulavit. Quid hîc expectatis amici? Ecce mitissimus Jesus in cruce pendulus SS. COR suũ lanceã perforatum, de quo purpureus cruor copiosè promanarat, ei ostendit, simulque in has voces solutus est: *Ego te cariùs nutriti, quàm Mater tua, non me debes deserere propter matrem*, quod audiens Juvenis, prodigio attonitus, in priori proposito non tantum de novo confirmatus est, sed & in religione sacra constanter Deo usq; ad vitæ finẽ servivit. Tantum profuit huic Novitio, ad SS. COR Jesu confugisse.

Si tentationum sentis aculeos, monet hîc Mellifluus Bernardus, *exaltatum in ligno serpentem aneum intueri, & suge non tam vulnera, quàm ubera Crucifixi. Ipse erit tibi in matrẽ, & tu eris illi in filiũ &c.*

S. Bern.

ep. 351.

ad Hug.

Novit.

7. Non absimile huic est, quod B. Lutgardi Tungrorum urbe oriundæ contigit. Sedebat hæc Virgo aliquando cum proco suo in cubiculo, cum quo familiarem non inhonestum miscebat discursum, quo finito & proco abeunte, apparuit ei Christus in ea forma, quã inter homines quondam conversatus est, & à pectore vestem suã non-nihil removens, ostendit ei apertum ac vulneratum COR suum, recenti sanguine purpuratum, hisce eam verbis alloquens: *Blanditias inepti amoris posthac vide, ne requiras; hîc jugiter contemplare, quod diligas, & quam ob rem diligas? hîc ego totius puritatis delicias tibi polliceor obtinendas.* Quo miraculo stupefacta Lutgardis, nihil imposterum amplius, quàm Jesum & hunc Crucifixum cogitare cœpit. Unde absque mora omnem mundi vanitatem à se

Hadr.

Lyr. de

imit. Jesu

pat. l. 5.

c. 6.

aman-

Nil. Myst
p. 4. Ex-
hort. 10.
in fine
Jacobill.
de Sanctis
Umbria.

amandavit, ordinemque Cisterciensium Sanctimonialium ingressa, piissime vixit, ac tandem à Christo impetravit, ut in pignus salutis æternæ ei proprium SS. COR suum consignaret, & ipsa vicissim Christo Cor suum traderet. Quam gratiam & S. Jutta Vidua à Christo Jesu obtinuit, cui dulcissimus Dominus sub oratione plenam dedit potestatem, è pretiosissimo ærario Divinissimi CORDIS sui, quemcunque vellet, thesaurum depromendi. Item S. Margaritha pœnitens, ad quam aliquando Christus: *Nulli cor tuum prabeas, nisi mihi dilecto tuo, solum me dilige.* Sic & B. Angela Fulginienfis, quia hoc SS. COR Jesu tennerrimo semper amore prolequebatur, ad suavissimum osculum ejusdem SS. CORDIS invitata, & admissa est, quis dicet cum quanta animi dulcedine?

Engelgr.
Dom. 12.
post. Pent.
Had. Lyr.
de Imit.
Jesu pat.
l. 5. c. 6.

8. Hæc cum ita sint, quid agimus mortales? quare in nostris tum animæ tum corporis necessitatibus non ex toto corde ad SS. ac Diviniss. COR Jesu confugimus? Agite, venite omnes, ac vos conprimis, qui judicatis terram, Reges, Principes, Illustres, Nobiles omnes, venite, inquam ad SS. COR Jesu, vos enim ad augendum ejusmodi honorem divinum peculiariter desiderat. Unde in vita pauperes quidem piscatores sibi socios elegit, sed ubi hoc dulciss. COR Jesu in ligno crucis ferro Longini publicè apertum fuit, Principes, Nobiles ac divites (Nicodemum videlicet Principem Judæorum & Josephum ab Arimathæa nobiliss. ac divitem Decurionem) secum habere voluit, qui intima Sacratiss. CORDIS sui scrutarentur, exanime Corpus cum aromatibus honorificè sepelirent, suoque illustri exemplo orbi Christiano ostenderent, quo amore & honore dignum sit SS. COR Jesu Crucifixi. Venite & vos Sacerdotes Dei, illustrior pars gregis Dominici, ac vos præsertim, qui curam animarum geritis, venite, inquam, ad SS. COR Jesu & Eucharistici & Crucifixi, & tanquam apes argumentosæ ex hoc purpureo Campi Flore & transfixo CORDE Jesu suaviss. mel veræ devotionis vobis, & aliis vestræ curæ commissis colligite, juxta exemplum illius Venerandi Sacerdotis Antonii Martinii, viri honoris Dei & proximi salutis zelantissimi, cui Jesus ut tenellus Puer apparuit arcu & pharetrâ instructus, & in cor ejus sagittam jaculatus, vulnus in eo amoris reliquit. Quod & B. Angelo del Paz ex Ordine Minorû Sacerdoti accidit, qui, cum in corde suo ferè nil aliud nisi dolores patientis Jesu meditaretur, ab eo hanc gratiâ obtinuit, ut Cor ejus pari vulnere, ac lanceâ transfixum fuisset, sauciaretur, quod post beatum ejus obitum aperto ejus corpore omnibus (sicut SS. COR Jesu vulneratum) non sine prodigio palam apparuit. Obiit hic Beatus Dei Servus Anno 1596. die 13. Aug. Venite denique vos cives atque Villani, divites & pauperes, omnes in unum. Venite & vos peccatores terræ, nemo enim à SS. CORDE Jesu excluditur. Venite, venite, & redite prævaricatores ad COR. Si Cor vestrum ferro & chalybe durius est, per hoc inflammatum SS. COR emollietur. Si Cor vestrum posuistis ut adamantem, per sanguinem & aquam SS. CORDIS Jesu edomabitur. Si Cor vestrum ut glacies friget, per arduentes hujus SS. CORDIS Jesu radios in salubres lacrymas diffluet, &c.

Isa. 46. 8.

CONSIDERATIO XLII.

SS. COR JESU ex omnibus summè pacificum, in Cruce pacem universalem coelum inter & terram composuit.



Pacificans per sanguinem Crucis, sive quæ in terris, sive quæ in coelis sunt. Col. 1, 20.

I. **P**acificusne est ingressus tuus, O amabilissimum, ac divinissimum COR JESU? & pacificus est egressus tuus? Audio divinum responsum: *Pacificus, ad immolandum Domino veni*; ideo cùm vix nascerer in mundum, mox pacem universalem in orbem proclamari volui: *Pax hominibus, &c.* Ideo ad Herodem venire non recusavi, licet ab eo nil nisi injurias, contemptus, & irrisiones palatinæ illius familiæ præsentirem, ivi tamen, ut pacem inter ipsum & Pilatum redintegrarem: *Nam antea inimici erant ad invicem.* Ideo in Monte Calvario in medio terræ inter mortuos & vivos,

1. Reg.

16, 5.

Luc. 2, 14

Luc. 23,

12.

T t

atque

atque in aëre cœlum inter & terram medius exspirare volui, ut tanquam summus & in ordine redemptionis unicus Mediator inter utramque partem litigantem sepem ponerem, & tot sæculis exoptata
Col. 1, 20. tam pacem denuò stabilirem: *Pacificans per sanguinem Crucis, sive quæ in terris, sive quæ in cœlis sunt.* Ideo in passione os nullum in corpore meo cōminui volui, licet caro innumeris laniaretur vulneribus, quia per ossium compagem Ecclesia mea adumbrata est, quā unam, concordem, ac pacificam, & non in partes divisam esse volo:
Jo. 19, 36. *Os non comminuetis ex eo.* Ideo inclinato capite tradidi spiritum, ut non tam dilectissimæ Matri, quam & hominibus universis ultimum valde dicerem, & denuo osculum veræ ac divinæ pacis offerrem: *Et factus est in pace locus ejus.* Ideo denique latus meum lanceâ aperiri volui, ut mundo in pignus pacis exhiberem ipsum SS. COR meum,
Col. 1, 19. quia per illud & in illo æterno Patri *complacuit reconciliare omnia in ipsum.*

O mi JESU! O Amor Crucifixe! quàm dulce, quàm amabile, ac quàm pretiosum hoc pacis pignus fuit Sacratiss. ac Diviniss. COR tuum! Olim in Lege pacis typus ac pignus columba Noëmica fuit,
Gen. 7, 11 *cùm enim rupti sunt omnes fontes abyssi magnæ, & cataractæ cœli apertæ sunt,* ubi diluvium universum terrarum orbem per annum ferè integrum inundavit, tandem cessantibus aquis ad Arcam Noëmicam in monte Armeniæ tunc quiescentem, columba virentem olivæ ramum in signum reconciliationis Deum inter & hominem deportavit: *Et illa venit ad eum ad vesperam, portans ramum olivæ:* Cui pro Lemmate inscripserunt: *Divinæ nuntia pacis.*
Gen. 8, 11.

Verùm nos Christiani post cruentum illud Dominicæ Passionis diluvium (in quo pari modo *rupti sunt omnes fontes abyssi magnæ* in manibus ac pedibus Christi JESU Crucifixi, ac demum post mortem ejus ipsæ *cataractæ cœli apertæ sunt,* dum venerandum COR JESU ferreâ lanceâ perforatum fuit) nunc longè meliori jure pro pacis Symbolo ipsum SS. ac Diviniss. COR JESU statuimus, cujus virtutem & opem etiam in ipso medio belli tumultu hæctenus in regione nostra admirabundi spectavimus. Faxit benignus Deus, ut per infini-

ta merita hujus SS. CORDIS Jesu Eucharistici & Crucifixi paulò pòst in Ecclesia universalem pacem inter omnia Christianorum regna videamus. In quem finem huic vulnerato & transfixo CORDI Jesu supra Crucem jacentem collocato, ex cujus hiantè vulnere virens olivæ ramusculus excrescit, pro Lemmate inscribere placuit:

Pignus amabile Pacis.

2. Perelegantem de hac veritate figuram nobis exhibent Sacrae Litteræ, quam paulò fusiùs explicabimus. Achab Rex in Israël contra Syros in prælium profecturus Josaphato regia insignia & vestes elegantiores induendas reliquit, ipse verò vulgari & plebejo habitu iudutus currum conscendit. Contigit autem, cùm pugnae ex utraque parte initium daretur, & Syri ex industria eò allaborarent, ut unum Regem Israël aut vivum aut mortuum in suam potestatem redigerent, cæteris ab interitu conservatis; ecce vir Syrus quasi ludibundus sagittam in altum emittit, quæ, Deo sic mirabiliter disponente, in pectus Regis Achab directâ, ei lethale vulnus inflixit, ita, ut sanguis inde copiosè ebulliens undequaque regium currum, ipsamque humum conspergeret: quod ubi hostis advertit, mox tubâ receptui cantatum, totumque prælium subitò in optatam pacem ac mutuam populorum concordiam mutatum est; Audi Scripturam: *Rex Israël stabat in curru suo contra Syros, & mortuus est vespere: fluebat autem sanguis plagæ in sinum currûs, & præco insonuit in universo exercitu, antequam sol occumberet, dicens: unusquisque revertatur in civitatem & in terram suam.* 3. Reg. 22. 35.

Quòd omnia hæc contigerint illis in figura, extra controversiam est. Per hunc Regem Christus Jesus in cruce moriens, & per sanguinè suum mundū cum Patre suo pacificans, adumbratus fuit. Audiamus elegantem inter utrumque & Christum & Regem Achab analogiam.

3. Achab Rex Israël extra castra in patentem campum, ubi in patulo cum hoste pugnaret, se contulit: Christus verus Rex Israël, ut sanctificaret per suum sanguinem populum, extra portam passus est. Achab in prælium profecturus currum regium conscendit: Christus crucem, quam S. Ambrosius triumphalem Salvatoris currum appell. Hebr. 13. 12. S. Ambr. in Luc. 23. lib. 10.

- appellat: *Currum suum Triumphator ascendit.* Achab vestes regias cum vulgari indumento comutavit, ne à Syris agnosceretur: Porro *Rex Israël mutavit habitum suum*: Christus, cum in forma Dei esset, semetipsum exinanivit, formam servi accipiens, & habitu inventus est ut homo. Achab ob depositum habitum regium & exutum splendidum ornatum non ut Rex Israël à Syris agnitus fuit. Nec Christus à Judæis: *Quem si cognovissent, nunquam Dominum gloriæ crucifixissent.* Achab stabat in curru suo regali contra Syros usque ad vesperam: *Et mortuus est occidente sole*: Christus stans in curru regali SS. Crucis suæ, sole ad occasum vergente, emisit spiritum. Achabi sanguis ex perforato pectore largiter in sinum currus defluebat: Sanguis Christi JESU ex SS. CORDE ejus lanceâ militis transfosso, per currum crucis ad saluberrimum animarum lavacrum largissimè promanavit: *Continuò exivit sanguis & aqua.* Achabi Regis sanguinem per currum copiosè in terram profluentem lambebant canes: *Et laverunt currum ejus in piscina Samariæ, & linxerunt canes sanguinem ejus.* Nec in morte Christi defuerunt canes, qui sanguinem illius lambebant, imò & pedibus proculcabant: *Sanguis ejus super nos*, quod & in spiritu prævidit Vates Regius: *Quoniam circumdederunt me canes multi.* Achabi pectus telum à milite Syro in incertum emissio, inter pulmonem & stomachum penetravit: *Perussit Regem Israël inter pulmonem & stomachum.* Textus Hebraicus habet: *Inter juncturas & thoracem.* Sed nec hoc caret singulari mysterio, ita enim existimat S. Vincentius Ferr. adducens pro se Alexandrum Alenf. & alios, quòd hasta Longini militis non inter costas, sed paulò inferius, ubi costæ desinunt, & caro tenera esse incipit, SS. Pectus JESU à latere dextro perforaverit, & sursum usque ad Diviniss. COR pientissimi Redemptoris nostri, quod ad lævam propendet, penetraverit. Rationem hujus assertionis memorati PP. isthanc adducunt: quia mitiss. Salvator sublimis in cruce pendeat, miles verò in terra stans in altum lanceam vibrabat, quæ si per costas sacratissimi Pectoris JESU penetrasset, ob magnitudinem suam ossa ejus diffregisset, quod contra Scripturam esse videtur, ubi DEus expressè

pressè in libro Exodi mandavit, ut Agno Paschali ad ignem affato (Christi amore nostri in cruce passi pulcherrimo typo) nullum os comminueretur: *Nec os illius confringetis.* Ad quod pariter alludit Dilectus ille Discipulus, huic præsens transfixioni SS. CORDIS Jesu: *Os non comminuetis ex eo.* Exod. 12, 46.
Jo. 19, 36.

Achab denique per mortem suam & ob hoc pectorale vulnus omne bellum ac populi dissidium finivit, & exoptatam Syros inter & Israëlitas pacem reconciliavit; cujus Cordiali plagæ duo regna pacificanti ac populos ab interitu servanti pro lemmate inscribimus: *Fert plaga medelam:* Christus per mortem & sanguinem suum non unum regnum sed universum mundum pacificavit: *Reconcilians omnia in ipsum*, cujus SS. COR vulneratum omnibus cōmunis salus ac medela factum est, cui pro lemmate longè meliore jure inscribes: *Omnibus una Salus.* Col. 1, 20.

4. In hac quoque transfixione Sacratissimi CORDIS Jesu adimpletum fuit illud Regii Psaltis vaticinium: *Misericordia & Veritas obviaverunt sibi: Justitia & Pax osculatæ sunt.* Solet autem Misericordia adumbrari cum olea, Veritas cum candido lilio, Justitia cum libra, & Pax cum cornucopia, fruges & flores liberaliter spargente. Omnia hæc Symbola in SS. CORDE Eucharistici & Crucifixi Jesu pulcherrimè conveniunt; ubi enim major Misericordia eluxit, quàm dum Jesus dulcissimum COR suum nobis in pignus gratiæ & salutis obtulit? *Gratia*, inquit S. Bonaventura, *influit in nos per VERBUM CRUCIFIXUM*, de cujus Latere exiit profluvium gratiarum habens vim sanativam &c. Proinde meritò & rectè nomen Misericordiæ à CORDE promanat, quod idem est ac *Miserum COR*, oleam clementiæ omnibus, qui eam acceptare volunt, benignè ferens: *Non possum terreri multitudine peccatorum*, ait S. Augustinus, *si mors Domini in mentem meam venerit, quoniam peccata mea illum vincere non possunt: Clavi & lancea clamant mihi, quòd reconciliatus sum Christo, si eum amavero.* Ps. 84, 11
S. Bonav. serm. 2. hexam.
S. Ang. in man. c. 23.

Ibi, hoc est, in SS. CORDE Jesu Crucifixi & *Veritas* cum candidissimo lilio apparuit; quid enim magis verum. quàm ipsa VERITAS? quid magis candidum ac fidele, quàm ipsum suavissimum

COR Jesu, dum tam fideliter omnia adimplevit, quæ de ipso omnes Prophetæ vaticinati sunt? Hinc S. Joannes post transfixionem hujus SS. CORDIS Jesu mox subjungit: *Facta sunt hæc, ut Scriptura impleretur*, alludens ad illud Zachariæ vaticinium: *Et aspicient ad me, quem confixerunt.* O verus ac sincerus Pelicanus amoris! Dicitur aliàs in proverbio: Ecce do tibi cor meum: habes cor meum: præbeo tibi in pignus cor meum &c. Per hæc verba bonus amicus omnia sua ac seipsum vult alteri amico fideliter communicare. Talis fuit S. Paulus cum suis Corinthiis: *In CORDIBUS nostris estis ad commoriendum & convivendum.* Verùm non invenietis fideliores amicum, quàm SS. ac fidelissimum COR Jesu. Egenus ille, qui de media nocte ostium amici sui pulsavit, & tres ab eo panes petiit, omnes domesticos ac servos ejus in cubili dormientes invenit, solus Dominus ad salutem suam vigilans ab eo inveniebatur, qui mox necessitati pulsantis optatam opem tulit. En typum SS. CORDIS Jesu ex omnibus fidelissimi & in promissis sincerissimi. O anima Christiana! pulsa, pulsa in omni necessitate tua hoc divinum gratiarum ostium, quod semper pro tuo comodo in SS. Eucharistia, in cruce & in coelo est apertum, & impetrabis ab eo tot panes, quotquot habes necessarios.

5. Sed & in Sacratissimo CORDE Jesu *Justitia & pax* quasi in una sede morantur: *Justitia & pax osculatæ sunt.* Dic, obsecro, ubi major justitiæ rigor, quàm in libra crucis fuit? In hac statera corporis postquam mitissimus Redemptor orbis omnia nostra peccata ex una parte, & ex altera seipsum appendit, tandem consummatis omnibus, etiam post cruentam mortem SS. COR suum bilanci imponi voluit: *In trutina ergo crucis*, ait Eusebius Emissenus, *non aurum vel argentum, non aliquod Angelicum, sed semetipsum passus est Author salutis appendi*, & ut copiosa, imò & copiosissima apud eum esset redemptio, superaddidit COR suum. Ex quo ait S. Cyprianus, *totum effudit spiritum, ut nos respiraremus; quidquid erat humoris aquei reliquum, expressit, ut nos ablueremur: quidquid resederat in CORDE sanguinis, emisit, ut nos confirmaremur.* Origida Justitia Patris, quæ & SS. CORDI non pepercit Unigeniti Fi-

Euseb. Emissen.
cit. à
Mansi in
Bibl. to. I.
f. 258.
S. Cypr.
serm. de
publ. M.

lii sui! Hinc Apostolus: *Ex ipso vos estis in Christo Jesu, qui factus est nobis sapientia à DEO, & justitia & satisfactio & redemptio.* 1. Cor. I, 30.
O anima! collige ex hoc gravitatem peccatorum &c.

Superest modò alma *Pax* ex eodem SS. CORDE Jesu cum vi-
renti oliva progerminans. Considera anima Christiana pientissi-
mum Redemptorem tuum, nunc & gloriosissimum de morte, dia-
bolo, & peccato Triumphatorem, quomodò post resurrectionem
suam in medio Discipulorum steterit, eisque pacem annuntians, si-
mul SS. Vulnera ac COR suum apertum monstraverit: *Ostendit eis manus & latus.* Et quid sequitur? *Dicit ergo eis iterum, Pax vobis.* Jo. 20, 20.
Ecce bis dilectis suis pacem annuntiat Jesus, dum eis glorificata Vul-
nera ac COR clarificatum monstrat. Supra quod Glossa: *Pacem offert, qui propter pacem venerat, iterat, ut monstrat per suum san-* Glossa a-
guinem pacificata, quæ in cœlis, & quæ in terra. O felix pax! ô du- pud Cor-
plex pax cum Deo & hominibus à SS. CORDE Jesu promanans! nel. hic in
pax interna & externa: Pax cum terra, ait Petrus Blesensis, *quam* Jo.
querimus, hoc est, cum cœlo: pax cum terra, quam gerimus, hoc 14,
est, cum conscientia & corde nostro, & pax cum terra, quam teri- 27.
mus, hoc est, cum proximo nostro. Ideo pacificum COR Jesu, cùm
ad mortem crucis nunc voluntariè se offerret, in testamento & ul-
tima voluntate sua inter alia bona etiam pacem legare voluit: pa- Jo. 14,
cem relinquo vobis. Vide ex his dictis argumentis & rationibus, 27.
quàm bene PsalterRegius de hoc SS. CORDE Jesu vaticinatus sit: Ps. 84, 11
Misericordia & Veritas obviaverunt sibi: Justitia & pax oscula-
tæ sunt &c.

6. De Jehu à Deo recens electo Israëlitarum Rege testantur Re-
gum volumina, quòd, cùm in Samariam ad condignam ibidem de
impiis Baali cultoribus vindictam sumendam proficisceretur, in pu-
blica via obvium habuerit Jonadab, virum probum ac justum, quem
humanè salutans, interrogavit de integritate animi, mentisque can-
dore, an reverà ab ipso amaretur, sicut & ipse vicissim eum diligeret: 4. Reg.
Nunquid est cor tuum rectum, sicut cor meum cum corde tuo? 10, 15.
Quid ad hæc Jonadab? non multis utitur sermonum ambagibus, sed u-
nico, tantòque viro dignissimo verbo respondet: *Est. Bene, benè re-*
ponit

ponit ad hæc Jehu Rex: *Si est? da manum tuam*, & sic illum manu stipulatâ ad se traxit in regium currum: *At ille levavit eum ad se in currum &c.* Per hunc Jehu Regem Israëlitarum in curru triumphali sedentem, Christum Jesum subaudi, qui, ubi in curru triumphali SS. Crucis cruentum conflictum cum filiis Baali & diaboli complevit, tandem & Sacratiss. COR suum amore nostri faucium in pignus veræ & æternæ pacis nobis consignare voluit. Proinde etiamnum de cruce ad te ô pie Lector clamat: *Nunquid est cor tuum rectum, sicut COR meum cum corde tuo?* COR meum humile ac mansuetum est, purissimum ac candidissimum est, & ex omnibus summè pacificum. Estne & tale cor tuum? COR meum patientissimum est, non habens ob illatas injurias redargutionem, nullam quærens vindictam, nullam fovens invidiam aut rancorem. Estne & tale cor tuum? COR meum amore in Deum & proximum plenissimum est, erga omnes sincerissimum, fidelissimum, ac liberalissimum, ideo omnibus semper in SS. Eucharistia & in cruce apertum. Estne & tale cor tuum? *Si est? da manum tuam.* Ah quid moraris optime Lector? Repone citò cum Jonadab: *Est*, est mi Domine Rex, *Amore, More, Ore, Re*, ad omnia cum SS. CORDE tuo paratum; sic te pariter amantiss. Servator tuus levabit in currum suum regium, ineundo tecum veram pacem & nullis unquam sæculis delendam amicitiam.

*March. in
horto Pa-
stor. & vi-
ta S.
Mechtil.*

7. His consideratis considerandis, quid tibi nunc restat anima Christiana, nisi ut omni affectu & conatu eò allabores, quomodo & tu hanc divinam pacem à dulciss. CORDE Jesu, omnium bonorum fonte, valeas impetrare. Anxia quondam & inquieta in corde suo de futura salute S. Mechtildis extitit, quæ, cum aliquando in missa, quæ feria 2. post *Invocabit* in Quadragesima legi solet, in Evangelio hæc verba Veritatis à Sacerdote cantari audiisset: *Venite benedicti Patris mei &c.* ad dilectiss. animæ suæ Sponsum, candidum & rubicundum, in cruce suffixum, oculis mentis & corporis conversa, in hæc pia vota & verba soluta est: O si & ego una ex his benedictis forem, quæ dulcissimam hanc vocem tuam ô Jesu in supremo illo vitæ agone, ac præsertim in judicio auditura essem: *Venite &c.* O amabilissimum, ô suavissimum COR Jesu, quis unquam ad te venit, aut gratiam à te flagitavit, & repulsam tulit? Audite à benigniss. Redemptore responsum: *Certò, inquit, scias, te ex illis esse, & ut non dubites, ecce tibi do COR meum in signum & pignus amoris & domum refugii, ut semper ibi & maximè in morte consolationem invenias.* O quis dicet, quàm suavi & quàm amcenâ Cordis pace tunc Cor S. Mechtildis per reliquum vitæ cursum perfrueretur! Videbantur tunc illi omnes hujus peregrinationis dies pauci præ amoris magnitudine erga SS. COR Jesu, hinc sæpius dicere solebat: *Si scribi deberent omnia bona, quæ à SS. CORDE Jesu accepi, nullo vel magno volumine possent comprehendi.* O anima! si simili cordis pace frui desideras, & in numero esse Electorum, en signum prædestinationis tuæ: Ama SS. COR Jesu, & in æterna pace erit locus tuus.

CONSIDERATIO XLIII.

SS. COR JESU refugium nostrum & virtus in tempore tribulationis, & munimen forte in tempore tentationis.



Columba mea in foraminibus petrae, & in caverna maceriae.

Cant. 2, 14.

I. **C**ùm David Rex à facie Absolonis perfidissimi Filii sui profugus, relictâ urbe regiâ, cum paucis suorum ad Jordanem fluvium, itinere & metu fatigatus, pervenisset, nec pontem ibidem aut naves ad manus haberet, quæ ad trajiciendû flumen erant necessariæ, à Deo ardentibus votis flagitavit, ut sibi pennas columbæ donaret, earum adminiculo Jordanis aquas trajecturus, ibidemque in antro petrae, velut columba, quietam stationem captur⁹: *Et dixi: quis dabit mihi pennas sicut columbæ, & volabo, & re-* Ps. 54. 7. *quiescam.* Mirabitur hîc nonnemo, cur S. Rex columbinas & non corvinas aut alias postulaverit pennas, quarû ope Jordanem trans-

S. Aug.
tom. 10.
serm. 16.
de verb.
D. c. 10.

mittens ad optatam requiem perveniret: *Volabo, & requiescam.* Observa: Columba seu palumbes juxta mentem S. August. propter gemitum suum Symbolum est poenitentis & ad DEum suspirantis animæ, quæ, si vel umbram accipitris, vitæ suæ insidiantis, advertit, mox celeri volatu ad notum sibi hospitium in summis petrarum jugis à natura excisum, solet contendere, in qua caverna securè cōtra omnes hostiles incursum vitam degit. Corvus econtra propter suum *cras, cras*, putridisq; adhærens cadaveribus, procrastinatorum typum gerit. Apage cum similibus corvis! Columba gemens & pavida, casta, & contrita Christo Jesu placet, quæ à tumultibus hujus sæculi procul remota in *foraminibus petrae*, hoc est, in SS. Vulneribus Christi, & in *caverna maceræ*, hoc est, in diviniss. CORDE Jesu unicum suum perfugium ac munimē in tempore tribulationis & tentationis quaerit, & cum Davide (Christum vulneratum tunc prævidente) invenit. O pie Lector! En forma hîc tibi proponitur, quomodo contra omnes tentationes, & hostiles tum mundi, tum Satanæ, tum carnis

Fer. 39, 27. (hostis tui domestici) assultus te gerere debeas: *Esto quasi columba nidificans in summo ore foraminis*, hoc est, in dulciss. CORDE Jesu Crucifixi, in hoc nidum animæ tuæ construe, in hoc optatam in omni angustia opem invenies; in hoc pari modo cum Psalte Regio, etiam si cœlum & terra ruant, lætus ac securus poteris decantare:

Psal. 131, 14. *Hæc requies mea in sæculum sæculi; hîc habitabo, quoniam elegi eam.*

Audi & devotissimum Landspergium, ita de hoc SS. ac divinissimo CORDE Jesu differentem: *Disce, inquit, habitare in hoc Vulnere Lateris: si enim amica aut sponsa est anima tua, ubi suavior illi thalamus dormiendi, quàm in hoc Vulnere? si columba es, ibi locus est tibi ad nidificandum: si passer esse decrevisti, nusquam tibi magis conveniens erit locus, ubi abstractam ac solitariam vitam agas, quàm in SS. CORDE Christi: si turtur es, & castis, variisque gemitibus ad DEum suspiras, hîc locus requietionis erit. Hîc esuriens manna invenies; ubi bibas, hîc enim est fons paradisi, & de paradisi medio egrediens, & in fidelium se corda diffundens: Est hîc ostium arcae, per quod intrant non perituri diluvio. Huc usque mellifluus Landspergius; quid amabo dulciùs de hoc suaviss. & vulnerato*

CORDE Jesu dicere, aut scribere poterat Amator Crucifixi tam insignis? Proinde huic mysticæ nostræ columbæ, à facie inimici & persequentis milvi rapido volatu ad similem cavernam properanti, pro Lemmate inscribes:

Hoc tuta sub antro.

2. De S. Petro recensent Sacri Scriptores, quòd, cùm in monte Thabor mirandam illam Verbi Divini transfigurationem attonitus spectâisset, quasi lumine gloriæ & majestâte divinâ ebrius sine mora petierit, ut in illo amœnissimo deliciarum loco tria tabernacula ædificarentur, quò sic jugiter in hoc voluptatis paradiso cum Christo Jesu glorificato & cum Moyse & Elia visibili specie se tunc in monte exhibentibus posset conversari: *Domine, inquit, bonum est* *Matth.*
nos hîc esse, si vis, faciamus hîc tria tabernacula &c. Verùm bonus *17, 4.*
 ille Petrus præ dulcedine hujus div. visionis quasi delirans *nesciebat,*
quid diceret; oportuit enim tunc primum Christum pati, ac infami cruci affigi, & ita intrare in gloriam suam, cùm crux sit unica ac
 tutissima via ad æternam felicitatem: *sic oportuit pati Christum, &c.* *Luc. 24.*
 Verùm quidquid sit, non adeo ineptè & sine omni ratione Petrus *26.*
 ibidem tria tabernacula erigere voluit. Relinquamus, mi Petre, ad
 modicum tempus Thaboræum Montem, & ad Calvarium nos
 transferamus, ibi hæc tria, quæ tanto affectu desideras, tabernacula
 invenies. Primum tabernaculum in SS. Jesu manibus apertis, ac
 ferreis clavis immaniter perforatis, crucique affixis reperies. Scio
 equidem, quòd Apostolus ad Hebræos obstinatos, ut eos tandem
 ad frugem reduceret, scriptis suis emphaticè exaggeraverit: *Hor-* *Hebr. 10,*
rendum est incidere in manus Dei viventis, omnia scientis, omnia *31.*
 judicantis, & vindictâ de peccatis etiam minimis sumentis: ô quàm
 duræ, ô quàm aggravatæ erunt hæc manus Domini homini pecca-
 tori pœnitentiam differenti! Sed confide, Anima Christiana! ite-
 rum dico, confide, si ab auditione mala in illa die suprema non ve-
 lis timere, cura nunc maturè incidere *in manus Dei mortui* & in
 cruce suffixi, in his enim securum tabernaculum & domum refugii
 SS. ejus Vulnera tibi præbebunt: *Clamat clavus,* ait Doct. Seraph.

S. Bonav. serm. de Exalt. S. Crucis. Ps. 21, 17. *clamat vulnus, quod misericordiae non est numerus.* Secundum tabernaculum SS. pedes ejus, trabalibus clavis transverberati, tibi subministrabunt, de quibus Psalt. *Foderunt pedes meos*, non dixit: transfixerunt, aperuerunt pedes meos &c. sed *foderunt*, neque hoc sine mysterio: terra enim, si ligone foditur, desideratum fructum affert, variósque germinat fætus. Sic SS. Vulnera pedum Christi, clavis ferreis fossa, ô quam salutarem redemptionis fructum in Ecclesia attulerunt? Magdalenam poenitentem consule, ad pedes Jesu peccatorum veniam, grâtiâ amissam, & animæ salutem reperientem: *Peccavi*, ait S. Bern. *peccatum grande! turbatur conscientia, sed non perturbatur, quoniam Vulnerum Domini recordabor.* Tertium ac longè securiss. Tabernaculum invenies, in ipso sacratiss. ac diviniss. CORDE Jesu, in quo simul invenies, quidquid deliciosum est in coelis, quidquid pretiosum in terris, quidquid amabile in toto universo esse potest, hæc & plura alia imensa bona in hoc SS. CORDE Jesu summè adorando infinities melius ac perfectius invenies. Audi iterum pro confirmatione hujus nostri conceptûs, quid in hanc rem differat citatus D. Seraph. *Bonum est, inquit, hîc esse, & faciamus hîc tria tabernacula, unum in pedibus, unum in manibus, aliud continuum in Latere, ubi volo quiescere, & vigilare, bibere, comedere, legere, adorare, & omnia mea negotia pertractare, ubi loquar ad CÔR ejus, & ab ipso, quod voluero, impetrabo.* O quam dulcis hæc requies in SS. CORDE Jesu! quam tutum refugium in tempore tribulationis ac tentationis SS. COR Jesu! ah quam dulce! ô si novissent homines ac mortales omnes! ô si novissent!

Manut. l. 7. apoph. reg. num. 125. 3. Occurrit hîc mihi, idque ad propositum peraccomodè, quod Manutius de Calcedonenibus commemorat. Cùm hi populi in publico quondam campo sua celebrarent comitia, ex improvviso jucundum spectaculum omnibus in planitie ibidem præsentibus fuit præsentatum; videbant tunc in aëre profugum passerulum, quem milvus rapax pernici volatu insequabatur; in hoc certo vitæ discrimine cùm miser passerulus nullum aliud refugium, quò se à rapacibus milvi unguibus tutaretur, inveniret, quam in aperto sinu Xenocratis Philosophi tunc fortè in comitiis præsentis, rectà ad eundem

dem tanquam asylum confugit, ubi in pectore hujus viri prudentis se non tam abscondit, quàm & furorem accipitris dextrè de-
clinavit. Hoc, ut vidit Xenocrates, ablandiens aviculæ, illam ma-
nu de sinu suo extraxit, populòque palam ostendens, exclamavit:
Oportet profugum & supplicem protegere. Age, quicumque es, pie
Lector! en, forma & exemplum hîc tibi præscribitur, quod in
omnibus occasionibus, periculis & tentationibus securè imiteris.
Interroga volatilia cœli, & indicabunt tibi: Dic, quæso, an non a- *Job. 12,*
nima tua similis ejusmodi passerulo est, à dæmone, tartareo illo *7.*
milvo, ex omni parte vexata, & fortasse (quod DEus avertat) etiam
nunc in præsentissimo æternæ salutis periculo constituta? Si ergo
vis in omni tentatione ac tribulatione tua securum invenire asylum?
En apertum SS. COR JEsu Crucifixi: hîc invenies *civitatem re-* *Jos. 21,*
fugii, quam DEus quondam delinquentibus in lege statuit: hîc in- *36.*
venies *vitæ ostium*, per quod si introieris, pascua invenies, & ingre- *Jo. 10, 9.*
dieris, & egredieris: hîc pascêris in deliciis, & Supremi Regis ma- *Isa. 16,*
millâ lactaberis. O SS. COR JEsu! verè *locus deliciarum*, exclamat *16.*
S. Laurentius Justinianus, *de isto enim Lateris medio fons omnis* *S. Laur.*
dulcoris & suavitatis emanat. Quam veritatem & S. Catharina Se- *Justin. de*
nensis suo Confessario intimavit, cui inter alia in Epistola quadam *inc. div.*
hæc verba scripsit: *Rogo, ut te concludas in aperto Christi Latere,* *am. c. 4.*
ibi pia anima quiescit, in lecto ignis & sanguinis: sanguinis, ut la- *In vita*
vetur, ignis ut accendatur &c. *S. Cath,*
Senens.

4. Revertamur ad Scripturam, & observemus insignem aliquem
locum. Postquam Jonathas stationem Philistinorum percussit,
Israëlitaë audaciores facti, communibus animis ac viribus statue-
runt coeptam contra Philistæos prosequi victoriam. Et ecce cùm
sefe jam ad prælium pararent, & eminus in patenti campo triginta
millia currum (ex quibus pugnare solebant Philistæi) & sex millia
equitum, ac reliquum vulgus innumerabile, velut arenam, quæ est
in littore maris, observâssent, perterriti tanta gentium multitudine
(& quia viribus longè impares erant) decreverunt ad conservandâ
vitam consultius esse, si se in fugam converterent, & in abditissi-
mis petrarum speluncis, quibus Judæa abundare solet, à facie inimi-

1. Reg.
13, 6.

cōrum interim, donec felicior aura aspiraret, sese absconderent: *Quod cum vidissent viri Israël, se in arcto positos (afflictus enim erat populus) absconderūt se in speluncis & in abditis, & in petris quoq; & in antris & in cisternis.* Sic & David à faciè Saulis profugus, cum jam certissimū vitæ suæ periculum imminere advertit, quantocyus ad desertum Engaddi & ad speluncam Odollam confugit, ubi in obscuro petrae antro tutissimum asylum reperit. Et observat Scriptura, quòd tunc ad Davidem in caverna latentem plures miseri & angustiiati venerint, ut pariter sub illius præsidio & umbra vitam tuerentur: *Et convenerunt ad eum omnes, qui erant in angustia constituti, & oppressi ære alieno, & amaro animo, & factus est eorum princeps.* O anima Christiana! Si in paribus versaris angustiiis, si tentaris à diabolo, si premit carnis tumultus, si oppressa es à mundo, si debita peccatorum apud DEum contracta, conscientiam tuam stimulant, si morbis & infirmitatibus assiduis gravaris, si ubique in arcto posita es, si totus denique infernus contra te dilataverit os suum: *Tu ne cede malis, sed contra audentior ito: Ito, inquam, non ad Davidem, qui quondam tribulatorum factus est princeps, sed ito ad filium David, Christum Jesum & hunc Crucifixum, hic debita tua levabit, & chirographum peccati diluet.* In hac mystica petra pariter invenies optatas cavernas & speluncas, quinque ejus Sanctiss. Vulnera, ac præsertim in Diviniss. CORDE Jesu tutissimum

1. Reg.
22, 2.

reperies refugii locum: O anima mea: *Ingrederè in petram, & abscondere in fossa humo à facie timoris Domini:* Abscondere, inquam, in SS. CORDE Jesu.

Isa. 2, 10.

reperies refugii locum: O anima mea: *Ingrederè in petram, & abscondere in fossa humo à facie timoris Domini:* Abscondere, inquam, in SS. CORDE Jesu.

3. Reg.
18, 4.

5. Sic centum illi Prophetæ, quod Abdias gladio Jezabelis subduxerat, in cavernis & speluncis petrarum sese occultantes, optatum ibi refugii locum in tempore tribulationis invenerunt: *Nam cum interficeret Jezabel Prophetas Domini, tulit ille centum Prophetas, & abscondit eos quinquagenos & quinquagenos in speluncis.* Sic & Mathatias cum aliis, qui fortes in confessione fidei in omni tentatione permanserant, tempore Antiochi Tyranni in ca-

1. Mach.
2, 28.

vernīs montium & petrarum latebris sese abdiderunt: *Et fugit ipse & filii ejus in montes, & reliquerunt, quaecunque habebant in civitate*

tate &c. Sic Philomela, ut de nocte obscura sibi infestum evitet bubonem, qui ei assiduó in sylvis ac dumetis insidias struit, ad similem altam cavernam, vel ad arborem concavam, aut inter ipsas densissimas spinas se abscondere assolet, quò damnosus bubo cum grandi suo capite penetrare non valet: sic læta laudem Creatori suo decantans, hostis sui insidias argutè deridet. Hoc fac & tu ô anima Christiana! si bubo infernalis cum omni vitiorum suorum caterva tibi parat & molitur insidias, fuge, fuge cum Philomela ad arborem crucis, fuge ad Redemptoris tui Vulnera & latebras; fuge ad ipsum dulciss. COR JESU, cruentis cinctum spinis & crudeli lanceâ faucium. Huc bubo ille infernalis & carnalis caput suum inferre non potest, ab hoc enim SS. CORDE diabolus victus & confossus, infernus despoliatus, latro conversus, mundus redemptus, Ecclesia ædificata, cœlum apertum & Angelorum ruina restaurata est. O peccatores! ite, ite ad hoc SS. COR JESU: *Si fuerint peccata vestra sicut coccinum, quasi nix dealbabitur, & si fuerint rubra, quasi vermiculus, velut lana munda erunt.* Testem adduco Sodalem illum Bizontinum nomine, qui horrendum in modum in ultimo agone (à quo pendet æternitas) de salute animæ suæ à Bubone diabolo tentatus fuit: in qua gravissima lucta, cum non meliorem ac potentiolem sciret effugii & refugii locum, effigiem Crucifixi JESU apprehendit, & invocato SS. Nomine JESU & Mariæ, tandem in signum obtentæ victoriæ, crucem JESU velut triumphale de hostibus suis vexillum manu vibravit, ac ter Victoria! Victoria! voce quâ potuit inclamando, exosculans SS. Vulnera & COR JESU, beatam animam expiravit: *O quàm bene est custoditus*, exclamat devotiss. Thomas Kempensis, *quàm bene armatus contra diaboli insidias & malas cogitationes, qui imaginem Crucifixi habet in Corde fixam, omnia interiora sua penetrantem.* O quàm bene custoditus, quàm bene armatus est talis agonizans! *Christus*, ait Mallonius, *cum pro nobis moreretur, ut locum nobis apud se pararet, nullum nobis amabiliorem, nullum chariorem locum, quàm in suo CORDE parare potuit.*

6. Videtur mihi benigniss. JESUS, ut bonus quidam Dux in bello, qui omnes circumstantias prudenter examinat, quomodo & quâ ratione, quibúsve modis, mediis aut insidiis hostem possit superare; proinde in loco abscondito unam validam partem reservat, ut, si opus fuerit, cæteris turmis suis adhuc possit suppetias ferre. Ita in nupero cruento conflictu Hœchstadiano præsentis spectavimus. Et si figuram de hac re lubet intueri, ex sacro Scripturæ fonte petitam, consule librum Josue cap. 8. vers. 3. & seq. Dic anima mea! an non tota vita JESU continua pugna contra principem tenebrarum diabolum & vitiorum exercitum fuit? Pugna hæc cruenta jam in cunis JESU inchoaverat, ubi hic gloriosiss. juxtà ac invictiss. Dux noster aliquas legiones contra Satanam præmisit, dum primitias sanguinis in Circumcisione fudit, dum in horto Olivario sanguinem sudavit, dum in prætorio Pilati flagellatus & coronatus, ac tandem in Calvario monte crucifixus est. Verùm in his omnibus cruentis conflictibus Dux

Isa. 1, 18.
Span. in
Polianth.
Tit. tentatio.

Thom.
Kemp. p.
2. f. 4. ad
Novit.
Mallon.
cap. 20.
apud me
f. 269.

- Revel. l. 2. c. 21. noster robustissimam exercitus partem in *pectore* reclusit. Venit tandem miles, ubi mors & vita duello confligere mirando, & quia dubitabat, an Jesus reverà in cruce expirasset, lanceam in latus ejus tam validè contorsit, ut per alterum latus illius, ut quidam opinantur, transiret; de qua transfixione B. Virgo & Mater Dolorosa hæc ad S. Brigittam verba habet: *Filius meus in Corde punctus erat tam amarè & immisericorditer, ut ambæ partes Cordis essent in lancea.* Ecce! hîc denique optimus Dux noster Crucifixus Jesus omnes vires suas & ultimas validissimâsque hætenus per vitam reservatas suppetias contra inferni, mortis, omniumque diabolorum, ac vitiorum exercitum emisit, plenissimamque victoriam de omnibus inimicis suis reportavit, & tutissimum nobis refugii locum paravit, quò in omni tentatione ac tribulatione tum in vita, tum in morte confugiamus. Et hæc est victoria, quæ vincit mundum, Sanctiss. ac Diviniss. COR Jesu. Audi S. Laurent. Justin. quàm sincero, devoto ac planè filiali affectu hoc amabiliss. COR Redemptoris sui alloquatur: *O Domine! ferarum creaturam insensibilem voluisti tuum Corpus Sanctiss. vulnerando intrare, & me creaturam tuam rationabilem per Vulnera jam facta ingredi non sines? Quid est hoc? nunquid Cor meum durius, aut vilius est omni ferro? Audi Domine clamorem meum, quamvis enim intrem per Vulnera tua, & pro amore comedam carnem tuam, semper impassibilis permanebis, & meus de te satiabitur appetitus &c.*
- S. Laur. Justin. tract. de incendio divini amoris cap. 2. Vixit anno 1562. de quo Flores Seraphici tom. 1. p. 373. & Staurphil. l. 28. Tit. 130. 7. Finem huic considerationi faciat Joannes Baptista Faventinus, in sæculo quondam ferox miles, sed postea mirabiliter conversus, ordinem PP. Capucin. ingressus est, in quo vitam austeram amplexus, non aliter corpus suum flagellis, ac si ligneum aut marmoreum foret, tractavit, nullam ei requiem concedens; sicque brevè per tantam sui mortificationem obtinuit, ut passionum suarum victor factus sit egregius. Accidit, ut à Superiore suo in triclinio acri reprehensione exciperetur, quâ illius natura ad impatientiam & vindictam antè in sæculo pronissima adeò commota est, ut vena Pectoris rumperetur, quam tamen vehementem passionem fortiter superavit; & cùm sanguis è rupta vena copiosè deflueret, pro more suo ad Crucifixi Salvatoris effigiem se contulit, sub cujus umbrâ in genua procumbens: Crucifixo Jesu sanguinem è Pectore manantem ostendit, confidenter dicens: *En Domine Jesu, qualia pro tui amore patiar! Quid hîc expectas? En quàm faciles sint aures Crucifixo Redemptori tuo! Mox Crucifixus ille dextram manum à ferreo clavo revulsit, quam laterali suo Vulneri admovit, transfixumque SS. COR suum hiscè verbis monstravit: Vide Baptista, qualia & ego pro te in Cruce sustinui! Quâ amabili Crucifixi Jesu voce Cor Joannis quasi cera liquefactum est, imposterum omnes adversitates læto animo sustinens, illudque S. Pauli secum revolvens: *Recogitate eum, qui talem sustinuit à peccatoribus adversum semetipsum contradictionem, ut non fatigemini, animis vestris deficientes, nondum enim usque ad sanguinem restitistis &c.**

CONSIDERATIO XLIV.

SS. COR JESU centrum amoris nostri esse debet, ad quod tanquam ad metam omnes amoris nostri sagittas dirigamus.



Positus est hic in signum. Luc. 2, 34.

1. **O**lim serpens æneus in palo suspensus Israëlitis, venenato ignitorum serpentium morfu miserè vexatis, in deserto pro unico salutis signo fuit: *Pone eum pro signo.* Nobis *Nam. 21, 8.* Christianis pro certo & unico salutis signo esse debet SS. ac diviniss. COR Jesu Crucifixi & Eucharistici, ad quod velut ad metam nostram cum illo Genio in Schemate præfixo, omnia amoris nostri tela dirigamus, oportet: proinde haud immeritò pro Lemmate tulit:

Non aliud posthac.

Vel:

Ad Centrum.

De Jonatha dulci illo Principe, in vita & in morte amabili, referunt Regum fasti, quomodo Davidi optimo & intimo amico suo, cum eum frustra cum Saule Patre suo reconciliare conatus fuisset, hoc consilium suggererit, ut se in agro aliquantisper occultaret, se interim tres sagittas (quasi ad metam se exerceret) missurum, ex quibus certò aut amorem, aut odium Patris sui in se cognosceret:

1. Reg. 20 Si dixero, inquit, ecce sagittæ intra te sunt, bene est: pax tibi est,
22. & nihil est mali, si autem locutus fuero: Ecce, sagittæ ultra te sunt, scito, omen hoc esse infaustum, & odium patris mei omnino esse implacabile.

Anima Christiana! si sagittæ amorosæ Sacratiss. ac diviniss. CORDIS Jesu *intra te sunt*, si amas, si æstimas, si colis, si imitaris hoc amabilissimum COR Jesu, ac omnes actiones & opera tua, quasi bonus sagittarius, te ad hoc signum exercens, eò quotidie dirigis, scito, pacem tibi esse, quia cum Deo reconciliatus es, & cum eo in optata vivis amicitia; si verò sagittæ amoris *ultra te sunt*, si fortè ad amorem mundi, carnis, ac dæmonis magis inclinas, scito, hoc omen sinistrum & prorsus infaustum esse, Deumque tibi esse adversarium; adeoque ad centrum & metam collimandum, quod est amabiliss. COR Jesu, extra quod, ô mortalis homo! nulla tibi salus speranda: *Ad centrum! ad centrum!*

2. Et quid dico? nunquid ad hoc divinissimum charitatis signum, hoc est, ad SS. COR Jesu, jam olim in umbra amata illa Sponsa cum omni suo amore collimavit, dum uno & fixissimo mentis oculo hunc suum dilectissimum Sanguinum Sponsum in cruce pendentem, & immiti lanceâ transfixum aspexit? Ad quam tandem benignissimus Redemptor de arbore Crucis in hæc verba solutus:

Cant. 4, 9. *Vulnerâsti*, inquit, COR meum Sponsa: *vulnerâsti COR meum*. Et quomodo, mi Jesu! O Amor Crucifixe! hæc dilecta Sponsa SS. COR tuum potuit vulnerare? In uno, reponit amantissimus Redemptor, *Oculorum tuorum vulnerâsti COR meum*, alii legunt: *Transfixisti COR meum*.

Duo hîc, prudens Lector, occurrunt considerata, cur *bis* Sponsus Crucifixus dixerit: *Vulnerâsti COR meum*. Et nunquid unum tantummodo Cordis Vulnus habuit, quod miles lanceâ aperuit? Et quidem vulnerâsti COR meum *in uno oculorum tuorum*, O Soror! O Sponsa! & cur in uno & non ambobus oculis?

Ad primum adverte, quòd duplex Vulnus in CORDE Crucifixi JESU inveniatur, primum lancea militis, secundum amor Sponsæ intulit; ita prædicta verba exponit S. Bernardus: *Quia zelo amoris tui vulnerâsti me, lanceâ quoque militis vulneratus sum.*

S. Bern.
lib. de pass.
c. 2.

Et in uno oculorum tuorum. Solent autem sagittarii, dum ad metam præfixam tela sua dirigunt, unum, hoc est, sinistrum oculum claudere, & dextrum solum aperire, in quo oculo dextro omnes potentiæ visivæ nervos in unum impendunt, ut eò certiùs ad suum scopum sagittam possint transmittere. Et in hunc finem Naas Ammonitarum Rex olim Hebræis dextrum oculum solum eruere voluit, ut eos (quia in arte sagittandi apprimè experti erant) ex parte cœcos, inutiles, & ad bellum ineptos redderet: *In hoc feriam vobiscum fœdus, ut eruam omnium oculos dextros.*

1. Reg. 11
2.

Dixi: signum nostrum & centrum SS. COR JESU est, ad quod amore nostro collimemus: Oculus dexter bona nostra est intentio, quæ unicè ad COR JESU feratur: oculus sinister ille est, qui à centro hoc præfixo declinat, & ad res caducas, vanas, & illicitas se convertit, hunc, inquam, oculum oportet nos cum Sponsa claudere, & dextrum aperire solum, ut eò meliùs ad verum scopum, qui est SS. COR JESU, pertingamus. *Ad centrum! ad centrum!*

3. Oportet nos hîc imitari filios Judæ, qui regnante Saule sibi metam & certum scopum collocabant, in quem juvenus se in sagittarum jaculatione solebat exercitare, ne à Philistæis, qui in hac sagittandi arte pariter excellebant, imposterum in bello vincerentur: *Et præcepit, ut doceret filios Judæ arcum.*

2. Reg. 1,
18.

Ita quoque Persæ Gentiles sub Cambyse Rege tempore pacis in sagittandi arte ad metam se probabant, ut tempore belli eò peritiores invenirentur, de quo Rege refert Herodotus, quòd cùm ali-

Herodot.
lib. 1.

quando à Prexaspe aulico ebrius æstimaretur, filium ejus in horto ad arborem alligari jusserit, ad quem Rex in præsentia Patris, quasi se ad scopum exerceret, sagittam emisit tantâ cum dexteritate, ut cor ejus medium feriret, tum ad Prexsspen conversus: *Disce*, inquit, *imposterum de Regibus melius sentire & loqui*.

*Ex Chron.
Helvet.
Henrici
Snitz,
Schönle-
ben &
alii.*

In hac arte sagittandi, priusquam bombardarum & sclopetorum usus inventus est, pariter & Helveti excellebant. Rem memoriâ dignam accipe. Anno à Christo nato 1307. Austriacus quidam Gubernator & Judex verè indiscretus in Altorff Helvetiæ Oppido, in medio fori pileum ex sublimi pertica pendulum erexerat, severè mandans subditis, ut transeuntes coram hoc pileo non aliter ac coram Duce suo sese inclinarent, eique profundam, quasi Domino suo præsentem, reverentiam exhiberent. Displicuit hæc res comprimis Guilielmo Tell, ejus loci incolæ, qui in foro transiens, primus huic pileo nullam venerationem exhibuit, quem mox præfatus Judex cum filio comprehendere jussit, & quia in arte sattigandi apprimè peritus erat, filium ei in scopum proposuit, super caput ejus pomum collocans, ut aut in hoc pomum illæso filio, aut in ipsum cor filii sagittam torqueret; sed felicior Guilielmus fuit, quàm immitis Judex crediderat, qui dexterrimè pomum, nato prorsus intacto, telo suo trajecit, quam rigidam justitiam adeo indignè tulerunt Helveti, ut excusso illo rigido Gubernatorum jugo, ab Austriaca Serenissima Domo defecerint, & sibi privatam Rempublicam constituerint.

4. Mitto hîc plures alios peritissimos sagittarios, quales fuerunt Commodus Imperator, cui adeo certa manus fuerat, ut quidquid oculo destinâset, sagittâ suâ contingeret. De Domitiano Imperatore referunt, quòd etiam in celerrimo cursu cor cervi telo suo potuerit trajicere. Notum est illud, quod de Serenissimo Godefrido Bullionio Duce Lotharingiæ recensent Auctores; qui, cum urbem Hierosolymitanam arctâ obsidione premeret, tres alaudas in turri Davidica conspexerit, quas simul uno telo & jactu confixit, non sine bono omine, civitatem illam Sanctam paulò pòst Paganorum manibus eripiendam, quod & contigit; in quem finem Serenissimi illi

Duces

*R. P. Drex-
el. de
lingua de-
tract.
in Phaë-
tonte.*

Duces etiamnum hodie in Scuto suo gentilitio tres alaudas uno telo confixas præ se ferunt in dignam hujus facti & expugnatae Hierosolymæ memoriam.

O anima Christiana! ecce & tu in promptu hîc habes arcum & telum, arcus cor tuum est, & telum amor, sagittandum est, & aliquid cor tuum tanquam ratione præditum juxta Angelicum Doctorum amare debet: *Vita cordis*, inquit, *amor est, & ideo impossibile est, ut sine amore sit cor, quod vivere quærit.* Hinc videmus, quòd hic amet unicè aurum, alter mundanos honores, alius arma & bella, alius venationes, et alius voluptates suas sensuales &c. O miseri mortales! quid aurum est nisi lutum in terræ visceribus à solis radiis induratum & metallum excoctum? Quid omnes honores sunt mundani nisi fumus inanis? Quid voluptates sensuales nisi turpis foetor & *ignis usque ad perditionem devorans*? Aliud & dignius amoris objectum quærendum est, quòd tanquam boni sagittarii amoris nostri tela dirigamus.

S. Thom.
op. 61. de
dil. Dei c.
18.

Job. 31;
12.

En ostendo vobis, quid amare debeatis, & ad quod centrum tendere omnis affectus & amor cordis vestri. O dulcissimum, ô pientissimum, ô amabilissimum COR Jesu crucifixi amoris mei! ô abyssus omnium bonorum! Tu, tu solum & unicum omni nostro amore dignissimum es, quia prius quam essemus, amasti nos & tradidisti te ipsum pro nobis. O pondus! ô centrum! in quo terminatur omnis amor Sanctorum! Ah miseri mortales quid agitis? ut quid ita terrenis inhiatis! quousque claudicabit amor vester in duas partes? non potestis Deo servire, & Mammonæ, Christo & Belial, luci & tenebris. Sursum igitur corda, ad centrum, ad centrum, hoc est, ad SS. COR Jesu: *Si COR Christi attendimus*, sunt verba Richardi à S. Victore, *nihil illo dulcius, nihil illo beatius, nihil uspiam creaturarum dulcius esse poterit illo CORDE.* Audi rem novam. Videmus, anno 1704. examen apum, relicto suo alveari, rectè ad templum S. Nicolai Ep. in Langenreichen prope Biberbacum volans, ubi in cruce Domini confidere & mellificare coepit. Simile quid à R. P. Matthia Camphausen S. J. refertur, quòd examen apum in

Rich. à S.
Vict. l. 2.
de Emma-
nuele c.
21.

P. Matth.
Camph.
de pass. D.
f. 318.

vulnerato Latere seu CORDE Crucifixi Jesu nidificaverit, & ibidem mel suum paraverit. O pie Lector! En formam & modum habes, quò tibi tendendum &c.

5. Nunquid in Scriptura annotâstis animæ Christianæ, quid Regi Joas, Elisæum ægotantem invidenti acciderit? Ad hunc ergo Phrophetam cum Rex Israël descendisset, ut ab eo consilium exquireret, quomodo se suosque contra Hazaël & Syros imposterum defenderet, Elisæus hoc consilium ei suggessit: *Affer arcum & sagittas*, & cum Rex arcum desideratum & sagittas ad lectum infirmi Prophetæ attulisset, nunc, inquit, aperi fenestram Orientalem, ut jacias sagittam victricem contra Syros, & qui hætenus illorum telis prostrati estis, nunc vicissim vestris prosternentur: *Jace sagittam: & jecit.* Et quid sequitur? *Et ait Elisæus: Sagitta salutis Domini! & sagitta salutis contra Syriam!* O felix sagitta! quæ non tantum Regi, sed & toti Israël salutem tulit! Vultisne videre hanc sagittam Domini, & sagittam salutis, per fenestram ad centrum suum transvolantem, pace cum populo feliciter composita?

4. Reg. 13
17.

Audite per fenestram apertam comprimis Sacratissimum Crucifixi Jesu COR apertum intelligi potest, quod pariter per fenestram illam à Noëmo in arca post diluvium apertam (per quam columba avolavit, & ad vesperam cum pacis oliva rediit) adumbratum fuit; per sagittam salutis Domini inde emissam, immensus ille Divinissimi CORDIS Jesu amor, qua cor tuum (antequam tu illū amares) jam feriebat, præsignatus est; & per sagittam salutis contra Syriam amor tuus reciprocus erga SS. COR Jesu subaudiri potest. O vera *sagitta salutis* contra Syriam & contra omnes inimicos tuos, si verè & fideliter amas SS. COR Jesu! O quàm felix igitur est illa anima, quæ juxta documentum, quod ipsa Veritas Christus Sanctæ Mechtildi dederat, in CORDE hoc Divino *tanquam in centro & portu securissimo conquiescit!* sic cor tuum, sunt verba Christi ad dictam suam Sponsam, *cum CORDE meo coalescet, ut ferrum cum igne, quo ignefactum est &c.*

Vincent.
Caraff. in
fasciculo
Myrrh. l.
2. Conf.
15.

6. Exemplo nobis sit fidelissimus ille patri filius, cui nomen Eu-
melus

mélus, de quo S. Bernardinus commemorat, quod pater quidam Cimerius nomine, regulus Parysadae tres filios habuerit, sed de illis non imprudenter dubitaverit, an omnes ex legitimo connubio fuerint progenerati; idcirco hoc testamentum condidit, ut post mortem exanime corpus suum ad palum publicè alligaretur, & qui propiùs ex illis ad cor patris sagittam ex arcu misisset, is hæres rerum omnium & regni constitueretur. Quid multis? Patris cadaver arbori alligatur, contendunt filii pharetrâ & arcu, ut qui cor parentis telo transfixisset, verus regni hæres constitueretur. Primus & major natu exonerat arcum, & guttur patris tangit: Secundus & natu minor pectus quidem parentis sui, sed tamen illæso adhuc illius corde transfixit. Tertius & natu minimus, cùm telum aptat, ipsum cor optimi genitoris sui trajecturus, tantam barbariem execratus, præ animi teneritudine & amoris sinceri affectu totus in lacrymas abit, telum & arcum dirumpit, exclamans coram præsentē Judice & spectantibus: malle se regnum & hæreditatem fratribus cedere, quàm impiè in optimi parentis cadaver sævire, & cor ejus crudeli jaculo ferire. Quo viso & audito, Judices uno consensu & ore decreverunt, universam hæreditatem paternam illi soli juniore filio deberi, utpote qui proximè ad cor patris sui accessisset, eumque ut verus & legitimus dilexisset.

S. Bern-
ardin. 10.
1. ser. 41.
Item Le
Blanc.
in Ps. 7.
v. 14. &
alii.

Et quid dico anime mi? En pater tuus in palo crucis toto corpore nudus, mortuus & exanguis pendet ante te: *Et erit vita tua quasi pendens ante te*, nec habet, ubi caput vulneribus & spinis faucium reclinat: *Inspice*, sunt verba S. Augustini, *vulnera pendentis, sanguinem morientis, pretium redimentis: Caput habet inclinatum ad osculandum, cor apertum ad diligendum, brachia extensa ad amplexandum, corpus expositum ad redimendum.* Et tu heu! ingrate & vilis homuncio, de novo peccatis tuis, quasi venenatis sagittis hujus amantissimi & dulcissimi Patris tui SS. COR transfigere & impiè vulnerare non vereris? *Si Pater ego sum, ubi est honor meus? & si ego Dominus, ubi est timor meus?* Ah disce anime mi! si verus & legitimus Patris hujus tui coelestis filius & hæres esse cupis, illum ex to-


Dent. 28,
66.
S. Aug. 1.
de Virg.

to aliquando animo, ex totis animæ visceribus & ex tota cordis latitudine diligere: *Ut totus*, pergit idem S. Augustinus, *tibi figatur in corde, qui totus pro te fixus fuit in cruce*: Non enim bene hoc verbum *patris* (quod plenum est fiduciâ & amore) usurpas, nisi pariter vivas ut filius amans, reverens & obsequens.

7. Coronidem huic nostræ considerationi imponat Jonathas Princeps Regius, qui & eidem initium dedit, de quo recensent Regum fasti, quòd adeo Davidem dilexerit, ut in signum veri & sinceri amoris sibi propriam togam & vestes exuerit, eumque his contexerit. Causa hujus amoris, teste Cornelio & aliis, similitudo morum & amorum fuit, quia uterque moribus erat candidus, probus, bellicosus, & de Philistæis triumphans, hinc *dilexit eum Jonathas, quasi animam suam: ideo expoliavit se &c.*

O anima Christiana! plùs hic in cruce quàm Jonathas! Vide & considera, quanto in te amore flagraverit amantissimus JESUS, dum non tantùm tui causâ vestimentis se expoliavit, corpùsque innumbris plagis pro te objecit, sed & seipsum, imò optimam ac pretiosissimam sui partem, hoc est, Sacratissimum ac Divinissimum COR suum in perfectissimi amoris tesseram tibi legavit, & in centrum amoris, tum quotidie in SS. Eucharistia, tum etiam in cruce, ubi *positus est in signum*, tibi proposuit: *præ nimio amoris sui fervore*, ait S. Bonaventura, *voluit lanceâ latus aperiri, ut demonstraret, quòd tradidit tibi COR suum* Et in alio loco: *Patet amor CORDIS per vulnera corporis &c.* O amor! O amor! quis non obstupescat, quòd ipse DEUS, summum illud, immensum & infinitum Bonum voluerit appellari & esse DEUS CORDIS MEI? Ita illum vocat vir secundùm COR DEI: *Deus cordis mei, & pars mea DEUS in æternum*. O quantum solatium non deberet afferre cordi meo hoc unicum verbum: DEUS CORDIS MEI, & CENTRUM AMORIS MEI? O Divinissimum COR JESU! quid ampliùs habet dicere servulus tuus indignissimus, nisi ut hoc temporis momento tecum hoc pactum ineam in æternum non ampliùs violandum.

*COR JESU quoties Cordis mibi vena micabit,
Tu toties posthac sis benedictus AMOR.*



CONSIDERATIO XLV.

SS. COR JESU magnes cordium humanorum, Cor quoque nostrum sibi exposcit cum omnibus affectibus præbendum.



Præbe fili mi cor tuum mihi. Prov. 23, 26.

O Stendis puero nuces, & trahitur, non vi trahitur, sed amore trahitur; ostendis ovi ramum viridem, & trahitur: ostendis pisci vermiculum hamo affixum, & trahitur: ostendit se sol heliotropio, & ad motum ejus trahitur: una rota principalior cæteras omnes in horologio secum trahit &c. Et ecce! ostendit tibi mitissimus JESUS SS. COR suum, velut vivum magnetem in cruce exaltatum, & non trahitur Cor tuum ad reciprocum amorem? De Magnete referunt, & quotidiana probat experientia, quòd per mirabilem sympathiam etiam durissimum ferum ad se trahere, & fortiter in aëre tenere soleat, unde per jucundum

dum visu est, quomodo ferrei clavi, acus, cultri, forcipes, & similia ferrea instrumenta in altum per aërem attracta, hunc suum dilectum magnetem, quocumque ierit, sequantur, cui hoc Lemma dedere: *Vis occulta trahit: Vel: Solus amor ferri.* Talis magnes amoris SS. COR Jesu est, quod in vita & in morte mirâ & occultâ vi durissimum ferrum, hoc est, ferrea hominum corda ad se attraxit. Testes sunt Apostoli omnes, qui ad unam vocem relictis retibus secuti sunt Dominum. Testes tot millia hominum, in fame & siti per desertum Christum sequentium. Testes Dismas latro & Centurio conversi cum aliis pluribus in monte Calvariæ transfixioni SS. CORDIS Jesu Crucifixi præsentibus, de quibus recenset Lucas: *Et omnis turba eorum, qui simul aderant ad spectaculum istud & videbant, quæ fiebant, percutientes pectora sua revertebantur.* En mirandam ac planè divinam vim SS. CORDIS Jesu: Si enim, sunt verba S. Hieronymi, *in magnete lapide hæc esse vis dicitur, ut ferrum trahat, quanto magis Dominus omnium creaturarum ad se trahere poterat, quos volebat?*

Matth. 4, 20.
Marc. 6, 34.
Luc. 23, 48.
S. Hier. in cap. 9.
Matth.

Hoc summis quondam votis exoptavit Sponsa illa dilecta, dum ex propriis viribus se infirmam, & ad sequelam SS. CORDIS Jesu Crucifixi omnino impotentem se agnoverat, nisi speciali gratia traheretur, ideo hunc suum amantissimum Sponsum impensius rogare coepit, quatenus velut verus manges cordium humanorum pariter Cor suum terrenum ad se in crucem trahere dignaretur, juxta illud promissum Veritatis: *Si exaltatus fuero à terra, omnia traham ad me ipsum.* Et hoc est, O pie Lector, quod à SS. CORDE Jesu paribus votis flagitare debes, ut Cor tuum ad se in crucem velit attrahere. Inspice Emblemata, in quo SS. COR Jesu alatum, saucium, spinis cinctum, & in cruce suffixum, inferius autem cor tuum in terra repens spectabis, duabus quidem pennis amoris Dei & proximi instructum, sed terrenis adhuc affectibus, & amore proprio nimio implicatum, & idcirco impotens, ut in altum volet, cui pro lemmate illud à Sponsa mutuatum inscribere placuit:

Jo. 12, 32.

2. Talis magnes amoris fuit Cor Eliæ, honoris Dei semper zelantissimum, quod etiam sine voce ad se cor Elisæi attraxit. Transibat fortè Elias à facie Jezabelis Reginae profugus agrum Elisæi, vidensque illum terram duodecim jugis boum arantem, pallium sine voce super Elisæum misit, quo dato & accepto suo signo, mox cor Elisæi in aliud mutatum est, dum patrem & matrem, boves & oves, agros & prædia reliquit & pauper pauperem Eliam secutus est: *Tulit parboum, & mactavit illud, & in aratro boum coxit carnes, & dedit populo, & comederunt, consurgensque abiit, & secutus est Eliam.* Talis magnes amoris fuit & Cor Jonathæ, Principis fortissimi, quod suo exemplo cor armigeri sui per eminentes petras & prærupta montium cacumina, contempto omni vitæ periculo, post se rapuit. *Ascendit autem Jonathas manibus & pedibus reptans, & armiger ejus post eum.* Talis magnes amoris fuit Cor Davidis Regis, qui cor Ethai fidelissimi servi sui in omni tum prospera, tum adversa fortuna probavit, & ad sui suequelam fortiter allexit: *Vivit Dominus, & vivit Dominus meus Rex: quoniam in quocunque loco fueris Domine mi Rex, sive in morte, sive in vita, ibi erit servus tuus.* Plus & infinities plus SS. COR JEsu ad se attrahere solet ferrea hominum corda, si illius divinæ gratiæ excitanti per amorem proprium non solent ponere obicem: *Trabuntur homines,* ait S. Aug. *non ut nolentes credant, sed ut volentes ex nolentibus fiant,* qui perspectâ veritate de infinitis meritis SS. ac Divinissimi CORDIS JEsu, omnia nostra peccata in se suscipientis, propriâque morte ac sanguine eluentis, miro quodam modo ad amorem illius rapiuntur. Sic miles ducis exemplo fortiter trahitur, sic pastorem præcedentem ovicula, sic umbra suum corpus, sic palea succinum, quocunq; ierit, sequitur: & si cani projicis os aridum, sequi vias tuas solet, atque ad nutus tuos paratum se exhibet. O Anima Christiana! En, clamat ad te sine voce SS. COR JEsu, tuo amori, tuo cultui expositum: *Sequere me:* simulque promittit æternam felicitatem & cœlum, imò seipsum in præmium, & tu hæsitās ingrata? Dic, quæso, quid ab hac SS. CORDIS JEsu seque-la, & sincero illius amore cor tuum adhuc retardat,

3. Reg. 19
21.1. Reg. 14
13.2. Reg. 15
21.S. Aug. l.
1. ad Bo-
nif. c. 10.

Jo. 1, 43.

tardat, aut retrahit? an observatio præceptorum? At *mandata ejus gravia non sunt*. An fortasse jugum ejus insupportabile? sed *jugum meum suave est, & onus meum leve*. An amor sæculi, divitiarum, voluptatum? verum hæc omnia oportet te aliquando deserre: *Mundus transit & concupiscentia ejus*. Ergo dum tempus est, in rem & salutem tuam vigila. Quære SS. COR Jesu, dum tempus est.

3. De magnete ulterius referunt Scriptores, quod in extremis Indiæ oris integræ cautes magneticæ reperiantur, quæ mirâ vi ingentes naves, si quid ferramenti in eis inveniatur, ad se etiam remotè attrahere solent, ubi ferrei quidem clavi tenaci nexu magneti adherent, sed navis laxatis compagibus dissoluta, in fluctuum ludibria dispergitur. Juvat hîc audire S. Aug. *Narrant, inquit, nautæ nostrates, in ima India esse maritimas cautes magneticas, quæ medio cursu navigia, si quid sit in eis ferri, vel clavus unus, sistant, detineant, attrahant*. Quidquid sit de his cautibus magneticis, SS. COR Jesu tanquem verus magnes cordium humanorum longè suaviori modo ad se traxit omnia, & etiamnum trahit corda humana tum suo exemplo, tum sanguinis merito, ac pretio, tum etiam summo amore, quod prævidens Jeremias exclamavit: *Et ideo attraxit nos miserans*. *Traxit*, inquam, hoc SS. COR Jesu Crucifixi comprimis ipsum Deum, qui per hoc pretiosiss. Sacrificium, in cruce oblatum, hominibus rursus placatus est. *Traxit* Angelos, quorum ruinam hoc mitiss. COR Jesu benignè reparavit. *Traxit* infernum seu limbū & purgatorium, ex quo Patrum animas misericorditer eruit, totamque simul captivam eduxit captivitatem. *Traxit* coelos, solem & lunam, dum ad aperturam hujus SS. CORDIS Jesu Crucifixi obstupescences, radios à terra tanquam luce indigna subtraxerunt. *Traxit* aërem præ compassione densissimâ tenebrarum caligine involutum. *Traxit* terram universam à centro suo comotam, & præ doloris vehementia contremiscentem. *Traxit* denique creaturas omnes, tanquam obstupescences, ait Cornel. à Lap. *& offerentes se ad puniendum pro eo contra Judæos Christicidas, eosque dispergendos*. Et nunquid, ô Anima Christiana! & tuum aliquando cor ad majorem

jorem cultum, venerationem & amorem hujus SS. & amabiliff. CORDIS JESu ab hoc ipso div. Magnete, publicæ jam in pluribus diœcesibus veneratione fidelium exposito, fortiter trahetur? *si trahit sua quemque voluptas*; ubi major voluptas, quàm in hoc dulciff. CORDE JESu? quid amas, si hoc SS. COR JESu non amas?

4. De Marco Antonio summo quondam Romano Oratore recenset Cicero, quòd, cum Causam M. Aquilii, injustè apud Senatum accusati, defenderet, nec Judices verborum vi in suam sententiam & ad cōmiserationem flectere posset, ut Aquilium à falso crimine iniquè delatum absolverent, demum de cathedra sua descenderit, & reo in medio tunc consistenti coram omni populo pectus aperuit, ostendens illis denudatum pectus & vulnera ejus, quæ pro salute & incolumitate patriæ in variis conflictibus olim accepit. Tum ad Judices converſus: Si mea, inquebat, hætenus verba, ò Patres Conscripti, non potuerunt cor vestrum movere, ut hujus innocentis Aquilii patrocinium in vos susceperetis, moveant vos saltem beneficia, quæ in Rempublicam contulit, & vulnera, quæ hætenus pro bono communi sustinuit; non enim sanguinolentæ istæ in pectore cicatrices infidelis animi, sed viri in Rempublicam optimè merititi sunt tesserae ac luculenta insignia, quæ magis, quàm ego, pro eo loquuntur, probantque virum innocuum. Dixit, Judices in sententiam suam flexit, & Aquilius à mortis sententia absolutus, pristinae libertati restitutus est. Et quid dico anime mi? Si hæc omnia, quæ de vita & passione, amore & dolore SS. CORDIS JESu Christi hætenus per plures considerationis differui, cor tuum eò trahere non potuerunt, ut à malo declinares, & faceres bonum, Deumque tuum & Hominem tui causâ & amore cruci affixum, ex toto corde tuo redamares; trahant & moveant te saltem SS. ejus Vulnera ac præsertim Divinissimum ac fauciatum COR JESu. Inspice per hoc reſeratum vitæ ostium usque ad SS. CORDIS intima, & considera, quomodo amaverit te, dum non solum in manibus, sed etiam in ipsis cordis intimis latebris descripsit te. Et hic est ille magnes amoris, qui cor tuum sursum trahere debeat, ut illud totum DEO consecres juxta illud: *Præbe fili mi cor tuum mihi.* Ubi

Tull. Cicero act.

7. in Verrem.

Proverb.

ad 23, 26.

Hugo
Card. hîc.

S. Bern.
ep. ad
quendam
postulan-
tem.

advertendum, quòd cor nostrum non Deo ad tempus commo-
dandum, sed ex integro, & cum omnibus affectibus præbendum sit,
ut de cætero, inquit Hugo Cardinalis, *cor nostrum nihil juris ha-
beat, nihil velit, nihil sapiat, nisi quod vult, & sapit Sapientia.*
Et S. Bernardus, *Nihil dignius*, inquit, *cogitari potest, quàm cor
adeum referre, qui, ut viveret, mori voluit.*

S. Aug.
tract. 26.
in Joan.

Exod. 13,

2.

S. Bern.
loco cit.

Gen. 4, 5.

Levit. 10,

2.

5. Nunquam legistis animæ Christianæ, quàm varia, inepta ac
stolida Sacrificia quondam Gentiles Idolis, falsisque Diis suis consue-
verint offerre? Ad placandum Jovem Romani coronatum arietem
in victimam mactabant. Neptunum pelagi domitorem pingui tau-
ro, viridi ferto redimito placabant. Appollini Musarum Præsidii ca-
pram, Baccho hircum pampineo ferto coronatum, Priapo hortorū
custodi stupidum asinum, Æsculapio medicinæ inventori gallinam,
Dianæ nemorum cultrici cervam, & Veneri columbam offerebant
&c. Apage cum istis larvis & falsis numinibus: *Qui sic credit*, ait S.
Aug. *non Pater eum traxit: quem traxit Pater? illum, qui dicit: Tu
es Christus Filius Dei vivi*, qui ei primogenitum suum in Sacrificiū
offert: *Sanctificate mihi omne primogenitum*; primogenitum est
Cor nostrum. Supra quod eleganter Divus Bernardus: *Quid à no-
bis*, inquit, *requirat DEUS? Cor nostrum, nihil dignius producere
potest, quàm ut ei se restituat, à quo factum est, & hoc à nobis Do-
minus expetit, dicens: Fili da mihi Cor tuum &c.* Cur sacrificium
Abelis à Deo tam benignè acceptum, & econtra Caini patris reje-
ctum fuerit: *Ad Cain verò & ad munera illius non respexit?* Cau-
sam assignat Cornelius, quia Abel totum cor suum Deo obtulit;
Cain verò Cor suum divisit, & partialis fuit. Apage cum tali corde
partiali, totum enim Cor tuum desiderat SS. COR JESU trahendum.
Cur Nadab & Abiu filii Aaronis tam horrendè à DEO fuerunt puni-
ti, ut egressus ignis ambos momento devoraret: *Ignis à Domino
devoravit eos, & mortui sunt?* Causam assignat Scriptura, quia
ignem alienum & non Cor suum Deo offerebant; non enim placet
purissimo CORDI JESU Cor divisum, & ignis videlicet malarum
concupiscentiarum, & affectuum carnalium ac terrenorum. Apage,
apage cum ejusmodi prophano igne, Cor mundū, Cor castum po-
stula-

stulat à nobis totius Conditor orbis: *Væ duplici Corde*, ait S. Augustinus, *qui in Corde suo partem faciunt Deo, partem faciunt diabolo: iratus DEUS, quia fit ibi pars diabolo, discedit & totum diabolus possidet.* Cur Ananias & Saphira uxor ejus ob retentum agri à se venditi pretium subitanè morte fuerunt castigati? Et nunquid ager ad illos pertinebat? omnino. Et nunquid pecuniæ exinde receptæ ad illorum voluntatem poterant applicari? Et hoc sine dubio. Quare ergo ambo tam severè puniuntur? Rationem astringit S. Augustinus: *Quia divisum fuit Cor eorum, propterea interierunt.* Vides ex his, anima Christiana, Cor integrum, Cor totum cum omnibus affectibus Deo offerendum esse, non placet illi partialitas neq; Dagon & arca, Christus & Belial in una sede morari queunt: unde Magnus ille Augustinus, qui totum ac inflamatū Cor suum SS. CORDI Jesu præbuit, dicere solebat: *Tu excitas, ut laudare te delectet: quia fecisti nos ad te, & inquietum est Cor nostrum, donec requiescat in te.*

S. Aug. tr. 7. in c. 1.
Joan. Act. 5, 10.

S. Aug. de verb. Apost. serm. 27.

S. Aug. Confess. l. 1. c. 1.

6. Ad hoc SS. COR Jesu Crucifixi, velut lingua magnetica ad suam stellam polarem, in omni fortuna respexit potentissimus ille juxtà ac pientissimus Romanorum Rex, & postea Imp. Ferdinandus Secundus. Audi rem admiratione dignam. Cùm anno à Christo Nato 1619. mense Junio ex insperato Henricus Matthæus Comes Turrianus cum valido exercitu ex rebellibus Bohemis & confœderatis Acatholicis conflato, Danubium trajecisset, & copias suas jam in ipsis suburbiis Viennæ in Austria collocasset, ut ibidem Cæsarem aut caperet, aut perderet. Mirum! quantùm tunc temporis jam exultârint isti rebelles Acatholici: *sicut exultant victores captâ prædâ quando dividunt spolia*, præsertim cùm viderent, quòd & Viennenses non pauci in ipsa civitate cum Turriano suo Duce ad perdendum Ferdinandum conspirassent. Quid in re tam ardua ac periculis plena agit piissimus Rex? Cùm nullum superesset auxilium humanum, ad divinum se convertit, & toto Cordis affectu ad Crucifixum Jesum, cujus sacram effigiem in suo conclavi summè semper venerabatur, confugit, ubi ad pedes illius prostratus, totòque corpore in terra pronus se penitus in oratione divinæ voluntati SS. CORDIS Jesu commisit, tradiditque. Hæc inter P. Bartholomæus

Max. Sandens in suo Staur. philo, & Lyrus l. 6. c. 12.

Isa. 9, 3.

Villerius è Societate JESU Sacerdos, Regique à confessionibus in aulam se confert, petitque à primo Camerario adventum suum Imperatori insinuari. Et ecce spectaculum cœlo dignum, & terræ summè admirandum! Cùm Camerarius januam cubilis, in quo degebat Rex tacitus aureâ suâ clave reseat, Ferdinandum non in sua sede, sed humi dejectum, & toto corpore ante SS. Crucifixi imaginem prostratum conspicit. Stat ad hoc attonitus Camerarius, & Confessario idem cœlo dignum, Angelisque admirandum spectaculum indicat. Paulò post cùm Rex ab oratione surrexisset vultu in placidam serenitatem mutato, Confessarium ad se introduci jubet: tum ad illum conversus: *Versabar, inquit, mi Pater, in periculis, qua domi forisque imminet, recogitandis: Volvebam animo hostium in suburbis conatas, A catholicorum in civitate molitiones, quas exactè novi: Cùm nullum ab hominibus præsens videretur præsidium, ad DEum confugi, quod soleo: Dejeci me ante Crucem, meum Dominum adoravi, & summâ spe plenus fui; miram animo tranquillitatem fecit DEus, irritos conatus hostium, ita spero, DEus efficiet. Nec spes in Crucifixum JESUM ac mitissimum COR ejus hunc piissimum Imperatorem fefellit; nam illièd & in tempore adfuit auxilium, dum, copiis Catholicis sub noctem inopinatò Viennam ingressis, hostis rebellis confusus, fractus, & dissipatus est, totumque Bohemiæ regnum sequenti anno legitimo Domino suo in hac ipsa Dominica, ubi Ecclesia Evangelium legere solet: Reddite, quæ sunt Cæsaris, Cæsari, restitutum est. Cæterum multorum fama est, & gravium virorum autoritate scriptisque confirmata, Crucifixum illum tunc temporis Imperatori fuisse locutum: Ferdinande ego te non deseram: in quem finem hæc sacra imago etiamnum pro veritatis testimonio Viennæ inter & Potentissimi Augustissimi Imperatoris JOSEPHI I. pretiosissima cymelia asservatur, & piè colitur, in cujus suavi amplexu & Sanctorum Vulnerum ac Lateris præsertim crebro osculo pientissimus Imperator LEOPOLDVS I. Anno Christi 1705. die 4. Maji nobilem animam suam sanctè exhalavit. O beati, qui sic in Domino moriuntur! Quod denique concernit orationem, quam altè præfatus Ferdinandus II. in tantis constitutus periculis coram hoc Thaumaturgo Crucifixo humi toto corpore prostratus, ad DEum fudit, æquum duxi, ut illius compendium tibi candide Lector hîc pariter subjungerem: Domine JESU Christe, generis humani Redemptor! Tu, qui corda in-*

Oratio

Ferdin.

Imp. 2. ad

Crucifix.

tueris, nosti, me non meam, sed unicam tuam gloriam querere. Tamen si tibi gratum est his angustiis, & hoc hostium conatu me deprimere, pudore suffundere, hominibusque contemnendum dare, non recuso: Fiat voluntas tua; habes me indignum famulum ad nutum quemcunque promptum paratûmque. O felix Imperator, cui sic militat æther! Quid modò restat, nisi ut pari devotione ad SS. COR JESU Eucharistici & Crucifixi accedamus, ut ab eo pariter auxilium impetremus in tempore opportuno. Finio cum generosis illi Machabæis, ita fratribus suis in

2. Mach.

1. 3.

Ægyptum scribentibus: Benefaciat vobis DEus, & det vobis cor omnibus, ut colatis eum, & faciatis ejus voluntatem corde magno & animo volenti.

CON-



CONSIDERATIO XLVI.

SS. COR JESU verum regenerationis Lavacrum , in quo anima à peccatis suis purgata , ad vitam regeneratur æternam.



Lavit nos à peccatis nostris in sanguine suo. Apoc. 1, 5.

x. **C**ONstantino M. Romanorum Imperatori tunc temporis adhuc gentili & turpi leprâ infecto ex Medicorum consilio lavacrum parabatur ex innocuis infantium venulis affundendum, in cujus vicem, monente cœlo, sacratius Baptismi balneum substitutum, Imperatori salutem animæ & corporis restituit. Verùm aliud & longè illo salubrius lavacrum nobis paravit Longinus, dum SS. COR JESU in cruce suffixi crudeli lanceâ perforavit, ex quo *continuo*, hoc est, mox post retractam lanceam (nam quamdiu ferrum vulnus occupat, parùm aut nihil cruoris effluere solet) sanguis & aqua non guttatim, sed confertim & copiosè profluxit. O quàm lugubre hoc erat spectaculum, videre ex uno eodémque

S. Chrys.
hom. 48.
in Joan.

Ad Tit.
3, 5.

S. Aug.
tr. 2. in
Jo.

Pf. 101, 7
S. Aug.
cit. à
Caraff. in
Fasc. My.
Ephes. 2,
4.

S. Hier.
in ep. ad
Presid.

Jo. 10,
10.

vulnere SS. CORDIS Jesu sanguinem & aquam non mixtim, sed divisim promanantes! Et cur sanguis & aqua? Supra quod S. Chrysost. *Non temerè, aut casu scaturiunt isti fontes, sed quoniam ex ambobus Ecclesia constituta est. Sciunt hoc initiati; per aquam enim regenerati, sanguine & carne nutriti. Hinc mysteria ortum habent, ut quoties ad admirandum calicem accedis, tanquam ab ipso latere hauriens accedas.* Cui saluberrimo Latici etiam illud Apostoli jure merito applicare possumus: *Non ex operibus justitiæ, quæ fecimus nos, sed secundum suam misericordiam salvos nos fecit per lavacrum regenerationis.* Scio equidem, Apostolum ibidem loqui de Baptismo, in quo regenerationis lavacro de novo in Christo renascimur; sed unde Baptismus effectum suum habet, gratiamque regenerandi spiritualiter, nisi à SS. ac diviniss. CORDE Jesu? *Unde rubet baptismus*, ait S. Augustinus *nisi ex sanguine Christi?* O quàm benè igitur apud Vatem Regium idem pientissimus Redemptor noster in cruce pendens, ferroque immiti secundum COR transfixus, amanti Pelicano se assimilavit: *Similis factus sum Pelicano solitudinis.* Supra quod eleganter Div. Aug. quòd Christus & hic Crucifixus optimè Pelicano solitudinis à Davide fuerit comparatus, *quia in solitudine natus, quia solus sic natus, scil. à Virgine, & quia in solitudine passus, quia solus sic passus*, dum immemor ipse sui, aliorum autem salutis memor, *propter nimiam charitatem*, prout loquitur Apost. *quâ dilexit nos, cum essemus mortui peccatis, convivificavit nos.* Est autem Pelicanus, prout attestatur S. Hieron. *Avis Ægyptiaca, in Nili solitudinibus commorans, quæ pullos à serpente occisos, lateribus rostro perforatis, suo sanguine excitat.* Pulchrum reverà de Christo Jesu Crucifixo Symbolum! Sicut enim hæc volucris sibi pectus proprio rostro adaperire solet, ut pullos veneno enectos suo cruore vivificet, ita amantiss. Redemptor, utpote verus Pelicanus amoris sacratis. suum Pectus in nidulo crucis adaperiri sibi voluit, ut nos peccato mortuos non tam resuscitaret, quàm etiam proprio sanguine & aquâ diviniss. CORDIS sui in vitam regeneraret, & enutriret æternam, unde lemma ab ipsa veritate mutuatum:

Ut vitam habeant.

Imò

Imò ut etiam abundantius vitam habeant in hoc sæculo per gratiã, & in futuro per gloriam: *Haëtenus*, ait Stengelius, *manſerat COR JESu illæsum quoad substantiam: ne itaque præcipuum sui videretur non expendisse ad nostri redemptionem, permisit & illud sauciari, quò declararet, quòd ut COR, ita totum se, quantus est, nobis dederit.* O infiniti amoris argumentum! O lancea crudelis! ita te appellat universa Ecclesia, quia etiam in mortuum JESum & in SS. COR ejus crudelis fuisti; imò O lancea dilecta & fidelis! verè clavis regni coelestis, de qua haud immeritò jam olim in Ecclesia Dei fer. 6. post Octav. Paschæ postulante Carolo IV. Imp. singulare festum institutum fuit, nunc non ampliùs lancea furoris, sed amoris eris, unde versus illi:

Carolus
Stengel.
in hist. de
pass. c. 98.

*Lancea, quæ Martis fueras mortisque ministra;
A modò quæ facies vulnera, pacis erunt.*

2. Mirantur SS. PP. & sacrar. Scripturarum Interpretes, cur DEO Creatori universorum potentissimo quondam placuerit, ex aperto & disrupto latere Adami protoplasti, gravi lethargo ac sopore tunc oppressi, Evam efformare: *Immisit ergo Dominus Deus soporem in Adam; cùmque obdormisset, tulit unam de costis ejus, & replevit carnem pro ea, & ædificavit Dominus Deus costam, quam tulerat de Adam, in mulierem.* Quid est hoc, Animæ Christianæ! quòd Deus Evam non ex alia parte corporis, quàm ex latere dormientis Adami ædificaverit? Scio, quid cum Aureo Oratore hîc Scripturarum periti sentiant, quòd Adamo dormiente, ex disrupto illius latere, & non v. g. ex pedibus Eva fuerit formata, factum esse ob utriusque majorem concordiam, amorem conjugalem, & mutuam pacem conservandam. Verùm hîc aliud mysterium inquiramus oportet. Audite illustriss. Ecclesiæ Sidus S. August. qui per Adamum in horto paradisi & voluptatis sub opaca arboris umbra indormientem non alium, quàm Secundum & longè innocentioris vitæ Adamum, Christum JESum in cruce obdormientem intelligit, ex cujus aperto latere & disrupto SS. CORDE Eva Virgo & cunctorum viventium Mater, hoc est, Ecclesia vera cunctorum fidelium genitrix in lucem producta, & in SS. Lavacro divini cruo-

Gen. 2, 21

S. Aug.
lib. 12. de
Symb. ad
Catech.
c. 6.
Ephes. 5,
32.

ris & aquæ, largiter ex SS. CORDE Jesu promanantium, in vitam spiritualem & æternam renata fuit: *Ascendat*, ait prædictus S. August. *Sponsus noster thalami sui lectum, dormiat moriendo, aperitur ei Latus, & Ecclesia prodeat Virgo: ut quomodo Eva facta est ex latere Adæ dormientis, ita Ecclesia formetur ex Latere Christi in cruce pendentis. O Animæ Christianæ! in veritate Sacramentum hoc magnum est, ego autem dico in Christo & Ecclesia.*

Lucius
Marin.
to. 1. hist.
Hisp. l. 8.

3. Cæterum mihi videtur hæc Sponsa Ecclesia, omnēsque justorum animæ ex hoc div. SS. CORDIS Jesu lavacro ad meliorem vitam renatæ, ut quondam Sanctius Garzias Dux Aragoniæ, qui ex diffectæ matris laterali vulnere feliciter in lucem prodiit. Res ita se habet. Cùm Ennicus Garzias Dux Aragoniæ ad bellum contra Mauros processisset, comitem se illi ac individuum sociam Urvea uxor, mulier heroica tunc temporis gravida adjunxit. Infeliciter contra Mauros pugnatum est, Dux ipse trucidatus, cæsus exercitus, & Urvea conjunx in latere hostili lanceâ transfixa: & cùm de fuga sibi consuleret, in sylvis Navarræ montibus concidens, animam expiravit. Fortè hunc locum transit Guevara homo Nobilis, Regnam mortuam deprehendit, in vultu agnitam: & cùm infantulus, quem in utero gestabàt, per apertum latus manum tremulam protenderet, è matris defunctæ utero illum felicissimè cum testibus adhibitis excidit, cui in sacro fonte nomen Sanctii indidit, conjugique alendum commisit. Sic in summo silentio per quindecim annos inter famulorum pastorumque ministeria educatus, tandem cùm Aragoniæ Proceres de novo eligendo Duce comitia celebrarent, à Guevara totius rei seriem cum testibus exponente, Sanctius productus ac summo omnium plausu communique populi lætitiâ in Septimum Aragoniæ Ducem electus est. Sed ad quid ista recenseo? Tu, tu, O Christiane! tu es ille Sanctius ex aperto latere & diviniss. CORDE Crucifixi Jesu non tantùm in vitam novam renatus, sed & in sanguine & aqua ipsius Servatoris tui à peccatorum sordibus mundatus: *De Latere tuo, O Domine Jesu* (subintrat hîc S. Cyprianus M.) *fons egreditur; ex hoc non solum ablutionis primæ (Baptismi scilicet) venas haurimus, sed & compunctionis & lacrymarum per-*
en-

S. Cypr.
M. serm.
de Resur.
Dom.

ennes effluunt rivi misericordiarum tuarum, & totius pietatis testes, quando in peccata relapsis secundâ ablutione opus est. Ecce, quomodo Sacratissimum COR JESU patria nostra fit, & locus nostræ regenerationis, ac longè melioris nativitatis! Superbiant alii, (per me licet) & super sidera attollant avitum suum stemma longamque illustrium avorum seriem: sed stemma veræ Christianæ nobilitatis & antiquæ prosapiæ nostræ est Sacratiss. COR JESU: In hoc Latere, ait S. Antistes Hipponensis, in veram vitam regenerati sumus, & regeneramur. O verè genus electum, genus regale, gens sancta & populus acquisitionis! S. Aug. de Symb. cap. 6.

4. O SS. COR JESU, cui ulteriùs te comparabo? Fodina es gratiarum omnium, quia *de plenitudine ejus omnes accepimus.* Apotheca Jo. 1, 26.
es aromatica contra omnes animæ nostræ infirmitates, quia tuo Isa. 53, 5.
livore sanati sumus. Sigillum es omnium purorum cordium: Po- Cant. 8, 6.
ne me ut signaculum super cor tuum. Urbs es refugii: In qua se, ut loquitur S. Bernardus, *columba tutatur, circumvolitantem intrepida intuetur accipitrem:* Fons es signatus, de quo Hugo à S. Victore: *Lava animam meam, quam tuâ imagine signâsti, munda corpus, quod redemisti.* Lavacrum denique es animarum, in quo secundum misericordiam suam magnam regeneravit nos in spem vivam. S. Bern. in Cant. Cant. 4, 22.
Ita vidit S. Gertrudis, quòd ex CORDE JESU fons pellucidus in Servos Dei largissimè profiliret, eosque mirâ suavitate reficeret, & mundaret. Ad hoc salutare lavacrum pariter allusit Propheta ille 1. Petri 1, 3.
Apocalypticus, dum Beatorum animas vidit, vestimenta sua, hoc Forsterus in lib. de Congreg. Jes. Cruc.
est, conscientias & corda sua dealbantes, & sanctificantes in sanguine Agni in cruce quondam occisi: *Hisunt, qui venerunt de tribulatione magna, & laverunt stolas suas, & dealbaverunt eas in sanguine Agni.* Sicut enim sapone maculas & sordes vestimentorum solemus mundare; sic sanguis & aqua ex vivifico fonte SS. Apoc. 7, 14.
CORDIS JESU profluentes animæ nostræ ob peccata contritæ maculas penitus abstergunt, & eluunt. Audi Blosium Abbatem pro more suo omnes fideles piè adhortantem, ut ad hoc SS. COR JESU cum omni fiducia accedant: *Apertum, inquit, est Christi Latus, ut nobis accessum, aditumque pius JESUS ad COR suum patefaceret.* Ludovic. Blos. in Mon. Sp. cap. 19.

Unde declaravit suum erga nos incomprehensibilem amorem. Et quid ultra nobis potuit facere, quàm fecit? ipsum COR suum tanquam secretiss. cubiculum nobis reſervavit: sunt namque deliciae ejus esse nobiscum, & in ſilenti tranquillitate, & in tranquillo ſilentio voluit apud nos quieſcere. Dedit nobis Cor suum dirè vulneratum, ut in eo commoremur, donec penitus expurgati & mundati, ſuòque Cordi conformes, idonei ac digni ſimus unà cum ipſo in æterni Patris COR abduci. Hæc ille.

5. O dulciſſ. COR JESU favus mellis diſtillans es, præſertim illis, qui, dum ad SS. Synaxin accedunt, non aliter ſe parant, ac ſi in hoc Sacrum Vulnus amoris & in SS. COR JESU charitate ardentiffimum
- P. Joan. Wey. 10. 2.* vellent intrare. Tali affectu & cupiditate S. Catharina Senenſis ſolita erat ad Sacram Communionem accedere, quæ non aliter, *l. 2. c. 19.* ac infans uberibus Matris, ſic illa SS. Lateri & CORDI JESU adhæſit. Et ſi quondam Samſon in occiſi leonis faucibus ſuavem mellis favum invenit, quò ſe & parentes ſuos refecit: *Examen apum in ore leonis erat ac favus mellis:* quàm dulce erit nutrimentum Diviniſſ.
8. COR JESU ejusmodi animæ famelicæ, verè Deum ſuum amanti, & quotidie ſaltem per Communionem ſpiritualem intra cor ſuum recipienti? Et ſi olim populus ille electus *suxit mel de petra oleumque de ſaxo duriffimo;* petra autem & ſaxum illud duriffimum erat Christus Crucifixus in typo præſignatus: quid erit ex ipſo fonte Diviniſſ. CORDIS JESU ſuaviſſimum omnium gratiarum mel exſugere? Et nunquid *dulcius ex ipſo fonte bibuntur aquæ?* O peccatores omnes & ſinguli, quid agitis miſeri? & quare cum prodigo de ſiliquis porcorum ventrem & mentem veſtram impletis? ah ſpirate aliquando, & cum S. Thoma pœnitente, animo pariter contrito, ad SS. COR JESU accedite: & quemadmodum apicula timida & à facie venti diſperſa, optatum nutrimentum ac unicum ſolamen in corde candidi aut purpurei lilii quærit ac invenit, cui impenſiffimè inhærere, ſuavemque ab illo rorem & mellificum ſuccum exſugere aſſolet, cui apiculæ in corde lilii hærenti Italus quidam pro Lemmate inſcripſit: *Dolce albergo mi da nel ſuo cuore*, quod idem eſt, ac *Dulce hoſpitiū mibi in corde præbet ſuo:* Ita anima peccatrix, ſi verè

fi verè nunc de malè actis pœnitens cum lacrymis ad SS. ac Diviniss. COR JESU recurris, ô quàm immensam dulcedinem ibi non invenies? *Fecisti*, inquit S. Bonaventura, *ô Domine JESU pro me cœlum & terram, solem & lunam, & omnia visibilia; sed scias Domine, omnia mihi vilescunt: igitur omnia tibi restituo, tantum da mihi Sanctiss. Vulnera tua*, ac præsertim Diviniss. COR tuum, hic cum Davide *in pace in idipsum dormiam, & requiescam.*

S. Bonav.
in Stim.
p. 1. c. 15.
Ps. 4, 9.

6. O benigniss. COR JESU! Mare es profundissimum & abyssus omnium gratiarum ac benedictionum, sicut enim *omnia flumina intrant in mare, & mare non redundat: ad locum, unde exeunt flumina, revertuntur, ut iterum fluant: sic à te omnes gratiæ fluunt, & denuo ad te velut ad fontem ac centrum suum revertuntur.* Ab hoc Diviniss. CORDE acceperunt Apostoli suam fidem, Martyres fortitudinem, Confessores justitiam, Virgines continentiam, & omnes Electi gloriam sempiternam. O igitur abyssus omnium bonorum SS. COR JESU! ad quod saluberrimum animæ lavacrum in omni periculo ac tentatione, in cunctis ærumnis & angustiiis, tum in vita tum in morte nos oportet conferre. Et si cortuum, ô Christiane Lector! est abyssus omnium miseriarum, en in hoc Diviniss. CORDE JESU invenies abyssum omnium simul gratiarum. Et nunquid *abyssus abyssum invocat in voce cataractarum tuarum*, hoc est, Sanctissimorum Vulnerum tuorum ac præsertim SS. CORDIS JESU, amoris & lanceæ vulnere fauciati? O quàm benè de illo Gentium Doctor Paulus: *Ut possitis comprehendere cum omnibus Sanctis, quæ sit latitudo & longitudo & sublimitas & profundum.* Singula autem hæc verba Apostoli sunt observanda: *Ut possitis*, inquit, *comprehendere*, hoc est, animo concipere, *quæ sit latitudo* hujus SS. CORDIS JESU, dum illius immensa charitas ac beneficentia in omnes gentes & homines se extendit. *Quæ longitudo*, dum jam à primo conceptionis suæ momento in continuo amore dilexit nos. *Quæ sublimitas*, dum nunc super omnes cœlos & Angelos exaltatum, ab omnibus creaturis adoratur. *Quod profundum*, dum illius virtus usque ad inferos descendit. Vade nunc anima Christiana, & dimetire potentiam hujus SS. CORDIS, in quo omnes Electi ad æternam vitam renati sunt. O quàm bene igitur Seraphicus Bonaventura mortales omnes ad idem Diviniss. COR JESU invitat: *Accedamus*, inquit, *charissimi* *ad COR altum, & in illa profunditate benignitatis immensa totaliter immergamur.* *Accedamus cum fiducia ad Christi Latus, & intremus ipsum: Accedamus charissimi, accedamus, moriamur cum ipso. Accedamus ad Latus ejus, & sugamus sanguinem ejus, quia hoc beneplacitum ejus est. Non faciamus illum frustra tali pati: non permittamus hunc sanguinem effluere super terram. Fiant ergo corda nostra receptacula & vasa sanguinis Dom. Nostri JESU Christi, & ejus inebriati doloribus dicamus: Nobis autem absit gloriari, nisi in cruce Domini nostri JESU Christi Crucifixi.* Hæc de SS. CORDE JESU Seraphicus Bonaventura.

Ephes. 3,
18.

S. Bonav.
stim. div.
am. p. 1.
c. 13.

7. Non autem semel sed sæpius in hoc saluberrimo Lavacro SS. CORDIS JESU

Isa. I, 16. *lava mini, mundi estote.* Naaman princeps Syriae locupletissimus sed leprosus ad verbum Elisæi septies se in Jordanis flumine abluit, & à lepra divinitus mundatus est: *Descendit, & lavit in Jordane septies juxta sermonem viri Dei, & restituta est caro ejus, sicut caro pueri parvuli & mundatus est.* Eliæ Sacrificium Deo quondam placuit, & ab eo ratum acceptumque fuit, quia sæpius illud aquâ superinfusâ rigare ac lavare studuit. *Implete quatuor hydrias aquâ, & fundite super holocaustum, & super ligna,* quod cum aliquoties Israëlita fecissent, tandem ignis de cœlo descendit, & holocaustum illud cum lignis & lapidibus devoravit. David ob adulterium & homicidium innocentis Uriæ non semel, sed singulis noctibus cor suum à malitia lavare studuit: *Lavabo per singulas noctes lectum meum, lacrymis meis stratum meum rigabo.* Hinc toties à Deo petiit: *Cor mundum crea in me Deus &c.* Si cor tuum ô Christiane Lector pariter SS. CORDI Jesu in Sacrificium offerre desideras, oportet, ut nunc illud lacrymis non semel sed sæpius laves: *Lava à malitia cor tuum.* Si secutus es errantem, imitare & pœnitentem, quem hic tibi pro dictorum coronide subjungo. Quidam Juvenis (ut Auctor est Lucas Wadingus) à S. Francisco in Ordinem admissus, cum paulò post variis tentationibus ab humani generis hoste gravissimè tentaretur, tot victus impulsibus instanter à S. Viro licentiam petiit, denuo ad sæculum redeundi. Ad quem S. Pater: Itane fili mi pro vili terra cœlum deseres? pro parentibus Christum tanta pro te passum? siccine viam salutis relinques, ut viam æternæ damnationis ingrediaris? Crudelis certè in te forem, si in hoc tibi consentirem. Verùm non audiit Juvenis hoc salutare monitum, proinde ad fugam se paravit. Et ecce vix è limine monasterii excesserat, virum gravi & indignante vultu obvium habuit, quærentem ex eo, quò abiret infelix? cui profugus indignabundus: *Quid tibi mecum est, & quid ad te iter meum?* Ad quod Viator ille (qui Christus erat) sine mora pallium removens, quo erat amictus, ei SS. vulnera in manibus ac pedibus recenti sanguine manantia & exinde apertum latus ac dulciss. COR suum ferro transfixum ostendit cum gemitu: *Vide, inquit, quanti mea intersit, te de hoc itinere interrogare?* Has pro te in cruce sustinui plagas, ut te errantem oviculam à via perditionis ad viam æternæ salutis reducerem. Hæc cum Juvenis ille audiisset, ac vidisset, tantâ Jesu benignitate intimè commotus, ad pedes ejus provolutus est, viam lacrymarum profundens, veniamque humiliter exorans, qui & postea velut prodigus filius à S. Francisco benignè receptus, per reliquum vitæ curriculum fratribus suis singulari sanctitatis & vitæ religiosæ exemplo præluxit, & assiduò cum columba illa mystica in foraminibus petrae & caverna maceriae, hoc est, in SS. CORDE JESU habitavit. O anime mi, plus pro conclusione non addo, quàm quod S. Ambrosius ad Theodosium dixit: *Si secutus es errantem, sequere pœnitentem.*



CONSIDERATIO XLVII.

SS. COR Jesu Infirmorum Salus, & vita morientium, in quo dulce est vivere. ac tandem securum mori.



In nidulo meo moriar. Job. 29, 18.

- I. **J**Ob Rex Idumææ, cùm omnibus bonis ac opibus suis excidisset, & jam toto corpore, à vertice capitis usque ad plantas pedum, ulcerosus, & à diabolo percussus in sterquilinio sederet, spe tamen plenus à Deo postulavit, ut finitis hisce miseriis in bona pace, ac in proprio lectulo domus suæ paternæ suaviter animam posset expirare; quam gratiam, postquam adversa omnia incredibili patientiâ sustinuit, etiam à Deo impetravit, dum illi non sanitatem duntaxat & cuncta bona dupliciter reddidit, sed & eum plenum dierum in proprio nidulo, prout desideravit, in pace quiescere, & beatam animam exhalare permisit: *Dicebamque in nidulo* Job. 29, meo 18.

meo moriar, & sicut palma multiplicabo dies. Perelegantet hîc advertit Pagninus, quòd per hanc palmam & Hebraicum vetbum *Chol* etiam Phœnix avis subaudiri debeat, qui Phœnix, teste Pierio, sibi lectulum mortualem & triumphalem ex aridis spinis & bacillis odoriferis parare solet, ubi inter flammâs ab ardentibus solis radiis accensas, medius non tam comburitur, quàm & de novo ex cinere renascitur: unde lemma: *Bustumque partumque*. Vel, si mavis: *Uror. morior, orior*, Talem quoque mortem patientiss. ille Job à Deo petiit: *In similitudinem avis Phœnicis, subintrat hîc Tirinus, per mortem in cinere carnis velut in nido ad tempus moriar, sed inde resurgam quasi Phœnix in vitam & gloriam eternam*. Prudens Lector! non dubito, quin pariter unicum votum ac desiderium tuum sit, piè aliquando & sanctè moriendi, quia solùm illi *Beati, qui in Domino moriuntur*. Et ecce, ostendo tibi lectulum seu nidulum. in quo cum Beato Jobo inter tot adversa securè valeas vivere, ac tandem beatè mori. Nidulus autem ille seu lectulus floridus non alius est, quàm apertum Sacr. COR JESU. Ita devotiss. Ludovic. Blosius: *No-*
bis, inquit, præbet COR suum ceu lectulum purpurei Sanguinis sui
rubentibus rosis adornatum, reposcitque cor nostrum ceu lectulum
candidis mundorum operum liliis condecoratum. In huuc finem pro Symbolo Phœnicem statuimus in spinoso, odorifero, & ignito suo lectulo suaviter expirantem inscripto lemmate:

Hîc mihi dulce mori.

En pulcherrimum hominis Christiani, Deum verè amantis, & in dulcissimo CORDE JESU Crucifixi morientis, typum! ubi enim, si totum mundum pertransis, suaviùs vivere, ac securiùs mori poteris, quàm in hoc diviniss. CORDE JESU? *Non poteris fato nobiliore frui*. Unde Job: *Dicebamque, in nidulo meo moriar, & sicut palma multiplicabo dies*. Ecce, sic moritur justus! O beata mors! O felix fors! Quis hîc non exclamet cum Sponsa: *Ecce, tu pulcher es, Dilecte mi, & decorus: lectulus noster floridus*. O verè floridus lectulus SS. COR JESU, omnium virtutum floribus condecoratum, ex quo denuo, velut ex fonte vitæ reflorescet caro nostra, & requiescet in spe: *Refloruit caro mea, & ex voluntate mea confitebor ei*.

2. Verùm ut hujus diviniss. CORDIS JESu immensam benignitatem, præsertim in infirmos ac morientes largissimè effusam, adhuc clariùs valeatis penetrare, ad id amabò attendite, quod referam. Dilectus ille Discipulus, & Verbi Incarnati intimus Secretarius, qui ex SS. CORDE JESu fluenta Evangelii sui hausit, & cui in cruce moriens Dei Filius moestissimam Matrem suam impensè commendavit, hic, inquam dilectus Domini Discipulus, cùm sub cruce fideliter usque ad mortem Magistri sui divini perseverasset, tandem circa horam diei nonam advertit, quòd pretiosiss. orbis Redemptor morte jam jam instante sacrum caput suum versùs terram inclinaret, & sic inclinato ac demisso capite innocentiss. animam in manus Patris sui commendaret: *Et inclinato capite tradidit spiritum.* Grande hìc latet mysterium. Et cur benignus Dominus non in cœlum ultimo crucis agone in duriss. lectulo suo moriens oculos levavit? Ad quid terram respexit? De S. Stephano perhibent Apostolorum Acta, quòd in medio crepitantium saxorum imbre, imminente morte, oculos in cœlum intenderit. Sic S. Petrus Romæ inverso corpore cruci affigi voluit, ut in cœlum, quò anima nunc pergeret, oculos posset levare. Ita S. Martinus jugiter in agone cœlum suspexit, & pia illa Mater à S. Symphoriano filio suo. cùm ad lanienam ac martyrium duceretur, unicè flagitavit, ut cœlum suspiceret, & ibidem regnantem intueretur. Verùm Christus Author vitæ nunc moriens in cruce Caput suum spinis redimitum versùs terram inclinare voluit: *Et inclinato capite tradidit spiritum.* Et cur hoc? Attendite ô mortales omnes! *& levate capita vestra, quoniam appropinquat redemptio vestra.*

Jo. 19, 30.

Act. 7, 55

Luc. 21, 28.

Habac. 3, 5.

Omissis aliis ac pluribus SS. Patrum rationibus, cur mitiss. JESus in crucis patibulo moriens caput versùs terram inclinaverit, placet comprimis S. Athanasius, qui optimè observat, quod tunc in agone Christi mors (de qua Habacuc: *Ante faciem ejus ibit mors.*) in Calvariæ jugo jam parata steterit, arcum suum intendens, & telum lethiferum ad SS. COR JESu, velut ad vitæ fontem dirigens. Sed ipsa mors, cùm videret innocentiss. Agnum absque ullo peccato (*quia*

- Rom. 5.* per peccatum mors) non ausa est propius ad agonizantem JESUM accedere, ut huic Authori vitæ vitam adimeret, proinde à moriente Salvatore aliquod signum expectavit, qui illi de cruce inclinato capite & ad sacratiss. Pectus demisso annuit, ut nunc ad vitæ fontem, hoc est, ad diviniss. COR suum mortiferam sagittam emitteret; se enim paratum esse pro redemptione generis humani etiam nunc mortem subire: *Sola mors*, ait S. Athanasius, *restabat adhuc, atque*
- S. Athan. lib. Dicta & Interp. S. Script. 9. 41. Mallon. de Sacra Sindone c. 20. Revel. S. Brigitt. c. 51. lib. 1. Rev c. 10.* *hæc quidem sibi metuens, appropinquare non audebat, ideo Christus inclinato capite vocavit ipsam &c.* Et Mallonius: *Inclinato capite Christus omnes sui corporis partes lustrat, an aliqua sit pars, quæ passa non esset, vidit latus dextrum, quod non ita passum videbatur, & vulneri locum elegit, ut COR feriat. Et ecce! vix mors fatale telum emiserat, sine mora SS. COR JESU, præ doloris vehementia crepuit, ita B. Virgo ad S. Brigittam: Tandem COR crepuit præ violentia passionis & anima egrediebatur.* Et in alio loco eadem dolorosiss. Virgo S. Brigittæ dixit: *Appropinquante autem morte Filii mei, cum Cor præ dolorum violentia rumperetur.* Et quemadmodum in subito & gravi terrore experimur, quod sanguis copiose ad cor patiens fluere soleat, quasi illi ferre supetias vellet, sic in luctuosissimo illo Salvatoris agone reliquus sanguis ad SS. COR JESU nunc per mortem scissum confluebat, & quia etiam hunc sanguinem amor pro nobis effundi voluit, ideo militem evocavit, qui lanceâ latus ejus, ipsûmque dulciss. COR JESU aperuit, *ut illic quodammodo* (ut loquitur S. Aug.) *vitæ ostium panderetur, in quo SS. CORDE, velut in purpureo lectulo fideles omnes & securè contra tentationes vivere, & beatè mori possent. O felicissimam sortem in hoc amantiss. CORDE JESU posse subire mortem, juxta exemplar B. V. Mariæ, de qua refert Laur. Moselli, quod hoc diviniss. COR JESU Filii sui beatiss. animam suam expirârit.*
- S. Aug. 17. 120. in Joan. Laurent. Moselli lib. 6. de B. V.* 3. De Moyse referunt S. Paginæ, quàm ardens habuerit desiderium, Div. illam faciem, gloriâque Domini videndi: *Ostende mihi gloriam tuam.* Tandem votorum compos factus in Montem Sinai se recepit, ubi à Deo jussus est, interim in cavitare seu in foramine

ne petrae expectare, donec Majestas Domini transfret. Audi ipsum Deum loquentem: *Ecce, inquit, est locus apud me, & stabis supra petram, cumque transibit gloria mea, ponam te in foramine petrae, & protegam dextram meam, donec transeam, tollamque manum meam, & videbis posteriora mea, faciem autem meam videre non poteris.* Ad quid, obsecro, Moyses in foramine petrae absconditus fuit, ubi gloriam Dei per rimas videre cupiebat? Per petram Christum intellige. *Petra autem erat Christus*: per cavernam petrae, ubi Moyses ab omni periculo securus & à manu divina protectus latitabat, ne à vibrantibus divinæ faciei splendoribus exanimaretur, rectè perforatum latus ac SS. COR JESU accipies, quod est omnibus fidelibus piè in Christo morientibus tutiss. assylum: ita S. Augustinus: *Longinus aperuit mihi Latus Christilanceam, & ego intravi, & ibi requiesco securus.* Per posteriora Domini, quæ Moyses solùm vidit, teste Ferdinando, dorsum Christi cruentis flagellis cæsum, vulneribus faucium, ac gravissimam crucis trabe oneratum indicatur, quem immensum passionis & divini in nos amoris excessum ubi Moyses tum adhuc in umbra vidit, præ admiratione, cum transfret Dominus, exclamavit. *Dominator Domine, Deus misericors & clemens, patiens & multæ miserationis &c.* O anima Christiana, si vis pariter post hunc mortalis vitæ cursum cum Moyse videre faciem & gloriam Domini Dei tui, prius oportet posteriora, hoc est, passionem Domini intueri, in quem finem *ingredere in petram, & abscondere in fossa humo à facie timoris Domini, & gloria Majestatis ejus.* Fossa autem illa humus non alia est, quàm SS. Latus & COR JESU Filii DEI & Hominis pro nobis ferro transfixum; ama, inquam, nunc in vita dum sanus es, hoc SS. ac Diviniss. COR JESU, quod tunc in ultima infirmitate ac supremo agone tuo te à facie timoris Domini non tantum proteget, sed & Judicem tuum reddet placabilem. Audi Beatum Petrum Damianum: *Pectus illud, inquit, in quo sunt omnes thesauri sapientiæ & scientiæ Dei absconditi, lanceam militari perforatum est, ut pectus tuum à pravis cogitationibus mundaretur, mundatum sanctificaretur, conservaretur, & consecraretur sanctificatū.*

Exod. 33.
21.1. Cor. 10
5.S. Aug.
Man. c.
23.

Isa. 2. 10.

B. Petrus
Dam. ser.
1. de Ex.
alt, S. C.

4. A veteri rursus ad novum transeamus Testamentum. Accessit

Matth.
19, 24.

aliquando nescio, quis locuples & bene nummatus adolescens nostrum amantiss. Servatorem, ut in via salutis æternæ necessaria ab illo monita caperet, ad quem Christus: *Si vis, inquit perfectus esse, vade, vende omnia, quæ habes, & da pauperibus, & habebis thesaurum in cælo.* Non adeo bene hic sermo auribus hujus divitis exceptus est, dum sine mora inconsultis arbitris domum viam suam relegit, & tristis ac perturbatus, multisque inanibus curis intricatus, à Christo recessit: *Erat enim habens multas possessiones.* Et ecce dum moestus discessit, Jesus ab illius tristitia accepta occasione, ad Discipulos aliosque astantes conversus, gravem illi ac planè tremendam sententiam intonat: *Amen dico vobis, quia dives difficile intrabit in regnum cælorum.* Et ut magis adhuc istam Exangelicam veritatem exaggeraret, & auribus circumstantium, imò & mentibus efficaciter imprimeret, pro singulari verborum pondere addidit: *Iterum dico vobis, facilius est, camelum per foramen acûs transire, quàm divitem intrare in regnum cælorum.* O Bone Jesu quid dicis? cur divitibus omnem propemodum spem salutis consequendæ irrefragabili veritate præscindis? An non Abraham dives erat valde in possessione auri & argenti? an non dives David, Job, Joseph ab Arimathæa, plures alii, & tamen hi æternam salutem consecuti sunt, & de terrenis ad æternas pervenerunt divitias? O divites ululate & plorate, quia os Domini locutum est: *Agite nunc divites, subintrat hîc S. Jacobus Apostolus, plorate ululantes in miseriis vestris, quæ advenient vobis, divitiæ vestræ putrefactæ sunt &c.* Suspende hîc judicium prudens Lector, & si dives es, noli terreri, noli desperare, en adhuc remedium & spes planè firma superest tuæ salutis. Adverte: hoc difficilè juxta S. Hieronymum, non sumendum est *ut impossibile; non enim impossibilitas prætenditur, sed raritas demonstratur.* Potest itaque dives salvari, sed quomodo? si hic arrogans camelus superfluum suum divitiarum gibbum ac sarcinam in manns pauperum deponit, & intrare studet per foramen acûs, & quondam illud foramen acûs? *14. S. Paschasius: Acus Christus Jesus & hic Crucifixus est; per acumen acûs divinitas ejus adumbrata fuit, omnia penetans, omnia post se trahens: Et ego si exaltatus fuero à terra,*
omnia

Gen. 13, 2
1. Par.
22, 14.
Job. 1, 3.
Jacob. 5,
1.

S. Hieron.
apud Cor
nel. hîc
in Matth.
19, 24.

Joan. 12,
32.

omnia traham ad me ipsum : per oblongum acûs foramen rectè intelligitur SS. Vulnus laterale ac SS. COR JESU lanceâ transverberatum. Et sicut foramen acûs filum etiam crassum vi quodammodo secum trahere assolet, ita dives, si introierit per veram peccatorum confessionem ac pœnitentiam in SS. COR JESU Crucifixi paucis dico : *Salvabitur* : non enim amabiliss. COR JESU animæ nostræ interitum sed vitam inquirat. *Cujus Divinitas*, ait citatus S. Paschasius, *penetrat omnia & humanitas, quia passa est, trahit post se omnia, per quod vulnus passionis* (hoc est per SS. COR JESU vulneratum) *gentes ingressæ sunt in vitam æternam.*

S. Pasch.
cit, à p.
Mancino
l. 5. diff.
2. punct. 3

5. Olim amicus ille amico suo de media nocte fores domûs pulsanti, & tres ab eo panes impensè flagitanti respondit: *Noli mihi molestus esse jam ostium clausum est.* Non sic amantissimus JESUS & Eucharisticus & Crucifixus, non sic, inquam, sed ostium, hoc est, SS. ac divinissimum COR ejus semper suis amicis imò & inimicis. qui cum graviter peccatis vulnerârunt, apertum manet. O immensa bonitas ! Principes hujus sæculi suas ante ostia habent custodias, ne quis pauperculus cum sua supplicatione statim ad eos possit irrumperere. Non sic SS. COR JESU, non sic, en habes ad illud liberum accessum in vita, in ægritudine, & in morte, *Estote ergo parati in diem tertium*, dicebat olim Moyses ad Israëlitas, ubi inter tonitrua & fulmina legem Dei acceperat. Hoc & ego vobis dico ô mortales ! ô Christiani ! ô Catholici ! *Estote parati in diem tertium* : tres enim adhuc vitæ dies habetis, in quibus oportet vos operari, illum, in quo nunc vivitis (imò & de hoc incertum est), diem infirmitatis, & diem mortis, hoc est, principium, medium, & finem. Disponite igitur domui vestræ, & ejusmodi mansionem quærite, in qua æternùm securi stabitis, hoc est, dulcissimum & nunquam satis venerandum COR JESU : *Ut sim tutus*, ait devotissimus ille Asceta P. Jo. Weyer S. I. Theologus in suo Filio Adoptivo, *ut sim tutus*, inquit, *imposterum contra omnes tentationes, intro in Latus tuum Domine JESU, quod lanceâ militis mihi aperuit amor tuus in refugium.* *Hic habitabo, hic requiescam securus, hic singulariter in spe constituisti me, En hic habes cum Phœnice amoris Divini nidum.*

Luc. II.
7.

Exod. 19.
15.

Jo Weyer
de Fil.
adopt. 10.
2. l. 1. cap.
3.

Nil. Mist.
p. 1. Ex.
hort. 12.
in fine.

6. Veritatem hanc per exempla adhuc magis solidabimus. Experto crede Roberto Eminentissimo illi S. R. E. Cardinali Bellarmino, qui, sicut in vita sua nihil charius habuit quàm JESUM Crucifixum, sic etiam in agone erga hunc suum Crucifixum Amorem planè singularem affectum ostendit, dum tremebunda manu sibi pileolum detraxit, & Crucifixo Simulacro caput suum iterum iterumque consignando, illud supra pectus & cor suum collocavit, ut COR JESU Cor suum evocaret, & in amore in æternum sibi uniret, sicque suavissimè in osculo Domini Cor ejus expiravit.

Idem p. 4.
Exh. 10.

V. P. Alphonsus Esquiera S. I. Vir singulari sanctimonia præditus, cum sæpius ardentissimis votis ac precibus à Crucifixo JESU per intercessionem Dolorosæ Matris ejus postulâset, quatenus Cor suum sibi adimeret, ac cum Divinissimo CORDE suo uniret, tandem ante obitum vitæ suæ impetravit, quod petiit, dum sensit à B. Virgine Cor suum extrahi, illudque in apertum Latus Crucifixi Redemptoris sui reponi, & sic COR JESU ac Cor suum penitus invicem uniri. O felix unio!

Lopez. to.
4. l. 1. c.
45.

His adjungo Joannem de Cespedes ex Ordine S. Dominici, piissimam Sanctimoniam & insignem Crucifixi JESU cultricem, quæ cum illi in ultima lucta effigies Christi in Cruce pendentis præsentaretur, maximo, quo potuit, mentis affectu Christum rogare cœpit, quatenus sibi ex sacratissimo CORDE suo unicam pretiosi Sanguinis stillulam ad condignam delictorum expiationem & satisfactionem dignaretur largiri. O immensa bonitas amabilissimi CORDIS JESU! vix preces finierat; palàm visa est una divini Cruoris gutta ex Vulnere amoris & lateris JESU recto cursu in pectus hujus Virginis delabi &c. Nec minori admiratione illud dignum est, quod de Ven. Maria Maldonata ex eodem sacro Ordine recenset Lopezius, quæ, cum in hora mortis exhaustis membrorum viribus vehentissimam sitim pateretur, Crucifixum Dominum impensius rogavit,

Lopez. to.
4. l. 1. c.
46.

ut vel unicâ sanguinis gutta de SS. Latere & perforato CORDE os suum aridum reficeret. Ad quod Christus Dominus refulsis de ligno crucis manibus sacratissimum suum latus labiis illius applicuit, & haustum de sanguine & aqua ex fonte SS. CORDIS sui promanantibus, illi præbuit, quo accepto, læta animam suam in SS. COR JESU expiravit.

Annal.
Eccl.
Raym. to.
13. anno
1216. n.
24.

Considerationem nostram claudat devotus quidam Dei Servus in Terram Sanctam peregrinatus, qui, ubi omnia sacra loca, Christi præsentia aut sanguine sanctificata magna cum devotione & lacrymis visitâset, tandem cum ad Calvariam rupem pervenisset, ubi mitissimus Redemptor noster in cruce pro salute mundi animam in manus Patris commendavit, eique in suavitatem odoris holocaustum SS. CORDIS sui igne amoris totum cum clamore valido & lacrymis obtulit, noluit hic Beatus ulterius in terra vivere, sed similem mortem à Crucifixo JESU petens, ruptis vitalibus cordis venis ad radices crucis sanctissimâ morte expiravit. O quàm dulce est, si mori, ô quàm dulce! Et quomodo tu, ô pie Lector, expirabis.

CON-



CONSIDERATIO XLVIII.

SS. COR JESU Spes summa animarum purgantium, idcirco post mortem aperiri voluit, ut mortuum mortuis prodesset.



In sanguine testamenti tui emisisti vinctos tuos de lacu. Zach. 9, 11.

I. QUòd Purgatorium fit, seu locus coetum inter & infernum medius, in quo animæ justorum, in hac vita non plenè purgatæ, post vitam istam mortalem adhuc ad tempus, antequam ad claram Dei visionem admittantur, purgari soleant, apud Catholicos extra controversiam, imò & de fide est. Hunc ignem purgantem juxta S. Ambrosium, Rupertum, & alios præsignavit ille gladius ignitus atque versatilis ante paradisi portam post lapsum Adami cum custode Cherubino collocatus, ut animæ necdum satis in hac mortali vita purgatæ, post mortem per illum ignem transeant, & sic per Cherubim in paradisum educantur: *Et collo-*

Cornel.
hic in lib.
Gen. 3.
24.

Matth.
1, 25.

Matth.
12, 32.

Apoc. 21.
27.
Matth.
25, 4.

cavit ante paradisum voluptatis Cherubim & flammeum gladium. Hinc poenarum locum præfiguravit carcer ille, de quo ipsa Veritas testatur, & nos præmonet, ut in hac vita, dum locus adhuc est misericordiæ, pro peccatis nostris satisfaciamus, ne aliàs post hanc vitam in illum carcerem mittamur, ubi ad ultimum usque quadrantem & minutissima quæque peccata erit satisfaciendum: *Amen dico tibi, non ex ibis inde, donec reddas novissimum quadrantem.* Eundem purgatorii ignem in alio quoque loco insinuavit Christus: *Qui autem dixerit contra Spiritum S. non remittetur ei neque in hoc sæculo, neque in futuro.* Ubi manifestè supponitur, quòd peccata aliqua etiam in futuro sæculo quòd ad poenam temporalem remittantur: sed non hoc fit in coelo, in quod nihil coinquinatum poterit intrare, neque in inferno, quia ibi nulla est redemptio. Ergo dari debet locus tertius, seu purgatorium, in quo post mortem pro poenis peccatorum, in hac vita non solutis, satisfaciendum est.

2. Hac veritate præmissâ quæritur, quodnam optimum inter omnia sit remedium, quo animabus illis, poenam damni & sensus luentibus, possimus in hac vita succurrere? Judas Machabæus, heros invictissimus pro defunctis illis, qui in bello pro religione suscepto ceciderant, pretiosum Sacrificium Jerosolymis offerri voluit: *Et factâ collatione duodecim millia drachmas argenti misit Jerosolymam, offerri pro peccatis mortuorum sacrificium.* Verùm inter omnia sacrificia longè præstantissimum est SS. ac diviniss. COR JESU, si illud in missa aut in sacra Communione Patri æterno pro peccatis mortuorum, adhuc in igne purgante luentium, offerimus, unde ipse mitissimus Redemptor JESUS, postquam consummatâ passione jam in Cruce expiraverat, COR quoque suum immitti Longini ferro objecit, ut ex illo ultimam sanguinis stillam in solamen & levamen illarum purgantium animarum expenderet: *Unus militum lanceâ latus ejus aperuit, & continuo exiit sanguis & aqua,* & hoc, ut pulcherrimè observat Os illud aureum, *in animarum præsidium purgantium, ut sic mortuus mortuis prodesset, cui veritati quoque subscribit S. Chrysologus. De Latere, ait, fundit, aquam*

Jo. 19.
34.
S. Chrys.
S. Chrys.
serm. 132

aquam, ut paradisi viam temperet, ignem ex parte Sanctorum extinguat inferni, totum chyrographum debiti diluat & solvat antiquum, &c. Collige ex hoc, Anima Christiana! planè infinitum amorem SS. CORDIS JEsu Crucifixi, quem neque mors extinguere, neque flumina passionis obruere poterant.

3. Figuram de hac veritate habemus in Agno illo immaculato, ex DEI mandato in exitu Israël de Ægypto ab universa multitudo populi immolato, de cujus calido sanguine Hebræorum postes & superliminaria in cunctis ædibus per modum Crucis aspergebantur, ne Angelus transiens, ac percutiens Ægyptios, plagam aliquam inhabitantibus Hebræis posset inferre: *Et sument de sanguine ejus Exod. 12. & ponent super utrumque postem, &c.* Si sanguis hujus Agni occisi ædes Hebræorum à plaga conservavit immunes, quid non fecit, ac facere potuit cruor ille divinus ac pretiosissimus cum unda purissima ex sacratissimo fonte diviniss. CORDIS JEsu in ara Crucis ad salutem & solamen piè defunctorum promanans? *Quanto magis Hebr. 9. sanguis Christi, subinfert Apostolus, qui per Spiritum S. semetipsum 14. obtulit immaculatum Deo, emundabit conscientiam nostram ab operibus mortuis?* In hunc finem pro clypeo Emblematis nostri *Apoc. 5, 8.* Agnum illum divinum, quem quondam S. Joannes stantem & occisum spectaverat, statuere placuit, de cujus transfixo & aperto corde fons vivus sanguinis & undæ promanat in solamen purgantium animarum, cui symbolo pro lemmate inscribimus.

Purgantes temperat ignes.

4. De luctuoso Civitatis Jerosolymitanæ excidio perhibent Scriptores, quòd tanta humani sanguinis copia per Romanos milites victores effusa fuerit, ut ad instar rivulorum ille ex occisorum corporibus in valles platearum conflueret, & tum milites, tum equi usque ad genua per hæc cruenta vada incederent. Cùm exinde per milites ingens incendium in variis urbis partibus, ac præsertim in sumptuosissimo illo Templo exoriretur, horrendum dictu! plures ex defectu aquæ, humano ille sanguine collectio populatrices flammæ conabantur extinguere.

Flav Jof. de bello Judaico lib. 7. 6. 16.

O luctuosissimam rerum faciem! quis unquam audivit tale, aut huic vidit simile, quòd humano sanguine sævum incendium extingueretur? Verumenimverò alium vobis, O mortales! ostendo sanguinem, longè isto puriorem, quia de Virgine assumptus est; longè isto sanctiorem, quia ab Agno DEI immaculato effusus, & pro omnium salute in ara crucis oblatus est, & etiamnum in SS. Eucharistico Sacrificio pro salute vivorum & mortuorum offertur. Hunc, inquam, O mortales! innocentissimum Crucifixi Redemptoris vestri cruorem & aquam ex ipso vivo SS. CORDIS fonte profluentem sumite, & incendium ac flamas, in quibus purgantes cremantur animæ, extinguite, non enim efficacius illis remedium per modum suffragii applicari potest. quàm participatio sacrosancti sanguinis JEsu: *In sanguine Testamenti tui emisisti vinctos tuos de lacu*, quæ verba Aloysius Novarinus pulchrè de animarum liberatione è purgantibus flammis exponit &c.

Zach, 9,
11.

Et quemadmodum illi, qui ante obitum suum Testamentum condere solent, res quasdam præstantiores, ut gemmas, uniones, margaritas, annulos aureos, & similia pretiosa, quæ optimo suo amico, aut amantissimo filio, vel filiæ in singulare amoris pignus legare volunt, dum vivunt interim in aliquo scrinio aut cistula abscondunt, ne statim in reliquorum hæredum oculos incurrant, ut exinde post mortem talis hæres, ubi legatam sibi cistam referat, ob inventum prædivitem & insperatum testatoris thesaurum singulari gaudio afficiatur, & vel ex hoc amorem hujus defuncti sui benefactoris grato animo agnoscat.

Sic mitissimus JEsus postquam in Cruce testamentum suum complevit, crucifixoribus vestes, peccatoribus veniam, latroni paradisum. Joanni Matrem, & Ecclesiæ suæ SS. Vulnera, crucem ac immensum sanguinis, meritorumque suorum thesaurum legans, tandem post mortem Arcam pretiosissimam divini Pectoris sui lanceâ Longini, quasi ferreâ clave referari voluit, ubi absconditus, ultimus, optimus, ac longè pretiosissimus omnium thesaurus, super omnes gemmas, aurum & argentum infinities æstimabilis, dulciss.

COR-

COR Jesu adhuc latebat; hunc, inquam, summum thesaurum dilectissimis & intimis suis amicis, ac præsertim etiam illis misellis & in igne purgante luentibus animabus in maximam solamen in ultimo suo testamento legavit, ut sic vivis atque defunctis prodesset, & copiosior apud eum esset redemptio. Imò non suffecit hoc Divino Amori Sacratissimi CORDIS Jesu, sed etiam post mortem usque ad infernum, hoc est, ad limbum Patrum, & animarum purgatorium ipse descendere voluit, ut illis universale jubilæum intimaret, & ad coelestia æternæque regna unà secum transferret: *Mul- ti probabiliter censent*, ait Cornelius à Lapide, *Christum omnibus animabus in purgatorio existentibus suo ad eos desensu dedisse primum plenūque jubilæum, omnesque à pœnis liberasse, & secum ad cœlum in triumphum duxisse.* O imensum amorem SS. CORDIS Jesu! in quo S. Mechtildis aliquando vidit, dilectas Deo & B. Virgini inhabitare animas, *ut in illo fonte omnem amaritudinem suam dulcem redderent.*

Cornel. in Eccli. c. 24. v. 25.

Nadas. in An. Cœl. 8. Sept.

5. Nota est illa piscina Probatica, de qua S. Joannes commemorat, quòd sub ejusdem quinque porticibus multitudo magna languentium, cœcorum, claudorum, & aridorum, velut in publico xenodochio jacuerit. Cujus rei causam assignat Scriptura, *quia Angelus Domini secundum tempus descendebat in piscinam, & movebatur aqua, & qui primus descendisset in piscinam, sanus fiebat à quacunque detinebatur infirmitate.* Unde, quæso, hæc aqua piscinæ, quæ in medio urbis Hierosolymitanæ ovibus in Sacrificium DEO offerendis pro lavacro serviebat, hanc in solitam & prorsus mirandam virtutem obtinuit, ut ad Angeli motum quoscunque sanaret ægrotos? res stupenda, & consideratione digna! Respondet Magister Historiarum & alii, quòd in hac piscina lignum illud reconditum fuerit, ex quo Servatori nostro Crux fabricata est, ex cujus attactu aquæ piscinæ tam salutiferæ factæ sunt ad quoslibet morbos sanandos. Quidquid sit hac de re, aliud mysterium inquirō Addit Ludolphus Carthusianus, prædictas aquas fontanas semper apparuisse rubricatas ob copiosum sanguinem victimatum, qui

Jo. 5, 3.

Magister Hist. in Hist. Ev. c. 21.

Ludovic. Carthuf.

S. Anton.
Pad. in
hunc loc.
Fo. 5.

per occultos canales ex jugulatione & oblatione holocaustorum, in atrio templi immolatorum, ad eandem piscinam probaticam defluebat. S. Antonius Paduanus per eandem piscinam SS. Christi passionem, & per quinque ejus porticus quinque SS. Vulnera Redemptoris nostri intelligit, in quibus omnes infirmæ animæ securè vivere, & tutò possunt quiescere: *Piscina, inquit, & passio Christi: porticus quinque vulnera ejus &c.* Pulchrè hæc omnia. Sed si rem attentiori intellectûs oculo inspiciamus, per eandem piscinam probaticam eleganter & fructuosè Sacratissimum ac Divinissimum COR Jesu adumbratum fuit. Erat hæc piscina in medio civitatis: COR Jesu est in medio non tam sui corporis, quàm & mystici corporis Ecclesiæ, à quo omnia membra vitam, influxum ac vigorem suum participant. Piscina illa, prout volunt Interpretes, à Sapientissimo Salomone exstructa fuit; SS. COR Jesu à Sapientissimo Architecto Spiritu Sancto formatum est. In illa piscina fluebat fons aquæ & sanguinis: & nunquid SS. COR Jesu manavit unda & sanguine? Lavabantur autem & Sacerdotes sacrificaturi & oves offerendæ in illa piscina per hanc mysticam piscinam SS. CORDIS Jesu omnes à peccatorum fordibus in Baptismo & poenitentia abluti sumus: *qui dilexit nos, & lavit nos à peccatis nostris in sanguine suo.* In dicta piscina ad Angeli descensum & aquæ motum unus tantum sanabatur; sed in hac piscina mystica SS. CORDIS Jesu omnes, quicunque volunt, poterunt sanari. In illa denique piscina lignum crucis erat absconditum. O anima Christiana, vide & contemplantur SS. COR Jesu super Tabernaculum SS. Sacramenti hîc expositum, & in medio ejus pariter crucem implanatam cernes. Jam non minor ampliùs, quod memorata piscina Probatica a deo miseris mortalibus salutaris fuerit, & tanta semper multitudo cœcorum, claudorum, aridorum, diversisque morborum generibus laborantium ibidem aquæ motum expectârît, per quam calamitosam languentium & expectantium hominum turmam rectè devotissimus Quaresmius animas in igne purgatorii existentes intelligit, quæ nil aliud expectant, quàm Magnum illum consilii Angelum, Christum

Quares.
to. 4. l. 2.
c. 2. sect.
3.

Christum Jesum & hunc Crucifixum, ut denuo hanc saluberrimam Piscinam Sacrosancti Sanguinis & aquæ in SS. CORDE suo moveat, *Levit. 17*
 & sic *sanguis ejus pro animæ piaculo sit*, & vos, ô Christiani descen- *11.*
 dite pariter in hanc mysticam piscinam, & movete sanguinem &
 aquam SS. CORDIS Jesu in Sacratissima Synaxi. En expectant lan-
 guentes & misellæ animæ cum noto illo Paralytico jam fortasse ultra
 38. annos ibidem in flammante stagno vestrum auxilium. O quot
 animæ etiamnum clamant: *Hominem non habeo!* Audite S. Anti- *S. Aug.*
 stitem Hipponensem: *Clamant quotidie, qui jacent in tormentis,* *serm. 44.*
clamant, & pauci sunt, qui respondeant. *ad Erem.*

6. Moveat vos ô Christiani ad ferendam animabus purgantibus *Matth.*
 opem amabilissimum COR Jesu, quod ideo triginta argenteis ab *26, 15.*
 impio Iscariothe in mortem vendi voluit: *Ad illi constituerunt ei*
triginta argenteos, ut pro hac pecunia ille sanguinis pro sepultura
 peregrinorum coëmeretur in subsidium & solatium animarum pur-
 gantium: *Iste locus*, ait S. Vincentius, *dicitur etiam sepulchrum a-* *S. Vinc.*
nimarum; emerunt ex illis agrum figuli in sepulchrum peregrinorum, *Ferr. ser.*
id est, purgantium. Moveat vos ad hanc charitatem miseris istis *2. in die*
 animabus ferendam idem dulcissimum COR Jesu tertio in mon- *animar.*
 te Olivario ad Patrem orans, ubi observandum, quòd in tertia
 illa oratione, quasi rupto Sacratiss. CORDIS fonte, copiosissimum
 sanguinem ex omnibus corporis poris sudaverit: *Et factus est su-* *Luc. 22.*
dor ejus sicut guttæ sanguinis decurrentis in terram. Et cur obse- *24,*
 cro in tertia oratione sanguinem sudavit? cur non in prima aut se-
 cunda? Respondet S. Augustinus, quòd SS. COR Jesu primas ibi *S. Aug. 1.*
 preces obtulerit pro omnibus in peccato lethali existentibus, ut ab *de cura*
 eo liberarentur, & viverent Secundas Deo Patri præsentârit pro *pro mor-*
 omnibus Justis ut in bono & in gratia Dei perseverarent. Tercias *tuis a-*
 preces fuderit pro animabus in purgatoriis flaminis luentibus, ut *genda.*
 è loco poenarum misericorditer erutæ, ad æternam pervenirent *Vide*
 felicitatem. Et in hac tertia oratione (quod singulariter notandum) *Quares.*
 effusum est afflictissimum COR Jesu in sanguineum imbrem: *to. 4. de*
Factus est sudor ejus sicut guttæ sanguinis &c. O pientissime Jesu quid *SS. Vul.*
 agis? *Christi*
apud me
f. 314.

agis? totum corporis, sanguinis, & vitæ tuæ pretium imò & supremam cruoris & undæ guttam ex fonte SS. CORDIS tui ad solamen & levamen animarum purgantium exponis? Et nos ingrati pro illis animabus quid facimus? Heu nos desides; Imitamur sanè ingratum illum Pinceram, cui Joseph in carcere multa bona præstitit, eique liberationem proximam prædixit, à quo, cùm unam

Gen. 40. gratiam flagitaret: *Tantum memento mei, cùm tibi bene fuerit, & facias mecum*

14. *misericordiam*, turpem repulsam & oblivionem tulit: *O quàm grandis crude-*

S. Aug. *litas & inhumanitas*, ait S. Augustinus, *clamant ad nos quotidie, qui dum vixe-*

serm. 44. *runt, multa mala pro nobis sustinere voluerunt, nec eis subvenire curamus?*

ad Erem. 7. Ex quibus hætenus adductis argumentis abunde patet, quòd in verita-

te nil magis purgantes flammæ temperet, quàm divinus ille fons SS. COR-

DIS Jesu. O beatæ illæ animæ, quæ stolas suas lavare possunt in Sanguine hu-

jus Agni; olim in expugnatione Jericho funiculus ille coccineus e fenestra su-

spensus totæ familiæ Rahab signum salutis fuit, per quem ab interitu tota domus

Jos. 2, conservata est: *At illa appendit funiculum coccineum in fenestra.*

21. Funiculus hic coccineus juxta S. Hieronymum pretiosus ille sanguis est,

S. Hier. è fenestra aperta Sacratissimi CORDIS & Lateris Jesu in salutem vivorum

ad Nepot. & mortuorum promanans: *Offeritur enim*, ait S. Thomas Aquinas, *in Eccle-*

c. 3. *sia pro vivis & mortuis, ut omnibus prosit, quod est pro salute omnium institutum.*

S. Thom. Et sicut pluvia salubris languentes herbulas & flores, calore solis exustos mi-

in opusc. re recreat & reficit, sic sanguis Jesu Eucharistici & Crucifixi mirè purgantes

57. flammæ temperat: *Ego dedi illum vobis, ut super altare in eo expietis pro ani-*

Levit. 17. *mabus vestris, & sanguis pro animæ piaculo sit.*

11. Coronidem huic considerationi brevis historia imponat. B. Henricus Su-

Alexis de so cum fratre suo pium quoddam pactum inierat, quòd post illius obitum

Salo par. singulis feriis sextis per annum sacrum de Passione Domini (ubi singulari-

2. de pur. ter de transfixione SS. Lateris & CORDIS Jesu Crucifixi agitur) pro sa-

6. 9. lute defuncti vellet offerre; qui cum paulò post hoc pactum ex incuria

aliqua omitteret, dictus B. Henricus ab anima defuncti fratris ob non ser-

vatam fidem graviter increpatus est. Excusabat se quidem Henricus, quòd

alias preces & intentiones pro illius salute sæpius obtulisset, cui anima de-

functi claris vicissim verbis hæc reposuit: *Sanguinem, sanguinem peto ac sitio:*

ubi sunt illa missæ de passione cruenta Domini ejusque Vulneribus, quæ effica-

cissimum sunt remedium nobis animabus opitulandi? Quæ sacra ubi B. Henri-

cus persolvit, animam fratris ad cælum transmisit. Agite! succurramus & nos

& si illæ animæ decem millia talenta adhuc Domino suo debent, en æra-

rium divinum, SS. COR Jesu apertum est, ex quo lytrum

pro illis possumus exsolvere &c.

CON-



CONSIDERATIO XLIX.

SS. COR Jesu justitia ac piis in judicio summum solatium, injustis
verò, qui per illud intrare noluerunt, summus terror erit.



*Ecce, venit cum nubibus, & videbit eum omnis oculus, & qui
eum pupugerunt. Apoc. 1, 7.*

1. **Q**Uam prodigiosa fuerit illa columna nubis & ignis, quæ
quondam Israëlitas sicco pede per mare rubrum, & ex-
inde per desertum in terram promissionis traduxit, ex eo
liquet, quòd huic populo electo Dei non tam optatam de nocte lu-
cem, quàm & in æstu Solis placidissimam umbram subministrârit;
quæ columna è contrario insequentes hostes Ægyptios non tan-
tùm obcoecavit, sed & fulmine ac fulgure cum Pharaone univer-
sum exercitum incredibili strage subvertit, ac in profundum maris
demersit: *Et respiciens Dominus supra castra Ægyptiorum per co-* *Exod. 14,*
lumnâ *24.*

lumnam nubis & ignis, interfecit exercitum eorum, & subvertit rotas curruum, ferebanturque in profundum.

*Innocent.
Pont. in.
lib. de
mis. con-
ditionis
humane.*

Talis rerum facies in universali judicio, & secundum mentem Innocentii Pont. etiam in particulari repræsentabitur, ubi SS. ac divinis. COR JESU, tanquam vera illa columna nubis & ignis (nubis, inquam, propter humanitatem, & ignis propter divinitatem) piis, justis, ac rectis corde erit in umbraculum ab æstu gehennæ, & in signum resurrectionis: impiis verò ac sceleratis in ruinam perpetuam: unde lemma: *Illuminat, & obscurat.* Vel:

Lux recto, fatumque nocenti.

*Luc. 2,
34.
Zach. 12,
10.*

Et hoc est, quod prædixit ille Simeon à Spiritu S. illuminatus *Positus est hic in ruinam & in resurrectionem multorum.* Item, Zacharias Propheta: *Et aspicient ad me, quem confixerunt,* caput scilicet spinis, manus & pedes ferreis clavis, latus autem & Cor meum crudeli lancea in cruce. Quæ crucifixionis insignia ac Vulnera tunc clarissimè in Christo Judice, sed gloriosa ac splendida videbuntur, justis quidem in maximum solatium, impiis verò, ut dictum est, ad majorem confusionem ac damnationem; quia in vita toties admoniti, per hoc SS. COR JESU, tanquam veram ac unicam salutis portam intrare noluerunt: *Quò se tunc,* exclamat Magnus ille Aurelius Augustinus, *peccator convertet? quando illi meritò exprobrabit Salvator: Vide hominem, quem crucifixisti, vide vulnera, quæ inflixisti, vide Latus, quod transfixisti, quoniam per te & propter te apertum est, & tamen intrare noluisti.*

*S. Aug.
lib. 1. de
symb. c. 8.*

2. Videtur hîc mihi SS. COR JESU, ut quondam Cor Davidis, qui vir erat secundum Cor DEI: *Inveni David, filium Jesse, virum secundum Cor meum:* de quo refert Scriptura, quòd corde mitis ac totus mansuetus fuerit; unde de seipso testatur: *Memento Domine David, & omnis mansuetudinis ejus.* Quàm mansuetus fuit erga Superiores sibi injurios? Saulem Regem considerare, quem licet sæpius & quidem justè potuisset interficere, noluit tamen, quia mitis erat & humilis Corde. Quàm mansuetus insuper erga suos domesticos extitit? Absolonem filium ejus rebellem in memoriam re-

vocate, qui, licet Davidem de throno deturbare nifus sit, mortique destinaverit, noluit tamen mitis pater, ut à Joabo, aliisque belli du-
cibus interficeretur, & auditâ ejus morte vehementer doluit. Quàm ^{2. Reg. 16, 6.}
mansuetus denique erga hostes suos? Semei cogitate, à quo licet la-
pidibus peteretur, non tamen ei maledixit, neque permisit, ut ab
Abisai occideretur. O mansuetissimum cor Davidis! quis huic vi-
dit simile? Verum expectate paululum, & aliam scenam videbitis.
Cum idem David, qui prius, ut vilis & ignobilis pastor Goliatho in
baculo, fundâ & lapide prævaluit, nunc autem, ut Rex à Deo desi-
gnatus, contra Ammonitas in proelium se conferret, illos ob illa-
tam legatis suis turpiter rasis injuriam castigaturus, quid fecit? non
amplius vili tunicâ & servili habitu pastoris indutus apparuit, sed
ut Rex potentissimus insolitâ cum pompâ, gloriâ, ac majestate, cum
numerossimo exercitu in campum descendit: *Congregavit itaque* ^{2. Reg. 12, 29.}
David omnem populum & profectus est adversum Rabbath: Cum-
que dimicasset, cepit eam, & tulit Diadema Regis eorum de capite
ejus, pondo auri talentum habens gemmas pretiosissimas, & imposi-
tum est super caput David: sed & prædam civitatis asportavit mul-
tam valde, populum quoque ejus adducens ferravit, & circumegit su-
per eos ferrata carpenta divisitq; cultris, & traduxit in typo laterum:
sic fecit universis civitatibus Ammon. O quàm horrenda vindicta!
quàm barbara laniena! quid agis David aliàs mansuetissimus? ubi
nunc est illa tua toties laudata, ac decantata mansuetudo? An hîc ite-
rum cantas: *Memento Domine David, & omnis mansuetudinis ejus?* ^{Pf. 131, 1.}

Verum aliud hîc latet mysterium. David nullum alium, quàm
verum DEI, Hominisque Filium, Christum Jesum adumbravit, qui
in primo adventu suo contra Goliathum (diabolum) pugnaturus,
totus humilis, mansuetus, & servili tantum habitu indutus, cum ba-
culo Crucis apparuit. O quàm humilis ac mitis tunc erat corde
etiam contra infensissimos inimicos, pro quorum salute in cruce ad
Patrem oravit, ac pro illis Cor suum in victimam obtulit. *Ego quasi* ^{Fer. 11, 19.}
agnus mansuetus, qui portatur ad victimam! Verum in secundo
adventu, cum Ammonitas, hoc est; mundi hujus sectatores, ob in-

S. Bonav.
citatus à
Gedeone
Forster in
lib. de
Cong.
Jesu
Crucifixi.
Bagatta
tom. 2. l.
5. c. 2. §.
6. n. 9.

numeras SS. CORDI suo illatas injurias condignè castigaturus, velut supremus ac districtissimus Judex advenerit; O DEUM immortalem! quanta tunc erit rerum metamorphosis? *Apparebit*, inquit S. Bonaventura, *Dominus Jesus cum Vulneribus suis, & clamabit dicens: Videte, quanta à vobis, & in vobis, & pro vobis passus sum, & tamen ingrati omnia contempsistis, & pro nihi'o duxistis: ite maledicti in ignem æternum.* O quàm horrendum tunc erit contemptoribus SS. ac diviniss. CORDIS Jesu, incidere in manus DEI viventis, omnia scientis, & cuncta districtissimè examinantis, ac judicio discussionis & condemnationis judicantis! Consule Julium Romanum, amore Hortensiae meretricis captum, cui Christus Crucifixus de SS. Latere suo cruorem in faciem projecit, &c.

Judic.
14, 8.

3. De Samfone refert Liber Judicium, quòd ex ore occisi leonis mel quidem dulce collegerit: *De forte dulcedo*, sed & examen apum in illo invenerit: *Et ecce examen apum!* Quis autem ignorat, quàm acerbum & vulnificum aculeum etiam mellificæ apes gerant, quo sese contra quoscunque invasores possint defendere? proinde non incongruè illis pro lemate inscribes: *Armata clementia.* Leo hic à Samfone interfectus typum Christi Jesu Crucifixi sustinet, per mel inde promanans clementia SS. CORDIS ejus, per apes verò aculeum gestantes, justitia ejusdem SS. CORDIS Jesu præsignata fuit: *Sicut apes*, ait mellifluus Bernardus, *habet mellis dulcedinem, habet etiam aculei punctiōnem. Hujus apes, quæ Christus est, mel & aculeum non ignorat. qui misericordia & judicium ei decantat cum Prophetâ dicente: Misericordiam & judicium cantabo tibi Domine.*

S. Bern.
serm. 2.
Advent.
Ps. 100, 1
Picinelli
in mundo
Symb.

De Maximiliano, hujus nominis Secundo, Romanorum Imp. perhibent Scriptores, quòd pro Symbolo suo sibi aquilam per aëra volantem pingi jusserit, quæ rostro suo fulmen & palmam ferebat, cum inscripto Lemate: *In tempore utrumque.* Per hoc prudentissimus Imperator misericordiam & justitiam, quam pro meritorū dignitate cuilibet paratus erat administrare, eleganter adumbravit. Rudolphus I. Habsburg. post diversa & longa Procerum Germanicorum certamina tandem in Imperatorem electus, ubi Ottocarum Bohe-

miæ Regem sibi & Imperio rebellē subjugavit, pro suo Symbolo in scuto manum armatam sibi pingi curavit, quæ fulminantem gladiū virenti oleæ ramo circumdatū præ se ferebat cū lemate *Utrum libet?* ac si diceret sapientissimus juxtà & bellicosissimus Imperator:

Elige, si ve petis gladium, seu quæris Olivam?

Serviet officiis ille, vel ista tuis?

En similem ferè modum DEUS Judex, Regum Dominus in judicio exhibebit, oleam consolationis illis, qui cum SS. CORDE JESU recto fuerunt corde, benignè offerens, iis autem, qui cum Pharaone in malo obturaverunt cor suum, fulmen, gladium, judicium, gehennam: *Utrum libet?* nunc elige, penes te est, nam in tempore utrumque; Audi & devotissimum Blosium: *Christus Dominus, inquit, in judicio ostendet vulnera sua ineffabili decore fulgentia, quia Justis quidem dulcissimam consolationem, impiis verò horribilem confusionem afferent, eruntque miseris veneranda Domini Vulnera æterna futura supplicia.*

Ludov.
Blos. In-
stit. vitæ
medit.
spirit. de
jud.

4. Veniet autem Christus Dominus in illa forma ad judicium, in qua ascendit in cœlum: *Sic veniet quemadmodum vidistis eum euntem in cœlum.* Tunc habebat in manibus ac pedibus fixuram clavorum; tunc dulciss. latus ac diviniss. COR JESU lanceâ vulneratum spectabatur; tunc facies ejus resplendebatur ut sol; tunc vestimenta ejus erant purpurea ac rubra sicut calcantium in torculari, unde Angeli obviantes, hunc Dominum suum admirabundi interrogabant. *Quis est iste, qui venit de Edom tinctis vestibus de Bosra, iste formosus in stola sua, gradiens in multitudine fortitudinis suæ?* Tali, inquam, forma redebit ad judicium: *Vestitus veste aspersâ sanguine,* quia tunc pretiosum sanguinem suum, toties in passione pro salute nostra effusum à nobis requiret. Tunc quoque veniet fixuris clavorum & aperto latere ac vulnerato Corde, quod & Angelis & hominibus palam ostendet, quæ ac quanta in illo à primo conceptionis instanti passus sit. Tunc sicut Moyse, radiante facie, elevabit manum suam coram omni multitudine populorum: *Testes invoco hodie cœlum & terram, quòd profuerim vobis vitam & mortem, benedictionem & maledictionem.* Tunc lætabuntur & exulta-

Act. 1, 11

Isa. 63, 1.

Apoc. 19,
13.

Dent. 30,
19.

Philip. 3, bunt omnes Justī; *expectantes beatam spem.* Econtra impīi, in-
20. grati ac scelerati peccatores, qui prius immemores passionis ac SS.
 CORDIS Jesu, sumē nobis beneficientis, in vita fuere, ô quā fle-
 biliter plangent, & ululabunt, quia mandatis ejus non obedierunt,
 & maturē in vita sua per ostium arcæ, (hoc est, per SS. COR Jesu,) ante faciem hujus diluvii non introierunt ad vitam! Cæterum co-
Gen. 8, lumba illa Noēmica tempore diluvii non invenit, ubi requiesceret
11. pes ejus: *At illa venit ad eum ad vesperam &c.* Sed in illo diluvio
 extremo non erit arca, ad quam confugiant, nec redibit columba,
 quæ pacis ramum tibi ferat, ô peccator! nec olea erit quæ miseri-
 cordiā efflorescat. Vide nunc & considera, quā amarum sit re-
 linquere Jesum & SS. COR ejus?

5. De Joseph, à propriis quondam fratribus in servitutem vendi-
 to, narrat Scriptura, quod cum post plures aīos ac tam vārios casus
 tandem per singularem Numinis providentiam Prorex Ægypti pro-
 clamatus, famis tempore ab iisdem perfidis fratribus impenſē roga-
 retur, ut sibi & patri senio confecto frumentū necessarium pro nu-
 merata pecunia concederet, serio atque ad majestatem composito
Gen. 45, vultu responderit: *Ego sum Joseph, quem vendidistis.* Ad quæ pau-
4. ca verba dicti fratres ob malæ conscientiæ remorsum, intus animū
 stimulantem, adeo coeperunt expavescere, ut in terram coram Jo-
 seph postrati, totis artubus contremiscerent, & ne quidem faciem
 contra illum levare auderent: *Non poterant respondere fratres ni-
 mio terrore perterriti &c.* O miseri mortales! quid erit, quando
 verus ille Joseph ac Salvator Jesus, quem vos in servitutem mortis
 vendidistis, ac tandem morte turpissimā ad crucem condemnāstis,
 in sua gloria & majestate ut Rex & Judex à Patre constitutus veniet:
Joan. 5, *Et potestatem dedit ei judicium facere, quia Filius Hominis est!* Quid,
27. inquam, erit, quando in universali Judicio in præsentia omnium An-
 gelorū & hominum vobis sumā vestrā ingratitude in imprope-
 rabit: *Ego sum ille Joseph, quem vendidistis* vilissimo peccati pretio?
 Egō sum ille Joseph, cui in monte Olivario sanguinem sine miseri-
 cordia extraxistis, quem toties concupiscentiis & spurcis carnis ille-
 cebris flagellāstis, quem de novo cruentis delictorum spinis coronā-
 stis,

stis, quem gravissimo crucis trunco oneratū ad lanienam, ad mortē rapuistis. & tandem crudeli ferro COR meum transfixistis: *Ego sum Zach. 12, ille Joseph. Nunc videte, & aspiciate ad me, quem confixistis? Quid 10. mali vobis feci? Educavi & enutrivī vos, & vos me despexistis? Mañā coelesti in Eucharistia toties vos pavi, & vos misistis lignū in panem meum? Quoties per gratiā meam auxiliari vobis volui, & vos noluistis? Extendi in cruce manus meas, & non fuit, quia aspiceret? quid ultra debui facere vineæ meæ, & non feci? nunc igitur perditio vestra ex vobis est: *Ite, ite. Ite, inquam, ô miseri, & ulterius DEum. æquissimū vestrū Judicem peccatis vestris ad vindictā provocate. Ite nunc impuri ganeones & lasciva veneris mancipia: Coronate vos Sap. 2, 8. rosis, antequam marcescant. Ite nunc blasphemi & perjuri, & vestra Pf. 72, 9. improba ora, velut insani ac furibundi canes ulterius in coelū ponite: Ite nunc gulosi heluones & gurgites insatiabilis, quorum in vita Deus Philip. 3. venter fuit, & nunc finis interitus. Ite nunc Pseudopolitici & hypocritæ, qui ita in mundo DEO servistis, ut tamen diabolū non offenderetis. Ite nunc rapaces & injusti, qui vitia vitiis, injustitias injustitiis, & scelera sceleribus cumulāstis, si modò justitias judicabit Ps. 74, 3. DEus, quid fiet de injustitiis? Ite nunc denique peccatores omnes, qui vitam vestram in omni turpitudine contrivistis, & obliti estis Deut. 32, Dei Creatoris vestri! Ecce nunc ultima & novissima hora est, quæ 18. ad infernū & ad supplicia nunquam terminanda vos vocat: *Ite, ite! O Domine JESU! ne intres in judicium cum servo tuo &c.* Ps. 142, 2**

6. De Manlio insigni viro, & pluribus victoriis nobili recenset Plutarchus, *Plut. in quod, cū Romæ à Senatu ad mortem fuisset condemnatus, & jam ad ultimum vita Ca-* supplicium traheretur, ingratīs iudicibus capitolium, quod in bello prius contra *milli.* Gallos tam generose conservaverat, ostenderit, simulque pectus suum denudaverit, in quo cruentas vulnerum cicatrices palam exhibuit, clamans ac vociferans: *Hac, inquit, loquuntur pro me, quæ pro tota Republica fecerim.* Ad quæ dicta inexpectata præfati iudices consternati, mox sententiam mortis revocârunt, Manlium pristinæ dignitati & honori restituerunt. Attolle nunc oculos, quicumque es peccator, & JESUM Crucifixum Redemptorem tuum, hîc ante oculos tuos pendentem considera! En quomodo nunc tibi pariter sua demonstrat Vulnera & COR transfixum: *Hac, inquit, loquuntur pro me, quæ pro tua saluto fecerim? Noli ergo ô anima imposterum amplius tam protervè peccare, & me Redemptorem tuum de novo ad mortem crucis condemnare, ne tibi*

Ludov.
Blos. in
Marg.
sp. c. 19.

tibi in illo judicio aliquid deterius contingat ; sed potius cùm tempus adhuc salutis est, securum tibi refugii locum quære , non autem invenies melius ac nobilius ; quàm SS. COR meum, ob tui amorem in perpetuam æternitatem apertum. Audi iterum devotiss. Ludovicum Blosium : *Apertum, inquit, est Christi Latus, ut nobis accessum, aditumque pius JEsus ad COR suum patefaceret, unde declaravit suum infinitum erga nos amorem. Et quid ultra potuit nobis facere, quàm fecit ? Ipsum COR suum tanquam secretissimum cubiculum nobis reservavit. Dedit nobis COR suum dirè vulneratum, ut in eo commoraremur, donec penitus expurgati & mundati, suoque Cordi conformes, idonei ac digni simus, unà cum ipso in æterni Patris COR deduci.* Ecce quantum solatium tunc tibi in judicio feret, fuisse amatorem, cultorem, & imitorem SS. CORDIS JEsu ! Tunc certè ab auditione mala non timebis.


Neub.
Dom. 3.
post Pent.

7. Hanc veritatem optimè agnovit Eminentissimus S. R. E. Cardinalis Alexander Farnesius, qui hanc Emblematicam picturam eleganti & artificiali penicillo elaboratam, ante oculos suos in conclavi appendi curavit. Erat ex una parte Christus JEsus in cruce suffixus, mortuus, & hianti Vulnere laterali saucius, ad quem varii peccatores, puta, David, Petrus, Matthæus, Zachæus, Filius Prodigus; Dismas Latro, Magdalena, &c. appropinquabant, delictorum veniam cum lacrymis humiliter deprecantes, cum hac inscriptione : HIC RECIPIT. Ex altera parte erat depictum Supremum judicium, quomodo idem Salvator orbis non ut in ligno suspensus, sed in sede Majestatis inter Angelos & Cœlites locatus, irato vultu ac fulminantibus oculis impios ac ingratos peccatores trifulco fulmine ad Tartarum ableget, æternum ibi cremandos, cum hac scriptione : HIC REIICIT. Ita est ô anima Christiana ! ita est, in cruce te recipit Benigniss. Servator JEsus : *Nunc patent, ait S. August. viscera misericordiæ Dei nostri, in quibus visitavit nos oriens ex alto. Vulnera JEsu Christi plena sunt misericordiâ, sed quàm maximè SS. ac Diviniss. COR JEsu, quod est pignus redemptionis nostræ, plenitudo gratiæ, perfectio virtutum, Sacrificium justitiæ, & porta vitæ. Coronidem huic nostræ considerationi imponat Rex Benadad, qui, cùm ab Israëlitis extremam cladem accepisset, & ultra centum hominum millia in uno prælio perdidisset, in summam animi mœstitiâ devenit, cui tamen servi ejus hoc optimum suggererunt consilium : Dixeruntque ei servi sui : Ecce audivimus, quòd Reges domus Israel clementes sint : ponamus itaque saccos in lumbis nostris, & funiculos in capitibus nostris, & egrediamur ad Regem Israel forsitan salvabit animas nostras. O Christiani ! sic & nos modò faciamus. En SS. ac Diviniss. COR Regis nostri Crucifixi & Eucharistici totum benignum, totum clemens, totum misericors nunc nobis in vita est : ergo humiliemus animas nostras sub potenti manu DEI, ut misericordiam consequamur. Nunc, nunc hoc SS. COR JEsu peccatores recipit, sed tunc in judicio rejicit. Venite ergo ô charæ animæ ! Venite & procidamus ante Deum, & ploremus coram Domino, quia COR contritum & humiliatum non despiciet.*

S. Aug.
manual.
c. 21.

3. Reg.
20. 31.

CON-



CONSIDERATIO L.

SS. COR JESU ingens Angelorum, Omniumque Sanctorum gaudium, & paradisus animarum deliciosissimus.



In eo letabitur Cor nostrum. Ps. 32, 21.

I. **Q**UOD Christus Dominus quinque Sacrorum Vulnerum cicatrices, tanquam gloriosæ victoriæ, de morte, diabolo, peccato, & gehenna in cruce partæ trophæa etiam post Resurrectionem in Corpore suo retinere, ac cœlo inferre voluerit, non tantum Sacri Scriptores insinuant, sed & ipsa fides docet: *Vulnera suscepta pro nobis*, ait S. Ambros. *cœlo inferre maluit, abolere noluit, ut Deo Patri nostræ pretia libertatis ostenderet. Talem sibi Pater ad dextram locat, trophæum nostræ salutis amplectens. Quâ veritate suppositâ, perspicuum pariter est, SS. COR Jesu in nostram salutem, summamque Sanctorum gloriam per Vulnus Lateris in*

*S. Ambr.
lib. 10. in
Luc. c. 24*

omnem æternitatem splendidissimè emicaturum. Sicut radii, qui à Sole promicant, totum terrarum orbem illuminant, tenebras dispellunt, & universa gaudio replent; sic diviniss. COR JESU in cœlo radiis divini luminis inde prodeuntibus, universam lætificat civitatem Dei. O quàm immensum, quam ineffabile tunc omnium Angelorum & Electorum erit gaudium, videre, & cominùs posse intueri hoc arcanissimum totius SS. Trinitatis Sacrarium, SS. COR JESU? Si aquila, prout Emblema monstrat, summum inde oblectamentum capit, dum irretoris oculis Solem, luminis fontem, propius potest aspicere, quale, obsecro, erit animæ beatæ gaudium, jam non ampliùs in speculo & in ænigmate, sed à facie ad faciem per omnem æternitatem hoc SS. ac diviniss. COR JESU posse contemplari? unde lemma ab Apostolo mutuatum:

Tunc facie ad faciem.

1. Cor, 13,

12.

Matth.

25. 21.

S. Bonav.
apud

Caraff. 1.

3. Confid.

13.

2. Et hoc est, quod Veritas fidei illi servo, cui quondam quinque talenta ad negotiandum tradiderat, & qui quinque vicissim alia hisce superlucratus fuit, in summum animi solatium insinuavit: *Euge serve bone & fidelis . . . intra in gaudium Domini tui.* Ubi observandum, quod Christus non dixerit: Gaudium intrabit in te, & in Cor tuum, sed tu intrabis in gaudium Domini tui, per quod gaudium Domini Seraphicus Doctor SS. vulnera, ac præsertim SS. COR JESU, quod est omnium Beatorum ac Cœlitum singulare gaudium, & post DEum super omnia oblectamenta deliciosissimum, rectè & meritò intelligit: *Ecce, inquit, apertus est thesaurus divinæ Sapientiæ & charitatis æternæ, intra ergo per vulnerum aperturam, & cum cognitione magna delicias obtinebis.*

O immensum gaudium SS. COR JESU! Considera, anima Christiana! quàm inenarrabili mentis dulcedine nunc Beatissimi illi Spiritus, omnesque Angelorum Hierarchiæ in cœlesti gloria perfruantur, cum hoc diviniss. COR JESU, ut causam omnis gratiæ ac gloriæ suæ aspiciunt, sine quo nec ipsorum ruina fuisset restaurata, nec Ecclesia ædificata, nec mundus redemptus.

O quàm ineffabili lætitiâ tunc quoque exaltabunt SS. Martyrum
Om-

Omnium Electorum ac Prædestinatorum Animæ, cum Regem gloriæ non amplius de longè cernent, sed in propinquo, dum in lumine ejus videbunt lumen & lucernam illam, totum Empyreum coelum suo fulgore illuminantem. Et si quinque ille civitates refugii ab Isaia denominatæ, fuerunt figuræ 5. SS. Vulnerum Christi, profectò SS. COR JEsu est civitas Solis, cujus splendore cuncta illustrantur, & vivificantur: *Erunt quinque civitates in terra Ægypti. Civitas Solis vocabitur una, &c.* De S. Francisca Romana refert ejus vita, quòd in Festo SS. Omnium viderit è quinque Sacris Redemptoris nostri Vulneribus, potissimum verò é SS. CORDE JEsu, vibratis radiis, universum coelum & Cœlites omnes mirè illustrari, ac illas præsertim Beatorum animas, quæ in hac vita charitate in Deum excellebant, *peculiariter lucere à radiis è CORDE JEsu splendentibus*, auditâ hac voce: *Ego sum amor fidelis.*

Isa. 19,
28.

Nadas. in
An. Cœl.
1. Nov.

3. Solent autem in lucerna tria inveniri: oleum, ignis, & inter utrumque ellychnium, quod ignem cum oleo velut vinculum solet unire. O dilecta anima! inspicere SS. COR JEsu, in qua lucerna lucidissima pariter hæc tria invenies, ignem Divinitatis, oleum humanitatis, & divinam hypostasim, quæ est velut vinculum copulans divinitatis ignem cum oleo humanitatis. Proinde huic mysticæ lucernæ (SS CORDI JEsu) non incongruè illud applicare possumus, quod S. Joannes quondam de Agno Dei pronunciavit, quòd instar Solis coelum empyreum illuminaverit, quaquaversum radios suos spargendo, & Ecclesiam triumphantem mirè illuminando: *Et civitas non eget sole, neque lunâ, nam claritas Dei illuminat illam, & lucerna ejus est Agnus.* O gratiosa lucerna SS. COR JEsu! ex cujus aspectu omnes Beatorum Animæ singulare gaudium ac jucunditatem longè maximam hauriunt. Et si Abraham olim omnia adversa tam generoso animo sustinuit, dum hoc mysterium in spiritu & in umbra tantum cognovit: *Vidit, & gavisus est: quanto magis exultabunt omnes Sancti in gloria à contemplatione hujus diviniss. CORDIS JEsu?* O quantum gaudium SS. COR. JEsu!

Apoc. 21.
23.

Jo. 8. 56.

4. Noëmo quondam de arca sua egresso, in signum foederis

DEũ inter & hominem pulcherrima iris apparuit, tribus coloribus, igneo, purpureo, & viridi conspicua: *Videbo illum, & recordabor fœderis sempiterni*, ait Dominus ad Noë. Et quid dulcissimum COR Jesu illis beatis Spiritibus in cœlo aliud est, quàm similis Arcus speciosissimus? Igneus, quia *Deus tuus ignis consumens est*; Purpureus propter passionem, unde Angeli pacis eum in cœlum introeuntem interrogarunt: *Quare rubrum est indumentum tuum?* Et viridis, propter spem nostram, dum & nos miselli, adhuc tanquam viatores in hac lacrymarum valle existentes, ex hoc SS. CORDE Jesu omnem salutis spem & habemus, & singulis momentes haurire possumus. Hunc ergo pulcherrimum arcum, quoties Pater Æternus in Filio suo aspexerit, toties recordabitur quoque fœderis sui sempiterni: *Videbo illum, & recordabor fœderis sempiterni*, quòd non ampliùs delere velim omnem carnem & animam viventem, sed potiùs ex meritis hujus SS. ac divinissimi CORDIS Jesu vobis ò mortales! ritè per contritionem ac confessionem dispositis, omnia condonem delicta ac demerita. O anima mea! etiamnum in hoc miseriarum barathro inter millena versêris pericula, erige te, & Deo tuo infinitas gratias age, quòd in tuum commodum longè maximum adhuc paratum habeas mysticum illum arcum, SS. COR Jesu: *Vide Arcum & benedic eum, qui fecit illum: valde speciosus est in splendore suo.* O valdè speciosus!

5. Progredior ad Davidem, qui, cùm aliquando in spiritu & in umbra tantum has cœli delicias degustâisset, præ stupore attonitus exclamavit: *Inebriabuntur ab ubertate domûs tuæ, & torrente voluptatis tuæ potabis eos.* Et quænam, obsecro, hæc domus est, in qua Sancti inebriabuntur?

Adverte, domus hæc vinaria, divino ac suavissimo falerno plena SS. COR Jesu est omnibus tum in cœlo existentibus, tum in Sanctissima Eucharistia eum dignè recipientibus. In hanc ergo domum vinariam solet mitissimus Jesus animam, dilectam Sponsam suam, invitare, & introducere, atque in ea suam ordinare charitatem. Alii cum Euthymio per illam ubertatem domûs Dei pretiosiss. Sanguini-

Sanguinem intelligunt, qui ex SS. CORDE JESU transfixo defluxit, & per torrentem aquam illam saluberrimam cum divino cruore pariter effusam. O quàm gratus, quàm amabilis & quàm desiderabilis ille torrens voluptatis est! & hoc est, ad quod alludit Propheta Apocalypticus: *Et ostendit mihi fluvium aquæ vitæ, splendidum tanquam crystallum de sede Dei & Agni.* Et nunquid SS. Cor JESU est sedes Dei, in quo Divinitas plenissimè inhabitare solet, & in quo Pater sibi unicè complacet, ac Spiritus Sanctus velut in suo throno quiescit? Ex hoc ergo SS. & Augustiss. CORDE JESU, tãquam ex fonte in omnes Beatos jugiter promanat fluvius ille aquæ vitæ: *Ecce, inquit Isaias, Deus Salvator meus, fiducialiter agam, & non timebo, quia fortitudo mea, & laus mea Dominus, & factus est mihi in salutem: Haurietis aquas in gaudio de fontibus Salvatoris.* Ezechiel quondam fluvium vidit à dextro Templi latere, hoc est, de SS. CORDE JESU (ut alibi explicavimus) incommodum & salutem hominum exuberantem: *Aquæ autem descendebant in latus Templi dextrum ad meridiem altaris.* Sed ille fluvius, quemadmodum observat Cornelius, Ecclesiæ militantis erat, hic autem, quem S. Joannes in Civitate Dei vidit, propriè Ecclesiæ triumphantis est, instar Solis pellucidus, & instar cristalli purissimus, per quod puritas ac Sanctitas illius cælestis, immensæ, ac nunquam terminandæ voluptatis indicatur, quam Sancti omnes hauriunt ex hoc Diviss. CORDE JESU, quod post Deum perfectè eorum desiderium explet, & ineffabili voluptate illorum corda perfundit. Unde Isaias: *Declinabo super eam quasi fluvium pacis, & quasi torrentem inundantem gloriam.*

Isa. 12, 2.

Ezech. 47, 1.

Isa. 66, 12

Ps. 80, 16

6. Olim Deus populo suo electo promisit, se ex adipe frumenti, hoc est, de Manna cœli, eos abundanter saturaturum, quod & in deserto per 40. annos fideliter præstitit: *Cibavit eos ex adipe frumenti.* Et ut haberent, quò sitim extinguerent, illis dulcissimum mel in potum obtulit, aquam nempe de petra Cades decurrentem, quæ populo in siti ad instar mellis suavissimi extitit. Accedit, quòd in sylvis ac petris copiosissimum mel in terra illa desiderabili ubique reperiebatur, quemadmodum ex facto Jonathæ patet, virgam in

- Pf. cod.* melle intingentis: *Et de petra melle saturavit eos &c.* Altiùs nunc
1. Cor. 10. attolle oculos anima Christiana. *Petra autem erat Christus*, sub-
4. intrat hîc S. Paulus. Hæc mystica petra de percusso suo latere in ru-
 pe Calvariæ ex ipso fonte Sacratissimi CORDIS sui abundantissi-
 mum gratiarum mel in omnes profudit, & etiamnum in terra illa
 desiderabili Sanctorum, hoc est, in cœlesti gloria pleno impetu in
 omnes animas largissimè spargit. O quàm igitur bene Vates Regius:
Pf. 16, Tunc satiabor, cùm apparuerit gloria tua! Et si beatitudo juxta præ-
15. stantissimum illum Christianum Philosophum Boëtium est *status*
bonorum omnium aggregatione perfectus sine admixtione ullius
mali, profectò SS. COR Jesu (NB. post Deum) est illud beatitudinis
 centrum, in quo Cœlites omnes securè ac cum plenissima desiderii
 satietate conquiescunt: *O felix unio* (exclamat P. Vincentius Caraffa
Vinc. Ca- Soc. Jesu Generalis Præpositus meritissimus, Vir & doctrinâ & pru-
rass. in dentiâ ac sanctimonix laude clarissimus) *O felix unio, jucunda posses-*
fasc. *sio, felicissima in CORDE Christi commoratio! Vere cor nostrum*
Myrrh. 1. *semper famelicum & inquietum nullo alio saturari, in nullo conquie-*
3. consid. *scere potest, præterquam in CORDE Christi, ceu centro suo.*
24. n. 2. 7. Nec caret singulari mysterio, quòd olim DEus Aaroni summo
 Pontifici mandaverit, quatenus in corde suo (Textus Hebraicus
 legit: *Super cor suum*) nomina Tribuum Israël pretioso Rationali
 insculpta gestaret, ad admonendum Pontificem, quòd non tantum
 animas commissas in humeris, sed etiam in imo cordis gestare de-
Exod, 28. beat: *Portabitque Aaron nomina filiorum Israël in rationali judicii*
29. *super pectus suum.* En pulcherrimum typum Sacratissimi CORDIS
 Jesu, summi illius Pontificis, qui non tantum in hac mortali vita,
Hebr. 9, cùm per proprium sanguinem introivit semel in Sancta, eternâ re-
12. *demptione inventa*, sed etiamnum ut gloriosus Triumphator in cœ-
 lo in SS. CORDE suo omnium prædestinatorum nomina insculpta
Zach. 3, portat: *Ego, inquit apud Zachariam, calabo sculpturam ejus: Vel*
9. *ut alii legunt: Aperiam apertionem ejus.* O quàm immenso tunc
 gaudio replebuntur Beatorum Animæ, cùm nomina sua divino Ra-
 tionali insculpta viderint! ô quantum gaudebunt! Hoc experta est S.
 Mech-

Mechtildis Virgo, cui clementissimus Redemptor suavissimum Cor suum pro hora mortis in pignus felicissimæ prædestinatorum æternitatis obtulit: quam gratiam similiter obtinuit: S. Gertrudis Virgo, cui Christus in extremo agone SS. COR suum apertum in arrham futuræ gloriæ monstravit, Angelis interea cantantibus: *Veni, veni, veni, quia te expectant cœli deliciae, alleluja, alleluja!* Eandem felicitatem S. Gregorius Magnus à Christo impetravit, qui huic Beatissimo Pontifici COR suum obtulit, ut inde thesauros pro Ecclesia Deide promeret. Et de se S. Margaritha poenitente refert vita, quòd in Latere Crucifixi SS. COR JESU intuita, ac complexa, sursum ab eo in cœlum rapta fuerit. O felices animas! O si similis quoque fors & te maneret pie Lector! Ama nunc & Zela honorem Sacratissimi CORDIS JESU, en adhuc vivit gratiarum Dominus, monstrans tibi apertum COR suum: *O quàm bonum est, ait Mellifluus Bernardus, ô quàm jucundum, habitare in CORDE JESU!* O quàm bonum! Verè *animalis homo non percipit ea, quæ sunt Spiritûs Dei*, & quàm dulce sit hoc SS. COR JESU! ah! ah! non percepit!

Nadas. in anno Cœl. 19. Nov. & 17. No. Idem 12. Mart. & 22. Febr.

S. Bern. tract. de pass. Dom. cap. 3.

I. Cor. 2, 14.

8. Verùm ut hujus Diviniss. CORDIS JESU dulcedinem, quâ omnes nunc Beatorum Ordines perfruuntur, clarius adhuc valeatis penetrare, ad id amabò attendite, quod sacer Codex de divite illo Epulone commemorat; qui, cùm maximis & ineffabilibus tormentis tum ardentissimæ sitis, tum etiam ardoribus incendii infernalis cruciaretur, Patrem Abraham (quia Judæus erat ex semine Abraham prognatus) humiliter invocavit, quatenus ad aliquod vel leve solamen ac dolorum levamen Lazarum de sinu suo sibi mitteret: *Miserere mei, & mitte Lazarum, ut intingat extremum digiti sui in aquam, ut refrigeret linguam meam, quia crucior in hac flamma.* Tace ingratissimum pecus & titio infernalis! quid te una juvabit aquæ gutta, quam tibi Lazarus nunc felicissimus de cœlo in locum tormentorum ferat? Et si omnes aquæ, flumina ac maria in infernum defluerent nec unam quidem ignis sempiterni scintillam extinguere. En nunc poenam Talionis justissimam! prius noluisti nec unam panis micam Lazaro famelico indulgere, nunc condignum est, ut

Luc. 16. 24.

nec

nec una aquæ frigidæ gutta tibi in solamen cedat. Verum enim verò aliud hîc latet mysterium, quòd damnatus ille Epulo unam duntaxat frigidæ guttulam de cœlo flagitaverit, & nec eam impetraverit, causam subjungit S. Augustinus:

S. Aug. f. Tanta, inquit, est dulcedo futura gloria, ut si una gutta deflueret in infernum, totam de Beat. damnatorum amaritudinem indulcoraret. Ecce una guttula de cœlesti illa suavitate dicto Epuloni abundè suffecit, non tantùm ad suos, sed & omnium damnatorum cruciatus diluendos.

O Bone JESU! non me capio ampliùs præ admiratione! Quid ergo erit amabilissimum ac Divinissimum COR tuum illis Beatissimis Spiritibus in cœlesti paradiso, dum in illo juxta Apostolum inhabitare solet *omnis plenitudo Divinitatis*? Ah quid erit? Audi S. Chrysostomum: *Si quotidie foret infinities moriendum, ferendum tamen esset: præterea gehennam, & tormenta omnia convenit sustinere, ut videre queas Christum venientem in gloria sua, & conscribi ordini Sanctorum.* Et quid fiet ô anima! Si ipse JESUS & Amor tuus dignabitur lacrymas ab oculis tuis abstergere, & te velut Sponsam suam dilectam ad castissimos amplexus & osculum SS. CORDIS sui admittere? O ineffabilis dulcedo! ô summa dilectio charitatis habere JESUM, & in ipso Divinissimo CORDE JESU æternùm posse commorari?

Ah pientissime JESU! cor nostrum sit erga Sacratissimum COR tuum, ut quondam fuit cor Magni illius Aurelii Augustini, quod tanto amore in te ferebatur, ut post beatum obitum hujus Præfulis cor ejus quinque Sacrorum Vulnerum tuorum stigmatibus faucium fuerit repertum.

Ah benignissime JESU! cor nostrum sit erga Sacratissimum COR tuum, ut quondam fuit cor S. Francisci Salesii, qui in suo pectore Cor non hominis, sed Seraphini absconditum portabat, quòd assiduò per suspiria, per calamum, per colloquia in flammâ tui amoris erumpebat. Unde cùm intra unius aîi spatium facilè 25. millia hæreticorum ad veram fidem reduxisset, auditus est aliquando inter labores anhelans dicere: *O mi Deus! queso, siste gratiarum tuarum torrentem: neque enim potest capere Spiritus meus abundantiam deliciarum dulcedinis tue tanta.*

Ah clementissime JESU! cor denique nostrum sit erga Sacratissimum COR tuum, ut quondam fuit cor S. Francisci Xaverii Indiarum, Apostoli, perpetuâ charitatis flammâ erga te & proximum ardens, proinde te non aliter, quàm Deum CORDIS sui appellabat: O quoties ingeminabat: *Domine JESU Christe, Deus cordis mei, per quinque illa vulnera, quæ tibi in cruce nostri amor inflixit, tuis famulis subveni, quos pretioso Sanguine redemisti.*

EPILOGUS.

SS. COR Jesu omnibus fidelibus Christianis universale & ultimum in vita & in morte Perfugium.



Petra refugium herinaciis: Psal. 103, 18.

1. **O**Mnia animalia, naturâ duce, de commoda sibi & opportuna prospiciunt habitatione, in qua contra inimicorum incursus, tempestatûmque injurias securé commorentur. Sic *Aquila* contra venenatos serpentes *in arduis* ponit *nidum suum*: *columba* contra insidiantes milvos *in foraminibus petrae* & *caverna maceriae* tuta latitat: *lepusculus* *plebs invalida* contra canes venaticos *in petra* *cubile suum* collocat: *vulpes* contra molossos *foveas suas* habent, & *passer* *invenit sibi domum*, & *tur-tur* *nidum sibi*, ubi ponat pullos suos. Et tu, Anima Christiana! inter tot actanta pericula constituta, non tibi maturé de aliquo provi-

Job. 39.

27.

Cant. 2.

Prov. 30.

26.

Matth. 8.

Pf. 83, 4.

E e e

deas

deas domicilio, ubi tuta contra tot hostes, te quotidie infestantes, morari possis ac degere? Quod autem domicilium securius esse potest, quàm SS. COR Jesu?

Herinacium, seu echinum considera, (egregium hominis providi ac industrii paradigma) dum non tantum in autumno sibi maturè pro instante hyeme escam parat, & volutatus super jacentia poma in terra, ea aculeis suis affixa lætus in cavas arbores, aut in cavernam suam deportat, sed & in globum convolutus, ubi periculum aliquod prævidet, hostium insultus & insidias tutus deridet. Solet autem herinacius ut plurimum cubile suum in aliquo petræ foramine collocare, ubi commodam sibi stationem pro ratione temporis & venti, nunc ad austrum, nunc ad aquilonem eligit, sicque tranquillus contra quosvis ventorum & hostium impetus vivit, cui lemma inscribes:

Undique tutus.

Vel, si ad propositum tuum magis placet illud Picinelli:

Venturi providus ævi.

Anima Christiana! en formam hîc habes & exemplum, quod imiteris, semper venturi ævi provida. Nunc ergo, dum tempus est acceptabile & dies salutis, providè in rem & salutem tuam vigila, & tibi de securo illo prospice domicilio, ubi tuta ac tranquilla in omni tentatione, in quovis periculo, & in ipso demum agone ac judicio possis latitare: *Herinacius*, inquit Le Blanc, *spinis suis tectus ad petram fugiens, est humilis peccator, aculeis peccatorum suorum compunctus, in Christo se abscondens*, & in SS. CORDE ejus, quasi in securissimo domicilio & asylo latitans. O felix anima! quæ in hac mystica petra, & in caverna maceriæ SS. CORDIS Jesu abscondita infidiantis inimici declinat assultus! Ideo, ait Hadrian. Lyræus, *Latus suum pius & misericors aperuit, ut cruor te vulneris vivificet, caro corporis refocillet, spiritus cordis quasi patienti & libero metu aspiret: ibi tutò latebis, donec transeat iniquitas, ibi nequaquam algebis, eò quòd in Visceribus Christi (hoc est, in SS. CORDE Jesu)*

Le Blanc.
in Ps. 103.
v. 18.

Hadr.
Lyr. de
Jesu pat.
l. 6. c. 6.

non

non frigescat charitas, ibi deliciis afflues, ibi gaudiis superflues, &c.
O felix habitatio SS. COR Jesu!

2. Ingeniosa ac pia, & ad nostrum propositum peraccommoda est illa ponderatio S. Hieronymi, quare benignissimus orbis Reparator Christus plerumque post solis occasum infirmos ac languidos curârit: *Vespere autem facto, cum occidisset sol, afferebant ad eum omnes male habentes, & demonia habentes, & erat omnis civitas congregata ad januam.* Et cur non manè, aut in meridie eos saluti restituit? Grande hîc latet mysteriû, non enim otiosè Sacri Scriptores tempus illud vespertinum & occasum solis adnotârunt, ita & S. Matthæus: *Vespere autem facto obtulerunt ei multos demonia habentes, & ejiciebat spiritus verbo: & omnes male habentes curavit.* Ubi subjungit: *Ut adimpleretur, quod dictum est per Isaiam Prophetam dicentem: Ipse infirmitates nostras accepit, & ægritudines nostras portavit.* Per solem hunc occiduum rectè præfatus S. Hieronymus Christum Jesum, mysticum illum justitiæ solem in cruce expirantem intelligit, ubi moriens cunctas animarum nostrarum ægritudines ac languores, in illis corporum morbis præsignatos curavit: *Omnes, inquit S. ille Ecclesiæ Doctor, non manè, non meridie, sed ad vesperam curantur, quando sol occubiturus erat, quando granum tritici in terra moritur, ut multos fructus afferat &c.* Observat autem S. Marcus, quòd *omnis civitas*, hoc est, prout interpretatur Menochius: *Omnes cives oppidi Capharnaum*, ad hæc stupenda miracula, quæ Christus sole occumbente ad januam domûs in curandis illis infirmis & dæmoniacis patrârat, in unum confluxerint, & ad ostium illud admirabundi steterint: *Et erat omnis civitas congregata ad januam.* Et quid denotat illa janua, non enim frustra ab Evangelista, qui hæc Spiritu S. dictante conscripserat illa quoque janua connotata fuit? Respondet ad hanc quæstionem pereleganter & appositè doctiss. Francisc. Quaresmius, quòd per dictam januam non incongruè SS. Latus & diviniss. COR Jesu, quod Longinus sole occumbente, lanceâ suâ, quasi clave in bonum totius universi referavit, possit ac debeat intelligi: *Et hoc, inquit, signifi-*

Marc. 1.
32.

Matth.
8, 16.

Isa. 32.4.

S. Hier.
in cap. 8.
Matth.

Menoch.
in hunc l.

Marc. 1.
33.

Quaresm.
10. 2. c. 3.

catum fuit in eo, quod ad occasum Christo Domino latus apertum fuit, quod fuit velut salutis ostium reſeratum, ad quod omnes admiſſi, ſalutem conſequentur, &c.

O mortales omnes! quid agitis? quousque occupabitur cor vestrum amore creaturarum, mundi, carnis, honorum, divitiarum, vanitatum, concupiscentiarum, stultitiarum, &c. En, patet vobis vitæ ostium & janua salutis, & vos post tot ac tanta recepta beneficia adhuc intrare recusatis in SS. COR JESU? Columba illà Noëmica, dum cessante diluvio in terra sordida, limosa, & spurcitiis repleta non invenisset, ubi requiesceret pes ejus, continuo reversa est in arcam, in qua à Noëmo per apertam lateris fenestram cum gaudio excepta est: *Extenditque manum, & apprehensam tulit in arcam.* Anima Christiana! En & tibi fenestra SS. Lateris JESU Crucifixi aperta est, per quam liberè ad ipsum COR DEI amore tui vulnerati poteris penetrare. Ita quondam vidit S. M. Magdalena de Pazzis, quòd plures animæ in SS. Latere & CORDE JESU inhabitantes, tanquam micantes gemmæ illud diviniff. COR coronârint. O si omnes animæ ad hoc SS. COR JESU advolarent!

Noë quondam extentis in modum crucis brachiis columbam illam, cum olivæ ramo ad se revertentem, exspectans exspectavit. Vide hîc alterum Noëmum in arca crucis expansis te manibus præstolantem, & quia digitis cruci affixis non potest refugii tibi locum monstrare, capite in SS. Pectus sese inclinante tibi apertum COR suum designat, in quo segura habites, & ab omni periculo immunis per omnem æternitatem quiescas. O bone JESU! exclamat S. Bonaventura, *nimis saxeum est cor meum, nisi emolliatur sanguine tuo: nimis distractum est cor meum, nisi recolligatur in Latere tuo &c.*

3. De Samuele recensent Sacri Regum fasti, quòd Sauli in Regem Israëlitarum jam inungendo non perdisces, nec phasianos, aut alia delicatiora fercula (quibus Nobilium mensæ abundare solent) sed unum armum à victima reservârit: *Levavit autem cocus armum, & posuit ante Saul: Dixitque Samuel: Ecce, quod remansit, pone ante te, & comede, quia de industria servatum est tibi.* Anima Chri-

Christiana; non armum in cruce, sed ipsum amabiliss. ac diviniss. COR suum reservavit tibi JESUS, Agnus ille Divinus: *Quia de industria servatum est tibi.* Et quemadmodum Oratores efficacissima ad persuadendum argumenta in finem perorationis rejiciunt, & Poëtæ in calce epigrammatis majorem adhibere solent energiam; sic divinus ille Orator, cùm in cathedra crucis *cum clamore valido & lacrymis* pro nostra salute ad Patrem ultimò perorâisset, & carmen suum (heu, quàm lugubre!) septem videl. verborum complêssit, ut tandem Epilogum immensi sui amoris faceret, ac Patrem coelestem ob demerita nostra justissimè iratum in sententiam suam flecteret, eique misericordiam persuaderet, quid fecit? En, tradidit, & objecit furori crudelis lanceæ ipsum dulciss. ac diviniss. COR suum: *Et exauditus est pro sua reverentia:* ruinam Angelorum in *Hebr. 5, 7* coelo supplevit, infernum spoliavit, mundum redemit, Patrem placavit, & tibi locum refugii paravit, ut, cùm venturus est tanquam *Luc. 23. 30.* districtissimus Judex judicare terram, ubi alii clamabunt: *Cadite montes super nos, & colles operite nos,* tu tranquillum atque tutissimum in hoc SS. CORDE JESU invenias asylum, *quia de industria servatum est tibi.* O quam sapiens igitur est illa anima, quæ in hoc summo petrae foramine nidificat. *Talis assimilabitur viro sapienti, Matth. 7, 14.* qui *ædificat domum suam supra petram, & descendit pluvia, & venerunt flumina, & flaverunt venti, & irruerunt in domum illam, & non cecidit, fundata enim erat suam petram.*

4. *Convertere igitur anima mea in requiem tuam* (hoc est, in SS. *Pf. 114, 7* COR JESU) *quia Dominus benefecit tibi.* Natus est pro te in carne, ut tu nascerere Spiritu. Positus est in alieno præsepio, ut tibi proprium pararet locum in coelo. Inter jumenta jacere in stabulo non abhorruit, ut te, qui sicut jumentum apud DEum factus es, in hominem mutaret. Circumcisus est, ut tu cor & labia tua circumcideres. Oblatus est Patri in templo, ut tu ipsi in templum offerres Cor tuum. In fugam & in exilium ejectus est, ut te exulem in patriam reduceret. Laboravit in officina Patris Nutritii, ut tu pro honore DEI & salute proximi nulli parceres labori. Esurivit pro te, per

quem nec ales esurit, ut te cœlesti Manna & supersubstantiali pane reficeret. Sitivit ipse fons vitæ, ut anima tua sicut terra sine aqua sitiens, haberet, quô sitim restingueret. Fatigatus est ex itinere, ut te lassum ac debilem viatorẽ refocillaret. Obmutuit & obsurduit coram convitiantibus se, ut tu disceres in simili occasione tacere. Oravit pro te toties pernoctans in oratione DEI, ut tibi non tam exemplum præberet, quàm & Patris iram contra te placaret. Venditus est in mortem triginta argenteis, ut te hoc sanguinis pretio ab inferni, diaboli, & peccati servitute redimeret. Innumeris angustiiis affectus est, ut in angustiiis tuis haberes levamen. Vigilavit de nocte, ut te à peccati lethargo suscitaret. Sanguinem sudavit, ut peccatorum tuorum maculas elueret. Captus est, quem cœli & terra capere non possunt, ne tu in tentationibus capereris ab hostibus tuis. Ligatus est catenis & vinculis, ut te solveret à vinculis peccatorum. Derelictus est à Discipulis omnibus, ut tecum posset manere usque ad finem vitæ. Negatus est à Petro, ut tu illum in omni occasione coram Patre & hominibus confitereris. Falsò accusatus est, ut te confitentem in supremo Judicio posset absolvere. Velatus est facie, ut tibi eam in gloria sua æternùm ostenderet. Spoliatus est vestibus, ut stolâ gloriæ & jucunditatis indueret. Sputis foedissimis comaculatus est, ut sordes animæ tuæ abstergeret. Flagellatus est, ut servus, Dominus universorum, ut te inutilem servum ab æternis redimeret flagellis. Coronatus est spinis Rex vivorum & mortuorum, ut tu coronareris coronâ gloriæ. Damnatus est ad mortem, ut tu morte dignus vitam cōsequereris æternâ. Ejectus est extra civitatẽ, ut te in cœlestem Jerusalẽm introduceret. Crucem bajulavit humeris, ut tuam tolleret & levaret. In ligno exaltatus est, ut te ad se attraheret. Inter latrones pependit medius, ut tu in medio viveres Angelorum. Ambo brachia in cruce extendit, ut te filium prodigum mitissimus Pater in gratiam reciperet. Mortuus est pro te, ut tibi vitam repararet sempiternam. Tandem ubi omnia consumavit, quæ Prophetæ de eo vaticinati sunt; ut demonstraret, quòd non tantùm in finem dilexerit te, sed quòd neque mors, neque creatura alia im-

men-

menſum illum charitatis ignem in Diviniſſ. CORDE ſuo potuerit extingui, quid facit? ipſum SS. Latus & dulciſſ. COR ſuum immiti lanceâ aperiri voluit, ut librum acceſſum ad illud mortales omnes haberent, in quo in omnibus tentationibus, periculis, & adverſitatibus, ac præſertim in ſupremo illo agone, ex quo pendet felix, aut eheu! æternum infelix æternitas, ſecurum ac tutiſſimum invenirent perfugium. Ecce! *quia de industria ſervatum eſt tibi!* O COR JEſu, quis ſatis amat te? ah quis?

5. *Convertere igitur anima mea in requiem tuam, quia Dominus benefecit tibi*, dedit enim omnia pro te, & tandem ipſum Diviniſſ. COR ſuum in locum refugii, ſecuritatis & aſyli univerſalis: *Manus & pedes*, ait Guericus Abbas, *& latus perforari ſibi tulit, & ſe mihi totum aperuit, ut ingrediar in locum Tabernaculi admirabilis, & protegar in abſcondito Tabernaculi ſui*: hoc eſt, in SS. CORDE JEſu. Vis figuram de hac veritate? Moyſes & Aaron comotâ graviſſimâ in eos populi ſeditione; & increſcente magiſmagiſque in caſtris tumultu, ne à tumultuante illa turba ſaxorum grandine obruerentur, quid fecerunt? Sine mora ad Tabernaculum Altiffimi, tanquam ad ultimum perſecutionis & calamitatis ſuæ aſylum confugerunt, *quod poſtquam ingreſſi ſunt, operuit nubes, & apparuit Gloria Domini*. Tu pie lector, ſi deſideras carnem tumultuantem, mundum infidiantem, diabolum infeſtante, & alios hoſtes, tum viſibiles, tum inviſibiles, ac præſertim te ipſum (quo non datur pejor) feliciter ſuperare, quid agendum? Fuge, fuge pariter ad Tabernaculum Altiffimi, ad SS. COR JEſu Euchariftici & Crucifixi, ubi operiet te gratiarum nubes, & Gloria Domini protegette: *Hic*, inquit S. Bonaventura, *erit requies mea in ſempiternum, ubi paſcar à Vulnere, lætabor ab ubere, & hæc erit dulciſſima potio mea in vitam æternam*. De Loth ex Sacris litteris compertum eſt, quòd animam ac vitam ſuam, cùm Pentapolis igne cœleſti in condignam ſclerum vindictam concremaretur, in monte & in civitate Segor ſalvârit: *Feſtina, & ſalvare ibi, quia non potero facere quidquam, donec ingrediaris illuc*. Tu ſi animam tuam ab incendio gehennali ſervare cupis immunem, fuge, ah fuge pari ratione ad montem, ubi *Vita tua* (JEſus CRUCIFIXUS) *pendens eſt ante te*, & ſalva te in civitate munita, & in urbe refugii inexpugnabili, quod eſt SS. COR JEſu: *Tutum refugium*, ait S. Auguſtinus; *mihi præbent Vulnere Salvatoris, & quanto magis ipſum Diviniſſ. COR JEſu? Feſtina & ſalvare ibi*.

6. Cum Tribus Benjamin à cæteris undecim Tribubus Iſraël ad vindicandam nefandam eorum libidinem uſque ad internecionem deleretur, ſoli illi Benjaminitæ ſalvati ſunt, qui in ſolitudinem fugientes in petra Remmon ſe abſconderunt: *Quod cùm vidiffent, qui remanſerant de Benjamin, fugerunt in ſolitudinem & pergebant ad Petram*. Anima peccatrix! Eſi mille mortibus ac inferniſ digna ſis, noli deſperare, noli te abjicere, ſed potiùs in animo contrito &

verè

Pf. 114.

17.

Guerric.

Abb. in

Cant.

Num. 16.

43.

S. Bonav.
in ſtim.

am & Lyr.

fol. 287.

Gen. 19.

22.

Deut. 28.

66.

S. Aug.

Manual.

lib. 2.

Judic.

20, 45.

- Osea 2.* verè humiliato fuge in solitudinem SS. CORDIS JESU, ibi Redemptor tuus
14. loquetur ad Cor tuum, ibi in foramine petrae videbis cum Moyse gloriam Do-
Exod. 33. mini, ibi optatum in omni tentatione & tribulatione reperies auxilium: *Ab-*
22. *scondere in fossa humo à facie timoris Domini.* O quàm felix tunc eris in ago-
Isa. 1, 10. ne tuo, si fueris in hoc Divinitas domicilio! Dives ille, cujus ager quàm plu-
rimos fructus tulerat, novam domum meditari cœpit, in qua non tam fruges
reconderet; quàm & ipse, utpote homo Epicureus, vitam lautam, tranquil-
Luc. 12. lam ac desidiosam duceret: *Et dicam anima mea: Anima habes multa bona po-*
19. *sita in annos plurimos: requiesce, comede, bibe, epulare &c.* O stulte! si vis
securam domum ac tranquillam habitationem? SS. COR JESU inquire: en in
illo habes multa bona posita in annos plurimos, hîc requiesce, hîc comede, hîc
bibe & epulare. O quàm bonum est hîc habitare: quia hoc SS. Cor JESU
omnibus omnia factum est. Si pauper es? Lapis Philosophicus est, quo omnia
potes mutare in aurum. Si ægrotus es? Theriaca est & panacea præstantissi-
Josue 15, ma ad curandos quosvis animi morbos. Si aridus es? *Irriguum superius &*
19. *inferius est.* Si dives & opulentus es? Aurifodina omnium gratiarum & me-
ritorum est. Et nunquid qui in auro extrahendo laborat, ex fodina auri plus
lucri uno die capeffit, quàm alius ex plumbi aut ferrifodinis per annum? Si pec-
catores? Necdum time, si enim juxta mentem Philosophi *ira succensio sanguinis*
est circa cor: profectò SS. COR JESU iram ampliùs fovere non potest, quia
omnem & ultimam sanguinis stillam dedit, & pro tua salute profudit. O im-
mensum solatium! Quid igitur superest, nisi ut hoc SS. ac Diviniss. COR
JESU ex toto corde, ex tota anima, ex tota mente, & ex tota omnium visce-
rum latitudine diligamus? Et quod, obsecro, Cor tam durum, tam impu-
rum, tam frigidum & iniquum, quod ex consideratione tantæ bonitatis non
aliquo amore reciproco in SS. COR JESU liquecat? O si vel unica sanguinis
guttula adhuc in corde meo est, quæ te non amat, ô Diviniss. COR JESU!
eruat, & in infernum projiciatur! Doleo solummodo, quòd tam serò te
agnoverim ô pulchritudo tam nova tam antiqua! doleo! Imposterum ma-
jori amoris intensione tarditatem meam compensabo, humillimis votis pro
fine hujus opusculi rogans te, ut hunc meum qualem qualem conatum beni-
gnè suscipias, spiritumque legentibus inspires, ut SS. COR tuum tenerè a-
ment, & inquirant, atque honorem illius ubique locorum promoveant, ut
Rom. 8, cum Apostolo dicere possint: *Quis nos separabit à Charitate SS. CORDIS*
35. *JESU?*

Soli DEO Honor & Gloria,
Nobis autem confusio faciei.



INDEX

Verborum, rerum, & materiarum notabilium, in hoc Opere comprehensorum;

Ubi primus numerus Considerationem, & secundus initialem numerum ejusdem Considerat. indicat.

A.

Aaron cum thuribulo stans inter vivos & mortuos, typus SS. Cordis Jesu. confid. 39. n. 5.

Abraham cur in Sacrificio Unigeniti sui servos & asinum abesse voluit? c. 14. n. 5.

Abraham cur filio & non asino ligna holocausti imposuit? c. 37. n. 3.

Abraham cur Isaaco manus ligare voluit? c. 14. n. 5.

Abyssus & mare bonorum omnium est SS. Cor Jesu. c. 46. n. 6.

Achab in prælio ad cor telo transfixus, figura Christi. c. 42. n. 2.

Adam cur ad medium ligni paradisi ante sententiam latam confugit? c. 38. n. 5.

Adam typus Christi novi Adami. c. 13. n. 5.

Adam quando serio poenituit? c. 22. n. 8.

Adam in sudore vultus sui vescens pane, figura Christi. c. 33. n. 6.

Adam aratro terram fodiens & colens, typus Salvatoris. c. 37. n. 2.

Æthna amoris SS. Cor Jesu. c. 41. n. 4.

Agnus, de cujus cruore ædes aspersæ, typus Christi. c. 48. n. 3.

Agnus matutinus figura Christi infantis in templo oblatus. c. 11. n. 3.

Agnus lactens Samuelis, typus Christi puelli. c. 11. n. 4.

Agnus quinque Vulnerum cicatrices in se gerit. c. 11. n. 5.

Agnus symbolum perfectæ obedientiæ, & quomodo? c. 13. n. 1.

Agnus Paschalis cur immolatus? c. 26. n. 1.

Agnus Paschalis quomodo typus Christi Eucharistici? c. 26. n. 2.

B. Agnes Pio furto de pectore pueri Jesu crucem diripit. c. 5. n. 5.

Albuquerque per infantem oblatum coelum iratum placat. c. 11. n. 8.

Alphonfi Esquieræ cor cum SS. Corde Jesu unitum. c. 47. n. 6.

Index rerum memorabilum.

- Aman** cur sibi gloriæ duxit, esse Regis convivam? c. 23. n. 6.
- Ambrosius Minorita** victima amoris, & quomodo? c. 38. n. 7.
- Amor SS. Cordis JESU** ex institutione SS. Eucharistiæ infinitus. c. 23. n. 9.
- Amoris Dei & proximi** varia symbola & figuræ. c. 21. n. 3. & seq.
- Amoris perfectissimi exemplar** Cor R. P. Rochi Consalez. c. 21. n. 8.
- Amor & dolor SS. Cordis JESU** assiduus in vita ejus fuit. c. 8. n. 9.
- Amor SS. Cordis JESU** spineâ coronâ cincti & redimiti. c. 36. n. 4.
- Angelus** cur virgâ ligneâ holocaustum Gedeonis accendit? c. 37. n. 5.
- Angelus purificans** labia Isaïæ, cur calculum ignitum forcipe tulit? c. 25. n. 6.
- B. Angelus del Pazadinstar SS. Cordis JESU** cor vulneratum habuit, cur? c. 41. n. 8.
- Anima** tentata citò ad cavernam maceriæ confugiat, cur? c. 34. n. 4.
- Animæ dignitas** per varia symbola declaratur. c. 19. n. 2.
- Animæ pretium** solum SS. Cor JESU æquare potuit, & quomodo? c. 19. n. 6.
- Apis** in corde lilii quiescens, typus animæ in SS. Corde JESU quiescentis. c. 46. n. 5.
- Apis** mel ex floribus & aranea venenum inde colligens, quid sibi velint? c. 27. n. 2.
- Apis** in SS. Corde JESU mellificat. c. 44. n. 4.
- Arca Dei** sub papilionibus typus Christi in præsepio expositi. c. 10. n. 5.
- Arca** non poterat secum tolerare impurum Dagon, cur? c. 14. n. 3.
- Arca** quàm terribilis olim fuerit? c. 16. n. 5.
- Arca Dei** cur auro intus & foris vestita? c. 25. n. 3.
- Arcam foederis** cur David non ad se perduxit? c. 25. n. 6.
- Arcus seu iris SS. Cor JESU**, cur? c. 50. n. 3.
- Athalia** cur omnes Nepotes Regios mandavit occidi? c. 12. n. 4.
- S. Augustinus Episc. 5. SS. Vulnerum** stigmata in suo corde gestavit. c. 50. n. 8.
- Augustus Imperator** ex ostenso faucio pectore militis ad clementiam flectitur. c. 20. n. 6.
- B.
- Bajazethes Imp. Turcarum** ob unicum pomum ephebi viscera jussit diffecari. c. 31. n. 3.
- Balneum Constantino M. Imperatori** cruentum pro mundanda lepra paratum. c. 12. n. 3.
- Bajulationis crucis pulchræ & variæ** enumerantur figuræ. c. 37. n. 7.
- Balsamum** deficientibus SS. Cor JESU. c. 39. n. 2.
- Beatitudinis cœlestis magnitudo** ex con-

Index rerum memorabilium.

- consideratione SS. Cordis JESU. c. 50. n. 7.
- S. Bernardus, & S. Elzearius in SS. Corde JESU omne bonum reperiunt. c. 18. n. 7.
- Beatitudo vera hominis in hac terra in quo consistat? c. 30. n. 5.
- S. Bonaventuræ votum fuit loco lanceæ Longini fuisse. c. 41. n. 5.
- B. Blonda cor filii occisi comedens, quomodo se gesserit? c. 34. n. 6.
- Bombyx typus Verbi incarnati in utero B. Virginis quiescentis, & quomodo? c. 5. n. 1.
- Bos cur in sacrificium à Deo receptus, & asinus econtra rejectus? c. 30. n. 4.
- Botrus Chanaan typus SS. Cordis JESU Eucharistici & Crucifixi. c. 28. n. 3.
- Botrus Cypri SS. Cor JESU & quomodo? c. 28. n. 1.
- C.
- S. Catharina cur spineam coronam neglectâ aureâ elegit? c. 36. n. 6.
- Cella vinaria Sponsæ SS. Cor JESU. c. 28. n. 7.
- Centurio quomodo ad Christum fuerit conversus? c. 20. n. 4.
- Certamen ingens amoris SS. Cordis JESU in ultima cœna & cur? c. 24. n. 1.
- Christus in circumcissione quomodo passerculus in proprio sanguine intinctus? c. 8. n. 8.
- Christus circumciscus cum Principe Sichem comparatus. c. 8. n. 7.
- Christus circumciscus quomodo & à quo? c. 8. n. 3.
- Christi circumcisio prima sanguinis aurora. c. 8. n. 4.
- Christi circumcisio arrha Sponsæ. c. 8. n. 5.
- Christi circumcisi sanguis cum balsamo comparatur. c. 8. n. 8.
- Christus cur se filium hominis, & non à potiori Filium Dei appellavit? c. 16. n. 1.
- Christus cur pedes Discipulorum laverit? c. 25. n. 1.
- Christus post mensam in cœlum, alii post mensam Eucharisticam in infernum abeunt. c. 27. n. 7.
- Christus juvenem Religiosum ad SS. Cor suum amicè stringit. c. 30. n. 6.
- Christus cur capite inclinato expiravit? c. 47. n. 3.
- Christus quare 30. argenteis vendi voluit? c. 48. n. 6.
- Christus cur in tertia oratione in Oliveto sanguinem sudavit? c. 48. n. 6.
- Christophorus M. puer 8. annorum cum gaudio cor suum exhibet lanceâ transfigendum. c. 36. n. 8.
- Clypeus Josue typus SS. Cordis JESU. c. 9. n. 2.
- Clypeus Alphonfi Regis SS. Cor JESU faucium & SS. Vulnera ejus exhibet. c. 9. n. 2.

Index rerum memorabilium.

Clypei aurei Salamonis & Antiochi
Regis typus SS. Nominis & Cor-
dis JESU. c. 9. n. 3.

Clypeus Davidis SS. Cor & Nomen
JESU fuit. c. 9. n. 5.

Clypeus Dismæ latronis poenitentis
SS Cor & Nomen JESU. c. 9. n. 6.

Clypeus à Theseo proprio sanguine
pictus & scriptus. c. 9. n. 7.

Clypeus Myrtilo vitam terrâ mari
que conservat. c. 9. n. 8.

Columna nubis & ignis figura SS.
Cordis JESU. c. 49. n. 1.

Communicantium diversimodè va-
riæ enarrantur figuræ. c. 27. n. 3.

Communicantes indignè similes Ju-
dæ, Caino, Joabo, Pilato &c. c. 27.
n. 5. & seq.

Communicans de carne pacificorum
olim morte punitus, cur? c. 27. n. 7.

Conviva cur sine veste nuptiali dam-
natus? c. 27. n. 9.

Contritio cordis non est adeò diffi-
lis, ut quidam æstimant. c. 22. n. 8.

SS. Cor JESU cur Ven. Margarithæ
Alacoque in throno igneo appa-
ruit? c. 2. n. 2.

SS. Cor JESU & cor P. Martini Gut-
tiers S. I. in una lance collocatum
cur? c. 3. n. 5.

SS. Cor JESU misericordiâ plenissi-
mum. c. 4. n. 5.

SS. Cor JESU à primo conceptionis
instanti crucem elegit, cur, & quo-
modo? c. 5. n. 4.

SS. Cor JESU neglecto auro & thure
myrrham sibi reservavit, cur? c.
10. n. 1.

SS. Cor JESU victima præstantissima
Patris iram placans. c. 7. n. 2.

SS. Cor JESU sacrificium ex omnibus
Patri cœlesti gratissimum. c. 11.
n. 1. & seq.

SS. Cor JESU intimè condolet stragi
SS. MM. Innocentûm. c. 12. n. 5.

SS. Cor JESU in templo præsens omni-
um corda considerat. c. 14. n. 3.

SS. Cor JESU iram in misericordiam
commutat. c. 15. n. 1.

SS. Cor JESU simile tenebrosæ nubi
in largum imbrem se diffundenti.
c. 15. n. 2.

SS. Cor JESU in expectando & puni-
endo valde longanime. c. 15. n. 8.
& seq.

SS. Cor JESU Sol super bonos & ma-
los oriens. c. 16. n. 1.

SS. Cor JESU fons misericordiæ, om-
nibus Christi membris misericor-
diam communicat. c. 16. n. 2.

SS. Cor JESU vena clementiæ. c. 16. n. 2.

SS. Cor JESU durissimum cor Samari-
tanæ emollit & convertit. c. 16. n. 3.

SS. Cor JESU porta omnibus patens,
qui volunt per eam intrare ad vi-
tam. c. 18. n. 6.

SS. Cor JESU porta refugii Davidi &
aliis poenitentibus. c. 18. n. 7.

SS. Cor JESU pro una anima tantum
passum

- passum est, quantum pro omnibus. c. 19. n. 2.
- SS. Cor Jesu plus amat animam, quam Jacob suam Rachelem, Samson suam Dalilam, & David suam Michol. c. 19. n. 3.
- SS. Cor Jesu afflictissimum cur in horto & non in cruce ab Angelo confortatum? c. 19. n. 5.
- SS. Cor Jesu canalis ovium, & crux virga decorticata Jacob. c. 20. n. 1.
- SS. Cor Jesu quale & quam immensum pretium dederit pro anima? c. 19. n. 6.
- SS. Cor Jesu cur cor altum? c. 20. n. 2.
- SS. Cor Jesu cur in cruce apertum? c. 20. n. 2.
- SS. Cor Jesu cur à nobis requirit cor alatum & duabus pennis instructum? c. 21. n. 2.
- SS. Cor Jesu simile soli, qui pertransit benefaciendo omnibus. c. 24. n. 1.
- SS. Cor Jesu primum altare in novo testamento, in quo prima missa celebrata. c. 24. n. 4.
- SS. Cor Jesu in SS. Eucharistia etiamnum positum est in signum, cui à multis contradicitur. c. 29. n. 6.
- SS. Cor Jesu quare in coena ultima adeò contristatum fuit? c. 27. n. 1.
- SS. Cor Jesu cur sicut botrus in torculari crucis expressum? c. 28. n. 2.
- SS. Cor Jesu thesaurus omnium maximus. c. 29. n. 1. & seq.
- SS. Cor Jesu cur dicitur apertum, & non perfossum, transfixum, perforatum & transverberatum à lancea? c. 29. n. 5.
- SS. Cor Jesu est unum illud necessarium, ad quod intentionem suam Christiani dirigant. c. 30. n. 2.
- SS. Cor Jesu in oliveto cur adeò afflictum? Variæ de hac re figuræ. c. 31. n. 4.
- SS. Cor Jesu refugium herinaciis & peccatoribus. c. 18. n. 7.
- SS. Cor Jesu verum solsequium. c. 32. n. 2.
- SS. Cor Jesu cum voluntate Patris semper conjunctissimum. Variæ figuræ. c. 32. n. 4.
- SS. Cor Jesu velut nubes in salutes pluvias se in oliveto effundit. c. 32. n. 1.
- SS. Cor Jesu inter duos lapides molares positum & pressum in monte Olivario. c. 33. n. 2.
- SS. Cor Jesu afflictum in horto cum uva & rosa comparatur. c. 33. n. 6.
- SS. Cor Jesu ex denudatione suum tormentum habuit. c. 35. n. 4.
- SS. Cor Jesu spinis cinctum, verè victima coronata. c. 36. n. 1.
- SS. Cor Jesu victima totius mundi c. 38. n. 4.
- SS. Cor Jesu nullo modo vindictam, sed misericordiam inclamat. c. 39. n. 3. & seq.

Index rerum memorabilium.

- SS. Cor JESU ex omnibus mansuetissimum & cur? c. 39. n. 5.
- SS. Cor JESU piis solatium maximum & impiis terror erit in judicio. c. 49. n. 1. seq.
- SS. Cor JESU fons in medio paradisi, rigans omnem terram. c. 40. n. 1. & seq.
- SS. Cordis JESU omnis actio fuit Theandrica, & quid hoc? c. 41. n. 2.
- SS. Cor JESU insolitum splendorem de se effundit. c. 41. n. 4.
- SS. Cor JESU cum monte Calvariæ comparatur, cur? c. 41. n. 5.
- SS. Cor JESU pacem universalem mundo reddit. c. 42. n. 1.
- SS. Cor JESU quomodo & qualiter à Longino lanceâ fuerit perfoßum? c. 42. n. 3.
- SS. Cor JESU securissimum animarum tabernaculum. c. 43. n. 2.
- SS. Cor JESU centrū amoris. c. 44. n. 1.
- SS. Cor JESU quomodo bis vulneratum? c. 44. n. 2.
- SS. Cor JESU magnes amoris. c. 45. n. 1. & c.
- SS. Cor JESU lavacrum regenerationis. c. 46. n. 1. & seq.
- SS. Cor JESU fons signatus & purificans. c. 46. n. 4.
- SS. Cor JESU favus distillans. c. 46. n. 5.
- SS. Cor JESU mare gratiarum. c. 46. n. 6.
- SS. Cor JESU Juvenem à Religione profugum ad frugem reducit. c. 46. n. 7.
- SS. Cordis JESU latitudo & longitudo, sublimitas & profundum c. 46. n. 6.
- SS. Cor JESU sauciam animam à sordibus purificans. c. 46. n. 7.
- SS. Cor JESU infirmorū salus & quies piè morientium. c. 47. n. 1. & seq.
- SS. Cor JESU in monte præ vehementia dolorum crepuit. c. 47. n. 3.
- SS. Cor JESU fossa humus à facie timoris Domini. c. 47. n. 3.
- SS. Cor JESU spes summa animarum purgantium. c. 48. n. 1. & seq.
- SS. Cor JESU vera piscina probatica. c. 48. n. 5.
- SS. Cor JESU totum coelum illustrat. c. 50. n. 2. (n. 5.)
- SS. Cor JESU torrens voluptatis. c. 50.
- SS. Cor JESU fluvijs aquæ vitæ. c. 50. n. 5.
- SS. Cor JESU mel ex petra. c. 50. n. 6.
- SS. Cor JESU beatitudinis centrum. c. 50. n. 6.
- Cor Patris defuncti fit meta sagittis filiorum & cur? c. 44. n. 6.
- Cor nostrū SS. Cordi JESU offerendū ex integro & non ex parte tantū, ut patet ex variis figuris. c. 45. n. 5.
- Cor Sacerdotis ad pedes Crucifixi Romæ invenitur. c. 28. n. 8.
- Cor divitis in arca pecuniarum inventum. c. 29. n. 2.
- Cor Martyrum in tormentis gaudio, & SS. Cor JESU moestitiâ repletum, cur? c. 31. n. 5. & seq.

Cor

Index rerum memorabilium.

Cor B. Claræ non crucem duntaxat sed & spineam coronam in se gestavit. c. 36. n. 2.

Cor mundum requirit DEus in templo, ubi variæ figuræ. c. 14. n. 6.

Cor S. Ignatii M. & Ep. solum intactū manet in martyrio. cur? c. 2. n. 7.

Cor V. Catharinæ Raconisæ à Christo sæpius mundatur: c. 3. n. 2.

Cor B. Claræ totam Christi passionis supellectilem in se cōclufit. c. 5. n. 3.

Cor Martyris Anonymi, Volvandi ex Ord. Præd. & S. Fautini crucem perpetuò in se gestavit. c. 5. n. 3.

Coronæ spineæ variæ figuræ & exempla. c. 36. n. 4. & seq.

Cor contritū semper Deum placavit, ut patet in variis figuris. c. 22. n. 5.

Cor mundum esse debet, quod Deum ac Dominum suum in SS. Eucharistia suscipit, ubi plures figuræ. c. 25. n. 1. & seq.

Cordis humani exacta descriptio in dedicatione ad Serenissimum.

Crucifixus auream coronam impostam rejicit, & spineam ultrò sibi imponit. cur? c. 36. n. 7.

Crucifixus Mediator inter cælum & terram. c. 38. n. 2. & seq.

Crux duplex Christo imposita & cur? c. 37. n. 1.

Crux lectulus Christi & animarū sanctarum semper floridus. c. 37. n. 2.

Crux cur à SS. Corde Jesu pro redemptione mūdi electa? c. 38. n. 1. & seq.

Crux post lapsum Adami jam tunc à Christo notata fuit. cur? c. 38. n. 2.

Cygnus antequam comedit, se lavat, typus Cōmunicantium. c. 25. n. 2.

D.

David puer cum leonibus & ursis dimicans, typus Christi & quomodo? c. 5. n. 5.

David SS. Cor Jesu desideravit videre non ut puteum sed ut fontem, cur? c. 6. n. 6.

David Sauli dormienti inimico parcens pulchra figura Christi. c. 16. n. 6.

David cur pennas habere optaverit? c. 21. n. 1.

Davide orante, cur Angelus mox gladiū reclusit in vaginam? c. 22. n. 4.

Davidis cura ingens de Templo ædificando. c. 25. n. 4.

David cur citharam in mediis angustiis pulsaverit? c. 32. n. 3.

David à Semei provocatus, cur non reciproco igne vindictæ succensus? c. 34. n. 4.

David moriens adhuc memor acceptæ ab hostibus injuriæ. c. 39. n. 4.

David cur columbinas & non corvinas pennas petierit? c. 43. n. 1.

David licet mansuetus sed & justus Vindex. c. 49. n. 2.

David cur ad montem Oliveti in angustiis & persecutionibus confugit? c. 32. n. 1.

David

David conqueritur de corde arido,
& cur? c. 17. n. 1.

Denudatio Christi in flagellatione &
cruce per varias figuras adumbrata. c. 34. n. 4.

Denudatio SS. Cordi Jesu quàm
maximè pænosa fuit. c. 35. n. 4.

Deus finis noster unicus & ultimus.
c. 30. n. 7. (n. 8.)

Desiderium Cordis Jesu quale? c. 35.

Diabolus Monacho alapam infligit
& cur? c. 4. n. 8.

Dismas latro quare tam citò canoni-
zatus? c. 40. n. 7.

Divites quomodo possunt salvari &
per foramen acūs intrare in cœ-
lum? c. 47. n. 4.

Dolor non minimus SS. Cordis Jesu
fuit per novem mēses in utero Ma-
tris Virginæ recludi. cur? c. 5. n. 2.

Dux bonus in prælio sibi aliquas co-
pias pro complemento victoriæ
reservans, typus Christi & quo-
modo? c. 43. n. 6.

E.

S. Edmundus Ep. osculans SS. Cor
Jesu Crucifixi expirat. c. 28. n. 8.

Elisæus filium Sunamitidis ad vitam
revocans typus Christi. c. 6. n. 1.

Elisæus latrones pane reficiens figura
Christi Eucharistici. c. 23. n. 7.

Elias quomodo ad se traxerit cor Eli-
sæi agricolæ? c. 45. n. 2.

Eliezer ad fontem lassus sedens typus
Christi. c. 17. n. 1.

S. Elzearius sub missâ totam Christi
passionem renovatam vidit. c. 24.
n. 5.

Emblemata varia de corde contrito
& poenitente. c. 22. n. 2. & passim
alibi.

Epulo dives nunc miserrimus in in-
ferno cur tantum unicam aquæ
guttam petierit? c. 50. n. 8.

S. Epictetus Sacerdos cor suum peni-
tens in omnibus tormentis cum SS.
Corde Jesu conformat. c. 32. n. 6.

Esther mirè ornata, priusquàm ad
Regem ingressa. cur? c. 25. n. 5.

Ethai quomodo Davidem in omni
tribulatione secutus? c. 45. n. 2.

Eva de latere Adami dormientis cur
creata? c. 46. n. 2.

SS. Eucharistia per varias figuras ad-
umbrata. c. 23. n. 2.

SS. Eucharistiæ institutio summus a-
mor SS. Cordis Jesu & cur? c. 23.
n. 3. & seq.

SS. Eucharistia per favum mellis in
ore occisi leonis à Samsonè inven-
tum, adumbrata. c. 23. n. 7.

SS. Eucharistia cor mundum requi-
rit. c. 24. n. 1. & seq.

SS. Eucharistia quomodo frequen-
tanda? c. 25. n. 8. & 9.

SS. Eucharistiæ varia symbola. c. 25.
n. 8.

SS. Eucharistia in qua fornace parata?
c. 24. n. 4.

SS. Eu-

Index rerum memorabilium.

SS. Eucharista cur à Christo vespere instituta? c. 24. n. 2.

SS. Eucharistia cur sub specibus panis & vini instituta? c. 24. n. 5.

SS. Eucharistia immensi amoris **SS.** Cordis JEsu in nos argumentum. c. 26. n. 2.

SS. Eucharistia cultu latriæ cur à fidelibus colenda? c. 26. n. 2.

SS. Eucharistiæ effectus mirandus in corde S. Catharinæ Sen. & Ursulæ Benincasæ. c. 25. n. 9.

SS. Eucharistia à pluribus jumentis cognita & adorata. c. 26. n. 8.

SS. Eucharistia cor S. Bonaventuræ mirabiliter intravit. c. 26. n. 9.

Eunuchus Reginæ Candacis quomodo ex consideratione Agni Divini conversus? c. 11. n. 9.

S. Euphemia V. Nativitatem JEsu pio affectu recolens, miro beneficio donatur. c. 6. n. 8.

Ezechias ægrotans, quàm mirabiliter & cur fuerit sanatus? c. 6. n. 5.

F.

Favus mellis in ore leonis occisi quid significet? c. 46. n. 5.

Ferculū Salomonis in medio charitate constratum **SS.** Cor JEsu. c. 2. n. 4.

Ferdinandus 2. Imp. quomodo in re turbulentissima insperatum à **SS.** Corde JEsu Crucifixi auxilium obtinuerit? c. 45. n. 6.

Filius prodigus quomodo typus hæreticorum? c. 26. n. 5.

Finis ad quem intentio cordis nostri referenda, est **SS.** Cor JEsu. c. 30. n. 7.

Flagellatio Christi quomodo & qualiter facta sit? c. 35. n. 6.

Flagellationis Christi variæ figuræ. c. 35. n. 7.

Flagellatio Christi horrendum spectaculum, mundo, Angelis, hominibus. c. 35. n. 9.

Fons in medio paradisi **SS.** Cor JEsu. c. 40. n. 1.

Fons variè cum **SS.** Corde JEsu assimilatus. c. 40. n. 2. & seq.

Fons Aquilæ Austriacæ. c. 40. n. 5.

Fons Crucifixi in Beritho. c. 40. n. 8.

Fons Siloë typus **SS.** Cordis JEsu. c. 17. n. 3.

Fontes varii medicinales. c. 17. n. 4.

Fons saluberrimus **SS.** Cor JEsu. c. 17. n. 5.

Fons ex attactu **SS.** Eucharistiæ medicinalis. c. 17. n. 6.

Formica typus Verbi Incarnati & quomodo? c. 4. n. 6.

SS. Francisci Salesii & Xaverii pietas erga **SS.** Cor JEsu. c. 50. n. 8.

Fugere ad instar leporis cur Christus voluit? c. 12. n. 2.

Funiculus coccineus Rahab quid? c. 48. n. 7.

G.

Gaudium singulare Angelorum est **SS.** Cor JEsu in cœlo. c. 50. n. 2.

G g g

Gem-

Index rerum memorabilium.

Gemma adamas in SS. Corde intinctus, quid sibi velit? c. 16. n. 7.

Gallinæ cor pullos vivaciores reddit. c. 20. n. 7.

S. Gertrudi cur Christus in forma Pelicani apparuerit? c. 24. n. 5.

Gladii duo cur in ultima coena? c. 27. n. 4.

Gloria summa SS. Cordis JESU crux fuit & quomodo? c. 7. n. 4.

Gloria Sanctorum Omnium SS. Cor JESU in cœlo est. c. 50. n. 1. & seq.

Godefridus Dux Bullonius & alii cur spinis voluerūt coronari? c. 36. n. 7.

H.

Hoedus tenellus cur olim non poterat in lacte matris coqui? c. 12. n. 2.

Heliotropium typus SS. Cordis JESU & quomodo? c. 32. n. 2.

Homo cur oculos in capite & non in pedibus jubetur habere? c. 20. n. 3.

Horti diversi infelices. c. 31. n. 1. & seq.

Hortum cur SS. Cor JESU pro sua passione elegit? c. 31. n. 3.

Hortus cur tantam tristitiam SS. Cordi JESU causaverit? c. 31. n. 3. & seq.

Hostia pacifica Davidis tempore peccatis Deum iratum placans typus SS. Cordis JESU. c. 11. n. 6.

Humilitas SS. Cordis JESU. c. 7. n. 6.

I.

Jacob & David pastores typus Christi boni Pastoris. c. 19. n. 1. & seq.

Jehu quare cor à Jonadab postulaverit? c. 42. n. 6.

Jephtias quomodo in voluntatem Dei fuerit resignata? c. 34. n. 4.

JESUS sanguinem sudans, quomodo pulset ostium cordis tui? c. 33. n. 2.

JESUS moriens inclinato capite, Cor suum monstravit, ut aperiretur. c. 47. n. 2.

Ignis sacer in aquam crassam mutatus reaccenditur, quomodo? & cur? c. 2. n. 3.

Ignitum thronum cur Deus toties voluit eligere? c. 2. n. 1.

Ignis in altari cur ab Angelo non potuit commensurari? c. 39. n. 7.

Incarnatio Verbi quomodo facta? c. 4. n. 2.

Inflammatum Cor JESU cur voluit apparere? c. 2. n. 2.

Incus typus Christi flagellati. c. 35. n. 1.

Intentionis puræ varia symbola. c. 30. n. 3.

Innocentes MM. cur Deus permisit occidi? c. 12. n. 7.

Joanna de Cespedes agonizans unam sanguinis guttam de SS. Corde JESU impetrat. c. 47. n. 6.

Joannes Baptista Faventius à SS. Corde JESU faucio confortatur. c. 43. n. 7.

S. Joannes Ap. supra SS. Cor JESU deliquium passus est. c. 23. n. 9.

S. Joannes à SS. Corde omnes gratiarum thesauros haurit. c. 17. n. 5.

S. Jo-

Index rerum memorabilium.

- S. Joannes in amore Dei & proximi excellens. c. 21. n. 7.
- P. Joannes Cardin. S. J. victima amoris & proximi? c. 21. n. 8.
- Jonas cur in mare turbulentum projectus? c. 34. n. 3.
- Job in quali nidulo mori desideraverit? c. 47. n. 1.
- Jonathas optimus sagittarius. c. 30. n. 1.
- Jonathas se expolians vestimentis, typus JEsu. c. 44. n. 7.
- Jordanis cur ad adventum arcæ adeò timuit, & conversus est retrorsum, & non ad præsentiam JEsu? c. 16. n. 4.
- Josepha à Patre ad fratres missus, typus JEsu. c. 7. n. 5.
- Joseph exprobrans fratribus perfidiam typus Christi Judicis. c. 49. n. 5.
- S. Joseph cur à Christo in Nutritum electus? c. 13. n. 6.
- Joseph ab Arimathæa cur Sindone munda Corpus JEsu involvit, illudque cum aromatibus sepelivit? c. 25. n. 7.
- Joseph ab Arimathæa cur tam audacter ad Pilatum introivit, & Corpus JEsu petiit? c. 27. n. 8.
- Joseph quomodo omnia in voluntatem divinam resignavit? c. 34. n. 4.
- Isaac moribundus cur pro Esau nullam benedictionem habuit? c. 23. n. 8.
- Israëlitæ tempore belli ad Davidem in cavernis montium latentem confugiunt, cur? c. 43. n. 4.
- Judæi cur in jejunio à Deo non fuerunt exauditi? c. 34. n. 3.
- Judæi quomodo in coronatione JEsu sicut apes in spinis? c. 36. n. 3.
- Judicis Christi varia symbola. c. 49. n. 3.
- Judex Christus in qua forma judicabit? c. 49. n. 4.
- Judas cur à Christo amicus & Petrus Satanas appellatus fuerit? c. 19. n. 4.
- S. Jutta SS. ex Corde JEsu optionem obtinet, quidquid placeat eligendi. c. 41. n. 7.
- L.
- Lacedæmones quomodo ex filiis suis optimos sagittarios effecerint? c. 30. n. 1.
- Lacrymæ in Christo signum immensi amoris. c. 30. n. 7.
- Lavacrum regenerationis SS. Cor JEsu & cur? c. 46. n. 1. & seq.
- Lepusculus fugiens typus Christi Infantis & quomodo? c. 12. n. 1. & c.
- Librum cur Christus nullum in hac vita conscripserit? c. 1. n. 1. & seq.
- Liber Ezechielis amarus & dulcis? quomodo? c. 1. n. 1. & c.
- Liber scriptus intus & foris SS. Cor JEsu. c. 1. n. 2.
- Liber optimus medicorum est corpus humanū anatomizatum. c. 1. n. 3.
- G g g 2
- Liber

Liber S. Pauli Ap. S. Philippi Benitii
C. & S. Bonaventuræ D. fuit Chri-
stus Crucifixus. c. 1. n. 4.

Liber optimus Laicorum est SS. Cor
Jesu. c. 1. n. 5. & seq.

Liber universalis & Pastoribus &
Concionatoribus, & Religiosis ac
sæcularibus est SS. Cor Jesu. c. 1.
n. 7. 8. 9.

S. Lucianus M. & Ep. super altare cor-
dis sui missam celebrat. c. 24. n. 4.

S. Lutgardis per SS. Cor Jesu osten-
sum mox ad vitam meliorem re-
vocatur. c. 41. n. 7.

Lylius puer mirabiliter Romæ pacem
inter cives reconciliat. c. 11. n. 7.

M.

B. Magdalena de pazzis cor habuit,
aureis litteris insignitum: *Verbum
Caro factum est.* &c. c. 5. n. 5.

SS. Magi per tres amicos Jobi defi-
gnati, & quomodo? c. 10. n. 6.

SS. Magi primi ex gentilibus Chri-
stiani, forte exemplum nobis præ-
bent SS. Cor Jesu colendi & ad-
orandi. c. 10. n. 7.

Magnes cordium humanorum SS.
Cor Jesu. c. 45. n. 1. & seq.

Magnetica virtus etiã naves clavis fer-
reis cõpactas ad se trahit. c. 45. n. 3.

Malum punicũ seu granatum est SS.
Cor Jesu & quomodo? c. 29. n. 3.

Marcus Aquilius pectus vulneratum
exhibens Romanos Judices in su-
am sententiam flectit. c. 45. n. 4.

Margarita pretiosa in agro abscondi-
ta SS. Cor Jesu. c. 29. n. 8.

Maria Maldonata agonizans, & fitim
extremam patiens à SS. Corde Jesu
recenti haustu reficitur. c. 45. n. 6.

Marius Imp. proprio quem fecit, gla-
dio occiditur. c. 34. n. 1.

SS. Martyrum exemplar SS. Cor Jesu
faucium. c. 38. n. 6.

Meditandi modum docet Centurio
stans ad crucem Jesu. c. 20. n. 4.

Medium efficax impetrandi aliquid à
Deo est SS. Cor Jesu. c. 41. n. 3.

S. Mechtildis in SS. Corde Jesu omne
bonum & pignus futuræ gloriæ
invenit. c. 42. n. 7.

Misericordia SS. Cordis Jesu super-
exaltat judicium. c. 15. n. 4. & seq.

Misericordiam & non vindictam in-
clamat SS. Cor Jesu, de quo mira
historia. c. 39. n. 6.

Misericordia & Veritas, Justitia & Pax
quomodo in SS. Corde Jesu sibi
invicem obviaverint? c. 42. n. 4.

Manlius ad mortẽ damnatus, pectus
faucium publicè ostendit. c. 49. n. 6.

Moyse infans in scirpea fiscella ex-
positus, typus Christi nati. c. 7. n. 1.

Moyse infans aurum & diadema
contemnens figura Christi. c. 10.
n. 4.

Moyse cur duas pretiosas decalogi
tabulas confregit? c. 21. n. 4.

Moyse cor mansuetissimum habuit.
c. 39. n. 5.

Moyse

Index rerum memorabilium.

Moyſes in caverna petræ gloriā Dei videt, cur? c. 47. n. 3.

Mundus comparatur cum paraclytico & quare? c. 4. n. 1.

Myrrha cur à Chriſto præ auro electa? c. 10. n. 2. & ſeq.

N.

Naboth eliminatus ex urbe, typus Chriſti. c. 37. n. 4.

Nabuchodonosor Rex pueros ſine macula eligit. cur? c. 25. n. 5.

Nativitas Chriſti quomodo ſit facta? c. 6. n. 3.

Nativitas Chriſti, cur prius paſtoribus quàm Regibus inſinuata? c. 6. n. 7.

Nidulus & quies animæ eſt SS. Cor Jeſu. c. 47. n. 1.

Noëmica columba pacis Symbolum. c. 42. n. 1.

Novitius quomodo ſpinas comederit? c. 36. n. 5.

Novitius alius per SS. Cor Jeſu ab interitu ſervatus. c. 41. n. 6.

Nubecula Eliæ typus S. Cordis Jeſu. c. 6. n. 7.

Nubes Eliæ in pluviam effuſa figura SS. Cordis Jeſu in Oliveto. c. 33. n. 1.

Nulla mera ſunt omnia in mundo, quidquid extra SS. Cor Jeſu quaeritur. c. 30. n. 3.

O.

Obedientiam etiam inſenſatæ creaturæ Deo exhibent. c. 13. n. 3.

Obedientiæ exemplar perfectiſſimum SS. Cor Jeſu. c. 13. n. 4.

Obedientia ardua militum. c. 13. n. 7.

S. Oreſtes crucem in pectore portans, cur? c. 38. n. 6.

Oſtium laterale in Arca Noë typus SS. Cordis Jeſu. c. 18. n. 1.

Oſtium amici illius de nocte clauſum, ſed non oſtium SS. Cordis Jeſu. c. 47. n. 5.

Ovi immolandæ cur pellis cum lana detracta? c. 35. n. 2.

Oza cur ſubitaneâ morte ad attactum arcæ punitus? c. 27. n. 2.

P.

Palumbes in foraminibus petræ & caverna maceriæ, cur? c. 43. n. 1.

Panis Chriſto in ligno quomodo miſſus? c. 24. n. 3.

Paſſer profugus in pectore Xenochratis refugiū invenit. c. 43. n. 3.

S. Paulus Apoſtolus cor manſuetum habuit. c. 39. n. 5.

Peccatores ad SS. Cor Jeſu redeant. c. 41. n. 1. & ſeq.

Peccator converſus ad aſpectum Chriſti lacrymantis. c. 37. n. 6.

Peccator reus eſt Sanguinis Chriſti in Oliveto profuſi. c. 33. n. 6.

Peccatum onus graviffimum SS. Cordi Jeſu impoſitum. c. 33. n. 3.

Perdix clypeo ſe contre milvum defendens typus animæ tentatæ. c. 9. n. 7.

Peregrini anonymi cor ad radices crucis diſrumpitur. c. 47. n. 6.

Index rerum memorabilum.

- Petra Mosaica in latere percussa typus SS. Cordis Jesu. c. 29. n. 6.
- S. Petrus cur se in mari ad adventum Christi tunica præcinxit. c. 27. n. 10.
- S. Petrus cur adeò à Christo in horto increpatus propter gladiũ. c. 34. n. 1.
- S. Petrus cur tria tabernacula in mōte Thabor voluerit ædificare? c. 43. n. 2.
- Petra sequens populũ per desertum typus SS. Cordis Jesu. c. 26. n. 3.
- Phares & Zaram cur pro primogenitura adeò decertarunt? c. 4. n. 7.
- Philomela contra bufonem quomodo se defendere soleat? c. 43. n. 5.
- Pictor prius umbra pingit, dein ad vivos transit colores. c. 23. n. 1. & in proloquio.
- Pictura pia Alexandri Farnesii Card. c. 49. n. 7.
- Pignus futuræ gloriæ S. Mechtildi præbetur SS. Cor Jesu. c. 50. n. 7.
- Pilatus qualem sententiam tulerit in Christum flagellandum. c. 35. n. 5.
- Piscinæ probaticæ descriptio, & quid adumbravit? c. 48. n. 5.
- Primogenita cur olim Deo oblata? c. 11. n. 1.
- S. Policarpus quomodo in omnibus volũtati Dei se resignaverit? c. 34. n. 4.
- Pontifex Maximus cur crucem in pede & Imp. in capite gerat? c. 38. n. 4.
- Porta cœli, quam Jacob cum scala vidit, typus SS. Cordis Jesu. c. 18. n. 4.
- Porta olivæ & porta aurea in templo figura SS. Cordis Jesu. c. 18. n. 6.
- Præsentia realis & physica Christi in SS. Eucharistia. c. 26. n. 6.
- Propitiatorium nostrum SS. Cor Jesu. c. 2. n. 6.
- Puteus Machabæorum, in quo sacer ignis latebat, typus SS. Cordis Jesu c. 17. n. 2.
- Purgatorium ex S. Scriptura probatur. c. 48. n. 1.
- Purgantes animæ per SS. Cor Jesu liberatæ. c. 48. n. 2.
- Puritas cordis ad SS. Eucharistiam recipiendam, ex variis figuris adstruitur. c. 25. n. 1. & seq.
- Q.
- Quies & centrum animarum sanctarũ est SS. Cor Jesu. c. 44. n. 1. & seq.
- R.
- Rachel cur in partu perierit? c. 34. n. 3.
- Raphaël Urbinas uno die fit pictor celeberrimus & quomodo? c. 20. n. 5.
- Rationale Aaronis typus SS. Cordis Jesu. c. 50. n. 7.
- Rhamnus cur Rex arborum electus? c. 36. n. 2.
- Rex quomodo Christus in utero Matris coronatus? c. 5. n. 4.
- Regnum Christi quomodo in cruce. c. 7. n. 3.
- Robertus Bellarminus S. R. E. Card. quàm piè mortuus? c. 47. n. 6.
- Rubus ardens SS. Cor Jesu præsignavit, cur? & quomodo? c. 36. n. 2.
- Ruth imitanda in auditione missæ. c. 24. n. 8.
- S. Sa-

Index rerum memorabilium.

S

Sacerdotes Tabernaculum Dei ingredientes, cur se priùs lavabant? c. 24. n. 3.

Sacrificia qualia à gentilibus olim erant oblata? c. 45. n. 5.

Sacrificium vespertinū quid? c. 24. n. 2.

Sarificium cordis à probis requirit Deus. c. 22. n. 1.

Sacrificii altaris dignitas. c. 24. n. 6.

Sacramenta omnia ex SS. Corde Jesu promanarunt. c. 29. n. 6. & seq.

Sagittarii quinam optimi? c. 44. n. 3. &c.

Sagitta salutis Domini quænam fit? c. 44. n. 5.

Sagittandum SS. Cor Jesu & quomodo? c. 44. n. 4.

Sanctius Garzias ex vulnere laterali matris natus. c. 46. n. 3.

Salomon cur infantem vivum dividi præcepit? c. 12. n. 6.

Sangius incēdium extinguit. c. 48. n. 4.

Sanguis Jesu ab animabus purgantibus primariò requiritur. c. 48. n. 7.

Sanguineus sudor pluvia saluberrima. c. 34. n. 5.

Sanguis Jesu meliùs loquitur, quàm Abelis & aliorum. c. 39. n. 3.

Sanguis victimarum cur olim Deum placavit? c. 39. n. 1.

Sanguis Uriæ cur non vindictam clamavit? c. 22. n. 3. & seq.

Saul quare à Deo reiectus? c. 34. n. 3.

Speculum triplex SS. Cor Jesu. cur? c. 3. n. 1.

Speculum ante fores tabernaculi. cur? c. 3. n. 2.

Speculū S. Catharinæ Senensis. c. 3. n. 2.

Speculum Caroli V. Imp. c. 3. n. 3.

Speculum S. Rosaliæ V. c. 3. n. 3.

Speculum Tigridis. c. 3. n. 5.

Speculum Hippolyti. c. 3. n. 6.

Speculum basilisci. c. 3. n. 7.

Signum prædestinationis SS. Cor Jesu amare. c. 30. n. 6.

Spelunca refugium Davidi, Prophetis & aliis. c. 43. n. 4. & seq.

Sodalis fugiens ad SS. Vulnere Jesu vincit in agone. c. 43. n. 5.

Sol manè rubens & vespere pluens SS. Cor Jesu. c. 8. n. 1.

Sponsi cor quomodo in uno oculo à Sponsa vulneratum? c. 44. n. 2.

Sponsa petit, ut à Corde Jesu exaltato in cruce attrahatur. c. 45. n. 2.

Stratho non infeliciter solem orientem in occidente quæsit. c. 8. n. 2.

Status omnes ad SS. Cor Jesu invitantur. c. 41. n. 8.

S. Symphorianus M. quomodo in agone confortatus. c. 37. n. 8.

T.

Templum Dei quàm multis sceleribus nunc solet impleri? c. 14. n. 7.

Terra cur post mortem Jesu ad eò fuerit concussa? c. 41. n. 2.

Thesaurus optimus SS. Cor Jesu. c. 29. n. 1.

Theo-

Index rerum memorabilium.

- Theodorus adolescens ex aspectu Christi in oliveto Sanguinem sudantis mirabiliter convertitur. c. 31. n. 6.
- Tiberius Imp. sup. cruce magnum thesaurum invenit. c. 29. n. 4.
- Tobias in carcere typus Christi & quomodo? c. 5. n. 1.
- Tobias semper resignatus in voluntatem Dei. c. 41. n. 5.
- S. Thomas in SS. Corde Jesu in vitam novam renatus. c. 41. n. 1.
- Tribulationes cordis nostri ad Deum nos ire compellunt. c. 15. n. 3.
- Thuribulum aureum SS. Cor Jesu. c. 2. n. 5.
- Thymiana suavissimum SS. Cor Jesu. c. 2. n. 5.
- Vashti spernens convivium Assueri figura Synagogæ. c. 26. n. 4.
- Vellus Gedeonis quomodo B. Virgo? c. 4. n. 1.
- Vermis in corde Juvenis inventus, quid sibi velit? c. 22. n. 7.
- Vermi SS. Cor Jesu diversimodè comparatur. c. 7. n. 7.
- Victimæ coronatæ olim Deo erant oblata? c. 36. n. 1.
- Virga Moysis aquas omnes in sanguinem mutat. c. 33. n. 4.
- Virga Corylacea explorat fontes & thesauros. c. 29. n. 7.
- Virgæ variegatæ Jacob quid? c. 20. n. 1.
- B. Virginis cor semper in voluntatem Dei resignatum. c. 32. n. 4.
- B. Virgo aurora solem Christum parituriens. c. 6. n. 2.
- B. Virginis uterum cur Christus non abhorrui? c. 4. n. 3.
- Virgines 5. fatuæ cur è cœlo fuerunt exclusæ? c. 21. n. 6.
- Voluntas Dei in omnibus sequenda. c. 32. n. 4.
- Voluntatis propriæ varia symbola. c. 34. n. 2.
- Voluntatis propriæ diversæ Sacræ figuræ. c. 34. n. 3. & seq.
- Voluntas propria Phariseorum non meretur signum. c. 34. n. 3.
- Voluntatis divinæ miranda historia. c. 32. n. 6.
- Urias omnibus mortalibus imitandus, & cur? c. 7. n. 8.
- Uva à pincerna super calicem expressa, typus SS. Cordis Jesu. c. 28. n. 4.
- Uva itidem à Jacob filiis prædicta. c. 28. n. 5.
- Uva expressa timidos elephantés ad pugnam acuit. c. 28. n. 6.
- Z.
- Zelus ingens SS. Cordis Jesu in prophanatores templi. c. 14. n. 1.
- Zelus Dei ob arcam prophanatam. c. 14. n. 2.
- Zelus Phinees à Deo commendatur. c. 14. n. 3.

F I N I S.

